




հոգի

ՉՄԻԱԾԻՆ

920

1100 635





Ի Ը
Տ Ա Ր Ի



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Յոնիս - Յուլիս

1971




Հ Ր Ա Մ Ա Ն Ա Ի

Տ. Տ. Վ Ա Ջ Գ Ե Ն Ի Ա Ռ Ա Ջ Ն Ո Յ

ՎԵՀԱՓԱՌ ԵՒ ՍՐՔԱԶՆԱԳՈՅՆ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ



**ԱՄԵՆԱՅՆ ՀԱՅՈՑ ՎԵՀԱՓՈՒ ՀԱՅՐԱՊԵՏԻ
ՑԱՎԱԿՑԱԿԱՆ ՀԵՌԱԳԻՐԸ ՍՍՀՄ ՄԻՆԻՍՏՐՆԵՐԻ
ՍՈՎԵՏԻ ՆԱԽԱԳԱՀ Ա. Ն. ԿՈՍԻԳԻՆԻՆ՝ ՍՈՎԵՏԱԿԱՆ
ԵՐԵՔ ՏԻԵԶԵՐԱԳՆԱՑՆԵՐԻ ԶՈՀՎԵԼՈՒ ՏԵՈՒՐ ԱՌԻԹՈՎ**

Մոսկվա

Համայն մարդկության հիացմունքի առարկա եղող սովետական երեք աստղանավորդներ՝ Գ. Տ. Դոբրովոլսկի, Վ. Ն. Վոլկով, Վ. Ի. Պացան, իրենց հույակապ առաքելությունը ի կատար ածելուց հետո, մեկնեցին մեր աշխարհից դեպի հավիտենականություն ինչպես առասպելական հերոսներ:

Հավերժական լույս և փառք նրանց հիշատակին և նրանց սխրագործության:


Փառք սովետական մարդուն և գիտության:

Հանուն հայ առաքելական եկեղեցու ընդունեցեք Մեր ամենախորազաց ցավակցությունը:

Վ Ա Ջ Գ Ե Ն Ա
ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

1-ը հուլիսի 1971 թ.,
Ա. Լջմիաժին





**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿԸ
ԿԱԼԿԱԹԱՅԻ ՀԱՅՈՑ ՄԱՐԿԱՍԻՐԱԿԱՆ ԾԵՄԱՐԱՆԻ
150-ԱՄՅԱԿԻ ԱՌԹԻՎ**

ՎԱԶԳԷՆ ԾԱՌԱՅ ՅԻՍՈՒՍԻ ՔՐԻՍՏՈՍԻ, ՈՂՈՐՄՈՒԹԵԱՄԲՆ
ԱՍՏՈՒԾՈՅ ԵՒ ԿԱՄՕՔՆ ԱԶԳԻՍ, ԵՊԻՍԿՈՊՈՍԱՊԵՏ ԵՒ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ, ԾԱՅՐԱԳՈՅՆ ՊԱՏՐԻԱՐԲ
ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՒՅ ԱՅՐԱՐԱՏԵԱՆ
ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ
ԷԶՄԻԱԾՆԻ

ՔՐԻՍՏՈՍԱՒԱՆԳ ՍԻՐՈՅ ՈՂԶՈ՞ՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
ԿԱԹՈՂԻԿՈՍԻՆ ՄԵԾԻ ՏԱՆՆ ԿԻԼԻԿԻՈՅ Տ. Տ. ԽՈՐԵՆԱՅ ԱՌԱԶՆՈՅ,
ՊԱՏՐԻԱՐԲԻՆ ՀԱՅՈՑ ՍՐԲՈՅ ԵՐՈՒՍԱՂԷՄԻ Տ. ԵՂԻՇԷԻ ԱՐՔԵՊԻՍԿՈՊՈՍԻՆ,
ՊԱՏՐԻԱՐԲԻՆ ՀԱՅՈՑ ԿՈՍՏԱՆԴՆՈՒՊՈԼՍՈՅ Տ. ՇՆՈՐՀՔԱՅ ԱՐՔԵՊԻՍԿՈՊՈՍԻՆ,
ՀԱՄՕՐԷՆ ԱՐՔԵՊԻՍԿՈՊՈՍԱՅ, ԵՊԻՍԿՈՊՈՍԱՅ, ՎԱՐԳԱՊԵՏԱՅ,
ՔԱՀԱՆԱՅԻՅ ԵՒ ՍԱՐԿԱԽԱԳԱՅ, ԹԵՄԱԿԱՆ ԵՐԵՍՓՈՒՍԱՆԱԿԱՆ ԺՈՂՈՎՈՅ,
ԹԵՄԱԿԱՆ ԵՒ ԹԱՂԱԿԱՆ ԽՈՐՀՐԳՈՅ ԵՒ ՊԱՇՏՕՆԷԻՅ ԵՒ ՍԻՐԵՅԵԱԼ
ՀԱՄԱՅՆ ՀԱՒԱՏԱՅԵԱԼ ԺՈՂՈՎՐԴԵԱՆ ՀԱՅՈՑ

Մեր ազգի պատմութեան մտայլ շրջաններում, հայրենի հողից հեռու, հիւրընկալ ասիերի վրայ, յաճախ կեանքի են կոչուել ու կազմակերպուել հայ համայնքներ: Հիմնուել են եկեղեցիներ, դպրոցներ ու տպարաններ, հրատարակուել են պարբերաթերթեր, կրօնական ու գեղարուեստական գրքեր, և

նույնիսկ սկիզբ են առել շարժումներ ի խնդիր մայր երկրի՝ Հայաստանի ազատագրման:

Այդպիսի կենտրոններ են հանդիսացել Հնդկաստանի հայ գաղութները ի Մադրաս, ի Պոմպեյ և մանաանդ ի Կալկաթա, 17-րդ դարուց սկսեալ, Նոր Զուղայից տեղափոխուած հայ ընտանիքներից:

Արարատեան դաշտի մեր հարազատ ժողովուրդը ծնունդ է տուել պարսկահայ պատուական գաղութին, և Նոր Զուղան՝ նույնքան պատուական հրնդկահայ գաղութին: Եւ ինչպէս պարսկահայք, այնպէս էլ հնդկահայք, աւելի քան երկու հարիւր տարիներ, իրենց արտերում իբրև սրբութիւն սրբոց պահել-պահպանել են պաշտամունքը մեր նախնեաց լոյս հաւատքի, պաշտամունքը մեր մայրենի լեզուի, պաշտամունքը հայ հայրենիքի:

Նրանք, նոյն սրբութեամբ, իրենց արտերում ամուր պահպանել են նաև պաշտամունքը աստուածակերտ սուրբ Էջմիածնի, միակ գերագոյն կենտրոնը հայոց քրիստոնէական հաւատքի:

Այսպէս է, որ 1695 թուին, նոր ջուղայեցիք կառուցել են առաջին հայկական եկեղեցին հնդկական հողի վրայ՝ Չինտուրայում, և ապա 1724 թուին Կալկաթայում՝ Աղա Նազարէթի բարերարութեամբ: Եւ մի քանի տասնամեակներ, փոքր դպրանոցներ ունենալուց յետոյ, 1821 թուին նրանք Կալկաթայում հիմնել են Մարդասիրական հայկական ճեմարանը, ջուղայեցի Աստուածատուր Մուրադխանեանի կտակով, որ կեանքի է կոչուել ջուղայեցի Մնացական Սմբատ Վարդանեանի անխնջ ջանքերով: Այնուհետև մէկուկէս դար շարունակ, այդ կրթական հաստատութիւնը ողջ հայութեան համար հանդիսացել է մի լուսատու փարոս, ոգեշնչելով բազում սերունդների հոգիները՝ սուրբ Աւետարանի լոյսով, հայ լեզուի ու գրականութեան արժէքներով և հայոց մայր հայրենիքի փրկութեան տեսիլքով:

Այս յրեւիճական հանդիսատուր պահին, արժանի են յիշատակութեան բազմերախտ բոլոր այն կրթական մշակներն ու գործիչները, որոնք անասման սիրով, նուիրումով ու անասան հաւատքով դէպի հայոց սպազան, պանծացրել են անունը Մարդասիրական ճեմարանի, ինչպիսիք եղել են անցեալ դարի ընթացքում՝ Յարութիւն Գալուստեանը, Յովհաննէս Յարութիւնեանը, Յովհաննէս Աւտալեանցը, Թադէոս Տէր-Ստեփանեանը, Մկրտիչ Էմինը, Մեսրոպ Թադիադեանցը, Յովսէփ քահանայ Ստեփանեանը, Թադէոս Խաչիկ Աւետումը, Արաթուն Թադէոս Օուէնը, Գէորգ վարդապետ Թորեանը, Մեսրոպ Սէթը և շատ ուրիշները:

Սրբոյ Հօրն մերոյ Գրիգորի Լուսաւորչի գահից և վերածնուած Մայր Հայաստանից, Մենք՝ կաթողիկոս Ամենայն Հայոց, ողջունում ենք և օրհնում հարիւր յիսուն տարիների պատմութիւնն ու վաստակը Կալկաթայի հայոց Մարդասիրական ճեմարանի, սրտաբոլս մաղթանքով, որ նաև մեր օրերում, նա շարունակի իր կրթական-մշակութային հայաշունչ առաքելութիւնը ի փառս հայ անուան:

Այսօր, Մեր ողջոյնը և օրհնութիւնն ենք յղում Կալկաթայի եկեղեցական


վարչութեանը, ճեմարանի հոգաբարձութեանը, տեսչութեանը և դասախօսական կազմին, մաղթելով նրանց բոլորին անապատ եռանդ ու նուիրում, ընթացալու համար նախնեաց լուսաշող ճանապարհով:

Կալկաթայի հայոց Մարդասիրական ճեմարանի հարիւրյիսունամեայ յոբելեանի առթիւ, այսու Մեր կոնդակա հրատէր ենք կարդում, որ ստաշիկայ հոկտեմբեր ամսուայ ընթացքում, Հայաստանեայց բոլոր եկեղեցիներում կատարուն հոգեհանգստեան հանդիսատր արարողութիւններ ի յիշատակ ճեմարանի հիմնադիրների, բարերարների և կրթական-ազգային գործիչների:

Պատուէր ենք տալիս նաև մեր եկեղեցու հոգևոր սպասարներին, որ կենդանի խօսքով և հրատարակութիւններով վեր հանեն պատմական, կրթական ու ազգային նշանակութիւնը և կատարած դերը Մարդասիրական ճեմարանի:

Թող Աստուած յաւէտ օգնական ու մարտակից մնայ մեր սուրբ եկեղեցուն և մեր ժողովրդին, որ ի Հայաստան և որ ի սփիւռս աշխարհի:

Ընդորհք Տեառն մերոյ Յիսուսի Քրիստոսի ընդ ամենեսին ձեզ. ամէն:



**ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**

Տուա կոնդակա ի 14-ն յունիսի
1971 փրկչական ամի,
և ի տումարիս հայոց ՌԵԻ,
ի մայրավանս սրբոյ Լշտիածնի
ՀՄՐ. 706





**ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿՆ
ԱՄԵՐԻԿԱՅԻ ՄԻԱՑՅԱԼ ՆԱՀԱՆԳԱՑ ԹՐՈՅ ՔԱՂԱՔԻ
ՀԱՅՈՑ Ս. ՊԵՏՐՈՍ ԵԿԵՂԵՑՈՒ ՕԾՄԱՆ ԱՌԻԹՈՎ**

ՎԱԶԳԷՆ ԾԱՌԱՅ ՅԻՍՈՒՍԻ ՔՐԻՍՏՈՍԻ, ՈՂՈՐՄՈՒԹԵԱՄԲՆ
ԱՍՏՈՒԾՈՅ ԵՒ ԿԱՄՕՔՆ ԱԶԳԻՍ, ԵՊԻՍԿՈՊՈՍԱՊԵՏ ԵՒ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ, ԾԱՅՐԱԳՈՅՆ ՊԱՏՐԻԱՐՔ
ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՅ ԱՅՐԱՐԱՏԵԱՆ
ԱՌԱՔԵԼԱԿԱՆ ՄԱՅՐ ԵԿԵՂԵՑՈՒՅ ՍՐԲՈՅ ԿԱԹՈՒՂԻԿԷ
ԷԶՄԻԱԾՆԻ

ՔՐԻՍՏՈՍԱԽԱՆԴ ՄԻՐՈՅ ՈՂԶՈՐՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
ԱՄԵՐԻԿԱՅԻ ՄԻԱՑՅԱԼ ՆԱՀԱՆԳԱՑ ԹՐՈՅ ՔԱՂԱՔԻ ՍՈՒՐԲ ՊԵՏՐՈՍ
ԵԿԵՂԵՑՈՒՅ ՀՈԳԵՒՈՐ ՀՈՎԻՒՆ, ԾԽԱԿԱՆ ԽՈՐՀՈՒՐԴԻՆ,
ԵԿԵՂԵՑՈՒՅ ՇԻՆՈՒԹԵԱՆ ՅԱՆԶՆԱԽՈՒՄԲԻՆ, ԵԿԵՂԵՑԱԿԱՆ-
ԿՐԹԱԿԱՆ ՄԻՈՒԹԵԱՆՑ ԱՆԴԱՄՆԵՐՈՒՆ ԵՒ ՀԱՄԱՅՆ ՄԵՐ
ՍԻՐԵՑԵԱԼ ՀԱԽԱՏԱՑԵԱԼ ԺՈՂՈՎՈՒՐԴԻՆ

Աստուծոյ ողորմութեամբ և սուրբ Էջմիածնի օրհնութեամբ Միացեալ
Նահանգաց Թրոյ քաղաքին մէջ՝ անցեալ դարու վերջերուն կազմակերպուած
ձեր կրօնական համայնքը ունեցաւ իր սեփական առաջին փոքրիկ եկեղեցին
1911-ին, օծուած 1916-ին ձեռամբ տ. Տիրայր և Տրիփոն վարդապետներու և
ապա 1927-ին մեծ եկեղեցին՝ օծուած ձեռամբ տ. Տիրայր արքեպիսկոպոսի:

Թրոյի ամերիկեան հիւրընկալ հողի վրայ, հայ հաւատացեալները, տաս-
նամեակներ շարունակ, համախմբուած իրենց աղօթքի Տունին կամարներուն
ներքև՝ սպրեցան ու աճեցան, իրենց հոգիներուն մէջ վառ պահելով նախ-
նեաց լոյս հաւատքը, աւանդութիւնները և հայրենաբաղձ զգացումները:

Այժմ Մեզի համար մեծ ուրախութիւն է հաստատել որ դուք, նյսօրուան
ծխական խորհուրդդ և հոգևոր հովիտդ, ձեր անխուճ ջանքերով և հաւատաց-
եալ ժողովուրդի աւատաձեռն օժանդակութեամբ, յաջողեցաք ձեր համայնքը

օժտել նորակառույց շքեղ եկեղեցական շէնքով մը, որ յետ այսու իր սուրբ Անդանէն երկնային լուս, շնորհք և մխիթարութիւն պիտի բաշխէ ձեզի ամենուդ:

Աստուածասէր համայնքիդ նորակառույց սուրբ Պետրոս եկեղեցոյ հանդիսատր օժտան առիթով, որ տեղի կ'ունենայ 19 սեպտեմբեր 1971-ին, Մենք՝ կաթողիկոս Ամենայն Հայոց, խոր հրճուանքով՝ հայրական սիրոյ Մեր ողջոյնը և օրհնութիւնը կ'ողարկենք տիրախնամ թեմիդ սուսջնորդ գեր. տ. Թորգոմ արքեպիսկոպոսին, համայնքիդ բարեջան հոգևոր հովիւ տ. Կարէն քին. Կտանեանին, ծխական խորհուրդի յարգարժան անդամներուն, ինչպէս և տիկնանց, երիտասարդաց միութեանց ու կիրակնօրեայ և հայ դպրոցներու խնամակալութեան և դպրաց դասու կրօնասէր անդամներուն, և համայն հաստացեալ մեր ժողովուրդին, աղօթքով սրտաբոխ որ Տէրը անսասան և յաւէտ շէն ու պայծառ պահպանէ ձեր եկեղեցին և ձեր աստուածասէր համայնքը, Միացեալ Նահանգաց քրիստոսասէր ժողովուրդի ծոցին մէջ:

«Թագաւոր երկնատր զեկեղեցի Քո անշարժ պահեա, և երկրպագուս անուանդ Քոմ արքոց պահեա ի խաղաղութեան»։ ամէն:

Կարէն Կտանեան

**ԾԱՅՐԱԳՈՏՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**

Տուա կոնդակս ի 16-ն լունիսի
1971 փրկչական ամի,
և ի տումարիս հայոց ՌԲԻ,
ի մայրաՎանս սրբոյ Էջմիածնի
ՀՄՔ. 707





**ԱՄԵՆԱՅՆ ՀԱՅՈՅ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿՆՆ
ԱՄԵՐԻԿԱՅԻ ՄԻԱՑՅԱԼ ՆԱՀԱՆԳԱՅ ՀԱՅՈՅ ԵԿԵՂԵՑՈՒ
ԵՐԻՏԱՍԱՐԴԱՅ ԿԱԶՄԱԿԵՐՊՈՒԹՅԱՆ 25-ԱՄՅԱԿԻ
ԱՌԻԹՈՎ**

ՎԱԶԳԷՆ ԾԱՌԱՅ ՅԻՍՈՒՍԻ ՔՐԻՍՏՈՍԻ, ՈՂՈՐՄՈՒԹԵԱՄԲՆ
ԱՍՏՈՒԾՈՅ ԵՒ ԿԱՄՕՔՆ ԱԶԳԻՍ, ԵՊԻՍԿՈՊՈՍԱՊԵՏ ԵՒ
ԿԱԹՈՂԻԿՈՍ ԱՄԵՆԱՅՆ ՀԱՅՈՅ, ԾԱՅՐԱԳՈՅՆ ՊԱՏՐԻԱՐԿ
ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՅ ԱՅՐԱՐԱՏԵԱՆ
ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ
ԷԶՄԻԱԾՆԻ

ՔՐԻՍՏՈՍԱԻՍՆԻՍՏԻՍՈՒՄԻ ՈՂԶՈՐՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ
ԱՄԵՐԻԿԱՅԻ ՄԻԱՑՅԱԼ ՆԱՀԱՆԳԱՅ, ՀԱՅԱՍՏԱՆԵԱՅՑ ԵԿԵՂԵՑԻՈՅ
ԵՐԻՏԱՍԱՐԴԱՅ ԿԱԶՄԱԿԵՐՊՈՒԹՅԱՆ ՂԵԿԱՎԱՐ ՄԱՐՄԻՆՆԵՐՈՒՆ
ԵՒ ԲՈԼՈՐ ԱՆԳԱՄՆԵՐՈՒՆ

Աստուծոյ ողորմութեամբ, քսաննհինգ տարիներու ձեր կեանքն ու գործունէութիւնը՝ հոգևոր-բարոյական բարձունք մը հանդիսացաւ ամերիկահայոց պատմութեան մէջ, արժանի Մեր գնահատանքին և օրհնութեան:

Ձեր կազմակերպութիւնը, թեմակալ առաջնորդներու և հոգևոր հովիւներու հայրական ղեկավարութեան ներքև քստորդ դար շարունակ, ամերիկահայ երիտասարդութեան սրտին մէջ աշխատեցաւ վառ պահել Քրիստոսի Աւետարանի յոյսը, այնպէս հարազատ ու այնպէս պայծառ ինչպէս ան ճտապարթեց մեր նախնեաց սրտերուն մէջ, սերունդէ սերունդ, և պատմութեանը մէջ մեր ազգին:

Հայ ժողովուրդի քրիստոնէութիւնը, ոգեկան ուրոյն և վաւերական փորձառութիւններէն մին կը հանդիսանայ քրիստոնէայ աշխարհին մէջ: Անկի բան տաանկեղ դարեր, հայ ժողովուրդն ու եկեղեցին, ժամանակներու յարա-

շարժ պայմաններու և յաճախ ահարկու փոթորիկներու ընդմէջէն անցնելով, անաղարտ ու անփոփոխ պահպանած են ս. Թաղէոս և ս. Բարթողիմէոս առաքելներէն, սուրբ Գրիգոր Լուսաւորիչէն և մեր եկեղեցոյ երանելի սուրբերէն իրենց կտակաւ: Կրօնական հաստիքէն և մեր եկեղեցոյ երանելի սուրբերէն իրենց կտակաւ: Կրօնական հաստիքէն, դասանակէն և բարոյական ու մշակութային արժէքները: Այս բոլորը, այսօր մեզի ամենու համար, կը հանդիսանա ոգեկան անկորնչելի ազգային ժառանգութիւն մը, որ ոչ միայն քրիստոնէական ոգեկանութեան յուսատր կոթող մըն է պատմութեան բեմին վրայ, և ոչ միայն կը բնորոշէ հայ ժողովուրդի հոգեկան դիմագծութիւնը և անոր առաքելութիւնը անցեալի մէջ, այլ այդ ժառանգութիւնը կը մնայ նաև մեր օրերուն և գալիք բոլոր ժամանակներուն համար, ամենալատերական վէմը մեր հոգևոր-բարոյական կեանքին և ամենակենսատու աղբիւրը նոր, ստեղծարար իրագործումներու:

Այդ ժառանգութիւնը գերագոյն գրասական է մեր ազգային ներկայ ու ապագայ գոյատևման ու առաքելութեան: Այդ ժառանգութեամբ է որ մեր ժողովուրդը իր ուխտը կնքած է երկնքի հետ, յաիտենականութեան հետ:

Աշխարհի ու ժողովուրդներու պատմական զարգացման ընթացքին, շատ գաղափարներ, կեանքի ձևեր ու տարազներ, կը յաջորդեն իրարու, բնորոշելով տուեալ ժամանակաշրջանը, սակայն կան ոգեկան արժէքներ որոնք յաիտենական են և անփոփոխ ու ամէն ժամանակաշրջան, այնքան արժէք կը ներկայացնէ պատմութեան հորիզոնին վրայ, ինչքան կը կարողանայ, նոր համադրումով և նոր ճառագայթումով, այժմէականացնել յաիտենականը:

Եւ ամէն ժամանակաշրջան, կամ ամէն ժողովուրդ չէ որ կը յաջողի այդ կատարին հասնիլ: Երբեմն ժամանակը կ'անցնի անբովանդակ ու աղքատ, երբեմն նոյնիսկ այլատերումի հասնելու ստոհճան: Այդ կը պատահի ոգեկան սովի ժամանակաշրջաններուն, երբ մարդիկ նորոյթը կը շփոթեն յառաջիմութեան հետ, շատախօսութիւնը, գիտութեան հետ, անկարգութիւնը՝ յեղափոխութեան հետ:

Մեր պարտականութիւնն է պատուէր տալ ձեզի, սիրելի երիտասարդներ, բոլոր ձեր սիրտն ու միտքը բանաբ յաիտենական ճշմարտութիւններուն և մնայուն արժէքներուն, որոնց աղբիւրներն են՝ Քրիստոսի Աւետարանը, մեր սուրբ եկեղեցոյ ժառանգութիւնը և մեր ժողովուրդի ազգային մշակոյթի գանձարանը:

Քրիստոս՝ տեսական յեղափոխութիւնն է մարդու կեանքին ու պատմութեան:

Հայաստանեայց առաքելական եկեղեցին վէմն է մեր քրիստոնէական հաւատքին իր աստուածակառոյց կեդրոն՝ սուրբ Էջմիածնով:

Հայ ժողովուրդի մշակութային ժառանգութիւնը խորապէս ու պայծառապէս քրիստոնէական է, ազգային ու համամարդկային միաժամանակ:

Ահա այս հիմքերու վրայ ամուր ու անասան կանգնած աշխարհին դիմաց, հայ քրիստոնէայ երիտասարդը ճակատաբաց պէտք է ապրի մեր օրերու կեանքը, իր բնական երկրի արդիական պայմաններուն մէջ, առանց հեռու կամ մեկուսացած մնալու մեր ժամանակները յուզող կացութիւններէն ու հարցերէն, զանոնք հասկնալով ու դատելով և անոնց հանդէպ գործօն կերպով իր վերաբերումը ճշտելով, յաիտենական արժէքներու լոյսին ներքև:

«Սիրելիք, ոչ էթէ նոր ինչ պատուիրան գրեմ ձեզ, այլ զհին պատուիրանն զոր ի սկզբանէ ունէիք, և հին պատուիրան՝ բանն է զոր լուարուք: Դարձեալ նոր պատուիրան գրեմ ձեզ՝ որ է ճշմարտի ի նմա և ի ձեզ, զի խաւարն անցանէ, և լոյսն ճշմարիտ արդէն իսկ երևի» (Ա Յովն. Բ 7—8):

Այսօր. ձեր կազմակերպության կեանքի աչս հանդիսատր հանգրուանին, Մենք՝ ձեր Հայրապետը և ձեր հոգևոր Հայրը, սուրբ Էջմիածնէն, անհուն սիրով ու կարօտով, ձեր բարեջան առաջնորդ գեր. տ. Թորգոմ արքեպիսկոպոսի միջնորդութեամբ, ձեզի բոլորիդ կը բերենք Մեր ողջոյնը և օրհնութիւնը, հայցելով ձեզի՝ օգնականութիւնը Աստուծոյ և շնորհները սուրբ Հոգւոյն, որպէսզի՝ քաջատողջ ապրիք և զօրանաք հոգւով ու մարմնով, որպէսզի ձեր կեանքը վարէք ու գործէք՝ ձեր հայեացքները սկեռած յափտեանական ճշմարտութիւններուն և արժէքներուն, որպէսզի մնաք արժանաւոր գաւակները ձեր հայրերուն, միշտ ամուր կանգնած հայ ազգին ոգեկանութեան բարձունքներուն վրայ:

Դուք մեր ուրախութիւնն էք, դուք մեր լոյսն էք, դուք մեր ապագան էք, դուք մեր պարծանքն էք:


«Ունկնդիր լերուք առաջնորդաց ձերոց, և հպատակ կացէք նոցա, զի նոցա տքնին վասն ոգւոց ձերոց՝ որպէս թէ համարս տալոց իցեն ընդ ձեր» (Եբր. ԺԳ. 17). ամէն:

Արամ Բեկ

**ԾԱՅԻՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ**

Տուա կոնդակս ի 17-ն յունիսի
1971 փրկչական ամի,
և ի տումարիս հայոց ՌՆԻ,
ի մայրավանս սրբոյ Էջմիածնի
ՀՄՐ. 708





**ՄՈՍԿՎԱՅԻ ԵՎ ՀԱՄԱՅՆ ՌՈՒՍԱՍՏԱՆԻ Ն. Ս. Տ. ՊԻՄԵՆ
ՆՈՐԸՆՏԻՐ ՊԱՏՐԻԱՐԷԻ ԸՆՏՐՈՒԹՅԱՆ ԵՎ
ԳԱՀԱԿԱԼՈՒԹՅԱՆ ՀԱՆԴԻՍՈՒԹՅՈՒՆՆԵՐԸ**

1970 թվականի ապրիլին վախճանվում էր Մոսկվայի և համայն Ռուսաստանի Ն. Ս. Տ. Ալեքսի Պատրիարքը: Հստ ուս եկեղեցու սահմանադրության, նոր պատրիարքի ընտրությունը կատարվում է ոչ վաղ, քան մեկ տարի անց հանգուցյալ պատրիարքի մահվանից:

Տ. Ալեքսի Սրբազան Պատրիարքի վախճանումից հետո տեղապահության պաշտոնը վարում էր ս. Սինոդի կողմից ընտրված Կրոտիցկի և Կոլոմենսկի տ. Պիմեն միաբույրիսը:

Ս. Սինոդի որոշումով նոր պատրիարքի ընտրությունը նշանակված էր 1971 թվականի հունիսի 3-ին:

Ռուս եկեղեցու այս մեծ իրադարձությանը Իր մասնակցությունը քերելու էր հրավիրված նաև Ամենայն Հայոց Վեհափառ Հայրապետը, որը ընդառաջելով քույր եկեղեցու արտագին հրավերին, բարեհաճում էր անձամբ գլխավորել հայ եկեղեցու պատգամավորությունը:

**ԱՄԵՆԱՅՆ ՀԱՅՈՑ ՎԵՀԱՓԱՌ
ՀԱՅՐԱՊԵՏԸ ՄՈՍԿՎԱՅՈՒՄ**

Հունիսի 1-ին, երկուշաբթի օրը, առավոտյան ժամը 8.30-ին, Վեհափառ Հայրապետը, Մայր տաճարում Իր սուրբքն անկոց հետո, ուղևորվում է Երևանի օդանավակայան:

Վեհափառ Հայրապետին ճանապարհում են Մայր Աթոռի միաբանությունն ու մայրավանքի պաշտոնակատարները:

Օդանավակայան՝ Հայոց Հայրապետին ճանապարհելու էին եկել նաև ՀՍՍՀ Միևհատրների սովետին առընթեր հայ եկեղեցու գործերի խորհրդի նախագահ Ս. Գասպարյանը և տեղակալ Ս. Հովհաննիսյանը:

Այս առթիվ Վեհափառ Հայրապետին ուղեկցում էին Ադրբեջանի թեմի առաջնորդ տ. Հուսիկ եպս. Սանթրոյանը, Ռուստովի հայոց հոգևոր հովիվ տ. Գրիգորիս աբեղա Բունիսյանը և Մայր Աթոռի դիվանապետ Հ. Առաքելյանը:

Մոսկվայի Դոմոդեովոյի օդանավակայանում, հանուն նուս պրավոսլավ եկեղեցու և ս. Սինոդի, Ամենայն Հայոց Հայրապետին դիմավորելու էին եկել Ռուստովի և Նովոչերկասկի թեմի առաջնորդ տ. Վլադիմիր արքեպիսկոպոսը, Նոր Նախիջևանի և Ռուսաստանի հայոց թեմի առաջնորդ տ. Պարզել եպս. Գևորգյանը, որը մտնում էր հայ եկեղեցու պատվիրակության կազմի մեջ, Մոսկվայի ուսուց հոգևոր ճեմարանի դասախոս տ. Իոհան Օրլով քահանան և Կարպիս սրկ. Գալստյանը:

Վեհափառ Հայրապետին դիմավորելու էր եկել նաև ՍՍՀՄ Միևհատրների սովետին առընթեր կրոնական գործերի խորհրդի նախագահի տեղակալ Պ. Մակարցևը:

Ամենայն Հայոց Հայրապետը հանդիսավորապես առաջնորդվում է Մոսկվայի «Ռուսիա» հյուրանոցը, ուր իջևանել էին նաև քույր եկեղեցիների հոգևոր պետերը և պատվիրակությունները, որոնց թվում՝ Ալեքսանդրիայի, Ռոմինիայի պատրիարքները, կարդինալ Ժ. Վիլլրանդսը, Կիպրո-

սի առաջնորդ Տ. Մակարիոս արքեպիսկոպոսը և ուրիշներ:

ՊԱՏՐԻԱՐԺԱԿԱՆ ԸՆՏՐՈՒԹՅՈՒՆ

Հունիսի 2-ին, չորեքշաբթի օրը, առավոտյան ժամը 10-ին, «Ռոսսիա» հյուրանոցից քույր եկեղեցիների հոգևոր պետերը և պատվիրակությունները, ավտոմեքենաների հանդիսավոր շքերթով, մեկնում են Ջագորսկ՝ Տրոյից-Սերգիևի վանքում մասնակցելու ոռոսաց պատրիարքի ընտրության ժողովին:

Ժամը 13.30-ին վանքի «Տրապեզնի» կոչված եկեղեցում գումարվում է ընտրական ժողովը:

Ժամը 13.45-ին ընտրությանը մասնակցող բոլոր ժողովականները՝ միտրոպոլիտներ, արքեպիսկոպոսներ, եպիսկոպոսներ, զգեստավորված, զանգերի դողանջների ներքո, հանդիսավոր թափորով մտնում են եկեղեցի և գրավում իրենց տեղերը, եկեղեցու մեջտեղում, իրարից բավականին հեռու, երկու շարքով, դեմ-դիմաց դրված սեղանների առջև:

Ընտրական ժողովը բացվում է Լենինգրադի և Նովգորոդի տ. Նիկողիմ միտրոպոլիտի ճառով, որի մեջ բացատրվում էր պատրիարքական ընտրության կերպը: Ապա սկսվում է քվեարկությունը: Ժողովի քարտուղար Տալլիևի և Էստոնիայի միտրոպոլիտ Ալեքսիև բարձրաձայն հայտարարում է «Կղեր և հոտ (թեմի անունը), ո՞ւմ եք ընտրում Մոսկվայի և համայն Ռուսաստանի պատրիարք»: Տեղից վեր են կենում 68 թեմերից յուրաքանչյուրից թվով երեք ներկայացուցիչներ՝ երկու հոգևոր և մեկ աշխարհական, որոնցից գլխավորը՝ թեմի առաջնորդը (միտրոպոլիտ, արքեպիսկոպոս կամ եպիսկոպոս), բարձրաձայն պատասխանում է. «Մենք կղեր և հոտ (թեմի անունը) ընտրում ենք Մոսկվայի և համայն Ռուսաստանի պատրիարք Կրուտիցկի և Կոլումենսկի տ. Պիմեն սրբազան միտրոպոլիտին»:

Քվեների հաշվառումից հետո տ. Նիկողիմ միտրոպոլիտը հանդիսավորապես հայտարարում է, թե ուս եկեղեցին և ժողովուրդը միաձայն քվեարկությամբ, աստվածային տնօրինությամբ և ս. Հոգու առաջնորդությամբ պատրիարք են ընտրել պատրիարքական տեղապահ տ. Պիմեն միտրոպոլիտին:

Ապա տ. Նիկողիմ միտրոպոլիտը բարձրաձայն ընթերցում է տ. Պիմեն միտրոպոլիտի պատրիարքական ընտրությունը հաստատող ս. Սիմոնի կոնդակը:

Եկեղեցու կամարների տակ հնչում են «Многое лето» («Ծառ տարիներ») և

«Աստված, զՔեզ փառավորեմք» գոհաբանական շարականները:

Պատրիարքական ընտրությունից հետո ժողովն անցնում է իր օրակարգի այլ խնդիրների քննարկմանը:

Խմբագրական հանձնաժողովի նախագահ Ուկրաինայի ս. Ֆիլարետ միտրոպոլիտը ժողովի քննարկմանն է ներկայացնում հետևյալ հարցերը.

Ջեկուցում ս. Սիմոնի անունից

ա) Ռուս պրավոսլավ եկեղեցու գործունեության և ուս հնաձես եկեղեցու ու նրա հետևորդների վրայից բանադրանքի վերացման մասին.

բ) Ժողովի կոչը՝ ուղղված ուս եկեղեցու հոգևորականությանը և աստվածաետ, հավատացյալ ժողովրդին.

գ) Ժողովի դիմումը ամբողջ աշխարհի քրիստոնյաներին՝ հանուն խաղաղության ամրապնդման:

Ժողովը միաձայն ու միական որոշումով վերացնում է ուսական հնաձես եկեղեցու և նրա հետևորդների վրայից 1656 և 1667 թվականներին դրված բանադրանքը:

Մյուս հարցերի մասին էլ ժողովն ընդունում է համապատասխան որոշումներ:

Այնուհետև փակման խոսքով հանդես է գալիս նորընտիր Պատրիարք Նորին Սըրբություն Տ. Պիմենը, շնորհակալություն հայտնում իր անձի հանդեպ ժողովի ցուցաբերած վստահության համար և խնդրում բոլորին՝ իրենց աղոթքները բարձրացնել առ Աստված, որպեսզի իր պատրիարքությունը լինի պողաբեր:

Ապա քույր եկեղեցիների պետերը և ներկայացուցիչները շնորհավորում են նորընտիր Պատրիարքին և ջերմորեն ողջագուրվում նրա հետ:

Ժամը 17-ին հյուրերը վերադառնում են Մոսկվա:

ԳԱՀԱԿԱԼՈՒԹՅԱՆ ՀԱՆԴԻՍՈՒԹՅՈՒՆ

Հուլիսի 3-ին, հինգշաբթի օրը, ժամը 10-ին, հյուրերը «Ռոսսիա» հյուրանոցից ուղեվորվում են Յելիստվսկի տաճարը, ուր կատարվելու էր նորընտիր Պատրիարքի զահակալության հանդիսությունը:

Ժամը 10.30-ին սկսվում է ս. պատարագի արարողությունը, որի ընթացքում 12 միտրոպոլիտներ և արքեպիսկոպոսներ, ձեռք դնելով նորընտիր Տ. Պիմեն Պատրիարքի գլխի վրա, կանոնականացնում են նրա ընտրությունը՝ որպես ուս պրավոսլավ եկեղեցու պատրիարքական Աթոռի զահակալի:

Հստ օրթոդոքս սովորության, համատեղ պատարագին մասնակցում էին Կուստանդնուպոլսի, Ալեքսանդրիայի, Երուսաղեմի, Անտիոքի, Հունաստանի, Վրաստանի, Ռու-

մինիայի հոգևոր պետերը և միտրոպոլիտներկայացուցիչները:

Ա պատարագի ավարտին տանարում շնորհավորական ուղերձներով հանդես են գալիս Կոստանդնուպոլս տիեզերական պատրիարքի ներկայացուցիչը, ռումին օրթոդոքս եկեղեցու Տ. Ժուստինիան սրբազան պատրիարքը, Ալեքսանդրիայի պատրիարքը, Անտիոքի պատրիարքի ներկայացուցիչը, վրաց պատրիարք-կաթողիկոս Եփրեմ Բ-ը և Հոռոմի Սրբազան Պապի ներկայացուցիչ կարդինալ Վիլլբրանդը, Տ. Մակարիոս արքեպիսկոպոսը, Եկեղեցիների համաշխարհային խորհրդի ընդհանուր քարտուղար Է. Ժ. Բելվեր:

ԱՄԵՆԱՅՆ ՀԱՅՈՑ ՎԵՀԱՓԱՌ
ՀԱՅՐԱՊԵՏԻ ՈՂՋՈՒՅՆԻ ԽՈՍՔԸ

Սույն հանդիսության ժամանակ Մոսկվայի և համայն Ռուսաստանի նորընտիր Սրբազան Պատրիարքին ողջունելով, Հայոց Հայրապետն ասում է.

Ռուսաց պրավոսլավ մեծ եկեղեցին, սուրբ Հոգով ներշնչված, միաձայն և միախորհուրդ, ընտրեց իր արժանավոր հովվապետին:

Նորընտիր երջանիկ Գահակալ՝ մեր սիրեցյալ եղբայր՝ Պիմենն է, Սրբազնագույն Պատրիարքը Մոսկվայի և համայն Ռուսիո: Ձերո Սրբություն,

Հանուն Հայաստանցյաց առաքելական եկեղեցու, մեր Մայր Աթոռ ս. Էջմիածնից բերում ենք Ձեզ սիրո ողջույնը մեր եկեղեցու և մեր ժողովրդի, ջերմ մաղթանքներով, որ երկար տարիներ քաջատողջ ապրեք ու ղեկավարեք ռուս պրավոսլավ եկեղեցին և հավատացյալ ժողովուրդը՝ հոգևոր բարձր հեղինակությամբ, խաղաղությամբ և փայլուն իրագործումներով:

Թող ամենակարողն Աստված լինի Ձեզի միշտ օգնական, թող ռուս քրիստոսասեր ժողովուրդը իր հոգու անմար լույսը Ձեզ ընծա բերի և թող ձեր մեծ եկեղեցու հոգևոր դասը սիրով ու հավատարմությամբ գորավի՛ց լինի Ձեզ, որպեսզի աշխարհի մեջ նոր Հաւազայթումով շողա ռուս հոգու սուրբ հավատը, քրիստոնեական եկեղեցիների տիեզերական ընտանիքում:

Մենք բոլորս այսօր ապրում ենք բախտորոշ մի ժամանակաշրջանում: Տագնապի մեջ են մարդիկ և ժողովուրդներ, ապագան անստույգ է և ծանր վտանգներով լեցուն:

Այսօր, ավելի քան երբևիցե պատմության մեջ, համայն մարդկության առջև ծառանում են ծանրակշիռ հարցեր, ինչպիսիք են՝ պատերազմական օջախների խափանման, ատոմական ռումբերի արգելման, պետու-

թյունների միջև խաղաղ գործակցության, ճնշված ազգությունների ազատագրման, ընկերային արդարության, ռասսայական խտրականության վերացման հրամայականները:

Քրիստոսով լուսավորված և սուրբ Հոգով ներշնչված՝ եկեղեցիները իրենց ուրույն և անփոխարինելի խոսքը և գործը պետք է ի սպաս դնեն մեր օրերի խոռվահույզ մարդկության կյանքը առաջնորդելու համար դեպի արդարություն, խաղաղություն և եղբայրություն:

Ահա պատմական այսպիսի մի ժամանակաշրջանում է, որ ռուս հավատացյալ ժողովուրդը և հոգևորականությունը Ձեզ կոչեցին գլխավորելու և առաջնորդելու ռուս պրավոսլավ սուրբ եկեղեցին:

Խաչը որ Ձեր ուսերի վրա է դրվում, ծանր է: Չմոռանանք սակայն, որ ամեն խաչի ճանապարհ փառքի ճանապարհ է: Ձեր ետեվում ունեք պայծառ օրհնակը երջանկահիշատակ Ալեքսի Պատրիարքի, որի ամբողջ կյանքը հերոսական մի նվիրում եղավ և նրա խաչի ճանապարհը պսակվեց քրիստոնեական և հայրենասիրական փառքով:

Մենք վստահ ենք, որ Ձեր հովվապետությունը, Ձեր առաքելությունը նույն ճանապարհով է ընթանալու՝ միշտ ավելի ու ավելի բաշխելու համար Ավետարանի լույսը ձեր ժողովրդին, ռուս աստվածասեր ժողովրդին, միշտ ավելի ու ավելի ամրապնդելու համար սիրո միությունը քրիստոնյա եկեղեցիների միջև, և միշտ ավելի ու ավելի բարձր ու վճռական հնչեցնելու համար ռուսաց եկեղեցու և ժողովրդի խղճի խոսքը՝ մեր օրերի մարդկության առաջ դրված ծանր հարցերի լուծման ի խնդիր, ավետարանական սիրո և խաղաղության ոգով:

Այս մտորմունքով և այս գիտակցությամբ, մենք, իբրև հայ եկեղեցի և ժողովուրդ, Ձեր կողքին ենք, միշտ Ձեզնից անբաժան, և միշտ Ձեզ հետ աղոթակից և մարտակից:


Հայ ժողովրդի և եկեղեցու անքակտելի միասնությունը ռուս եղբայրական ժողովրդի և եկեղեցու հետ, խարսխված է ավելի քան երկու հարյուր տարիների բարեկամության հաստատուն պատվանդանի վրա, պատվանդան, որ ինչպես անցյալում, այսօր էլ հանդիսանում է վերածնված Հայաստանի՝ ապրելու, գոյատևելու և ազատորեն զարգանալու պայմանը և գրավականը:

Ձերո Սրբություն,

Ընդունեցեք Մեր շնորհավորանքը, Մեր սերը, Մեր եղբայրական ողջագուրումը և հայ եկեղեցու ու ժողովրդի անկեղծ մաղթանքը, որ շատ ապրեք, երջանիկ հովվա-



ՄՈՍԿՎԱՅԻ ԵՎ ՀԱՄԱՅՆ ՌՈՒՍԱՍՏԱՆԻ ՆՈՐԻՆ ՍՐԲՈՒԹՅՈՒՆ Տ. ՊԻՄԵՆ ՆՈՐԸՆՏԻՐ
ՊԱՏՐԻԱՐԷԸ ԳԱՀԱԿԱՂՈՒԹՅԱՆ ՊԱՀԻՆ



Ճեմրի վանքում

պետությանը և լուսավոր հաջողություններով:

Թող հավետ կեցցե ու ծաղկի ոռու պրավոլալ սուրբ եկեղեցին և շարունակի իր փառավոր առաքելությունը իր ժողովրդի կյանքում և մեր օրերի աշխարհում:

«Այլ ինքն Աստուած եւ Հայր մեր եւ Տէր մեր Յիսուս Քրիստոս ուղղեացէ զճանապարհս մեր առ ձեզ: Եւ զձեզ ինքն Տէր բագմապատիկս եւ առաւելս արասցէ սիրով ընդ միմեանս եւ առ ամենեանն, որպէս եւ մէք ի ձեզ» (Ա. Թեաաղ. Գ 11—12): Ամեն:

Ժամը 15-ին «Ռուսիա» հյուրանոցի շքեղ դահլիճում տրվում է պաշտոնական ընդունելություն՝ ի պատիվ նորընտիր Պատրիարքի և հյուր հոգևոր պետերի: Ծաշկերույթի ընթացքում ողջույնի և շնորհավորանքի ուղերձներ են կատարվում և նվեր են տրվում նորընտիր Պատրիարքին: Այս առթիվ Հայոց Հայրապետը նվիրում է 700 գրամանոց ոսկեձուլ մի խաչ, գործ՝ Երևանի վարպետներիչների:

Հունիսի 4-ին, ուրբաթ օրը, ժամը 13-ին, Ամենայն Հայոց կաթողիկոսը հանդիպում է ունենում նորընտիր Պատրիարքի հետ, Մոսկվայի պատրիարքարանում: Հանդիպմանը ներկա էին հայ եկեղեցու պատվիրակության մյուս անդամները ևս:

Ռուս եկեղեցականներից հանդիպմանը ներկա էին տ. Նիկողիմ, տ. Ֆիլարետ և տ. Ալեքսեյ միտրոպոլիտները:

Հայոց Հայրապետը ջերմ մթնոլորտում մեկ անգամ ևս շնորհավորում է նորընտիր Պատրիարքին և ցանկանում նրան երկար տարիներ և բեղմնավոր գործունեություն:

Տ. Պիմեն նորընտիր Պատրիարքը սրտագին ու եղբայրական շնորհակարություն է հայտնում Հայոց Հայրապետին, որ բարեհաճել է անձամբ ներկա լինել այս ուրախառիթ հանդիսությանը:

Ժամը 15-ին «Ուկրաինա» հյուրանոցի շքեղ ճաշարանում, ի պատիվ նորընտիր Պատրիարքի, ՍՍՀՄ Մինիստրների սովետին առընթեր կրոնական գործերի խորհուրդը պաշտոնական ճաշկերույթ է տալիս, որին մասնակցում է նաև Վեհափառ Հայրապետը:

Ընդունելության ժամանակ Հայոց Հայրապետը ջերմ ճառով ողջունում է ՍՍՀՄ Մինիստրների սովետին առընթեր կրոնական գործերի խորհրդի նախագահ Վ. Կուրոյեդովին և բոլոր հրավիրյալներին:

Հունիսի 5-ին, շաբաթ օրը, Վեհափառ Հայրապետը, հրաժեշտ առնելով նորընտիր Պատրիարքից, ժամը 12-ին ուղևորվում է Դոմոդեդովի օդանավակայան՝ վերադառ-

նալու համար ս. Էջմիածին:

Ամենայն Հայոց կաթողիկոսին ճանապարհելու էին եկել Ուկրաինայի տ. Ֆիլարետ միտրոպոլիտը, Ռուստովի և Նովոչերկասկի առաջնորդ տ. Վլադիմիր արքեպիսկոպոսը, Նոր Նախիջևանի և Ռուսաստանի հայոց թեմի առաջնորդ տ. Պարզև եպս. Գևորգյանը:

Հայոց Հայրապետին ճանապարհելու էր եկել նաև ՍՍՀՄ Մինիստրների սովետին առընթեր կրոնական գործերի խորհրդի նախագահի տեղակալ Պ. Մակարցևը:

Հունիսի 5-ին, շաբաթ օրը, երեկոյան ժամը 18-ին, Վեհափառ Հայրապետը վերադառնում է Մայր Աթոռ:

* * *

Ն. Ս. Տ. Պիմեն նորընտիր Պատրիարքը ծնվել է 1910 թվականի հուլիսի 23-ին Մոսկվայի նահանգի Բոգորոդսկ (այժմ՝ Նոգինսկ) քաղաքում:

Նախնական կրթությունը ստացել է Տրոյից-Սերգիև Լավրայում: 1927 թվականին, 18 տարեկան հասակում, իրեն նվիրում է եկեղեցական ծառայության:

1930 թվականին ձեռնադրվում է սարկավագ, այսպ՝ կուսակրոն քահանա:

Այնուհետև երկար տարիներ նա թեղուն հոգևոր գործունեություն է ծավալում Ռուսաստանի մի շարք քաղաքների թեմերում և վանքերում՝ որպես վանահայր և առաջնորդ:

Երկար տարիներ վարում է Տրոյից-Սերգիև Լավրայի եկեղեցու լուսարարապետի պաշտոնը:

1957 թվականին ձեռնադրվում է եպիսկոպոս և նշանակվում Օդեսայի թեմի առաջնորդ:


1960 թվականին նշանակվում է ս. Սիմոնի մշտական անդամ և Մոսկվայի պատրիարքարանի գործերի վարիչ:

1961 թվականին նշանակվում է Լենինգրադի միտրոպոլիտ: 1963 թվականին՝ Կրուսիցկի և Կոլոմենսկի միտրոպոլիտ:

Երկար տարիներ եղել է աջ բազուկը երջանկահիշատակ Տ. Ալեքսի Սրբազան Պատրիարքի և որի մահից հետո ս. Սիմոնի կողմից ընտրվել պատրիարքական տեղապահ:

Նորընտիր Տ. Պիմեն Պատրիարքը բազմակողմանիորեն զարգացած, հայրենասեր, մեր ժամանակի կարևորագույն եկեղեցական դեմքերից մեկն է ոչ միայն ոռու պրավոլալ եկեղեցու: Նա խաղաղության ջերմ պաշտպան է և մեր ժամանակները հատկանշող Էկումենիկ շարժման անձնորդի կալվարներից մեկը:

ԳՐԻԳՈՐԻՍ ԱԲԵՂԱ ԲՈՒՆԻԱԹՅԱՆ



ՀԱՅԿԱԿԱՆ ՈՍԿԵԶՈՒՅԼ ԽԱՉ. ՎԵՀԱՓԱՌ ՀԱՅՐԱՊԵՏԻ ՆՎԵՐԸ ՄՈՍԿՎԱՅԻ
ԵՎ ՀԱՄԱՅՆ ՌՈՒՍԱՍՏԱՆԻ ՆՈՐԸՆՏԻՐ ՊԱՏՐԻԱՐԿԻՆ



ՀՈԳԵՎՈՐԱԿԱՆԱՑ ՀԱՄԱԳՈՒՄԱՐ
ՄԻԱՅՅԱԼ ՆԱՀԱՆԳՆԵՐԻ ՀԱՅՈՑ ԱՐԵՎԵԼՅԱՆ ԹԵՄԻ

Վեհափառ Հայրապետի բարեհաճ կարգադրությամբ և հրավերով Ամերիկայի Միացյալ Նահանգաց արևելյան թեմի առաջնորդ տ. Թորգոմ արքեպ. Մանուկյանի, այս տարվա հոգևորականաց համագումարին մասնակցելու համար Մայր Աթոռից մայիսի 6-ին Մոնրեալ են մեկնում Կիրովականի հայոց ս. Աստվածածին եկեղեցու հոգևոր հովիվ տ. Վազգեն քհն. Ղարակոչյանը և Թբիլիսիի հայոց ս. Գևորգ եկեղեցու հոգևոր հովիվ տ. Հովհաննես քհն. Դանիելյանը:

Հոգևորականաց տարեկան համագումարը այս տարի էլ տեղի է ունեցել ապրիլի 29—30-ին, Մոնրեալի հայոց ս. Գրիգոր Լուսավորիչ եկեղեցում:

Սակայն վիզաների ուշ ստացման պատճառով Մայր Աթոռի ներկայացուցիչ երկու քահանա հայրերը չեն կարողանում ներկա գտնվել հոգևորականաց տարեկան համագումարին:

Այնուամենայնիվ տ. Թորգոմ և տ. Վաչե սրբազանների կազմած ծրագրի համաձայն մեր քահանա հայրերը լինում են և՛ Կանադայի, և՛ Հյուսիսային Ամերիկայի արևելյան թեմի մի շարք քաղաքներում, որտեղ նրանք պատարագում են, Բանին կենաց քարոզությամբ մխիթարում հավատացյալներին՝ հաղորդելով Ամենայն Հայոց Հայրապետի ողջույններն ու օրհնությունները:

Տ. ՎԱԶԳԵՆ ՔՀՆ. ՂԱՐԱԿՈՉՅԱՆ

Մայիսի 16-ին պատարագում և քարոզում է Մոնրեալի հայոց ս. Գրիգոր Լուսավորիչ եկեղեցում՝ «Հաւատանք և միմիայն լընդ-

հանրական յառաքելական և ի սուրբ եկեղեցի» բնաբանով:

Նույն օրը, երեկոյան, տ. Վազգեն քահանան ս. Գրիգոր Լուսավորիչ եկեղեցու ներքնասրահում դասախոսում է «Հավատքը մայր հայրենիքում» թեմայի շուրջ:

Մայիսի 17-ին տ. Վազգեն քահանան ներկա է լինում Մոնրեալի ս. Գրիգոր Լուսավորիչ եկեղեցու ծխական խորհրդի հերթական ժողովին և, ողջունելով ժողովականներին, հորդորում է Վեհափառ Հայրապետի ողջույններն ու օրհնությունները:

Մայիսի 28-ին, Երկրորդ Ծաղկազարդի կիրակի օրը, Բոստոնի հայոց հոգևոր հովիվ տ. Բարգեն ավագ քհն. Մաքսուդյանի հրավերով տ. Վազգեն քահանան պատարագում և քարոզում է Բոստոնի հայոց ս. Երրորդություն եկեղեցում՝ «Արք Գալիլիացիք, զի՞ կայք հայեցեալք ընդ երկինս, այս Յիսուս որ վերացան ի ձեզ լերկինս, նոյնպէս եկեցցէ» բնաբանով:

Հետ միջօրեի ժամը 16-ին տեղի է ունենում եկեղեցուն առընթեր սրահում հայկական դպրոցի ամսվերջի հաղիսությունը, որտեղ տ. Վազգեն քահանան դասախոսում է «Հայերեն լեզուն Ամերիկայի պայմաններում պահպանելու աշխատանքների մասին» թեմայով:

Մայիսի 29-ին, շաբաթ օրը, տ. Վազգեն քահանան տ. Եղիշե ծ. վրդ. Կիզիրյանի և Նյու-Ճըրզիի ս. Ղևոնդ եկեղեցու հոգևոր հովիվ տ. Գառնիկ քհն. Հալլաճյանի ուղեկցությամբ այցելում է տեղի հայկական ծերանոցը և մխիթարանքի ջերմ խոսքեր ասում այնտեղ ապաստան գտած հալ պապիկներին ու տատիկներին:

Մայիսի 30. Հոգեգալուստ: Նյու-Յորքի հայոց ս. Վարդան Մայր տաճարում պատարագում և քարոզում է տ. Վազգեն քահանան՝ «Եթէ սուրբ Հոգին ընկալարուք ի հաւատալն» բնաբանով:

Հունիսի 2-ին տ. Վազգեն քահանան մեկնում է Սպիտակ-Ֆիլա, տեղի հոգևոր հովիվ տ. Ներսես քհն. Ճեպեճյանի ընկերակցությամբ, ուր ներկա է լինում ծխական խորհրդի կողմից տրված ճաշկերույթին և խոսք առնելով պատմում Մայր Աթոռ ս. Էջմիածնում Վեհափառ Հայրապետի օրոք կատարված հոգևոր, մշակութային, շինարարական աշխատանքների, ինչպես նաև Մայր հայրենիքի հոգևոր, մշակութային, տնտեսական վերազարթոնքի մասին:

Հունիսի 6-ին տ. Վազգեն քահանան, ընկերակցությամբ Հովհաննես սրկ. Գասպարյանի, այցելում է Թենիֆլայտի ս. Թովմաս եկեղեցին, ուր պատարագում և քարոզում է «Հաւատք քո կեցուցի գրեզ» բնաբանով:

S. ՀՈՎՀԱՆՆԵՍ ԲԷՆ. ԴԱՆԻԵԼՅԱՆ

Մայիսի 9-ին Տորոնտոյի հայոց հոգևոր հովիվ տ. Ժիրայր վրդ. Թաշճյանի հրավերով պատարագում է Տորոնտոյի ս. Երրորդություն եկեղեցում և քարոզում «Եկայք առ իս ամենայն վաստակեալք և բեռնատրք և ես հանգուցից գրեզ» բնաբանով:

Նույն օրը, հետ միջօրեի, եկեղեցու ներքնասրահում «Մայրերի օրվա» առթիվ կազմակերպված ճաշկերույթին ներկա է լինում տ. Հովհաննես քահանան, ուր խոսում է «Հայ տիպար կնոջ դերը անցյալում և ներկայում մեր ժողովրդի հոգևոր ու քարոջական դաստիարակության գործում» թեմայի շուրջ:

Մայիսի 11-ին տ. Հովհաննես քահանան ներկա է լինում Տորոնտոյի ծխական խորհրդի հերթական ժողովին, ուր խոսում է ծխական խորհուրդների դերի մասին հայ նոր սերնդի հայապահպանման կարևոր աշխատանքներում:

Մայիսի 12-ին տ. Հովհաննես քահանան Տորոնտոյի ս. Երրորդություն եկեղեցու ներքնասրահում դասախոսում է «Հայ կրոնական կյանքը Թբիլիսիում» թեմայով:

Մայիսի 23-ին, Երկրորդ Ծաղկազարդի օրը, տ. Հովհաննես քահանան Բոստոնի հայոց ս. Հակոբ եկեղեցում պատարագում և քարոզում է «Եւ ահաասիկ ես ընդ ձեզ եմ, զամենայն ատուրս մինչև ի կատարած աշխարհի» բնաբանով:

Մայիսի 30-ին, կիրակի օրը, Հոգեհանգստյան տոնին, Ռատրի հայոց հոգևոր հովիվ տ. Մյուռն ծ. վրդ. Կրճիկյանի հրավերով տ. Հովհաննես քահանան պատարագում է և քարոզում Ռատրի ս. Փրկիչ եկեղեցում՝ «Եւ ի կատարել ատուրցն պենտեկոստէից լցան ամենեքեան հոգով արբով» բնաբանով:

Հունիսի 6-ին տ. Հովհաննես քահանան պատարագում և քարոզում է Նյու-Յորքի հայոց ս. Վարդան Մայր տաճարում՝ «Մի երկնչիր, այլ միայն հաւատա» բնաբանով:


Նույն օրը, հետ միջօրեի, ս. Վարդան Մայր եկեղեցու Հայկ և Ալիս Գալմուքճյան սրահում տ. Հովհաննես քահանան դասախոսություն է կարդում «Քահանայի քարոջական և հովվական պաշտոնը» թեմայով:

S. Վազգեն քհն. Ղարակոչյանը և տ. Հովհաննես քհն. Դանիելյանը ս. պատարագներից հետո եկեղեցու սրահներում հանդիպումներ են ունենում նաև տեղի հայ համայնքների անդամների հետ, խոսում եկեղեցասիրության, Էջմիածնասիրության և հայրենասիրության մասին, պատասխանում իրենց տրված բազում հարցերին, վեր հանում Մայր Աթոռ ս. Էջմիածնի օրհնության ներքո սիրուրի պայմաններում հայ եկեղեցու և հայ հոգևորականության կատարած հայապահպանման շնորհակալ աշխատանքները և հայրենակարոտ սրտերը խանդավառում: Էջմիածնով և վերածնված հայոց երկրի և ժողովրդի պայծառ ապագայով:

Բացի այն եկեղեցիներում, որտեղ մեր քահանա հայրերը պատարագել և քարոզել են, նրանք հունիսի 4-ին մասնակցել են Նյու-Ճրքզիի հայ հոգևորականաց ամսական հավաքույթին, որին ներկա են եղել նաև առաջնորդ տ. Թորգոմ արքեպիսկոպոսը, տ. Տիրան արքեպիսկոպոսը, տ. Բարգեն եպիսկոպոսը, տ. Եղիշե վարդապետը, ինչպես նաև շրջանի ողջ քահանայական դասը:

Այս առթիվ տ. Հովհաննես քահանան կարդում է «Քահանան որպես ժողովրդի մխիթարիչը» թեմայով մի դասախոսություն: Հավաքույթի ընթացքում Մայր Աթոռի երկու ներկայացուցիչ քահանա հայրերը սիրով պատասխանում են իրենց տրված հարցերին:

Հունիսի 14-ին տ. Վազգեն և տ. Հովհաննես քահանա հայրերը իրենց հոգևոր պարտականությունները բարեխղճորեն կատարած վերադառնում են Մայր Աթոռ:



ՀՈՒՑԻՍՏՆԵՐԻ ՄԱՅՐ ՏԱԾԱՐՈՒՄ
ՏԱՂԱՆԴԱՎՈՐ ԲԱՆԱՍՏԵՂԾ ՊԱՐՈՒՅՐ ՍԵՎԱԿԻ
ՈՂԲԵՐԳԱԿԱՆ ՄԱՀՎԱՆ ՏԵՈՒՐ ԱՌԻԹՈՎ

Հունիսի 17-ին, իր ստեղծագործական ուժերի ծաղկման խոստումնալից շրջանում, ավտովթարի զոհ դարձավ տաղանդաշատ բանաստեղծ, ականավոր գրականագետ Պարույր Սևակը իր կնոջ՝ եղերաբախտ Նելլիի հետ:

Համազգային մեծ աղետի համեմատություն ստացավ այս անակնկալ կորուստի մեծությունը.

«Ապրելու կեսն էլ պատվով մեռնելն է, Ա՛խ, երանի թե ես այնպես մեռնեմ, Որ դու... ինձ սգաս»:

Արդարև, սգացին ու լացին բոլորը, մեծն ու փոքրը, ուսանողն ու մտավորականը, բանվորն ու գյուղացին, պետական գործիչն ու գիտնականը, հայն ու բարեկամ օտարը...

Սգացին ու լացին Հայաստանի ծաղիկներն ու քարերն անգամ...

Սգաց ու լացավ հայոց երկինքը...

Որովհետև Պարույր Սևակը շոալյորեն ու առատաձեռն տվավ իր ժողովրդին ու հայրենիքին ինչ ուներ՝ իբրև խոսք, իբրև սպրում ու պատգամ.

«Ա՛խ, իմ, հայրենիք...

Ես ոչի՛նչ, ոչի՛նչ քեզ տալ չեմ կարող... Ինչ էլ տամ՝ կրկին տվածդ եմ տալիս»:

Եղերաբախտ բանաստեղծի տվածը բավական է՝ իր անունն անմահացնելու հա-

մար հայ մշակույթի և հայ դպրության պատմության մեջ:

Բայց նա իր անժամանակ մահով ի՛նչ անկրկնելի հոգևոր գանձեր ու հարստություններ տարավ իր հետ:

Պարույր Սևակը ժամանակին եկավ իր քնարով և լույսով մխիթարելու իր ժողովրդին ու գնաց անժամանակ:

Մի պահ ու հանկարծակի նա շողաց մեր գրական երկնակամարի վրա, լուսավորեց, շողաց, փոթորկվեց ու փոթորկեց ու գնաց անվերադարձ լուսավոր ու անմոռանալի հետք թողնելով իր ետին:

Պարույր Սևակը եկավ ժամանակին ու անժամանակ մեկնեց դեպի հավերժություն: Ծշմարիտ, վավերական բանաստեղծները մահ չունեն:

Հանճարն ու ճառագայթը չեն գերեզմանվի:

Մահը նրան է՛լ ավելի գեղեցկացրեց, դարձրեց ավելի սիրելի և պաշտելի:

Հայ ժողովրդի վիշտը ու հայ մշակույթի կրած մեծ կորուստը հարազատորեն ու հայրաբար բաժանեցին նաև Ամենայն Հայոց Հայրապետը ու Մայր Աթոռ սուրբ Էջմիածինը:

Հայոց Հայրապետը Իր խորը վիշտը ու հայրապետական ցավակցությունն էր հայտնում մեծանուն բանաստեղծի ողբերգական մահվան առիթով Հայաստանի սովետական գրողների միության առաջին քարտուղար

Էդ. Թոփչյանին հղած հունիս 18 թվակիր ցավակցական հեռագրով.

«Ծանրորեն վշտահար մասնակցում ենք մեր ժողովրդի և գրական մշակների սուգին Պարույր Սևակի ողբերգական մահվան դժբախտ առիթով: Նրա մահով մեր ժամանակակից բանաստեղծությունը կորցնում է մի փայլուն տաղանդ ու հայրենաշունչ ոգի: Պարույր Սևակի գործը կմնա անմահ ու կդառնա ներշնչարան և ուղեցույց մեր օրերի և գալիք սերունդների համար: Աղոթում ենք հանգուցյալ ազգային բանաստեղծի հոգու խաղաղության ու պայծառության համար»:

Հուլիսի 4-ին, կիրակի օրը, Վեհափառ Հայրապետի բարեհաճ կարգադրությամբ Մայր տաճարում կատարվում է հոգեհանգրստյան մասնավոր կարգ՝ ողբացյալ Պարույր Սևակի և նրա կնոջ՝ Նելլիի հիշատակին:

Հեռավոր հայրենական Սովետաշեն գյուղից, ուր գտնվում է գերեզմանը Պարույր Սևակի և իր կնոջ, առավոտ կանոնյա Մայր Աթոռ էին ժամանել եղերաբախտ բանաստեղծի հայրը, մայրը, քույրը, ընտանիքի բարեկամներ, համագյուղացիներ և այլ հարազատներ:

Վեհաբանում Հայոց Հայրապետը ջերմ սիրով ընդունում է բանաստեղծի սգավոր ընտանիքի անդամներին և մխիթարության ջերմ ու հայրական խոսք ասում, Իր ցավակցությունը հայտնում և շեշտում, որ Պարույր Սևակի մահը ո՛չ միայն ընտանեկան մեծ կորուստ է, այլ . նաև համազգային՝ հայ մշակույթի և հայ դպրության համար, որովհետև Պարույր Սևակը իր ստեղծագործական ողջ կյանքով, ապրումներով ու տեսիլքներով պատկանում էր հայ ժողովրդին, մեր վերածնված մայր հայրենիքին և հայոց մշակույթին:

Ժամը 12-ին Պարույր Սևակի հարազատները առաջնորդվում են Մայր տաճար՝ ներկա լինելու ս. պատարագին և հոգեհանգրստյան արարողությանը:

Տաճարը, վանքի շրջափակը լիքն է բազմահազար հավատացյալներով և մեծամուն բանաստեղծի անունը, գործը և հիշատակը հարգող մտավորականներով, ընկերներով:

Հավարտ ս. պատարագի Վեհափառ Հայրապետը առաջնորդվում է Ավագ սեղանի բեմը և, ոգեկոչելով անունն ու հիշատակը մեծամուն բանաստեղծի, խոսում հետևյալ հուզիչ և բովանդակալից դամբանակար.

ՎԵՀԱՓԱՌԻ ՀԱՅՐԱՊԵՏԻ ԽՈՍՔԸ ՄԱՅՐ ՏԱՃԱՐՈՒՄ՝ ՊԱՐՈՒՅՐ ՍԵՎԱԿԻ ՀՈԳԵՀԱՆԳՍՅԱՆ ԱՌԹԻՎ

«Յանուն Հօր և Որդու և Հոգուց Սրբոյ. Ամէն»:


«Եւ ասաց Աստուած... Եղիցի լոյս և եղև լոյս...»:

Միրելի սգակիր ժողովուրդ, Այս խոսքերով բացվում է ս. Գիրքը. «Եղիցի լոյս և եղև լոյս»: Այսպես է սկսվում աշխարհի ստեղծագործությունը: Լոյս և նյութ: Թողնենք փիլիսոփաներին և աստվածաբաններին լուծելու, թե որն է առաջնային՝ լո՞ւյսը, թե նյութը: Մենք բավարարվենք հաստատելով ճշմարտությունը, թե աշխարհում, տիեզերքում կա և՛ նյութ, կա և՛ լոյս և՛ նրանց շարժումից ծնունդ առած՝ կյանք, հոգի և պատմություն:

Միրելի հավատացյալ ժողովուրդ, կրոնական հասկացողությամբ նաև մարդու կյանքը, ամեն մի անհատ մարդու կյանքը սկիզբ է առնում մի «եղիցի լոյսով»: Ամեն մարդ կոչված է մի լոյս լինելու այս նյութական աշխարհի մեջ, ամեն մարդ ինքը՝ իր հոգեկան-իմացական կյանքով հանդիսանում է մի ամբողջ և յուրահատուկ աշխարհ: Հին եբրայական մի սուրբ Գրքի մեջ ասված է. «Եթե սպանես մի մարդու, խորտակած կլինես մի ամբողջ աշխարհ»: Այս ճշմարտությունը բացահայտվում է մանավանդ բացառիկ անհատականությունների ծնունդով:

Մեզ համար առեղծվածային, անհասկանալի օրենքներով, Աստված յուր շնորհները առատապես բաշխում է ընտրյալներին: Այսպես է, որ ծնունդ են առնում բոլոր ժողովուրդների կյանքում, բոլոր ժողովուրդների պատմության մեծերը, տաղանդները, հանճարները, ստեղծագործողները, կյանքի պատկերը հեղափոխողները, նոր ճշմարտություններ, նոր գեղեցկություններ, նոր ներդաշնակություններ հորինողները:

Այս արևի տակ ապրող ժողովուրդների շարքում նաև մեր ազգը, հայոց հինավուրց ազգը, անբաժան չի մնացել այս մեծ, կենսաբար, աստվածային շնորհաբաշխումից: Մեր ազգը ի սկզբանե ծնունդ է տվել մեծ անձնավորությունների, որոնք իրենց կյանքով ու իրենց գործով անմահացել են: Նրանց ժառանգությունը մեզ համար աչսօր և՛ փառք է, և՛ պատիվ, և՛ հպարտություն արդար, և՛ ստեղծարար նոր սխարհների աղբյուր ու ճանապարհ: Մեր ժողովուրդը, որ կես դար առաջ կանգնած էր մահվան ան-



դունդի առաջ և թվում էր, թե այնս վերջն է հայոց հրաշալի պայմանների մեջ, բայց մանավանդ հերոսական ճիգերով, արյուն և արցունքով, նա փոխեց իր սև ճակատագիրը, իր հայացքը դարձրեց դեպի

կյանք, դեպի վերածնունդ, դեպի վերաշինություն, դեպի նոր ստեղծագործություններ, դեպի նոր ապագա: Ահա այդպիսի պայմանների մեջ, սրանից կես դար առաջ Հայաստանի վերածնունդով, ծնավ, հայ շի-

ճակատի համեստ հարկի տակ, Պարույր Սևակը:

Պարույր Սևակի ծնունդը՝ մեր կյանքի, մեր մշակույթի, մեր ներկայի ու մեր ապագայի համար եղավ ճշմարտապես մի պայծառ «եղիցի լույս»: Նա իր ողջ կյանքով ու ստեղծագործությամբ դարձավ շողացող մի լույս մեր կյանքում: Ահա այսպես ճշմարտվեց, թե «լույս եղև» մեր կյանքում մի անգամ ևս:

Սիրելի հավատացյալներ, մենք բոլորս տակավին ծանր զգացմունքների ներքև ենք գտնվում, Պարույր Սևակի գերեզմանի առաջ, որովհետև մեզանից ոչ ոք, ոչ ոք չէր սպասում այսպիսի վաղաժամ և ողբերգական մահ: Նա համայն հայ ժողովրդի սիրելին էր և պաշտելին, տակավին երկար տարիներից ի վեր: Նա իբրև գիտնական, իբրև Հայաստանի քաղաքացի, իբրև հայրենասեր, բայց մանավանդ իբրև ստեղծագործող բանաստեղծ եղավ շատ քչերից մեկը, պայծառ մի աստղ նոր ծագած, հայոց նոր կյանքի երկնականարի վրա, ուրիշ աստղերի կողքին: Նա պայծառ իմացականություն էր՝ ի ճշգրիտ և ճշմարիտ գիտելիքներով, ծանոթություններով և հետաքրքրությունների լայն հորիզոնով, բառին ամբողջական իմաստովը մտավորական և գիտնական: Նա մի բարի սիրտ էր, գեղեցկորեն բարի՝ զարդարված բազում առաքինություններով, մի բարոյական նկարագիր, վեհու ու վճռական: Բայց մանավանդ նա մեծ բանաստեղծ էր, երկրպագու գեղեցկի և հորինող գեղեցկությունների, ներդաշնավորումների: Կարծում ենք, թե ճիշտ բնորոշած կլինենք նրա անձնավորությունը, եթե ասենք, թե նա խոսացնում էր իր մեջ, իր հոգու մեջ դասական իդեալը, ճշմարտի, բարու և գեղեցկի, ներդաշնակ մի ամբողջական համադրության մեջ՝ լուսավորված նաև անասնման, ջերմ հայրենասիրությամբ: Պարույր Սևակը հայ ժողովրդի սրտում իր տեղը գրավեց վերջնականապես, և մեզ համար նա մահացած չէ: Ինչպե՞ս կարելի է Պարույր Սևակի գերեզմանի առաջ յհավատալ հոգու անմահությանը: Այն օրը, Մենք հիշում ենք, երբ մեր ամբողջ ժողովուրդը ի Հայաստան, մեր հայրենի պետության ամենաբարձր ղեկավարների առաջնորդությամբ, թափոք կազմած, Պարույր Սևակի մարմինը տանում էին դեպի իր հայրենի գյուղը թաղելու, Մենք զգացինք, թե այդ թափոքը մահվան թափոք չէր, այլ ճշմարիտ մի հարություն թափոք: Մենք հողին հանձնեցինք նրա մարմինը լոկ, բայց նրա հոգին առավել կենդանությամբ, առավել պայծառությամբ կա մեր մեջ, և կմնա հավիտյան, հայ ժողովրդի հիշողության մեջ,

այսօր, վաղը և միշտ և բոլոր ժամանակներում:

Պարույր Սևակն այնպիսիներից եղավ, որ պիտի ապրի այնքան ժամանակ, ինչքան ժամանակ պիտի ապրի հայ ժողովուրդը, իսկ հայ ժողովուրդը անմահ ժողովուրդներից մեկն է աշխարհի վրա:

Թաղման օրը, Մենք նույնպես հիշում ենք, իր գյուղի մոտ համախմբվել էին Արարատի շրջանի աշակերտները, որոնք կրում էին մի մեծ պաստառ, որի վրա գրված կար. «Մի՞ թե այլևս պիտի լռի Չանգակատունը Անլուելի»: Այս ողբը անշուշտ հարազատ արտահայտությունն էր հայ ժողովրդի, սրտի մորմոքն էր ողջ հայության: Սակայն Մենք մտածում ենք, թե այդ տողերի անձանոթ հեղինակը, մենք բոլորս և բոլոր հայերը, որ ի Հայաստան և որ ի սփյուռու աշխարհի, հավատում ենք հաստատապես, թե ո՛չ, «Չանգակատունը Անլուելի» երբե՛ք չի լռելու այլևս: Նա միշտ պիտի հնչի և զուցե ավելի հզոր, ավելի հզոր վաղը, բան այսօր: Նախ որովհետև Պարույր Սևակ ճշմարիտ, մեծատաղանդ ստեղծագործող էր, և նրա գործը անմահ է անկասկած: Գալիք ժամանակներում, նոր սերունդները առավել պիտի գնահատեն նրան, իբրև մեր ստեղծագործող մեծամեծներից մեկի: Բայց նաև մի ուրիշ պարագա, մի ուրիշ հազնամանք պետք է ընդգծենք. «Չանգակատունը Անլուելի» երբեք չի լռելու, որովհետև «Անլուելի Չանգակատուն»-ը լոկ Պարույր Սևակի անձի կամ ստեղծագործող անձնավորության սեփականությունը չէր, այլ եղավ համայն հայ ժողովրդի հոգու անձնավավերական, ուժգին արտահայտությունը: Եվ ավելին տակավին, Պարույր Սևակի «Անլուելի Չանգակատուն»-ը բարձրացավ այն պատվանդանի վրա, որ բնորոշում է մեր վերջին հիսուն և ավելի տարիների կյանքը, Հայաստանի և հայ ժողովրդի վերածնված կյանքը: Մենք այստեղ «Անլուելի Չանգակատուն» ասելով չենք հասկանում միայն այդ անունը կրող նրա մեկ գիրքը, այլ նրա ողջ ստեղծագործությունը և այն երկերը, որոնք տակավին անտիպ են և որոնք լույս պետք է տեսնեն, որով պիտի ամբողջանա և հույսկապ մի ամբողջության պիտի վերածվի Պարույր Սևակի ստեղծագործությունը: Ահա այդ ամբողջը ի մի առած, Մենք նկատում ենք «Անլուելի մի Չանգակատուն», որ ուղիղ կլինի ասել, թե բարձրացավ վերջին հիսուն և ավելի տարիների հայ վերածննդի պատվանդանի վրա: Այդ «Անլուելի Չանգակատունը» հնչել սկսեց հենց Սարդարապատի զանգակներով, Հայաստանի վերածննդով, հիսուն և ավելի տարիների ընթացքում կատարված աշխա-

տանքով, պայքարով, ստեղծագործություններով: Այդ պատվանդանի կառուցմանը մասնակցեցին բոլոր հայերը՝ շինականներից, բանվորներից սկսյալ մինչև մեր գիտնականները, մեր մտավորականները, մեր դաստիարակները, մեր պետական գործիչները և մինչև հանճարը Եղիշե Չարենցի: Ահա այդ բոլորը հանդիսացավ այն հիմքը ամուր, որի վերև կոթողվեց Պարույր Սևակի «Անլուելի Չանգակատուն»-ը: Այսպիսով առավել իմաստավորվում է ու արժևորվում Պարույր Սևակի անմահ գործը՝ իբրև համարդրությունը և պայծառ բյուրեղացումը հայ ժողովրդի վերջին հիսուն և ավելի տարիների կյանքի, պայքարի, ստեղծագործությունների, հույսերի և տեսիլքների: Ահա թե ինչու, հետևաբար, «Անլուելի Չանգակատուն»-ը պիտի հնչի և՛ այսօր, և՛ վաղը, և՛ հավիտյան՝ ի փառս հայ ժողովրդի, ի փառս հայ հայրենիքի, ի փառս հայ բանաստեղծության, բայց մանավանդ՝ ի փառս Պարույր Սևակի հանճարի:

Փառք և լույս և սեր և պաշտամունք մեծ բանաստեղծի անթառամ հիշատակին:

Քահանայք և ժողովուրդք, հավաքված ենք այս պահին, որպեսզի աղոթենք Պարույր Սևակի և նրա ողբացյալ կողակցի՝ Նելլիի հոգիների խաղաղության համար:

Մեզանից ամեն մեկը խորապես վշտացած է, նույնիսկ վհատվելու աստիճան: Սակայն պետք է մխիթարվենք այն մտքով, թե Պարույր Սևակը կա՛ և կմնա՛ կենդանի մեր և մեր զալիք սերունդների գիտակցության մեջ: Մենք այս սգո հանդիսավոր առիթով Մեր խորագրաց ցավակցությունն ենք հաշտնում նրա բոլոր հարազատներին, նրա անմխիթար հայրիկին և մայրիկին, նրա տիկնոջ՝ Նելլիի հարազատներին, բոլոր նրանց, ովքեր Պարույր Սևակին զնահատեցին ու սիրեցին մաքուր, անարատ սիրով: Մեր վշտակցությունն ենք ներկայացնում նաև իր գրչի եղբայրներին՝ հայ բանաս-

տեղծներին, գրագետներին և գիտնականներին, որոնք անփոխարինելի մեծ կորուստ կրեցին նրա մահով:

Եվ արդ, աղոթենք նաև, որ Տերը անփորձ և անվտանգ և անասան պահի մեր ժողովուրդը և արժանի անի նրան Պարույր Սևակի հիշատակի սուրբ պահպանմանը՝ արժանի անի նրան՝ որ իր ծոցից նաև հետ այսու ծնվեն նոր աստղեր, լինեն նոր «եղիցի լույսեր» հայ կյանքում և ապագա մեր պատմության ճանապարհին:

«Ուղիղ եղիցին աղոթք մեր, որպէս խունկ առաջի Քո, Տէր»: Ամեն:

Այնուհետև Վեհափառ Հայրապետը նախագահում է հոգեհանգստյան արարողությունը՝ շրջապատված Մայր Աթոռի միաբանությամբ և ուխտավորաբար Մայր Աթոռում գտնվող հոգևորականներով:

Ս. պատարագին և հոգեհանգստյան արարողությանը ներկա էին նաև ուխտավորաբար Մայր Աթոռում գտնվող Լիբանանահայ կրոնասեր տիկնանց համախմբումի անդամներ, ինչպես նաև այլ ուխտավորներ Հունաստանից, Եգիպտոսից, Ֆրանսիայից և Ամերիկայից:

Մայր տաճարի կամարների տակ հնչում է հոգեգմայլ «Յոր ժամ»-ը՝ հոգեհանգստյան սքանչելի տաղը, որը մեծ ապրումով և շնորհալիորեն կատարում է Մայր տաճարի երգեցիկ խմբի մենակատար Լուսինե Չաքարյանը:

Ապա երգեցիկ խումբը խորը հուզումով կատարում է «Գթա, Տէր» և Ալ. Հարությունյանի «Ռեքվիեմ»-ը:

Ողբացյալ Պարույր Սևակի և նրա կնոջ՝ Նելլիի հիշատակին նվիրված հոգեհանգստյան արարողությունն ավարտվում է «Ի վերինն Երուսաղէմ» շարականով և Տերունական աղոթքով:

Թող Տերը լուսավորի հանգուցյալների հոգիները և արժանացնի իր անթառամ փառքին:



ՊԱՐՈՒՅՐ ՍԵՎԱԿ

Հ Ա Յ Ա Ս Տ Ա Ն

Իմ քաղցրանուն,
 Իմ քարձրանուն,
 Իմ տառապանք,
 Իմ փառապանք:
 Հնեքի մեջ՝ դու պլենեք,
 Նորեքի մեջ՝ նոր ու ջանեք.
 Դու՛ խաղողի խշմարված վագ,
 Վշտերը՝ ջուր, ինքը՝ ափագ.
 Դու՛ քարդենի սողաքթաշատ,
 Առուն ի վար փռված փշատ.
 Դու՛ կիսավեր ամրոց ու բերդ,
 Մազաղարչա մատյանի թերթ.
 Դու՛ Զվարթնոց—ալեր տանար,
 Կոմիտասյան Ծիրանի ծառ.
 Դու՛ ջրաղաց խորունկ ձորում,
 Դու՛ հորովել անուշ, ծորուն,
 Փայլ գոթանի արծաթ խոփի.
 Դու՛ նե՛տ, նիզա՛կ, մկո՛ւնդ կոպիտ,
 Դու՛ հաղթենի ձխանի ծուխ,
 Դու՛ անգի՛ր վեպ, դու՛ Սասնա ծո՛ւտ...

Իմ փառապանք,
 Իմ տառապանք,
 Իմ քարձրանուն,
 Իմ քաղցրանուն:
 Դու՛ մրգերի շունձարան,
 Ռակեվազյան գինու մառան.
 Դու՛ թավշե դեղձ, դու՛ փրփուր հաց,
 Արտաշատյան խաղող սեւաչ.
 Դու՛ Սևանի վառվող կոհակ,
 Երևանի պուն ու խոչակ.
 Դու՛ հանգրվան, կանչող փարոս,
 Դու՛ հաշկական գերբ ու դրոշ.
 Եռուն վկա կոտորածի
 Ու վճիտ աչք ցամքած լացի.
 Արդարության անեղ ստյան,
 Արի պատյան,
 Մի՛րս մատյան—
 Մի՛շտ հի՛ն ու նո՛ր իմ Հայաստան:

Մ Ո Ր Զ Ե Ռ Ք Ե Ր Ը

Այս ձեռքերը՝ մո՛ր ձեռքերը,
 Հինավուրց ու նո՛ր ձեռքերը...

Ինչե՛ր ասես, որ չես արել այս ձեռքերը...
 Պատվիկիս ո՛նց եմ պարել այս ձեռքերը՝

Ի՛նչ նազանքով,
Երազանքով:

Այս ձեռքերը՝ ուժը հատած,
Բայց թոռան հետ նոր ուժ գտած...

Ինչե՛ր ասես, որ չեն արել այս ձեռքերը...
Լույսը մինչև լույս չեն մարել այս ձեռքերը,
Առաջնեկն է երբ որ ծնվել,
Նրա արդար կաթով սնվել:

Քար են շրջել, սար են շարժել այս ձեռ-
քերը.
Ինչե՛ր, ինչե՛ր, ինչե՛ր շարժեն այս ձեռքերը՝
Նո՛րք ձեռքերը,
Սո՛րք ձեռքերը.

Ինչե՛ր ասես, որ չեն արել այս ձեռքերը...
Զրկանք կրել, հոգս են տարել այս ձեռքերը
Ծով յոռությամբ,
Համբերությամբ:

...Եկեք այսօր մենք համբուրենք որդիաբար
Մեզ աշխարհում ծնած, սնած,
Մեզ աշխարհում շահած, պահած,
Մեզնից երբեք չկշտացած,
Փոշի սրբող, յվացք անող,
Անվերջ դատող, անվերջ բանող ա՛յս ձեռ-
քերը,

Ինչե՛ր ասես, որ չեն արել այս ձեռքերը...
Երկինք պարզված այուն են դառել այս
ձեռքերը,

Որ չփլվի իր տան այունը՝
Որդին կովից դառնա տունը:

Թող որ նաքած ու կոշտացած,
Բայց մեզ համար մետաքսի պես խա՛ս ձեռ-
քերը...

Ինչե՛ր ասես, որ չեն արել այս ձեռքերը...
Մինչև տասի ձեռք են դառել այս ձեռքերը,

ԱՆԼՌԵԼԻ ԶՍՆԳԱԿԱՍՏՈՒՆ
(Հատվածներ)

ՂՈՂԱՆԶ ՀՈՒՍՈ

Ութսունմեկ թիվ: Վաղարշապատ: Էջմիա-
ծին:

Կարմիր շապիկ, կանաչ վարտիք՝
Վրան պնդած մազե գոտիկ,
Նախշուն գուլպա՝ վրան գոլեր,
Ու պոչավոր մաշված սոլեր:
Դեմքը՝ գունատ, բայց խորտոնիկ,
Իսկ հայացքը՝ քելե՛ր-ցոլե՛ր...

Միրգ ու փոշի: Անխիղճ արև:
Շողամրցում Մասիսների, Արագածի:
Սրբագործված հին-հին քարեր:
Եվ Մայր Արաբս: Եվ Մայր Տաճար:
Տաճարի շուրջ՝ սուրբ-սուրբ վանքեր,
Հնչող,
Ծնչող,
Կանչող զանգեր...

Ամենքն՝ իրար մոտիկ-մոտիկ,
Իսկ նա՝ անվերջ մեն ու մենակ:
Թե՛ զարնեին սրտին դանակ՝
Մի պուտ արյուն դուրս չէր հոսի:
Ո՞նց չմնա նա մեկուսի,
Ո՞նց խառնըվի, ասի-խոսի,
Թե... հայերեն վատ է խոսում:
Բայց նա, մեկ էլ Աստված գիտի,
Թե՛ ինքն ինչպե՛ս, ոնց է ուզում
Ուտ՛ւմ, ուտ՛ւմ:

Եվ ճեմարան՝ մտքի կանառ:
Ծեմարանի բակում արձակ,
Որտեղ էլ որ աչք ես ածում՝
Զարմանալի հավաքածու
Խոսվածքների, տարազների:
Ու բոլորի դեմքի վրա՝
Վա՛խ, սպասո՛ւմ, անքնություն՛ն,
Խոսուն հետքեր երազների:

Սակայն նրան
Ո՞վ կընդունի, այն էլ... որտե՛ղ—
Մի հոգևոր ուսումնարան,
Որի սանը մի օր պիտի
Հազնի սքեմ վարդապետի:
Իսկ նա...
Եվ նա վաղը պիտի
Երգի ի լուր և ի վճիռ
Համայն Հայոց Հայրապետի...

Ամեն մեկը՝ մի գավառից,
Եվ բոլորը՝ դեռ աղվամազ:
Ամեն մեկը խիտ խավարից՝
Երազում է լույսի մի մաս,
Նույնն է ուզում.
Ուտ՛ւմ, ուտ՛ւմ...

Եվ նրանց մեջ՝ սրան նայիր,
Հազին տարազ տանկաֆայի.

Ղ Ո Ղ Ա Ն Զ Ն Ե Ր Մ Ա Ն

Եվ նա սկսեց... թուրքերեն երգել:

Մանկական ձայնը՝ սկզբում կերկեր,
Վայրկյաններ հետո ինքն իրեն գտավ,
Հունի մեջ մտավ
Ու գնա՛ց-գնա՛ց:

Կաթողիկոսը մթազնեց մնաց:
Մինչ Բանկարծահաս զայրույթի ծնած
Կրակը վառվեց ծեր աչքերի մեջ՝
Հենց նոր սկսվող ժպիտը հանգավ:
Առաջի՛ն անգամ,
Առաջի՛ն անգամ

Ա՛ստ՝ Վեհաբանի հին պատերի մեջ,
Սրբապղծորեն թուրք երգ է մխում...
Ա՛ստ՝ հայոց հոտի այս սուրբ փարախում,
Հովվապետն ինքը ականջ է կախում
Ինչ-որ մի մանկան անօրեն երգի...
Ա՛ստ, ուր հնչել են մեղեդիք ոսկի՝
«Հայր մեր», «Միայն սուրբ»,
«Արեգակն արդար»,
«Ով զարմանալի»,

Կամ **«Մորմորդ խորհն»**,
Որ գրաբարն է հնչել դարեդար
Եվ շարականն է հուզել բողոքին,—
Ա՛ստ՝ Վեհաբանի հին պատերի մեջ,
Առաջի՛ն անգամ,
Առաջի՛ն անգամ

Սրբապղծության մանանեխ ընկավ...
Բայց Վեհափառը իր վեհ դերի մեջ՝
Ինչպես վաղել է՝ անայլալ մնաց:

Իսկ մանկան ե՛րգը... թա՛փ առավ գնաց:
Գնա՛ց-բարձրացա՛վ,
Եկա՛վ- ցածրացա՛վ,
Քարեքար ընկավ, պատեպատ խփվեց,

Եվ հետո՝ կրկին պոկվե՛ց ու գնա՛ց,
Մի վայրկյան օդում կախ ընկավ մնաց,
Մի անտես թերով կարծես թե կապվեց
Եվ, մի պահ հետո, հանկարծ ցած թափվեց.
Թափվեց՝ նշենու ծաղկաթերթի պես,
Հին վանքի ծեփի ճաքած շերտի պես...
Բառե՛րը... եղո՛ւկ: Իսկ ձա՛յնը... զուլա՛լ.
Սյրպես լեռնային վտակն է կարող
Քարերի վրա ծիծաղել ու լայ:
Բառե՛րը... եղո՛ւկ: Իսկ ձա՛յնը... գերո՛ղ.
Մերթ բողոքում է ու զանգատ անում,
Մերթ՝ դառնում այնպես վսեմ ու բարի,
Կարծես հինավուրց այս Մայր Տաճարի
Երկինք խոչսցած զանգակառնում
Կախել են մի նո՛ր-անլեզվա՛կ մի զանգ՝
Մի համակ հուզանք...

Թ՛վաց՝ անպերն են բացխուփիկ խաղում,
Թ՛վաց՝ երկինքն է կապույտ ծիծաղում,
Թ՛վաց, թե շոգը հանկարծ կոտրվեց,
Թ՛վաց, թե մի հին երդում կատարվեց...
Կաթողիկոսը մի պահ մոռացավ,
Թե ինքը որտե՛ղ և ի՞նչ է անում,
Ովքե՛ր են շուրջը՝ իր Վեհաբանում,—
Եվ այդքանի մեջ,
Ասես բնի մեջ,
Նա դանդաղ ժպտաց
Աչքերով իր թաց:

Հետո ժպիտը սկսեց հալվել
Ու հետզհետե անհետ վերացավ,
Մինչդեռ աչքերի թացն ավելացա՛վ,
Թացն ավելացա՛վ ու ավելացա՛վ...

Փղձկացող Վեհը հազիվ բարբառեց.
— Որդյա՛կ իմ, ո՛րք իմ...
Ու ձայնը մարեց:

Ղ Ո Ղ Ա Ն Զ Թ Ա Ղ Մ Ա Ն Ե Վ Հ Ա Ր Ո Ւ Թ Յ Ա Ն

...Դո՛ւ—Վարդապե՛տ:
Դու Ամենայն Հայոց երգի Վեհափառն ես,
Դո՛ւ՝ մեր երգի Մեսրոպ Մաշտոցը,
Գիրն ու տառն ես Հայոց երգի:
Հայոց երգի
Անձիք հերկի
Ե՛վ ակոսն ու խորունկ առն ես,
Ե՛վ մատրնափր սերմը նրա,
Ե՛վ խոստումը գալիք բերքի...

Եվ ծիրանի մեր այն ծառն ես,
Որ ինչքան էլ ճղակոտոր՝
Ծովքովի է և բար տվել,
Ու... մեր դարող իրար տվել...


Եվ հայրենի այն ծիծաղը,
Որ հավիտյան բույն է դրել
Մեր հոգու մեջ,
Մեր կիսավեր ու դեռ կանգուն տաճարների
Ու մեր երկնի գմբեթի տակ...


Դո՛ւ՝ մեր տավիղ,
Եվ թո լարը
Մինչ անգամ և հատվելիս
Հայերեն է նորից ճնգում:

Դո՛ւ՝ մեր սրտի ձայնազարը,
Մինչև անգամ վհատվելիս
Հայերեն ես դարձյալ տներում...

Դու ես քարը
Եվ սրբօտաշ մեր պատշարը.
Հացը օրվա
Եվ նեղ ժամի մեր պաշարը.
Մեր փակ հոգին, բաց աշխարհը,
Սրբագործված մեր նշխարը.
Եվ մեր ճարը՝

Օտարամուտ ախտի դիմաց.
Խնկածալվալ մեր տաճարը՝
Օտարամուտ աղտի դիմաց.
Վերադարձի մեր պատճառը՝
Մեր հարկադիր գաղթի դիմաց.
Համահավաք մեր հանճարը՝
Ազգասրբիլուտ բախտի դիմաց...





ԱՄԱՎԵՐՁԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Հունիսի 11-ին, ուրբաթ օրը, առավոտյան ժամը 12-ին, հոգևոր ճեմարանի հանդիսությանց դահլիճում, Ամենայն Հայոց Հայրապետի բարձր նախագահությամբ, տեղի ունեցավ 1970—1971 ուսումնական տարվա ամավերջի հանդիսությունը, որին ներկա էին Գերագույն հոգևոր խորհրդի անդամները, Մայր Աթոռի միաբանությունը, պաշտոններությունը, ճեմարանի դասախոսական կազմը և այլ հրավիրյալներ:

Բոլոր ներկաները հոտնկալաչ ունկնդրում են Հայկական ՍՍՀ պետական հիմնի նվազը, որով սկսվում է հանդիսությունը: Այնուհետև ճեմարանի երգչախումբը կատարում է «Ճեմարանի քայլերգ» խմբերգը և «Նմանեալ Մովսիսի» ու «Նրբ գարդարեցին» շարականները:

Հանդեսը բացում է Մայր Աթոռի միաբան, ճեմարանի դասախոս տ. Գևորգ վրդ. Սերապիարյանը և ասում.

«Վեհափառ Տեր,

Ողորմությամբն Աստուծո՛ւ և Նորին Սըրբությանը օրհնությամբ հոգևոր ճեմարանը բոլորեց ուսումնական մեկ տարի ևս:

Աղոթքով բացեցինք ուսումնական նոր տարին և այսօր գոհունակությամբ փակում ենք այն՝ դարձյալ աղոթքով:

Տարին, որ անցավ, եղավ աշխատանքի, տրևության, ուսումնական առաջադիմության մի ժամանակահատված:

Դասախոսական կազմի և ողջ ուսանողու-

թյան համար խրախուսանքի և ուրախության տարի եղավ 1970—1971 ուսումնական շրջանը այն իմաստով, որ դարձյալ Դուք գլխավորեցիք կրթական այս հաստատության ուսումնա-դաստիարակչական շնորհակալ աշխատանքը և մանկավարժին հատուկ Ձեր հայրական սիրով ու գորգորանքով, ինչպես անցնող տարիներին, այս տարի էլ շրջապատեցիք հոգևոր ճեմարանը, որի գոյության, գործունեության և նպատակների հետ Դուք կապել եք վառ հույսեր և ունեք արդար ակնկալություններ, որպեսզի այստեղ, հոգևոր և կրթական այս հարկի ներքո, պատրաստվեն Տիրոջ Այգու համար «մշակք առանց ամօթոյ», «ըստ պատկերի և նմանությին» Ձեր, որովհետև «Որդի հարազատ զնմանությին Հօրն բերէ»:

Մենք դասախոսներս մեր պարտքի և պատասխանատվության խորը զգացմունքով ջանացինք կատարել մեզ վստահված սրբազան գործը:

Մենք կշարունակենք կատարել մեր սրտի պարտքը Աստուծո՛ւ այս հավերժական Տան և Ձերդ Սրբության հանդեպ, որ այնքան հայրաբար և արժանավորագույնս իր մեռուհարույր ձեռքերում է պահում հոգևոր բարձրագույն ղեկավարությունը այս հաստատության:

«Զ.Քոչս ի Քոչոց Քեզ մատուցանեմք»:

Վեհափառ Տեր, օրհնեցեք կրթական այս հաստատությունը, օրհնեցեք այստեղ կա-

տարվող շնորհակալ գործը և թույլ տվեք Ձեր օրհնությամբ 1970—1971 ուսումնական տարվա ամսվերջի այս հանդեսը հայտարարել բացված»:

Հոգևոր ճեմարանի Գ լսարանի ուսանող Սեզար սրկ. Գոնտրալյանը արտասանում է Ե. Չարենցի «Յոթը խորհուրդ գալիք սերմնացաններին» բանաստեղծությունը, Վ. Տեղյանի «Որպես լեռն է մեր պայծառ»-ը՝ Գ լսարանի ուսանող Արտաշես սրկ. Մուշեղյանը, և Հ. Սահյանի «Հայաստանը երգերի մեջ»-ը՝ Ա լսարանի ուսանող Ավետիք Արաբաջյանը:

Բ դասարանի ուսանող Կ. Հովնանյանը դաշնամուրի վրա կատարում է Կոմիտասի «Ծուշիի պար»-ը, Ա լսարանի ուսանող Վ. Նաջարյանը՝ մի հատված Գ. Չալկովսկու և Բրամսի «Յոթը համար»-ը՝ Գ դասարանի ուսանողներ Հ. Աղաջանյանն ու Ա. Արթինյանը:

Հանուն հոգևոր ճեմարանի ողջ ուսանողության և մասնավորաբար Գ լսարանի շրջանավարտ ուսանող-սարկավագների, երախտագիտության և շնորհակալության ուղերձ է կարդում, Վեհափառ Հայրապետին ու դասախոսական կազմին ուղղված, այս տարվա շրջանավարտ Կորիճ սրկ. Ներսիսյանը:

«Վեհափառ Տեր,
Հոգևոր ճեմարանում ամսվերջի հանդիտության ավանդական այս սովորությունը տոնական բնույթ է ստացել, որը մեզ համար թանկ է և պարտավորեցնող:

Դարեր շարունակ և էջմիածինը եղել է ոչ միայն հայրապետական աթոռամիստ ու համագգային ուխտավայր և աղոթատուն, այլ նաև լույսի ու գիտության խորան:

Փոթորկահույզ դարերի ընթացքում անգամ այստեղ՝ և էջմիածնի կամարների տակ, հայոց մտքի և հոգու մշակները լույս և գիտություն են սերմանել:

Ու ծաղկել է հայ մշակույթը և միշտ առկայծել և Լուսավորչի կանթեղը: Այս սուրբ կամարների տակ սնվել ու հասակ են առել մեր եկեղեցու ու մշակույթի մեծ երախտավորները: Լույսի այս հոսքը դարերի ընթացքում երբեմն նվազել է և երբեմն էլ հորդացել, բայց երբեք չի ընդհատվել:

Հոգևոր ճեմարանը այսօր ևս իր սուրբ առաքելության դեբում է, և այս առաքելությունը հավերժական է այնքան, որքան մեր ժողովուրդը:

Վեհափառ Տեր, սովորելով հոգևոր ճեմարանում, մենք գիտակցեցինք, որ այն լոկ հոգևոր-կրթական հաստատություն չէ, այլ նաև հայ եկեղեցու գոյատևման կենսատու զարկերակներից մեկը, որի արյան մատա-

կարարմանը և աշխատանքի կանոնավորմանը դեկավարում է Ձերդ Վեհափառությունը:

Գիտակցումը հոգևոր ճեմարանի պատմական առաքելության և երախտագիտությունը Ձեր հայրական խորը սիրո նկատմամբ մեզ ճեմարանականներին ավելի ևս պարտավորեցնում է լինել հաստատական, նվիրյալ սպասարկուները հայ եկեղեցու և ս. էջմիածնի:

Վեհափառ Տեր, մենք ուզում ենք շնորհակալություն հայտնել Ձեզ ոչ թե բառերով, այլ մեր կյանքով և գործով, ու ապացուցել, որ շնորհակալությունը լոկ բառ չէ, այլ կենդանի գործ ու ապրում:

Ծնորհակալության խոսք ունեն նաև՝ ուղղված հոգևոր ճեմարանի տեսչությանը՝ հանձինս տ. Հովհաննես քհն. Մարությանի և մեր վերակացուների, որոնք ուսումնական տարվա ամբողջ ընթացքում եղան մեզ հետ, կիսեցին և՛ մեր հաջողություններն ու ուրախությունները, և՛ մեր դժվարությունները:

Մեր հոգիներում քաղցր երախտագիտական խոսք ունենք և ձեզ, սիրելի դասախոսներ: Դուք մեզ համար եղել եք թե՛ ծնողներ, թե՛ եղբայրներ, թե՛ մտերիմ բարեկամներ և թե՛ խորհրդատուներ: Դուք բաց արեցիք մեր առջև դարերի խորհրդավոր վարագույրը: Դուք կրթեցիք ու դաստիարակեցիք մեզ մեր նախնիների հավատով ու ոգով և հայության շնչով: Սնեցիք ու զինեցիք մեզ հին և նոր ժամանակների գիտության գեներով: Ինչպես վարպետ քանդակագործը շնչկված քարին ձև և գեղեցկություն է տալիս, նույնպես և դուք կերտեցիք ու գեղեցկացրիք մեր հոգիները և նկարագիրը:

Այս բոլոր բարիքների համար մենք միակամ ու միաբերան ասում ենք՝ «Ծնորհակալություն»:

Ահա այս զգացումներով, Վեհափառ Տեր, թույլ տվեք համբուրելու, հանուն հոգևոր ճեմարանի Ձեր զավակների, Ձեր սուրբ Աջը և հայցելու Ձեր օրհնությունը՝ զորացնելու համար մեր հավատքը դեպի մեր եկեղեցու, ժողովրդի և հայրենիքի ու լուսավոր և խոստումնալից ապագան»:

Հոգևոր ճեմարանի երգչախումբը, եկրոպական երաժշտության դասախոս Խ. Մելիսանեջյանի ղեկավարությամբ, խանդավառությամբ կատարում է «Ազգ փառապանծ» (Ա. Բաբաջանյան), «Հայրենիքիս հետ» (Այ. Հարությունյան), «Բամ փորոտան» (Բ. Կանաչյան) և «Էրեբունի» (Էդ. Հովհաննիսյան) խմբերգերը:

Ապա հոգևոր ճեմարանի 1970—1971 ուսումնական տարեշրջանի մասին իր հաշվետու զեկուցումով հանդես է գալիս հոգևոր

ճեմարանի տեսչի պաշտոնակատար տ. Հովհաննես քին. Մարտիկյանը.

«Վեհափառ Տեր,

Հարգարժան հանդիսականներ,

Դեռ երեկ էր կարծես, նվիրական այս հարկի տակ կատարում էինք հոգևոր ճեմարանի 1970—1971 ուսումնական տարվա բացումը: Ու այսօր հնձվորի անխառն ուրախությամբ, հույսերով ու հույզերով լի ուսումնական տարին ողարկում ենք պատմության գիրկը:

Այս ուսումնական տարվա սկզբին հոգեվոր ճեմարանը բոլորեց իր գոյության 25-ամյակը և թևակոխել է արդեն երկրորդ քառորդ դարը: Հավատում ենք, որ Էջմիածնի հոգևոր ճեմարանը հետագա տարիներին ալեյի արդյունավետ պիտի լինի, այն գիտակցությամբ, որ հոգևոր ապարեզը ոչ թե պատահական մարդկանց գործունեության բնագավառ է, այլ հավատի, լույսի, գիտության և ծառայության ծարավի մարդկանց, որոնց ուների վրա է ծանրանալու եկեղեցին պաշտոն ու կենդանի պահելու գործը:

Հոգևոր ճեմարանը իր ուսումնական տարին սկսեց 51 ուսանողներով, որոնցից 30-ը նախկին ուսանողներ էին: Այսօր ճեմարանում սովորում են 37 սաներ: 14 ուսանողներ հեռացել են կամ հեռացվել այլևայլ պատճառներով:

Ուսանողների բաշխումը ըստ դասարանների ունի հետևյալ պատկերը.

- Գ լսարան՝ 5 սարկավագ
- Ա լսարան՝ 5 ուսանող
- Գ դասարան՝ 10 ուսանող
- Բ դասարան՝ 7 ուսանող
- Ա դասարան՝ 10 ուսանող

Հոգևոր ճեմարանի սաներից 13-ը սփյուռք տարբեր թեմերից եկած ուսանողներ են:

Այս տարի չունեցանք Բ լսարան:

1970—1971 ուսումնական տարվա դասախոսական կազմը համարյա մնաց նույնը, ավելացավ միայն դաշնամուրի դասատուն՝ Թադեոս Սամարյանը:

Հոգևոր ճեմարանի դասախոսական կազմը այս տարի էլ բարեհաճել է գլխավորել մեր սիրելի Վեհափառ Հայրապետը: Նորին Սրբության անմիջական հսկողության ներքո և թելադրությունների համաձայն ճեմարանի դասախոսական կազմն այս տարի ևս իր կարելին արեց մեր սաների մտավոր, հոգեկան ու բարոյական դաստիարակության համար:

Ուսումնական տարվա սկզբին ճեմարանի տեսչության պաշտոնը շարունակում էր վարել տ. Շնորհք վրդ. Գասպարյանը, որը 1970 թվականի դեկտեմբեր ամսվա կեսերին Վեհափառ Հայրապետի կարգադրությամբ

մեկնեց Եթովպիա՝ Ադիս-Աբեբայում վարելու ժամանակավորապես հոգևոր հովվի պաշտոնը: Այս կապակցությամբ տեսչի ծանր պարտականությունը դրվեց մեր ուսերին: Վեհափառ Հայրապետի անմիջական աջակցությամբ և մեր դասախոսական կազմի օժանդակությամբ աշխատեցինք օգտակար լինել և զգալի չդարձնել տեսուչ հայր սուրբի բացակայությունը:

Այս տարի մեզ մոտ հյուրաբար գտնվող Վեհետիկի Մխիթարյան միաբաններից հայր Հարություն Պոտիկյանը և Մայր Աթոռի միաբան տ. Տարոն վրդ. Մերեճյանը իրենց դասավանդություններով, առաջինը կրոնագիտական և երկրորդը՝ եկեղեցական երաժշտության գիտելիքներով, օգտակար եղան մեր սաներին: Հոգևոր ճեմարանի տեսչությունը այս առթիվ իր շնորհակալությունն է հայտնում նրանց:

Այս տարի ճեմարանի վերակացուներ էին Հակոբ սրկ. Նալբանդյանը, Բարսեղ և Սարգիս Թաշճյանները: Նրանք տեսչի հետ միասին ձեռք-ձեռքի տված իրենց կարելին արեցին սաների դաստիարակությունը և ճեմարանի ներքին կարգապահությունը բարձր դիրքի վրա պահելու համար:

Ուսումնական կյանքի ճշգրիտ կազմակերպումը առաջին պայմաններից մեկն է՝ լավ արդյունքի հասնելու համար դաստիարակության և կրթության գործում: Ամբողջ տարին դասերը շարունակվել են կանոնավոր կերպով, նախկին տարիների ծրագրով:

Ճեմարանի նպատակը եղել է ոչ միայն գիտելիքներ տալ մեր սաներին, այլև նրանց զինել հոգու արիությամբ և նկարագրի ազնվությամբ, որպեսզի նրանք գիտակցեն իրենց գործի լրջությունը և նվիրումով նախապատրաստվեն վաղվա իրենց մեծ գործին:

Այս նպատակով հաճախ կազմակերպել ենք զրույցներ, դասախոսություններ, բարոյախոսական, գիտական, հայագիտական, առողջապահական, դաստիարակչական և այլ հարցերի շուրջ:

Այս իմաստով ամենամեծ դաստիարակչական աշխատանքը տարել է Ինքը Վեհափառ Հայրապետը, բարձր լսարանների ուսանողներին ամեն շաբաթ չորեքշաբթի երեկոները Իր մոտ է հավաքել ու անձամբ զբաղվել նրանց հոգևոր և մտավոր դաստիարակությամբ:

Հոգևոր ճեմարանի հարկի տակ այս տարի տոնվեցին ճեմարանի 25-ամյակը, Վարդանանց տոնակատարությունը և ս. Գր. Նարեկացու գրական գործունեությանը նվիրված հանդիսությունները:

Հոգևոր ճեմարանն ունեցավ իր «Տարև»

պարբերականը, որը լույս տեսավ ուսանողների նախաձեռնությամբ և ուժերով: Արդեն լույս է տեսել 3-րդ համարը: Քաջալերանքի արժանի են Ա լսարանի սան Սամվել Պետրոսյանը և նրա օգնականները:

Հաճախ ներկա ենք եղել Երևանում թատերական ներկայացումների, երաժշտական համերգների: Ամեն շաբաթ տեղի են ունեցել կինոցուցադրումներ ճեմարանի հանդիսությանը սրահում:

Մարզական կյանքը միշտ ուշադրության առարկա է եղել: Հակառակ այն բանի, որ մեր խաղադաշտը այս տարի վերածվեց շինարարական հրապարակի, այնուամենայնիվ մեր ուսանողները ֆուտբոլի, բասկետբոլի և վոլեյբոլի մարզումները կատարեցին էջմիածնի քաղաքային մարզադաշտում: Մեր սաները ընկերական հանդիպումներ են ունեցել քաղաքի մարզադպրոցի և այլ միջնակարգ դպրոցների աշակերտական խմբերի հետ: Անց է կացվել թենիսի գծով ճեմարանի սաների միջև մրցում:

Հոգևոր ճեմարանի ուսանողների առողջական վիճակը եղել է գոհացուցիչ: Լուրջ հիվանդություններ չեն եղել:

Ճեմարանի գրադարանը ամբողջ տարին աշխատել է անխափան: Գրադարանի վարիչ Տաճատ Վարդանյանը աշխատել է բարեխղճորեն և շուտով տեսչությանը տեղյակ կպահի գրքերի ֆոնդի ստուգման արդյունքի մասին:

Այս տարի երեք անգամ գնացել ենք գրոսապտույտի. դեպի Սարդարապատի հուշարձան, և Գեղարդա վանք և Մուղնու ս. Գևորգ, Օհանավանք և Սաղմոսավանք:

Ամսի 14-ին ուսանողությունը և դասախոսական կազմը չորսօրյա պտույտի կմեկնեն դեպի Սիսիան, Գորիս, Տաթև, Եղեգնաձոր և Սևան:

Հոգևոր ճեմարանը այս տարի տվեց իր հերթական հունձքը: Ավարտական Գ լսարանի 5 սաներ սարկավազ ձեռնադրվեցին ս. Ստեփանոսի տոնին՝ տ. Հայկազուն արքեպիսկոպոսի ձեռքով:

Դպրության չորս աստիճաններ ստացան Ա լսարանի և Գ դասարանի տղաները: Այս բոլորը մեզ արտակց ուրախացնում է, և հուսով ենք, որ մի քանի տարի հետո նրանք ս. Սեղանի առաջ կկատարեն իրենց բահանայական ուխտը:

Համատոտ այս հաշվետվությունից հետո թույլ տվեք, Վեհափառ Տեր, հոգևոր ճեմարանի դասախոսական կազմի և ուսանողների կողմից համբուրել Ձերո՞ Սրբության

Այլը՝ մաղթելով Ձեզ բեղմնավոր և առողջ տարիներ՝ ի փառս Հայաստանայաց ս. եկեղեցու պայծառացման:

Այնուհետև տ. Հովհաննես քհն. Մարությանը կարդում է հոգևոր ճեմարանի այն առաջադեմ սաների անունները, որոնք սույն ուսումնական տարում ուսման, վարքի, եկեղեցասիրության, մարմնամարզության մեջ արժանացել են մրցանակների, և որոնք աջահամբուրյով Վեհափառ Հայրապետից ստանում են իրենց նվերները:

«Հոգևոր ճեմարանի տեսչությունը գերազանց վարքի համար ցանկանում է պարգևատրել,— շարունակում է տ. Հովհաննես քհն. Մարությանը,— Վարդգես Մեհրամյանին, «Տաթև» ամսաթերթի խմբագրական աշխատանքների համար՝ նրա խմբագրին՝ Սամվել Պետրոսյանին, պարտիզամարտության համար՝ Արտաշես արկ. Մուշեղյանին, սեղանի թենիսի մրցման մեջ առաջին մրցանակը տրվում է Ստեփան Գըլընյանին, երկրորդ մրցանակը՝ Տրդատ արկ. Շամյանին:

Այս տարի 10 ուսանողներ ունեն վերաքննելի: Դասարանը կրկնում են չորս ուսանողներ:

Ահա պատկերը, որը ներկայացրինք Ձեզ: Այժմ խնդրում ենք Վեհափառ Հայրապետից՝ տալու իր հայրական օրհնությունը:

Վեհափառ Հայրապետը օրհնության խոսքով իր բարձր գնահատությանն է արժանացնում այս տարի հոգևոր ճեմարանում կատարված ուսումնա-դաստիարակչական աշխատանքները՝ տեսչի պաշտոնակատար տ. Հովհաննես քհն. Մարությանի, դասախոսական կազմի, վերակացուների և ճեմարանի ողջ անձնակազմի:

Ամավերջի հանդիսությունն ավարտվում է Վեհափառ Հայրապետի «Պահպանիչ»-ով և խմբովին երգված Տերունական աղոթքով:

Այնուհետև տեսչական և դասախոսական կազմը Վեհարանում ներկայանում է Հայոց Հայրապետին՝ ամստային արձակուրդի առիթով ստանալու Նորին Սրբության թելադրություններն ու օրհնությունները:

Վեհափառ Հայրապետը ջերմապես ողջունում է դասախոսներին, իր ուրախությունն է հայտնում հոգևոր ճեմարանում այս տարի ձեռք բերված արդյունքների համար և բարեմաղթում բոլորին բարի արձակուրդ:

Վերջում բոլոր ներկաները հյուրասիրվում են Մայր Աթոռի այգու բարիքներով և աջահամբուրյով բաժանվում Վեհափառ Հայրապետից:



Մ Ա Յ Ր Ա Թ Ո Ռ Ո Ւ Մ

Մայիսի 30-ին, կիրակի.—Հոգեգալուստ (Պենտեկոստե, չիսներորդ օր ի Զատիկէն)։

Մայր տանարումս ա. պատարագ է մատուցում տ. Հուսիկ եպս. Սանթորյանը և քարոզում Վեհափառ Հայրապետը՝ Հոգեգալըստյան տոնի հոգևոր-եկեղեցական մեծ նշանակության մասին։

Հավարտ ա. պատարագի տեղի է ունենում հոգեհանգիստ տաղանդավոր նկարիչ Սարգիս Խաչատուրյանի հիշատակին։

Մայիսի 31-ին, երկուշաբթի.—Այսօր ա-նավոտյան Մայր Աթոռից և Վեհափառ Հայրապետից հրաժեշտ է առնում Վենետիկի Մխիթարյան վանքի միաբան հայր Հարություն վրդ. Պատիկյանը, որը Ն. Ս. Օծուրյան քարեհան կարգադրությանը շուրջ երեք ամիս հոգևոր ճանարանում, լսարանական բաժնում, կրոնական առարկաներ էր դասավանդում։

Հունիսի 6-ին, կիրակի.—Ա. կիրակի գկնի Հոգեգալստեան. Սկիզբն Յարութեան կիրակեցից. Յիշատակ եղիայի մարգարէին.

Մայր տանարումս ա. պատարագ է մատուցում տ. Նշան քնն. Բեյլերյանը։ «Հայր մեր»-ից սուսք քարոզում է Վեհափառ Հայրապետը՝ ա. Հոգու միջոցով եկեղեցու հաս-

տատման և քրիստոնչա ժողովուրդների միջեւ սեր և խաղաղություն հաստատելու մասին։

Հունիսի 7-ին, երկուշաբթի.—Տօն սրբոց կուսանացն Հոսիսիմեանց. Եկեղեցական հանդէս ի վանս սրբոհոյ կուսին Հոսիսիմեանց։

Այսօր ա. Էջմիածնի միաբանությունը և հոգևոր ճանարանի ուսանողությունը ովաթի են մեկնում ա. Հոսիսիմե վանք։

Օրվա ա. պատարագը մատուցում է վանահայր տ. Պողոս վրդ. Տեր-Նշանյանը և քարոզում՝ «Անձինք նուիրեալք սիրույն Քրիստոսի» բնարանով։

Ա. պատարագի վերջավորությանը կատարվում է հոգեհանգստյան պաշտոն՝ ա. Հոսիսիմե վանքի նորոգության քարերար միլանարեակ պրն. Երվանդ Հյուսիսյանի գերդաստանի բոլոր ննջեցյալների հոգիների համար։

Հունիսի 8-ին, երեքշաբթի.—Տօն սրբոց կուսանացն Գայանեաց. Եկեղեցական հանդէս ի վանս սրբոհոյ կուսին Գայանեայ.

Ա. Գայանե վանքումս ա. պատարագ է մատուցում տ. Գևորգ վրդ. Սերայդարյանը և քարոզում՝ «Արևմուտք յարևելս ընթացեալք հասին. քարոզել յայտնապէս գշքնաղ տե-

տալիսն» բնաբանով:

Հավարտ ա. պատարագի տեղի է ունենում հոգեհանգիստ՝ եկեղեցու նորոգության բարերարների անջեցյալների հոգիների համար:

*
* *

Հունիսի 10-ին, հինգշաբթի.—Տօն սրբուն Յովհաննու Կարապետին և Աթանազիենայ եպիսկոպոսին. եկեղեցական հանդես ի վանս ա. Շողակաթի.

Այսօր ա. Շողակաթ եկեղեցում ա. պատարագ է մատուցում տ. Հովհաննես քհն. Մարությանը:

Հավարտ ա. պատարագի կատարվում է հոգեհանգիստ՝ եկեղեցու նորոգության բարերար Սուրեն Գալենտերյանի անջեցյալների հոգիների համար:

*
* *

Հունիսի 12-ին, շաբաթ.—Տօն սրբուն Գրիգորի Լուսատրչին մերոյ էլն ի վիրապէն.

Մայր տաճարում ա. պատարագ է մատուցում տ. Հակոբ քհն. Հակոբյանը:

*
* *

Հունիսի 13-ին, կիրակի.—Բ կիրակի զկնի Հոգեգալստեան. Տօն կաթողիկէ ա. Էջմիածնի.

Մայր Աթոռի մեծ տոնի առիթով Մայր տաճարում ա. պատարագ է մատուցում Իրաքից ուխտավորաբար ա. Էջմիածնում գտնվող տ. Օշական քհն. Գրլընյանը և բարոգում ա. Էջմիածնի հոգևոր-եկեղեցական առաքելության մասին:

Հավարտ ա. պատարագի իջման ա. սեղանի առաջ տեղի է ունենում հայրապետական մաղթանք՝ հավատացյալ խոռոներամ բազմության ներկայությամբ:

*
* *

Հունիսի 17-ին, հինգշաբթի.—Այսօր առավոտյան, ժամը 12-ին, Տրիպոլիի Իլիա միտրոպոլիտը և Հոմսի Ալեքսեյ միտրոպոլիտը, որոնք Մոսկվայում մասնակցել էին ռուսաց նորընտիր Տ. Պիմեն Սրբազան Պատրիարքի գահակալության հանդեսին, Մոսկվա-Բելգրոթ երթուղու վրա Երևանում, կես ժամով, այցելեցին Մայր Աթոռ և Հայոց Հայրապետին:

Երևանի օդանավակայանում, հանուն Հայոց Հայրապետի, քույր եկեղեցու երկու բարձրաստիճան հոգևորականներին դիմավորում է տ. Հուսիկ եպս. Սանթրոբյանը և բարի գալուստ մաղթում:

Բարձրաստիճան հոգևորական հյուրերը ավտոմեքենայով առաջնորդվում են Մայր տաճար, որ իրենց ուխտն ու աղոթքը անելուց հետո, Վեհարանում ներկայանում են Հայոց Հայրապետին:

Հայոց Հայրապետի և տ. Իլիա և տ. Ալեքսեյ միտրոպոլիտների միջև Վեհարանում տեղի է ունենում եղբայրական ջերմ գրույց՝ սրտագին մթնոլորտում:

Հարգելի հյուրերը հրաժեշտ են առնում Վեհափառ Հայրապետից և մեկնում օդանավակայան, ու նրանց ճանապարհում և բարի երթ է մաղթում տ. Հուսիկ եպս. Սանթրոբյանը:

*
* *

Նույն օրը, հետ միջօրեի ժամը 17-ին, Մայր Աթոռ է ժամանում Եթովպիայի հայոց հոգևոր հովիվ տ. Շնորհք վրդ. Գասպարյանը, որը մեկ շաբաթ Մայր Աթոռում մնալուց հետո մեկնում է իր պաշտոնատեղին:

*
* *

Հունիսի 20-ին, կիրակի.—Գ կիրակի զկնի Հոգեգալստեան.

Այսօր Մայր տաճարում ա. պատարագ է մատուցում տ. Հովհաննես քհն. Մարությանը:

*
* *

Հունիսի 21-ին, երկուշաբթի.—Այսօր Վեհափառ Հայրապետից հրաժեշտ է առնում Քերթուկի հայոց հոգևոր հովիվ տ. Օշական քհն. Գրլընյանը, որը ամսի 8-ից ուխտավորաբար գտնվում էր Մայր Աթոռում:

*
* *

Հունիսի 27-ին, կիրակի.—Դ կիրակի զկնի Հոգեգալստեան.

Մայր տաճարում ա. պատարագ է մատուցում տ. Գևորգ վրդ. Սերայդարյանը:

Ա. պատարագին ներկա էր Վեհափառ Հայրապետը:

*
* *

Հունիսի 29-ին, երեքշաբթի.—Այսօր ուխտավորաբար Մայր Աթոռ են ժամանում Բելրութի Կրոնասեր տիկնանց համախմբման վարչության անդամները՝ տ. Գևորգ վրդ. Կարախյանի գլխավորությամբ: Ուխտավորների կազմում էին. տեր և տիկին Կարապետ և Արուսյակ Ալթունյաններ, տեր և տիկին Գեղամ և Անգիսե Տանձիկյաններ, տեր և տիկին Սիսակ և Արաքսյա Վարժապետյաններ, տիկին Զվարթ Ներսեսյան, տեր և տիկին Հակոբ և Ծաքե Ծաքյաններ, տիկին Ռոզին Բաբայան, պրն. Նազարեթ Դեմիրճ-

յան, տեր և տիկին Հայկազուն և Հայկանուշ Թորոսյաններ, տիկին Էլմաստ Հինաճինյան, տիկին Համիկ Սապունջյան, տեր և տիկին Ավետիս և Լուսաթագ Մարգարյաններ, տիկին Ռոզին Նազարյան:

Մայր տաճարում իրենց աղոթքն ու ոխտը կատարելուց հետո, ուխտավորները Վեհաբանում ներկայանում են Հայոց Հայրապետին՝ ստանալու Նրա օրհնությունը և ս. Աջը համբուրելու:

*
*
*

Հուլիսի 1-ին, հինգշաբթի.—Տօն սրբոց Թարգմանչացն մերոց Սահակայ և Մեսրոպբայ.

Այսօր Մայր Աթոռի միաբանությունն ու հոգևոր ճեմարանի ուսանողությունը ուխտի են գնում Օշական՝ ս. Մեսրոպի դամբարանը:

Օրվա հանդիսավոր ս. պատարագը մատուցում է Արարատյան թեմի առաջնորդական փոխանորդ տ. Վահան եպս. Տերյանը և քարոզում երկու եռամեծ թարգմանիչների՝ ս. Սահակի և ս. Մեսրոպի կյանքի և գործունեության մասին:

Հավարտ ս. պատարագի տեղի է ունենում հոգեհանգիստ՝ եկեղեցու նորոգության բարերարներ Հ. Թ. Ղազարոսյան և Պ. Ալեքսյան գերդաստանների նկջեցյալների հոգիների համար:

*
*
*

Հուլիսի 2-ին, ուրբաթ.—Այսօր ուխտավորաբար Մայր Աթոռ են ժամանում Փարիզից տ. Նորվան վրդ. Զաքարյանը և Մարտիկից տ. Վաչե վրդ. Իգնատիոսյանը: Նրանց Երեւանի օդանավակայանում դիմավորում են տ. Նարեկ վրդ. Ծաքարյանը և Արտաշես արկ. Մուշեղյանը:

Ուխտավոր վարդապետները Մայր տաճարում իրենց աղոթքն ու ոխտը կատարելուց հետո ներկայանում են Վեհափառ Հայրապետին՝ ստանալու Ն. Սրբության օրհնությունը:

*
*
*

Հուլիսի 11-ին, կիրակի.—Ձ կիրակի գկնի Հոգեգալստեան. Բարեկենդան վարդավառի պահոց.

Այսօր Մայր տաճարում ս. պատարագ է մատուցում տ. Վաչե վրդ. Իգնատիոսյանը և քարոզում՝ Մատթեոսի Ավետարանի (ԺԳ. 13) հինգ հացերի բազմացման հրաշքի մասին:

Պատարագիչ հայր սուրբը հացերի բազմացման հրաշքը գեղեցկորեն կատարում է հայ ժողովրդի հրաշալի վերածննդյան հետ:

*
*
*

Հուլիսի 18-ին, երեքշաբթի.—Այսօր ուխտավորաբար Մայր Աթոռ է ժամանում Ամերիկայի Միացյալ Նահանգների հայոց արեւելյան թեմի առաջնորդ տ. Թորգոմ արքեպ. Մանուկյանը:

*
*
*

Հուլիսի 18-ին, կիրակի.—Վարդավառ. Պայծառակերպություն Տեառն մերոյ Յիսուսի Քրիստոսի.

Մայր տաճարում ս. պատարագ է մատուցում ուխտավորաբար Մայր Աթոռում գտնվող տ. Թորգոմ արքեպ. Մանուկյանը: «Հայր մեր»-ից առաջ քարոզում է Քրիստոսի պայծառակերպության տոնի խորհրդի մասին:

Ս. պատարագին ներկա էին ուխտավորաբար մայր հայրենիքում գտնվող Ամերիկայի Միացյալ Նահանգների Եկեղեցասեր հայ երիտասարդաց միության անդամները:

Ս. պատարագի ավարտին կատարվում է հոգեհանգստյան պաշտոն՝ ամերիկահայ երիտասարդների նկջեցյալների հոգիների համար:

*
*
*

Հուլիսի 19-ին, երկուշաբթի.—Մեռելոց.

Մայր տաճարում ս. պատարագ է մատուցում տ. Հովհաննես քհն. Մարտիրյանը:

Հավարտ ս. պատարագի կատարվում է հոգեհանգստյան պաշտոն՝ վասն համորեն նկջեցեղոց:


*
*
*

Հուլիսի 25-ին, կիրակի.—Բ կիրակի գկնի Վարդավառի.

Մայր տաճարում ս. պատարագ է մատուցում ուխտավորաբար Մայր Աթոռում գրտնվող տ. Նորվան վրդ. Զաքարյանը: «Հայր մեր»-ից առաջ քարոզում է «Հաւատք քո կեցուցին գրեգ» բնաբանով:

*
*
*

Հուլիսի 29-ին, հինգշաբթի.—Այսօր Ֆրանսիա՝ իրենց պաշտոնատեղերը մեկնեցին, շուրջ մեկ ամիս ուխտավորաբար Մայր Աթոռում գտնվող, տ. Նորվան վրդ. Զաքարյանը և տ. Վաչե վրդ. Իգնատիոսյանը:



ԿԱՄԱՐ ԱՎԵՏԻԱՅԱՆ

(Աշխարհագրագետ)

ՈՒՒՏԱԳՆԱՅՈՒԹՅՈՒՆ ԴԵՊԻ ՏԱԹԵՎ

Արդեն ավանդույթ է դարձել, որ ամեն տարի, ս. Էջմիածնի հոգևոր նեմարանի ուսումնական տարին ավարտելուց հետո, կազմակերպվում է հայրենագիտական բնույթի ուղևորություն դեպի Հայաստանի տեսարժան վայրերը՝ ծանոթանալու նվիրական կոթողներին ու պատմական հուշարձաններին: Այս տարի հունիսի 14-ին ընտրվեց Չանգեզուր և ապա Տաթև տանող երթուղին:

Չանգեզուրը Հայաստանի բնապատմական մարզերից մեկն է, որը տեղադրված է նրա հարավ-արևելյան մասում: Իր ժամանակին Սյունիքի կամ Սիսականի մասն է կազմել:

Սյունիքը Մեծ Հայքի 11-րդ նահանգն էր, որը գրավում էր 15 հազար 237 քառակուսի կիլոմետր տարածություն: Սյունիքը համարվում էր Սյունյաց նախարարական տան ժառանգական իշխանությունը:

Սյունյաց աշխարհի պատմական կյանքը շատ բանով կապված է ներկա Չանգեզուրի հետ:

Ներկայումս Չանգեզուր հասկացությունը ընդգրկում է Սիսիանի, Գորիսի, Ղափանի և մասամբ Մեղրու շրջանները:

Չանգեզուր անունը հայկական ծագում ունի:

Չանգեզուր անվան ստուգաբանությունը կապվում է Չագեձոր բերդավանի անվան հետ, որը ներկա Գորիս քաղաքի դիմացի Կյորես գյուղն է: Իսկ Չագեձոր անվան առաջին մասնիկն էլ ծագած է համարվում Սյունյաց Չագիկ նահապետի անունից, որը եղել է Սիսակ նահապետի սերնդից: Չագեձոր անունը ժամանակի ընթացքում որոշ փոփոխության ենթարկվելով դարձել է Չանգեզուր:

Մի այլ ստուգաբանությամբ Չանգեզուր անվան հիմքում ընկած է «Չանգը գոռ» խոսքը: Ըստ ավանդության ներկա Գորիսից երկու կիլոմետր հեռավորության վրա եղել է վանք, որն ունեցել է մի գորեղ գանգ: Նրա ձայնը լսվել է շատ հեռվից: Ժողովուրդը այդ պատճառով էլ դա անվանել է «Չանգը գոռ»: Բառի ձևափոխումից ստաջացել է Չանգեզուր անունը: Մի այլ ստուգաբանությամբ Չանգեզուր անունը կապվում է «Ծակերի ձոր» անվան հետ: Գորիսի շրջակայքում և մյուս գյուղերի մոտ գոյություն ունեն բազմաթիվ բնական այրեր, ինչ-

պես և մեծ քանակությամբ բուրգանման արածայր բլուրներ, որոնք ունեն խոռոչներ, ծակեր և քարայրեր: Դրանք ծառայել են մարդկանց համար իբրև բնակարաններ: Ի դեպ, այսօր էլ Գորիսին մոտիկ ձորակներից մեկը կոչվում է Չագեձոր: Իսկ Գորիս կամ Վարարակ գետի վտակ Շոռ ջրի հովիտը հարուստ է բազմաթիվ «քարատակերով», որտեղ մարդիկ են ապրել:

Չանգեզուրը համարվել է յոթ սարից այն կողմ գտնվող հեքիաթային երկիր: Այն Հայաստանի մյուս մասերից բաժանվում է բարձրաբերձ լեռնաշղթայով: Չանգեզուրը բարձր լեռնային ու անդնդախոր ձորերի երկիր է: Միայն հյուսիս-արևելքում բնությունը համեմատաբար մեղմանում է և բարենպաստ դառնում տնտեսության համար: Չանգեզուրի լեռնաշղթաներից նշանավոր են Բարգուշատի շղթան, որը մի տեսակ սահման է դառնում հյուսիսի և հարավի միջև, այլ խոսքով՝ Միսիանի և Գորիսի շրջանները բաժանում է Ղափանի և Մեղրու շրջաններից: Հաջորդ շղթան Մեղրու լեռնաշղթան է: Առավել աչքի ընկնող լեռները հյուսիսում Ծղուկ (3550 մ) և Մեծ իշխանասար (3548 մ) գագաթներն են: Բարգուշատի լեռնաշղթայում նշանավոր գագաթն է Արամազդը (3399 մ), իսկ Մեղրիի շղթայում՝ Բաղաց սարը (3250 մ):

Գլխապտույտ կենսաններով ճանապարհը բարձրանում է դեպի վեր, դեպի Որոտանի լեռնանցք: Հենց այդտեղից էլ մտնում ենք Չանգեզուր: Տեսնողի առջև բացվում են երկնային կապույտի հետ ձուլվող լեռները, գմբուխոյա կամ ոսկեգօծ արտերը (նայած տարվա եղանակին): Այդպես էլ ընդմիջտ այցելուի հիշողության մեջ մնում է Չանգեզուրի բնապատկերը:

Չանգեզուրի լեռնային գետերը (Որոտան (Բագարչայ), Ոխչի, Մեղրաձոր) մեծ թեքություն ունեն և հիդրոէներգիայի աղբյուր են հանդիսանում: Մեր օրերում առանձնապես մեծ է Որոտանի նշանակությունը: Սեվան-Հրազդան համակարգից (կասկադ) հետո մեր երկրում հանրահայտ է դարձել Որոտանի համակարգը, որի առաջնեկը Տաթևգեան է:

Չանգեզուրը պատմական Հայաստանում մտնում էր Սյունյաց աշխարհի կազմի մեջ, որի անցած պատմությունից մնացել են ամրոցներ, բերդեր ու վանքեր:

Չանգեզուր ենք մտնում Վալոց ձորի (Դարավազյազ) կողմից, Որոտանի լեռնանցքով: Կորելով Չանգեզուրի լեռնաշղթան, կտնենք Որոտանի ավազանը: Վարչական տեսակետից նախ մտնում ենք Միսիանի շրջան: Սյունիքի 7-րդ գավառը

Ծղուկն է, որը պատմական Հայաստանում կոչվել է նաև Միսական, իհարկե նեղ իմաստով:

Դեպի ձախ համապատկերի վրա երևում է Մեծ Իշխանասարը (3548 մ):

Միսիան չհասած Ծաքի գյուղից աջ, խոր ձորում, գտնվում է Չանգեզուրի բնության հրաշալիքներից մեկը՝ Ծաքի ջրվեժը, որն ունի մոտ 20 մետր բարձրություն: Միսիանը, որը գտնվում է ծովի մակերևույթից 700 մետր բարձրության վրա, նախկինում կոչվում էր Ղարաքիլիսա, ներկայումս՝ Միսիան, որը և հանդիսանում է համանուն շրջանի կենտրոնը: Գտնվում է Սյունյաց աշխարհի Ծղուկ կամ Միսական գավառում, որը հարուստ է կրոնական ու պատմական շատ հուշարձաններով: Այս գավառը եղել է Սյունյաց արքեպիսկոպոսության Աթոռի կենտրոնը: Մինչև Տաթև տեղափոխվելը, Սյունյաց արքեպիսկոպոսարանը գտնվել է Ծաղատում:

Միսիանի պատմական հուշարձաններից նշանավոր է ս. Հովհաննես եկեղեցին: Սա մի գողտրիկ տաճար է, որը կառուցվել է 7-րդ դարում. հիշեցնում է ս. Հռիփսիմեին:


Միսիանի տաճարը հիմնադրել է Սյունյաց Կոնստանտին իշխանը, Սյունյաց եպիսկոպոս Հովսեփ Ա-ի և Թեոդորոս վանականի օժանդակությամբ, որոնց դիմաքանդակները, համապատասխան մակագրություններով, տեղափորված են եղել տաճարի ներսում, գմբեթի տակ:

Կոնստանտին իշխանը հայտնի է նաև Տեր Սյունյաց անունով: Նրա անունը հիշատակված է տաճարի կաթոլիկեում գտնված երեք անդրիներից մեկի շուրջը: Տաճարի արեվմտյան ճակատի վրա մի ուրիշ պատկերաքանդակ էլ կա և նրա մոտ «Հովհաննես եկեղեցյալան» մակագրությունը. անշուշտ դա պատկանում է Հովսեփ Ա-ի հաջորդ Հովհաննես եպիսկոպոսին, որը և, ամենայն հավանականությամբ, ավարտել է տաճարի շինարարությունը և արժանացել այդ մեծ պատվին: Ուսումնասիրությունը ցույց է տալիս, որ տաճարն ավարտվել է ոչ ուշ, քան 691 թվականին:

Տաճարը ներսից խաչաձև է և անկյուն: Գմբեթը վերջերս է Մայր Աթոռի կողմից նորոգվել, բայց ամբողջ տաճարը կարիք ունի նորոգման և բարեկարգման:

Տաճարը գտնվում է մի բարձրադիր տեղում, կառուցված է սրբատաշ սև քարից: Այդ պատճառով էլ կոչվել է նաև Ղարաքիլիսա («Սև վանք»):

Շրջանի պատմական հուշարձաններից է Որոտնա վանքը, որը գտնվում է Վաղուդի գյուղի մոտ, Որոտանի ձախ ափին, մի գե-




ՏԱԹԵՎԻ ՎԱՆՔԸ 1931 ԹՎԱԿԱՆԻ ԵՐԿՐԱՇԱՐԺԻՑ ԱՌԱՋ

դեցիկ բլրի վրա: Իսկ ներքևում Որոտան գետն է «որոտում», որին եզերում են գեղեցիկ այգիները:

Վանքը իր ժամանակին ծաղկել է և դարձել գիտության կենտրոն, շնորհիվ Հովհան

Ս. Աստվածածնին կից է ս. Կարապետի եկեղեցին, որը շատ է տուժել երկրաշարժից: Կանգուն են միայն գավթի պատերը: Այս եկեղեցու գավթում են թաղված վանքի նշանավոր միաբանները:



Տաթևի վանքը 1931 թվականի երկրաշարժից հետո

վարդապետ Որոտնեցու, որը մինչ Տաթև գալը գործել է այս վանքում և նրա պատվին էլ կոչվել է Որոտնա վանք: Որոտնա վանքը նույնպես տուժել է 1931 թվականի երկրաշարժից: Որոտնա վանքից հյուսիս-արևելք գտնվում է Որոտնա բերդը: Տեղացիները Անգեղակոթի մոտ ոչ միշտ վայրում ցույց են տալիս նաև Դավիթ բեկի բերդը: Որոտնա վանքից հյուսիս գտնվում է Վաղուդի գյուղը, որը Հովհան Որոտնեցու հայրենիքն է: Գյուղի հիշարժան հուշարձաններից է ս. Կարապետի վանքը: Այս գեղեցիկ մենաստանի նշանավոր եկեղեցին է ս. Աստվածածինը, որը գտնվում է մենաստանի հյուսիսային կողմը և համեմատաբար քիչ է տուժել 1931 թվականի երկրաշարժից: Տաճարի ս. սեղանի պատվանդանը մի խաչքար է:

Մյուս եկեղեցիներից է ս. Ստեփաննոսը, որի միայն հյուսիսային պատն է կանգուն, կառուցվել է Սմբատ թագավորի և Ծախանդուխտ թագուհու օրոք:

Դ Ե Պ Ի Գ Ո Ր Ի Ս

Սիսիանից եկող խճուղին նախքան Գորիս մտնելը անցնում է ընդարձակ, ջրագուրկ մի մեծ տարածությունով:

Վերջապես մոտենում ենք Զանգեզուրի գեղեցկուհուն՝ Գորիսին: Բարձունքից դիտողի առջև բացվում է Գորիսի ամբողջական համապատկերը, որը արտակարգ գեղեցիկ է:

Քաղաքը փոված է ընդարձակ, անտառապատ լեռներով շրջապատված Վարարակ (Գորիս) գետի ծառագարդ հովտում:

Գորիսը մեր հանրապետության ամենա-

բարեկարգ և ճարտարապետական ամբողջական նկարագիր ունեցող գեղեցիկ բնակավայրերից մեկն է:

Ժամանակագրական տեսակետից քաղաք կարելի է ասել Նոր Գորիսին, որովհետև Հին Գորիսը կամ, ինչպես ասում են, Կյորեսը գտնվում է այժեի բարձր, չորս կիլոմետր հեռավորության վրա: Նախատեսվում է պահպանել այդ ժայռափոր բնակավայրը, որպես պատմական հնություն:

Գորիսի հիմնադրումը տեղի է ունեցել 1870 թվականին հայ Մելիք Մանուշար բեկի հորդորանքով:

Բնակչության թիվը հասնում է 12 հազարի:

Գորիսն ունի գեղեցիկ համայնապատկեր: Գեղեցիկ տեսարան է բացվում նաև քաղաքի առանձին մասերից: Այդպես է Ղափան տանող ճանապարհի տեսարանը: Այդ կողմի լեռները, աստիճանաբար ձորը իջնող կապույտին տվող փեշերը լրացնում են այդ համայնապատկերը:

Գորիս այցելողներին զարմանք է պատճառում նրա շրջակայքի բնության հրաշալիերտ քարաքորգերը: Հեռվում երևում են բարձրաբերձ ժայռեր, որոնք քարացած անտառի տեսք են տալիս: Այդ բանը լավ է երևելում Խնձորենկ գնալիս, որի ճանապարհը դորապտույտ է և անցնում է «ցից ժայռերի» մոտով: Բնության այդ տարօրինակ ստեղծագործությունները մերթ հանդես են գալիս ստանձին, մերթ խմբերով: Կանգնած են մերթ Կիկլոսյան միաշքանի հսկայի տեսքով, մերթ էլ տարօրինակ «գլխարկներով», և ավանալից զարմանում են, թե ինչպես է, որ այդ ժայռերը չեն փլվում:

ԳԵՊԻ ՍՅՈՒՆՅԱՑ ՎԱՐԳԱՊԵՏԱՐԱՆ

Տաթև, Տաթև...

Սյունյաց աշխարհի նվիրական սրբությունը, փառքն ու պարծանքը:

Լ Ե Ո

Գորիսից Տաթև 58 կիլոմետր է: Ծանապարհն անցնում է Եռաբլուր (Ուշթափալար) հարթությունով: Գնում ենք Քարահունջ, Վերին Ծիմուհայր գյուղերի մոտով:

Ի դեպ, հին Հայիձորը գտնվում է խնուրոց հինգ կիլոմետր ներքև: Մեր ճանապարհը անցնում է, այսպես կոչված, վերին կամ նոր Հայիձորով, որը համեմատաբար նոր է հիմնվել: Ծանապարհին, խնուրոց ձախ, գտնվում է այն համեստ հուշարձանը, որը կանգնեցված է Խրիմյան Հայրիկի հի-

շատակին: Տաթև գնալիս նա հանգստացել է այդ տեղում:

Հայիձորից հետո խնուրին դորապտույտ անցնում է անտառի միջով: Եվս մեկ-երկու դորապտույտ և մեր առաջ բացվում է մի սքանչելի համապատկեր. դա Որոտանի անդնդախոր ձորն է: Հայիձորը բնության բոլոր գեղեցկություններով բացվում է տեսնողի առաջ: Չորով հոսում է Սյունյաց աշխարհի հրաշալիքներից մեկը՝ Որոտանը: Հեռվում, ձորի մյուս կողմում, նշմարվում է Տաթևը: Սկսվում է կենտանների շարանը և վերջապես մոտենում ենք «Սատանի կամուրջին»: Մի պահ կանգ ենք առնում ու խորհում, թե ինչպես է ստեղծվել «քարե հրաշքը», որի տակով բավական տեղ անցնում է Որոտանը: Բոլոր կողմերից կամուրջը եզերում են սեպացած, միապաղաղ ժայռեր, որոնք մի անցք են թողել գետի համար: Այդ անցքում, մինչև կամուրջը վերելից ծածկվելը, այսինքն ցեմենտապատկեր, երևում էին ահագին շթաքարեր, որոնք սպիտակ մեծ մուների նման կախ են ընկել ջրի վրա: Գնալով գետի հատակը լայնանում է և «լույս աշխարհ» դուրս գալիս, շարունակում իր աղմկալից ընթացքը: Սակայն այսօր ջուրը քչացել է Տաթևգետի կառուցման հետևանքով: Անցյալում անցորդներին զարմանք էր պատճառում այդ կամուրջը: Ժողովուրդը բնության խաղի բացատրությունը չկարողանալով տալ, այս հրաշալիերտ կամուրջը անվանել է «Սատանի կամուրջ»: Այս կամուրջի մոտ հանրային մի սղբյուր կա:

«Սատանի կամուրջը» դարեր շարունակ պատմական Սյունյաց աշխարհը կապել է Արցախի (Ղարաբաղի) հետ: Բնությունը այնքան հարմար է ստեղծել այդ կամուրջը, որ մարդ նրանով անցնելիս չի էլ զգում, թե տակից գետ է հոսում: Չի զգացվում մանավանդ հիմա, որովհետև կամուրջը փաստորեն ծածկվել է ցեմենտ-բետոնի հաստ շերտով և «Սատանի կամուրջը» կորցրել է իր հմայքը և այլևս խորհրդավոր չի:

Անցնելով կամուրջը, սկսում ենք յոթ կիլոմետր բարձրանալ սարն ի վեր՝ դեպի Տաթև: Խնուրին դորապտույտ անցնում է սարի համարյա թե ողողածիգ կողքով: Ակամայից մտածում են, թե ինչպես են իր ժամանակին մարդիկ երթևեկել այս տեղերով: Ի դեպ, ներկայումս կառուցված է նոր խնուրի, որը շատ է հեշտացնում Տաթև գնալը:

Վերջապես մոտենում ենք Տաթևին: Մարդուն գնալեցնում է մի կողմից նրան շրջապատող անտառապատ սարերը, մյուս կողմից՝ անդնդախոր ձորերը:

Տաթևը բազմել է Սյունյաց աշխարհի մի հույակապ բարձունքում, որտեղից բացվում է գեղատեսիլ համայնապատկեր դեպի Որոտանի անդնդախոր ձորը, որով և հոսում է համանուն գետը: Այդ ձորը այլ կերպ կոչ-

երկու կերպ է բացատրվում, և նվիրագործված են հայոց երկու ավանդություններով: Առաջին բացատրությունը կապվում է ս. Թադեոս առաքյալի աշակերտ Մատթեոսի անվան հետ, որն իր ժամանակին Սյունի-



Տեսարան Գորիսից

վում է Հալիձոր: Նա այնպիսի մի թովչական հատկություն ունի, որ մարդ ակամայից բնության նկատմամբ սիրով է լցվում:

Որոտանի անդնդախոր ձորը ունի 400—800 մետր խորություն. ձախ կողմը անտառապատ է, իսկ աջը՝ ոչ: Վերևում, սարի լայն, բաց բարձր գագաթին, բազմել է Տաթևը, պատմական Սյունիքի հոգևոր կենտրոնը: Հալիձորն այնպիսի մի թովչական հատկություն ունի, որ մարդ ակամայից գմայվում է:

Վանքի դիրքը շատ անսովի է. երեք կողմից անդնդախոր ձորն է նրան պաշտպանում: Նա մատչելի է միայն մի կողմից, որտեղ և կառուցված են հաստ պարիսպներ:

Նախ Տաթևի անվանման ստուգաբանության մասին: Մեր մատենագրության մեջ

քում քրիստոնեություն է քարոզել և «ի վերջո հանգչում է այս չնաշխարհիկ դադարագեղ վայրի վրա, ուր կառուցվում է մի փոքրիկ մատուռ»¹: Այդ մատուռը դառնում է սպազա Տաթև վանքի կորիզը: Ժամանակի ընթացքում էլ Ստաթեոս անունն էլ ձևափոխվել, ուղղակի Տաթև է դարձել: Բայց ափսոս, որ այդ մասին մեր տարեգրությունում չի հիշատակվում: Մանավանդ Սյունիքի ամենանշանավոր պատմաբան Ստ. Օրբելյանը այդ մասին ոչինչ չի հիշատակում:

Բայց ժողովուրդն ունի իր ավանդական հենքով և բանաստեղծական ոգով ստեղծված ստուգաբանությունը, որն այսպիսին է:

¹ Ն. Տեր-Ավետիսյան, Տեղեկագրական համակարգ, Տփլիս, 1888, էջ 21:

Ըստ այդ ավանդության, ճարտարապետը երբ ավարտում է Տաթևի հրաշալի տաճարը, իր վայելուչ կաթողիկետով և գեղեցիկ զանգակատնով, բարձրանում է «երկնաճեմ եկեղեցու» գմբեթը, որպեսզի գետնի խաչը: Այդ պահին մի հայացք է գցում անդընդիստը Հալիճորին և ոլորապտույտ Ռոտանին, նա մի պահ սարսափում է և շշուշուով ասում.—Այս, երանի թե թե առնեի և թռչեի մյուս կողմը:

Ըստ ավանդության հանկարծ լսվում է մի խոյ ձայն, որն ասում է. «Տա թե, տա թե»: Եվ ճարտարապետը անմիջապես թև է առնում ու թռչում հեռուներ, անհետանում: Այստեղից էլ ըստ ավանդության՝ «Տաթև» անունը, որը դասվում է Սյունյաց աշխարհի նվիրական անունների շարքին:

Հայր Ալիշանի կարծիքով Տաթևի տեղում հետազոտության ժամանակ մեհյան է եղել: Քրիստոնեության տարածումից հետո, տեղում եկեղեցի է կառուցվել: Բայց Տաթևի մասին հիշվում է միայն իններորդ դարից, այսինքն Սյունյաց աշխարհի եպիսկոպոսարան դառնալու ժամանակաշրջանից:

Երբ Սյունյաց եպիսկոպոսները այս եկեղեցու անտիկ տեղը շատ հարմար գտան առաջնորդարանի աթոռանիստ դարձնելու համար, նրանք խնդրեցին Սյունյաց իշխաններից, որ իրենց տրվի այդ եկեղեցին և նրա շրջակայքը: Այդտեղ էլ հիմնադրվում է Տաթևի նշանավոր վանքը, իր նշանավոր ս. Պողոս-Պետրոս տաճարով: Սյունյաց եպիսկոպոսական Աթոռը Շաղատից փոխադրվեց Տաթև: Շաղատը ներկայումս մըտնում է Սիսիանի շրջանի մեջ: Իր ժամանակին Սյունյաց իշխանների ուստան էր և եպիսկոպոսական աթոռանիստ: Շաղատը գտնվում է Ռոտանի վերին հոսանքում, աջ ափին, Անգեղակոթի դիմաց: Դրանից հետո Շաղատը ստոհանաբար կորցնում է իր առաջնային դիրքը: Կարճ ժամանակամիջոցում Դավիթ եպիսկոպոսի ժամանակակից Փիլիպպե իշխանը մեծ նվերներով հարըստացրեց Տաթևի վանքը, որի օրինակին հետևեցին շատերը, և վանքը գնալով հարըստացավ:

Դավիթ եպիսկոպոսի հաջորդներից Հովհաննես եպիսկոպոսը 895 թվականին Աշոտ Սյունյաց մեծ իշխանի և նրա կնոջ՝ Շուշանի օժանդակությամբ տասնմեկ տարվա ընթացքում, այն է՝ 895 թվից մինչև 906 թվականը, ավանդական եկեղեցու տեղում կառուցեց կաթողիկե կամ Առաքելոց տաճարը՝ նվիրված Պողոս-Պետրոս սուրբյունների:

Տաճարի հիմնադրման կապակցությամբ Ստեփաննոս Օրբելյանը գրում է. «Այս տա-

րի, որ հայոց 344 թվականն է, և Ջատիկը նավասարդի 4-ին էր, ես տեղ Հովհաննես, որ տեղ Սողոմոնից հետո կարգվեցի Սյունյաց երկրորդ եպիսկոպոս, սկսեցի այս եկեղեցու կառուցումը»:

Սյունյաց աշխարհում ստեղծվում է մի հյակապ կոթող՝ Պողոս-Պետրոս տաճարը: Տաճարը կառուցված է այն մոխրագույն ժայռերի քարերից, որոնց վրա էլ կանգնած է: Գմբեթը հանգչում է կամարակապ ծածկով երկու մեծ հենարանների վրա, չորս անկյուններում կան խորաններ:

Ստեփաննոս Օրբելյանը շատ մակդիրներով է մեծարում Տաթևը՝ անվանելով այն «Մեծ հայրապետանոց», «Լուսաճեմ ու երկրաճեմ» եկեղեցի, «Աղբիթ շնորհաբաշխութեան տանն Սիսական» և այլն:

Մեծ և աստվածահրաշ տաճարի օժան հանդեսին հրավիրում են Հայաստանի բոլոր իշխաններին, Բագրատունյաց Սմբատ թագավորին, Հովհաննես կաթողիկոս Դրասխանակերտցուն, Վասպուրականի Գագիկ թագավորին, Աղվանաց Սիմոն կաթողիկոսին: Բարձրաստիճան հյուրերը մեծամեծ նվերներ են տալիս վանքին: Սյունյաց իշխանները տեսնելով այդ փառավոր հանդեսը և «երկնաճեմ տաճարի» գեղեցկությունը, ավելի՛ սիրելի և է՛լ ավելի նվերներով հարստացրին: Դրանից հետո Տաթևը սկսում է հարստանալ, ծաղկել, մեծ անուն է հռչակ վայելել:

Ստեփաննոս Օրբելյանի միջոցով մեզ է հասել Հովհաննես եպիսկոպոսի ասածները. «Ահա հայրապետական մեծ տան այս ամբողջ կարգը և սարքը հոգացի և ավարտելով դարձրի ցանկալի ամբողջ մեր Հայաստան աշխարհի հեռավորներին և մերձավորներին, ինչպես Արեգակը աստղերի մեջ, նշանավոր էր ոչ միայն կառուցվածքով, այլև պաշտուսացած՝ իր մտավորապես 500 երթաչրական, քահանայական և կրոնական դասերով: Լցված էր երաժշտական երգերի ծովամատուց փիլիսոփաներով: Շոխ էր և վարժարանը վարդապետական կրթությամբ, արվեստավոր նկարիչներով և ահմաման գրողներով: Այդ պատճառով հիացած թագավորները, իշխանները և եպիսկոպոսները գալիս էին տեսության ու ընծաբարբերողներ էին դառնում սուրբ և երկնանման Աթոռին»²

Տաթևի պարծանքը՝ հայ ժողովրդի մտքի և հանճարի լուռ վկան, եղել է ս. Պողոս-Պետրոս տաճարը: Նրա երկարությունը

² Ստեփաննոս Օրբելյան, Պատմություն նահանգին Սիսական, Թիֆլիս, 1911, էջ 224:

³ Նույնը, էջ 225—226:

հասնում է 28 մետրի, իսկ լայնությունը 17 մետրի, բարձրությունը կաթողիկեի կանգուն ժամանակ եղել է մոտավորապես 54 մետր: Տաճարը կառուցվել է սրբատաշ քարից, հիմնվում է երկու պունների վրա: Մյուս երկուսը սիմվոլիկ են և դուրս են բերված արևմտյան դռան երկու կողմերում կառուցված խորանների պատերի մեջ: Ծառ հետաքրքիր է տաճարի ներքին կառուցվածքը, այնպես որ պլուները չեն խանգարում, խորանը երևում է տաճարի բոլոր մասերից:

Տաճարը կանգուն ժամանակ եղել է շատ լուսավոր: Հյուսիսային պատի մեջ կան չորս պատուհաններ, որոնք ունեն խաչաձև դասավորություն: Մեկական լուսամուտ էլ հարավային և արևմտյան պատերի մեջ: Տաճարի հարավային պատի մեջ բացվում է մի դուռ, որտեղ և թաղված է Գրիգոր Տաթևվացին: Նրա գերեզմանի վրա 1787 թվականին մի փոքր գմբեթավոր մատուռ է կառուցվում: Տաճարի ներսից են մարդիկ մըտնում Տաթևացու դամբարանը և մատուցում իրենց հարգանքը: Գրիգոր Տաթևացու շիրմի վրա դրված է եղել մարմարյա արձանագրություն, որն իր ժամանակին հափշտակվել է:

Ս. Պողոս-Պետրոս եկեղեցին մուտքի կողմից լրացվել է գեղեցիկ զանգակատնով, որը եղել է երեք հարկանի: Այն կառուցվել է սրբատաշ քարից և գեղեցիկ զարդանկարներով: Ավարտվել է Հովհանն Ռոտունեցու կողմից տասնչորսերորդ դարի վերջին:

Ս. Պողոս-Պետրոս կաթողիկեն խրոխտ կանգնած էր ամենի անդունդի եզրին, մինչև անհավոր երկրաշարժը, որ տեղի ունեցավ 1931 թվականի ապրիլի 22-ին:

Երկրաշարժը տապալեց տաճարի գմբեթը, կործանեց զանգակատունը և մուտքի աջ կողմի սքանչելի կամարի թևը: Երբ Ավ. Խասհակյանը այդ երկրաշարժից հետո Տաթև է այցելում, արտասվում և ասում է. «Աչքերս կուրանային, Տաթևը այս վիճակում չտեսնեի»: Բայց երկու մեծ զանգերը իրենց ամրության պատճառով չեն վնասվել և գտնվում են վանքի բակում: Զանգերից փոքրը ձուլվել է 1302 թվականին, իսկ մեծը՝ 1304 թվականին: Զանգակները իրենց վրա կրում են պատմիչ Ստեփաննոս Օրբելյանի անունը:

Տաթևի ս. Աստվածածին եկեղեցին, որը վանք մտնելիս գտնվում է ձախ կողմում, կառուցել է 1063 թվականին Գրիգոր եպիսկոպոսը: Անցյալում վանքի մուտքը եղել է նշված եկեղեցու տակով, բայց այժմ դա չի գործում: Մուտքին փոխարինում է երբեմնի «Աղբյուր-հուշարձանը», որը կառուցվել է 1745 թվականին: Բայց այսօր նա այլևս

«աղբյուր-հուշարձան» չէ, այլ սուկ մուտք: Ժամանակին աղբյուրը խափանվել է և չորացել: Այսօր այդ ջրերը դուրս են գալիս «Աղբյուր-հուշարձանի» մոտից:

Ս. Պողոս-Պետրոս տաճարից անմիջապես աջ գտնվում է ս. Գրիգոր Լուսավորիչ եկեղեցին, որի հիմնադրումը չնայած մեզ հասցնում է իններորդ դար, բայց բավիցս կործանվել ու վերականգնվել է: Վերջին վերակառուցումը կատարել է Սյունյաց աշխարհի պատմաբան Ստեփաննոս Օրբելյանը, 1295 թվականին:

Վանքի բակի հարավային մասում կանգնած է մի ութանկյունի հուշապուն: Դա Տաթևի նշանավոր ս. Երրորդություն «Սյունիզավազան» է կամ ճոճվող սյունը: Գազաթը պատկված է քանդակված խաչով: Տաթև վանքային ճարտարապետության անասմբլում գտնվող այս հուշարձանը կառուցվել է 895 թվականին:

Սարդկանց շատ է հետաքրքրել Տաթևի ճոճվող սյան անեղծվածը: Նա իրոք որ եղել է մնում է միջնադարյան ճարտարապետության հրաշալիքներից մեկը: Այն արդյունք է հայ ճարտարապետի մտքի ու հանճարի, որն, ինչպես ասում են, «հանդգնել է պունը դնել ավազե կողեր ունեցող ծղխնիավոր հենարանի վրա, ծանրության կենտրոնը հնարամտորեն տեղափոխել պան ստորին մասը...»: Հայ ճարտարապետը պունը կառուցել է ոչ միայն այն նպատակով, որ նա կանգուն մնա, այլև պետք է շարժվեր բոլոր կողմերի վրա ու չպետք է քանդվեր: Հանուն սուրբ Երրորդության այս «զավազան-սյունը» մի տեսակ սրբությունը իր մեջ հավերժացնող խորհրդանիշ է:

Հաստատ ու կանգուն այս քարը, պունը և նրա ճոճման գաղտնիքը «կարոտ է բազմակողմանի ուսումնասիրության ոչ միայն այս տեսակետից, այլև ճարտարապետական արվեստի մեջ որոշ գաղտնիքներ լուսաբանելու տեսակետից» (Թորամանյան):

Տաթևացի եռամեծ վարդապետները վարդապետական գավազանի իշխանություն էին տալիս իրենց աշակերտներին այն դեպքում, երբ վարդապետական գավազան ստացողը մոտենում էր պատշգամբին և ձեռք սուլու պահին «ս. Երրորդություն պունը» ճոճվում էր: Ներկայումս այդ պատշգամբը չկա, իսկ պունը շրջապատված է ցանկապատով և անշարժ է: «Ս. Երրորդության պունը» պատրաստված է սրբատաշ քարերից, որոնք միակցված են իրար շատ ամուր: Ունի տասնհինգ մետր բարձրություն և մոտ երեք մետր շրջագիծ:

Սյունյաց աշխարհի ուսումնագիտական կենտրոնի առանցքն ու կորիզն են կազմել

Վայոց ձորում Գլաձորի համալսարանը, իսկ Չանգեզուրում՝ Տաթևը:

Տաթևի անվան հետ է կապված հայ մշակույթի նշանավոր երախտավորներից Հովհանն Ռոտունցու և Գրիգոր Տաթևացու անունները:

Հովհան Ռոտունցին և Գրիգոր Տաթևացին ապրել ու գործել են հայ ժողովրդի պատմության այն ժամանակաշրջանում, որը և եղել է ավերածությունների շրջան, երբ թաթարա-մոնղոլական արշավանքների հետևելանքով կործանվում ու կողոպտվում են մեր սրբությունները, շենքերն ու քաղաքները:

Տաթևն էլ բաժանել է հայ ժողովրդի քախոք: Իր ժամանակին այն կողոպտեցին նախ պարսիկները, հետո սելջուկները, իսկ 14-րդ դարում՝ Լենկթեմուրը:

Օսմանյան թուրքերի նախնիները՝ սելջուկ թուրքերը երբ 11-րդ դարում ներխուժեցին Սյունիք, առաջին հերթին ավերեցին Տաթևի վանքի մատենադարանը և այնտեղից տարան տարը հազար ձեռագիր: Դարեր են եկել ու դարեր գնացել այս հրաշալիքի գլխով, ժամանակը շատ բան է տարել Տաթևից: Տաթևը չազատվեց նաև Աղա Մահմեդ խանի ճիրաններից, որը 1796 թը վանքին քարոքանդ արեց վանքը և ցրեց միաբաններին, որից հետո վանքը երկար ժամանակ մնաց համարյա ավեր վիճակում: Մարտիրոս Էպիսկոպոսը կարողացավ ԺԹ դարի սկզբներին նորից կենդանացնել Տաթևը: Սակայն ռուս-պարսկական պատերազմների ընթացքում էլ պարսիկները թալանեցին վանքը: Պատերազմը վերջանալուց հետո միայն Տաթևը սկսեց նորից բարեկարգվել:

Մինչև 1931 թվականը կանգուն էին դեպի վեր խոյացող Տաթևի երկու կաթողիկեները: Բայց այդ թվականին տեղի ունեցած երկրաշարժը մեծ վնաս պատճառեց վանքին: Տաթևը կորցրեց իր շուրն ու զարդը: Հատկապես խիստ սուժեց ս. Պողոս-Պետրոս ե-

կղեցին, կործանվեց նրա գմբեթն ու զանգակատունը: Հայաստանի կառավարությունը որոշել է հանրապետությունում, սկսած 1969 թվականից, իրականացնել հուշարձանների վերականգնման մի ընդարձակ ծրագիր:

Տաթևի մասին որոշված է հետևյալը. «Միջնադարյան հայ ճարտարապետական անսամբլներից մեկը՝ Տաթևի վանքի համալիրը, մոտ ապագայում կապրի իր երկրորդ ծնունդը: Նրա վերականգնման աշխատանքները կսկսվեն այս տարվա գարնանից: Հուշարձանը վերականգնելու է հատուկ նախագծով: Կվերաշարվեն որմերից թափված քարերը, կկատարվի ստանձին շենքերի ամրացում, մաքրվելու և բարեկարգվելու է տեղիտորիան»:


*
*
*

Տաթևի հոգեզմայլ բնությունն ու գեղաշեն տաճարը միահյուսվել են և ստեղծել մի վեհ գեղեցկություն: Երկար ժամանակ է պետք՝ վաղելելու այս բոլորը, բայց մեր ժամանակը շատ կարճ էր: Այնուամենայնիվ ճեմարանի դասախոսներն ու ուսանողությունը ծանոթացան Տաթևի ճարտարապետական կառույցներին, պատմությանը, հոգևոր-մշակութային կյանքին:

Մեկնելուց առաջ կատարվեց հոգևանգրասյան պաշտոն Տաթևի երբեմնի միաբանության, հայ մշակույթի մեծավաստակ և բախտավորների հիշատակին:

Երկու օր անցկացնելուց հետո այս նվիրական ու պատմական վայրերում, հրաժեշտ ենք տալիս Տաթևին, նրա երկնաճեմ տաճարին, զավազան-սյունին, եռամեծ վարդապետի՝ Գրիգոր Տաթևացու գերեզմանին և հոգեպես լիցքավորված վերադառնում Մայր Աթոռ, Սևանի վրայով, չորսօրյա մեր ուխտագնացությունից դեպի մեր պատմական վանքերն ու Հայաստանի տեսարժան վայրերը:





ԱՂՈԹՔ ՆԵՐՍԵՍ ԾՆՈՐՀԱԼԻ ՀԱՅՐԱՊԵՏԻ
ԽԱՂՈՂԻ ՕՐՀՆՈՒԹՅԱՆ ՀԱՄԱՐ

(Աշխարհաբարի վերածված: Կկարդացվի
վերափոխման տոնին—խաղողօրհներբի
ատեն)

(Ուղղված առ Հայր Աստված)

Տեր Աստված, Հայր անսկիզբ, անստեղծ
և անմահ բնություն, դուն ինքնագո ես և ո-
չինչեմ գոյացուցիր բոլոր արարածները:
Դուն ստեղծագործության երրորդ օրը հրա-
մայեցիր որ երկիրը բուսցնե գանազան
պտղատու տունկեր և բույսեր շնչավոր և
զգայական կենդանիներու պետքին համար:
Անոնց հետ՝ քեզմե իր անունը ստացած
դրախտին մեջ՝ վայելուչ ծառեր տնկեցիր
բանական արարածներու բնակության և
վայելքին համար: Ասոնք օրհնեցիր, աստ-
վածային խոսքիդ համաձայն, թե «տեսալ
Աստված որ շատ բարի են և օրհնեց զա-
նոնք Աստված»:

Իսկ երբ մարդ մեղանչեց Քու պատվիրա-
նիդ դեմ, արգիլյալ պտուղեն ուտելով, երկրի
և անոր պտուղներուն վրա Քու ըրած աստ-
վածային օրհնությունդ անեծքի փոխեցիր,
երբ Ադամին ըսիր. «Երկիրը անիծյալ պիտի
ըլլա քու աշխատանքիդ համար»: Այսու ար-
դար վնիւ մը տվիր. որովհետև երբ գլուխը
կմտնի, անկարելի է որ անդամները կեն-
դանի մնան. այնպես ալ անկարելի էր որ
զգայի արարածներուն գլուխը, մարդը, մեղ-
քով մեռնելէ վերջ, իր ծառայության համար
ստեղծված բնությունը՝ Քու կենդանարար
խոսքիդ օրհնության մեջ անփոփոխելի
մնար:

Իսկ երբ Քու ծածկված հայրական սերդ
հայտնեցիր մարդկային ցեղին, Քու Միածին
Որդիդ յրկելով, որպեսզի իբրև ծաղկյալ
զավազան բիսի Հեանեի սրմատեն ըստ
մարմնո, և բուսնի իբրև գեղեցիկ և անուշա-

նոտ ծաղիկ անարատ կույս Մարիամեն, և
իբրև կյանքի ու անմահության պտուղ տրվի
մեր մահկանացու բնության, խաչին վրա
Քրիստոսով վերստին օրհնեցիր ամբողջ
տիեզերքը, համաձայն Քու անստ խոս-
տումիդ որ հավատքի հոր Աբրահամին տըր-
վեցալ, թե «Քու զավակիդ մեջ պիտի օրհ-
նըվին երկրի բոլոր ազգերը»: Եթե՛ անեծքի
դատապարտությունը տիրեց՝ թե՛ ամեն ինչի
վրա իշխան կարգված մարդուն և թե՛ ա-
նոնց՝ որոնք իր իշխանության ներքև էին,
որչափ ևս առավել մարդկային բնության
օրհնվելուն՝ նյութական աշխարհն ալ հա-
ղորդ պիտի ըլլար աստվածային օրհնու-
թյանց: Ամենեմ ավելի այդ օրհնության մե-
ծագույն շնորհին արժանացալ խաղողը, որ
Միածին Որդիդ փրկական արյան նյութը
եղալ, և որով զնվեցանք ու ազատվեցանք
մեղքի և մահվան ծառայութենեմ: Խաղողի
այս հյութն էր որ խորհուրդի վերնատան
մեջ իր ձեռքն առնելով օրհնեց ըսելով.
«Այս իմ ալրունս է»: Այս օրհնությամբ խա-
ղողի սեռին պատկանողները, այսինքն բո-
լոր պտուղները, ընդունեցան կատարյալ
օրհնություն:

Եվ արդ, Տեր, այն օրհնությամբ որով
օրհնեցիր Քու կողմեդ բարի ստեղծված ար-
արածները, թե՛ առաջին և թե՛ երկրորդ
ստեղծագործությանդ ատեն, օրհնե՛՛ նաև
այժմ խաղողի այս ողկույզները որոնք Քեզի
կնվիրվին իբրև տարվան առաջին պտուղ-
ները: Քանզի օրենք դրիր Իսրայելի տոհ-
մին, Մովսեսի միջոցալ, որ բոլոր պտղա-
բերներուն առաջին պտուղը Քեզի ընծալեն
Վկայության Խորանին մեջ որպեսզի մաս-
նավոր այդ ընծաներով բոլոր պտուղներն ալ
ստանան Քու օրհնությունը: Այնպես ալ այս
նվիրված պտուղին խառնե և միացուր Քու

աստվածաշին և հոգևոր օրհնությունը, որպեսզի այս նյութական պտուղը ճաշակելով, Քու օրհնությանը աննյութ շնորհը միանա սակե ճաշակողներու հոգիներուն հետ, ընդունելով այս ճաշակումին հետ մեղքերե մարքություն և թողություն. ասով նաև արժանի ըլլանք ճաշակել կլանքի ծառին պտուղեն գոր Քերովբեներու դասուն հրամայեցիր պահել կրակե սուրով: Այս ճաշակումով անմահացած և անմահներու խումբերուն հետ միշտ փաստվորենք գՔեզ Որդիին հետ և ամենատրք Հոգիովդ, այժմ, և միշտ, և հավիտյանս. ամեն:

Խաղաղություն ամենեցուն:

(Ուղղված առ Որդին Աստված)

Օրհնյալ ես Որդի, Հոր Բանը, առաջին լույսին անճառելի ճառագայթը, աներևույթ Աստուծո կերպարանքը և պատկերը, գոյակից Անոր հետ, և արարչակից Հոր՝ արարածներու ստեղծումին ատեն: Դուն խոսքով ըսիր՝ և եղան. հրամայեցիր՝ և հաստատվեցան. որովհետև Քու մտածելը և կամենալը արդեն կատարված գործ է:

Դուն, ով Տեր, ծառատունկերեն ամենեն տկարը, որթատունկը, բարձրագույն ծառերեն ավելի գորավոր ըրիր, անոր պտուղին օգտակարության համար: Չայն Քեզի, Գերագույնիդ, նմանցնելով պատվեցիր, որովհետև գՔեզ որթատունկ անվանեցիր, իսկ սիրով Քեզի կապվածները ճող կոչեցիր, Հայրդ՝ մշակ, որպեսզի արդարության պըտուղ բերողները սրբե, հողողներու պես, իսկ անպատողները կտրե նետե իբրև նյութ հավիտենական կրակի:

Մարգարեներով գինին տրամության փարատիչ՝ և ուրախության պատճառ ցույց տվիր. որովհետև «գինին կուրախացնե» ըսավ ըստ մարմնո բու Հայրդ, Դավիթ. իսկ անոր որդին Սողոմոն, կհրահանգե որ տրամության մեջ եղողներուն գինի տրվի, գոր Դուն արդարև տվիր Վերնատան մեջ իբրև ուրախարար կրկին բաժակ՝ Քու Քավիչ արյունդ, և Հոգիին իմաստությունը:

Այս խորհուրդը նշանակեցիր նաև Քու օրհնակդ եղող Մելքիսեդեկով, երբ սա հաց

ու գինի մատուցց Աբրահամ նահապետին: Նույնը հայտնեցիր Նոյով, որ տրտմած էր աշխարհ ջրհեղեղով ջնջված ըլլալուն համար, տալով ասիկա իրեն որպես մխիթարություն. քանզի Նոյ տնկեց առաջին այգին, ինչպես կըսե ս. Գիրքը, և խմեց գինին և գնալեցավ արդարը:

Գինին թեև Քեզմե իբրև բարի պարգև տրվեցավ, սակայն զայն հիմարաբար գործածողները՝ արբեցությամբ զայն իրենց համար չարիքի արջուրի կվերածեն:


Եվ արդ, Տեր, օրհնե Քու անունիդ փառքի տաճարին ընծայված այս խաղողները, ինչպես օրհնեցիր ողկույզներու մեջ գտնված ճիւղը: Ծնորհե, օրհնյալ այս պտուղեն ճաշակողին մեղաց թողություն և առողջություն հոգվո և մարմնո: Տուր սակե հավաստով ճաշակողին եղեմական Դրախտի անմահական պտուղեն ճաշակել, Դրախտը ժառանգող ավագակին պես:

Օրհնե, Տեր, այս նոր պտուղի նվիրատուները և այս անցավոր պտուղի փոխարեն տուր անոնց անմահ կյանքը ընդունելու վալեքը:

Օրհնե, Տեր, այն որթատունկերը և այգիները, որոնցմե կտրվեցան օրհնության համար բերված այս ողկույզները, և նվիրվեցան սուրբ եկեղեցիի. ըրե զանոնք առատաբերք և բազմաբերուն՝ պարարտ և բարի երկրի նման: Առանց փորձանքի պահե, Տեր, արտերն ու այգեստանները, և հեռու պահե զանոնք ամեն տեսակ վնասակար պատահարներե որոնք վերեն կիջնեն մեր մեղքերուն համար. կարկուտե, սառնամանիքե, խորշակահար հովերե, վնասակար ճճիներե, որպեսզի վայելելով Քու նյութական բարիքներդ այս աշխարհին մեջ, արժանի ըլլանք Քեզի հետ ուտել և խմել Քու Հորդ արքայության սեղանին վրա ամենալեցուն որթատունկիդ բերքեն, համաձայն Քեզմե տրված անսուտ խոստումին: Ի պատիվ և ի փառս համագո Երրորդությանդ, Հոր և Որդվո և ամենատրք Հոգիիդ, որուն վայել է փառք, իշխանություն և պատիվ, այժմ, և միշտ, և հավիտյանս հավիտենից ամեն:

(«Սիոն», 1957 թ., №№ 7—8, էջ 173):





ԱՂՈԹՔ Ս. ԵՂԻՇԵ ՎԱՐԴԱՊԵՏԻ
ՔՐԻՍՏՈՍԻ ԱՅԼԱԿԵՐՊՈՒԹՅԱՆ (ՎԱՐԴԱՎԱՌԻ)
ՏՈՆԻՆ ԱՌԹԻՎ*

(Ուղղված առ Որդին Աստված)

Օրհնյալ էս, Տեր Աստված ամենակալ, Որդի և Բանդ Աստված, Հորը էակիցն ու արարչակիցը, գոյակիցն ու բնութենակիցը և Հոգիիդ, և անբաժան՝ էական բնութենեդ:

Անայլայելի, անփոփոխելի, անսահմանելի, անպարագրելի, անհասանելի, անըմբռնելի, անսկիզբն, անժամանակ, անմահ, անիմանալի, անճառելի, անպատմելի, անբավելի, անթարգմանելի ծնունդ և ծոցածին Որդի, Հոր սահմանավորումը ու Բանը, և փառակիցը և Հոգվուդ: Իմաստություն և գորություն, ճառագայթ և կերպարանք, էությունսբ զուգահավասար ու գործակից Հորը և ս. Հոգվուդ. երեք կատարյալ անձերեն մին և ս. Երրորդութենեդ մեկ բնությունը կճանչցվիս: Հրեղեններեն ու հողեղեններեն կենդանիներու և մեռյալներու Աստվածն և Տերը ճանչցվեցար, աստվածներու Աստվածը, տերերու Տերը, որ դու միայն էս անմահ ու անմատուց լույսին մեջ կբնակիս:

* Հայց. եկեղեցվո ժաշոց գիրքը բացի աստվածաշնչական ընթերցվածներն կպարունակե նաև շատ մը երկարաշունչ «Մեծ աղոթքներ»: Այս հոյակապ աղոթքները առհասարակ գրված են մեծ տոներու առթիվ ընդհանրական եկեղեցիի և Հայց. եկեղեցվո հոգեշունչ հայրապետներու և վարդապետներու կողմն: Ասոնք մեր սովորական հասկացողությամբ աղոթքներ չեն, այլ աստվածաբանական տարողությամբ և ս. գրական հարստությամբ աղոթածն ընդարձակ ճառեր են առհասարակ. անոնց երկայնամիտ և տրամադիր ընթերցումը կամ ունկնդրությունը թե՛ հոգին կմխիթարն և թե՛ միտքը կանուցանեն: Այս հոյակապ աղոթքներու բարիքին հաղորդ դարձնելու համար նաև աշխարհիկ հավատացյալները տակավ առ տակավ պիտի հրատարակենք զանոնք պաշտոնաթերթիս մեջ, աշխարհաբար լեզվով:

Սույն աղոթքը և հառաչիկային հրատարակվելիքներն շատերը թարգմանված են ս. Աթոռույս երանաշնորհ տ. Մեսրոպ պատրիարքի կողմն, որ, համաձայն իր պահպանողական ոգիին, ոչ միայն հավատարմորեն պահպանած է անոնց բնագրային հա-

րազատությունը այլ նաև պահած է աշխարհիկ լեզվի կրոնական բույրը, որ հաճախ կորսվելու վտանգին կենթարկվի ուրիշ թարգմանություններու պարագային: Եթե Տեր կամեացի, մտադրություն կա հառաչիկային այս բոլոր «Մեծ աղոթքները» և ժառերը, հրատարակել առանձին գրքուկով և ավելի մեծատառ, ի դյուրություն եկեղեցվո պաշտոնյաներու և ի հոգևոր վայելումն հայ հավատացյալներու:

ԽՄԲ.

Որ լոկ խոսքովդ ոչինչեմ գոյացուցիր բոլոր արարածները և Հոր Աստուծո հաճությամբ և ս. Հոգիի գործակցությամբ արարչագործեցիր երկինքն ու երկնայինները, երկիրը ու անոր մեջ բովանդակվածները: Ստեղծիչ լույսի ու խաղաղի, և բովանդակիչ երևելիներու և աներևույթներու: Երկինքը գոյացուցիր անճառապես, ամպի նման լույծ ու բուրբակ, որ առագաստի պես տարածված է օդին մեջ ու կհովանավորե երկրի վրա ամեն եղածները: Գոյացուցիր նաև ջուրը երկինքին վերև**, որ կկոշվի հաստատություն և որուն վրա կհանգչի անբաժանելի ս. Երրորդությունը: Ու հոն իրենց դասակարգության համաձայն կան անթիվ բազմահույլ հրեշտակներ, որ երկինքը լեցուցած են, զորս ստեղծեցիր որպեսզի փառաբանեն ամենատիր Երրորդությունը: Եվ լուսավորները՝ իբրև մասնիկ մը առաջին լույսեն գոյացնելով՝ երկինքի ոլորտին մեջ ամփոփեցիր, որպեսզի շարունակ ցույց տան երկրին՝ զիրենք ստեղծողի խնամքը, առաջ բերելով եղանակներու շրջանները և ժամանակներու փոփոխությունները՝ արևի, լուսնի և աստղերու միջոցաւ: Հորինեցիր նաև երկիրը իր հրաշալի տեսակավորությամբ, լեցուցեցիր զայն լեռներով, բլուրներով, դաշտերով, ինքնաբույս տունկերով ու զանազան բարիքներով, որպեսզի հոն բնակին զազաններն ու անասունները, սողուններն ու թռչունները ու անխափան վայելեն ինչ որ կմտատկարարե երկիրը. և դու ես որ քաղցրությամբդ կկերակրես ամենքը:

Ունայն ու թափուր չթողուցիր նաև ծովերը, որ քու հրամանովդ հաստատված են տեղ տեղ, զանոնք ալ լեցուցիր տեսակ տեսակ կենդանիներով, որպեսզի տերն ու արարիչը երևա ամեն բանի և դատավորն ու դարմանիչը բոլոր եղանակներուն:

Ու այս ամենուն վրա տեր ու թագավոր դիրք մարդը, զոր հողեն ստեղծեցիր կենդանի, փառագարո և լուսազգյաց գեղով՝ երևելի և պայծառ տեսակով, ու շնորհեցիր անորոշ իշխանական պատկերը՝ իշխելու համար բոլոր մյուս երկրածիններուն վրա: Ու դիրք զայն փափկության դրախտին մեջ, որ քու հրամանովդ տնկվեցաւ տեսական ու անթառամելի՝ մարդուն վայելքին համար, որպեսզի անկկա սարի միշտ անմահ տունկերուն մեջ, անմահությունը զգեցած, պայմանավ որ պահե միտն բարիի և չարի գիտության ծառեն չուտելու պատվերը: Մար-

դուն տրված այս պատիվը ավելի սարսափելի ու սխալի էր քան հրեշտակներունը: Ուստի բանասրկուն սատանա նախանձեցաւ այս պատվուն վրա, ան՝ որ հրեշտակական աստիճան ուներ այն ատեն ու իր արժանիքեն ավելի գերազանց փառքի և պայծառության մեջ կգտնվեր: Մտնելով այն անոր միջոցաւ կխուսեր նախաստեղծ կուսին հետ, որ անգիտակ էր անոր բնավորության, որպեսզի Եվայի ձեռամբ, դյուրությամբ խաբե իր զուգակիցը՝ Ադամը: Ու ճաշակել տալով անոնց արգիլված պտուղեն՝ դյուրավ մերկացուց անոնցմե աստվածահրաշ զարդարանքը, ստախտությամբ խաբելով զանոնք՝ թե աստվածներ պիտի լլլաք ու պիտի ճանչնաք բարին ու չարը: Աստվածության չհասան, բայց բարին ու չարը ճանչցան ողորմելիները: Ու մերկանալով իրենց փառքեն և գրկվելով անմահութենեն՝ խեղճ ու ողորմելի վիճակի մը ենթարկվեցան ու պատառոտուն տերևով ծածկելով իրենց մերկությունը՝ ամենագետ Արարիչիդ երեսն պահվելու կուզեին սարթախտ տունկերու ներքև, ու պատճառներ հերյուրելով կջանային արդարացնել իրենց մեղքը: Այնուհետև արտաքսվեցան անմահական դրախտեն և տաժանելի և տարակուսելի կյանք մը սկսան վարել դուրսը, և հրաման ընդունեցան իր բարերարութենեղ տրտմությամբ ճնի իրենց զավակները և երեսի քրտիներով ոտել իրենց հացը և վերստին դառնալ հողին՝ ուրկե ստեղծված էին: Այս պատճառաւ թագավորեց մահը մեր մարդկային բնության վրա՝ ծառայելով մահացու մեղքերու և հետևելով բանասրկուին չարագործ կամքին՝ տեսակ տեսակ կոտորածության մեջ ընկղմեց մարդիկը՝ մինչև այն աստիճան որ Արարիչիդ սուրբ անունը բարերու, փայտերու և մեռելոց ոսկորներուն վրա դրոշմեցին. վասրևզի Նախախնամող ստորջացած մեկնեցաւ մեր բնութենեն և մարդոց որդիները գրավվելով դժոխքեն՝ մահվան ստվերներու մեջը նստան:

Ապա խանդաղատեցար քու արարչական գթությունովդ՝ երբ մեղքի կապանքներով պարավանդված տեսար քու անարատ ձեռքիդ ստեղծվածը ու անտես չրրիք զայն, այլ նախախնամական սիրով այցելեցիր անոր երևելով դարերու և ժամանակներու մեջ:

Տվիր օրենքներ, դրկեցիր մարգարեներ, որոնք կանուխեն ավետարանեցին մեր մարդկային բնության քու խոնարհիդ: Եվ որովհետև հույժ կարևոր խցված էինք բանասրկուեն, այդ պատճառաւ ոչ օրենքներ և ոչ մարգարեությունները կրցան մեր մարդ-

** Այս և վերևի տողեր ակնարկություններ են Աստվածաշունչի Ա 6—8 համարներուն որուն համաձայն երկինքի կապույտն ալ համատարած «ջուր» կկարծվեր:

կային բնությունը փրկել մահվան գործընկերներին, ուստի մարդանալուդ և մեռնելուդ կարողացանք:

Եվ դարձյալ՝ որովհետև հույժ ողորմած ես և մարդասեր, երկայնամիտ և բաղջր՝ բնավ ապականության մեջ չթողուցիր մեր բնությունը. մեր մեղքերուն և անօրեության համեմատ հատուցում չըրիր մեզի. այլ խոնարհեցնելով երկինքը՝ Հորը առաքմամբ և ս. Հոգիիդ հանությանը ամենօրհնյալ Մարիամ կույսի անարատ արգանդը իջար: Ու անխառնելի աստվածությունդ նոր խառնումով մեր բնության հետ միացուցիր, և անշոշափելի էությունդ մարմինի մեջ թանձրացնելով՝ Աստուծո Որդիդ եղար կույսի որդի: Եվ դու որ անժամանակ ես՝ անըմբռնելի սնօրենությանը ինն ամիս բովանդակվեցար ս. կույսի արգանդին մեջ: Այնուհետև ծնար աննառապես ամենօրհնյալ Աստվածածինն. ծնունդդ սուրբ և զեթծ որևէ ախտե, որ քու աստվածությունդ միայն գիտելի է և մարդոց անհասանելի: Ու տղայական կերպարանքով ամենասուրբ կույսին գիրկը բազմեցար ու անոր կուսական կաթովը սընար: Ծնար մանուկի նման և մինչև արբունքի հասնիլդ մարդոց հետ շրջեցար՝ անոնցմե մեկուն նման: Երեսուն տարեկանիդ Հորդանան եկար, ո՛վ դու Գառն Աստուծո, որ աշխարհի մեղքը կբառնաս, կատարյալ հասակով, աղամային մարմինով, որպեսզի լվաս ու մաքրես Ադամի փտած ու նեխած վերքերը: Մկրտվեցար Հորդանանի մեջ ամյորդի Հովհաննեսեն և քու գոյակից Հորմեղ վկայվեցար որդի սիրելի և Աստված կատարյալ: Եվ ս. Հոգին, որ անմեկնելի է քեզնե, աղավակերպ իջնելով վրադ, հոն ներկա եղողներուն հայտնեց զքեզ կատարյալ Աստված՝ եկած կորսված մարդկային ազգի փնտրելու: Վասնզի անոնց՝ որ վերստին կծնին կենդանի ջուրեն, ուր որ քու աստվածախառն մարմինդ թաղվեցավ մկրտությանը, միևնույն կատարյալ շնորհաց Հոգին կդրկես աներևույթ տեսչամբ՝ որպեսզի վերստին ծնելով՝ ըլլանք Աստուծո որդիներ և ժառանգակիցներ և մարմնակիցները քու աստվածությունդ: Այնուհետև սկսար գործքով ու խոսքով ավանդել մեր փրկության ավետարանը ու սորվեցուցիր մեզ ընդդիմանալ չար դևին հնարքներուն, որ մաքառեցավ քեզ հետ՝ մկրտութենեն վերջը, որպեսզի ինք որ Ադամին հետ կովեցավ հառաջագույն՝ պարտվի Աստուծմեղ ու անոնցմե՝ որոնց վրա քու սուրբ անունդ է կոչված. վասնզի դուն որ անձիդ փորձով կրեցիր այս ամենը՝ կարող ես օգնական ըլլալ մեզի, փորձության եկթականերու:

Երկային կերպարանքով շրջեցար երկրի վրա և նշմարիտ մարմնագեղությանը մարդկային կիրքերը ամբողջովին վրադ կրեցիր՝ բացի մեղքե, ու հայտնեցիր քու աստվածահրաշ գորությունդ ցավազարներուն ու ախտածեաններուն և իշխանական վարդապետությունովդ շատերը քեզի աշակերտեցիր:

Ապա եկար հայտնելու քու աստվածային կերպարանքդ, և ինչ որ գոնե ընդ աղոտ տեսնել կցանկային հրեշտակները՝ այսօր մարմինիդ վրա երևցուցիր աշակերտներու թաքոր լերան բարձունքը: Հետո առիր աշակերտներեդ Պետրոսը՝ եկեղեցվո վեմը, որուն արքայության փականքները խոստացար, և երկու եղբայրները՝ Հակոբոսը և քու սիրելին Հովհաննեսը, որոնք մահվան բաժակը քեզ հետ ըմպելով խոստացան. մեկուսացուցիր զանոնք մարդոց բազմութենեն՝ հետո տանելով Թաքոր լեռը, որպեսզի անոնք, որոնց արքայությանդ տեսությունը խոստացար, քու մարմինիդ վրա տեսնեն Ադամի առաջին փառքին պայծառությունը, զոր մերկացուցած էր անկե բանասրկուն, ու իրենց միտքերեն փարատին քու մահվանդ մասին իրենց ունեցած կասկածն ու երկյուղը:

Կվկայեին հոն Մովսես ու Եղիա մարգարեները քեզ հետ երևնալով քու փառքիդ մեջ ու կխոսեին Երուսաղեմի մեջ կրելիք չարչարանքներուդ մասին, որովհետև դուն կենդանիներու և մեռյալներու տերն ըլլալով հանդերձ ամիթ չհամարեցար քեզ խաչի կամավոր մահը:

Կարծյալ սյուները զարհուրեցան փայլակնացալտ ճառագայթներեդ և խոր թմրություն մը տիրեց իրենց վրա ու գետին տապալեցան, վասնզի չտեսան քեզ այնպես՝ ինչպես էիր առաջ, այլ մինչև աղոթքի կեցած էիր՝ ահագնակերպ ու ճառագայթաձև նշույլներ այնպես պատեցին քու անձդ որ խափանեցին արևին ճառագայթները. ու աշակերտներդ, որոնց անձանոթ էին գլխավոր մարգարեները, տեսան զանոնք՝ որ կպասսավորեին քու փառքիդ ու կխոսեին քեզ հետ: Եվ մինչդեռ մտախոհ ու տարակույսով կեցած էին անշուրջ՝ աստվածային թերաբաց փառքիդ առջև՝ հանկարծ լուսավոր ամպը գալով՝ կհովանավորեր զանոնք. ու կլսվեր Հայրական ձայնը որ ինչպես ի Հորդանան՝ հոս ալ կվկայեր քու մասիդ. Դա է որդի իմ սիրելի: Ապա աշակերտները դողալով Հայրական ձայնեն՝ աստիկ երկյուղ մը կրեցին, այն աստիճան՝ որ չէին զգար իրենց կենդանի ըլլալը և եթե ամենակարող գորությունդ չպահեր զանոնք, որպեսզի մոռացության չտրվի աստվածահրաշ

այս տեսիլքը, ավելի մեղայ կլինեին քան կենդանի:

Միևնույն մարզարեւները քեզ հետ հաշտվելով՝ Երրորդությանը երեք անձերու խորհուրդը կհայտնեիր, Պետրոս՝ իր զարհուրանքին մեջ՝ տաղավարաշինության մասին կխոսեր: Նմանապես երրյակ թիվը աշակերտներուդ, որոնք քեզի հետ էին սուրբ լերան վրա, Երրորդությանց օրինակը կհայտնաբերեր, որպեսզի այդ երեք կերպավորյալ գաղափարներով հաստատվի ս. Երրորդությանը անբաժանելի անձնավորությունը:

Արդ՝ օրհնյալ է քու փառքդ, Տեր Աստված մեր, այդ արբավայրիդ մեջ, դու որ օրենքներն ու մարգարեությունները ամբողջացնելու համար եկար, ու ելար այդ լերան բարձունքը, ո՛վ ավետարանիչդ Սիոնի: Վասնզի քուիչը են երկինքն ու բարձունքները. աշխարհը իր ամբողջությամբ դուն արարչագործեցիր, ծովն ու ցամաքը դուն ստեղծեցիր. Թաքոր և Հերմոն քու անունով պիտի ցնձան:

Այսօր իսկապես կցնձա Թաքոր՝ տեսնելով իր վրա Երրորդությանը միության հրաշքը: Այսօր Սիոնյեն ավելի կպանձա Թաքոր լեռը. վասնզի հոն ամպ, մեզ, խավար, մանախոտ, ծուխ ու հուր կպատեին ու անարժաններու ոտքերը կարգիվեին ելլել այնտեղ: Իսկ սա զքեզ՝ մարմնացյալ Բանդ՝ ճանապարհորդակ կերպով կհայտնե աշակերտներուդ և Հոր Աստուծո ավետավոր ձայնը բոլոր որդիացյալներուն կհնչեցնե լուսավոր ամպին մեջեն, որ հառաջիկային արդարներուն համար է պատրաստված: Պատրաստված է ան այնպես իբրև ճանապարհ և վերելք այն ամեն մեղավորներուն՝ որոնք քու լուսավոր հրամաններուդ կհետևեին: Վարձնզի անոնք որ այսօր ջերմեռանդ սիրով ու հավատով սուրբ լերանը կմտնեան, դուրսով երկրավոր ցածուքներեն երկնային բարձունքները կուղևորին:

Եվ արդ, բարեբար և քաղցր Տեր, անխակալ և բազումողորմ, հաշտ և բաց աչքով նայե՛ պատրաստ բնակութենեդ այս ժողովուրդիդ, որոնք քու ոտքերուդ հետքերուն հետևեցան՝ հանդիպելու համար քեզ սուրբ լերանդ վրա և երկրպագելու համար քեզ այնտեղ, ուր կեցան քու ոտքերդ: Թողություն տուր կամա և ակամա, գիտությամբ ու անգիտությամբ գործած ստուց մեղքերուն: Ընդհին՝ ստուց սուրբ սիրտ և անզբաղ խորհուրդ և զգաստ միտք: Հանե՛ բարեղեն սիրտը և տուր ստուց մարմնեղեն սիրտ. տո՛ւր նաև քու սուրբ հոգիդ՝ հեռացնելով ամեն չարիքներեն ու մտեցնելով բարի գործերու, որպեսզի կարենան երթալ գորու-

քենն ի գործություն և ժամանակ աստվածային այս սունքերն դեպի (երկնային) անվախճան տունախմբությունը:

Տողե՛, Տեր, Սիոնի վրա Հերմոնի ցողը՝ տալով ստուց հանցանաց թողություն:

Մենք թեև օրն օր շատցուցինք մեր մեղքերը, բայց դու մեր մեղքերուն համեմատ մի դատեր և մեր անօրենության համեմատ մի՛ հատուցաներ մեզ:

Մենք կալ ենք և դու մեր արարիչը, ու ամենքս քու ձեռագործներդ:

Մեղանչեցինք, անօրինեցանք, հանցանք գործեցինք ու խտորեցուցինք մեր ոտքերը քու շալիղներդ. խտուցուցինք մեր սիրտերը՝ քեզմե չվախնալու սատիճան: Դարձի՛ր, Տեր, քու մեծագույն փառքիդ համար. գուցե մենք չկարենանք ժառանգել քու սուրբ լեռդ: Չունինք մեկը մեզ ապավեն, բացի քեզմե, որ արդար ես և անարատ և քալիչը մեր մեղքերուն: Մի՛ իսպառ բարկանար և մի՛ ձեռքե ձգեր այս քու բանավոր հուող, որ քու սուրբ արյունիդ գինն է և զոր սեփական ժողովուրդը քոիդ քեզ:

Մենք մեր գործերով բարկացուցինք քու սուրբ անունդ, այդ պատճառավ արագապես մեր վրա հասան տեսակ տեսակ հարվածներ՝ սով, սուր, գերություն, նեղություն, դիվական հարվածներ, հիվանդություններ ու պես պես ցավեր և տաժանելի անխտիր, վիշտ երկինքեն, վիշտ երկրեն, մահ տարածամ, խռովահույզ ամպ և օդ, որոնք կամ կփակվին բարկությանբ և կամ կբացվին սաստկությամբ, և պես պես պատահարներ մարդոց, անասուններու և մեր արտերուն վրա, և մենք ոտքի կոխան եղանք անուց՝ որոնք չեն կարդար քու սուրբ անունդ:

Սակայն, ո՛վ դու անոխակալ և մարդատեր Տեր, թեպետ մենք մեղանչեցինք, բայց քեզի ինկանք ավագանի արգանդեն և չունինք ուրիշ Աստված բացի քենն:

Դու ես մեր հայրը, տեսուչը և հովիվը. մեզի դարձի՛ր, ով մեր Աստվածն ու Փրկիչը, և հեռացո՛ւր մեկն քու բարկությունդ: Չըլլա որ մեր գործերուն համեմատ հատուցում ընես մեզի, վասնզի մենք շարունակ ապականեցինք մեր ճամփաները մեր չար գործերով: Եվ որովհետև դու միայն իշխանություն ունիս թողուլ մեղքերը, հեռացնել մեզմե ախտերն ու հիվանդությունները, հարվածներն ու մեղքի հետևանք եղող ցավերը, այդ պատճառավ քեզի կոխենք միշտ: Մեղանչեցինք երկինքի և քու սոջև. Աստված, քավե՛ մեզ մեղավորներս: Բա՛ց մեզի քու ողորմությանդ դուրը՝ օրվան շնորհիվ, որպեսզի չհետանանք ամոթալից, այլ մաքսավորին նման արդարացած իջնենք (տաճարեն): Պարզևե՛ նաև մեզի բարի

վարձք թու սուրբերուդ հետ, որոնք սկիզբեն հանդույացան քեզի՝ Փրկչիդ և մեր Աստուծույն, որպեսզի անոնց հետ միասին արժանանանք փառավորել ահալոր ու քաղցր անունդ՝ Հոր և ս. Հոգւոյդ հետ, այժմ և միշտ և հավիտյանս. ամեն:

Խաղաղություն ամենեցուն:

Առավելապես գոհություն կմատուցանենք ու կերկրպագենք քեզի, Քրիստոս Աստված մեր. անշեշ նառագայթ, որ աստվածությանդ լույսը կծագես թու կամքդ կատարողներուն և անունդ փառավորողներու սիրտերուն մեջ: Որ անտեսելով մահ մեր անարժանությունը՝ արժանացուցիր հասնիլ այս մեծահրաշ օրվան պայծառության՝ տոնակից ըլլալու տոնասեր ու աստվածասեր անձերու. մանավանդ այն սուրբ հայրերուն, Թաքոր լեռան վրա պահապաններն և սպասավորներն են թու սրբավայրիդ, որպեսզի անոնց աղոթքով ու բարեխոսությամբ ողորմիս մեզի: Մենք հավատացյալներս ալ անոնց նմանելով կտոնենք, ոչ թե հին մովսիսական տվչության վկայության խորանին համաձայն, զոր Բեսելիել շինեց և Մովսես կանգնեց ու ավանդեց իսրայելացիներուն տաղավարահարաց տոն կատարել, որպեսզի անջինջ մնա հիշատակը խորանին, որ անոնց հետ կըրջեր անապատին մեջ և զոր թու ցույց տված օրինակեն առավ Մովսես և տվավ Հին Ուխտի եկեղեցիին իբրև (սովերական) օրինակ:

Այլ մենք կկատարենք պայծառակերպությանդ տոնը, զոր ցույց տվիր ընտրյալներուդ սուրբ լեռան վրա, և կամավոր խաչելութենեդ, կենդանի մեռելութենեդ, փրկագործ ու կենդանարար հարությունդ և ս. Հոգւոյդ առաքյալներուն վրա իջնելեն հետո՝ ավելի սարսափելի ու սխրալի երևցուցիր այսօրվան լուսափայլությունը, և լույսի աղբյուր, ողորմության կյանքի և փրկության դուռ բացիր զայն մեզի, հիերը նորին և ըստվերը ճշմարտության փոխելով, և ս. Հոգիդ միջոցավ սուրբ առաքյալներուդ հայտնելով: Փոխանակ տաղավարական հին խորանին՝ թու եկեղեցիդ խորան շնորհեցիր՝ շինելով զայն առաքելական և մարգարեական վեմին վրա, որուն անկյունաքարը դու ինքդ եղար իբրև վեմ պատվական և անշարժելի: Եվ քաղության սեղանին տեղ, ուր անասուններու արյունը կմատուցվեր, սրբարար սեղանը հաստատեցիր, որուն վրա Աստուծո անարատ զանոդ կպատարագվիս ու աշխարհի մեղքերը կքառնաս: Եվ փոխանակ աստվերակերպ քահանայության՝ թու ճշմարիտ քահանայությունդ շնորհեցիր մեզի: Նոր ժողովուրդիդ վերակացու և առաջնորդ

ընտրեցիր երանելի Հակոբոսը՝ ըստ մարմնո եղբայրդ, որ այսօր ձեռնադրվեցավ առաքյալներեն, անոնցե՝ որոնք թու ամենասուրբ աջեդ ընդունած էին իրենց ձեռնադրությունը: Այսօր պատարագվեցար նոր դասակերտի աստվածարայալ նորագյուտ սեղանին վրա, ուր առաքյալները հայտնապես կտեսնեին ս. Հոգիդ աղավնակերպ իջած սուրբ սեղանին ու հոն պատարագայիդ վրա՝ որ անբաժան է քեզմե: Այս ավետարեր օրը ցույց տվիր սկիզբը ուխտերուն և պատարագներուն. վասնզի նոր էր սեղանը, նոր՝ պատարագը և նոր՝ պատարագ մատուցանողը և դուն էիր որ պատարագվեցար նորոգություն տվող այս օրվան մեջ:

Օրհնության աղը հաստատեցիր մեր մեջ, այսինքն՝ ս. Հոգւոյդ ճշմարիտ շնորհը, զոր տվիր թժկելու համար մեր նեխածությունը, ու ամեն շնորհներով՝ ինչպես ի հնումն՝ նույնպես ներկայիս՝ զարդարեցիր այս օրս. միևնույն կերպարանքով հարությունդ վերջ երևցար առաքյալներուն Գալիլիայի մեջ. վասնզի անոնք որ ականատես չէին եղած այսօրվան հրաշքիդ՝ կասկածի մեջ ինկան, և մյուս անգամ զայստյանդ օրը նույն կերպարանքով պիտի երևիս անոնց՝ որոնք քեզ սիրեցին, որպեսզի նույն ողջույնը, և նույն խաղաղությունը ընդունին քեզմե:

Եվ արդ, ո՛վ մեր Տերն ու Աստվածը, դուն որ բարիքներ կպարգևես և առատ ողորմություն կշնորհես, տո՛ւր հիմակ ալ վերադիտող քահանաներուս՝ առանց նենգության, հստակ նայվածքով, սուրբ սիրտով, հաստատուն հավատքով ու աներկբա հույսով սպասավորել թու սրբարար սեղանիդ և հաշտարար ու մեղաքավիչ մարմնուդ և արյանդ հաղորդվիլ ու արժանապես հաղորդել զայն նորածնյալ թու ժողովուրդիդ, և սրբությամբ ու արդարությամբ հովվել թու հոտդ, զուր սուրբ արյունովդ գնեցիր: Դալար վայրերու մեջ բնակեցնել զայն և հանգստավետ շուրերու մոտ սնուցանել:

Տեր իմ Հիսուս Քրիստոս, մի՛ նայիր իմ անարժանությանս, որ հիմա մեղապարտ անձովս ու ամոթալից երեսով կեցած եմ թու առջևդ: Դուն գիտես իմ հանցանքներս, դուն՝ որ կքննես սիրտերն ու երկխամունքները, և ես իմ մեղքերուս բազմությունը չեմ կրնար ծածկել քեզմե:

Կաղաչեմ քեզի, մարդասեր և քաղցր Տեր, ցույց տուր մեզի թու մարդասիրությունդ և օրվան շնորհիվ պարգևե՛ մեղաց թողություն, հոգեկան ու մարմնական զգաստություն և սրբություն հիմ. և համայն ժողովրդյանս և բոլոր բնամատացյալներուն՝ կենդանիներուն և հանգուցյալներուն:

Կաղաչեմ քեզի, Տեր բարերար, բարեխոս

ստիճանը անարատ ծնողիդ և Աստվածածինն և Հովհաննու Կարապետին և ս. Ստեփանոսի նախավկային և սուրբ առաքյալներուն և երեք աշակերտներուդ, որոնք քեզ հետ էին սուրբ լերան վրա, և գլխավոր մարգարեներուն՝ Մովսեսին ու Եղիային և բոլոր սուրբ վկաներուդ, նաև ս. Հակոբ առաքյալին՝ Երուսաղեմի առաջին հայրապետին՝ օրհնե՛ք թու այս ժողովուրդդ, սուրբ անունդ փառաբանողները և ի բարին կատարե մեր խնդրվածները: Հաստատե կաթողիկե եկեղեցիդ հանդերձ իր ուխտով, անշարժ ու անվրեպ պահելով զայն հակառակորդներն: Ու անոր քահանայապետական դիրքն ու վարդապետական շնորհը՝ իր պայծառացյալ մանուկներով՝ սուրբ եկեղեցիիդ հաստատուն վեմին վրա հրաշանորոգ ու անաղարտ պահե ամեն երևելի ու աներևույթ փորձություններն: Եվ սուրբ ու պատվական խաչիդ զորությամբ, որուն վրա արյունահոս գամվեցար անմեկնելի քեռուսով, պարսպալ պահե անոր հովանիին տակ բոլոր քեզ հավատացողները ըստ կարգի և ըստ աստիճանի. եպիսկոպոսները, երեցները, սարկավագները և համորեն ուխտը սուրբ եկեղեցիիդ և տո՛ւր ամենուն բարեկարգ կյանքի փափագը:

Թագավորները, իշխանները և իրենց զորքերը ամրացո՛ւր սուրբ խաչիդ զորությունով, որպեսզի հաղթող ըլլան պատերազմներու մեջ և սուրբ ուխտիդ թշնամիները կարկեցո՛ւր և հնազանդեցուր անոնց ոտքերուն տակ:

Միանձն ճգնավորները պարսպալ պահե թշնամիին ամեն ծուղակներեն՝ մինչև վերջ անասան և անարատ վարքով:

Ամուսնացյալները սրբությամբ և արդարությամբ պահե, Տե՛ր, որպեսզի հոգևոր սիրով ապրին միմյանց հետ, ու անոնց զավակները թու երկյուղիդ և սիրուդ մեջ անեցուր՝ զերժ պահելով զանոնք տղայական պատահարներն:

Զգաստության հոգի շնորհե ծերերուն՝ որ հիշեն միշտ իրենց վախճանն ու աշխարհե (մոտալուտ) հրաժարումը:

Պահպանե ամենքը սուրբ խաչովդ և օրվան շնորհիվ, հեռավորներն ու մերձավորները և զանոնք՝ որ ծովու և ցամաքի վրա կճամփորդեն ու տեսակ տեսակ վտանգներու, ցալերու և նեղությանց մեջ կգտնվին:

Ծնորհե՛, Տեր, գերյալներուն՝ դարձ, բանտարկյալներուն ու կապալներուն՝ արձակում, մեղքերու՝ լուծում, դներու՝ հալածում և քրիստոնեից պատերազմներուն՝ հաղթություն:

Կարկե՛, Տեր, հերձվածողներու քերանք, մարե՛ և լուեցուր օտար թշնամիներն սուաջացած խոտվությունները: Իրուսպաստ կործանե սուրբ եկեղեցիիդ վրա հարձակողները:

Պահե, ո՛վ Տեր, թու այս բանավոր հոտդ զազաններն, սողուններն, թունավոր ճճիներն, գորյումե, ընկղմումե, հրկիզությունն, ջրահեղձությունն, ստունամանիքներն, ալվազակներն, խորշակե, ուժգին հուվերն ու ամեն վնասակար տարրերն, բաւզի բոլոր արարածները թու հրամանիդ կհնազանդին:

Օրհնե՛, Տեր, ներկա տարիս և անոր սրբտողները՝ անփորձ պահելով ամեն պատահարներն, և թու աջդ մեր վրա թող լինի տարվույս սկիզբեն մինչև վախճանը:

Շույց տո՛ւր, Տեր, օրվանս շնորհը մարդոց և անասուններու, կենդանիներու և անկենդաններու վրա, ամպերու, օդին, բույսերու և տունկերու վրա ու անվնաս պահե զամեն ամեն տեսակ աղետներն ու փորձանքներն, որոնք թու հրամանովդ կու գան մեր վրա:

Ծնորհե՛ որ սիրով ու արդարությամբ և խաղաղությամբ վարենք մեր կյանքը և ուղղափառ դավանությամբ փակենք մեր վախճանը:

Հիշե՛ նաև ննջեցյալները, որոնք ուղիղ խոստովանությամբ ավարտեցին իրենց կյանքը. շնորհե անոնց հանգիստ՝ արդարոց կայանին մեջ, և ջնչե՛ կանա և ալիմա, գիտությամբ և անգիտությամբ գործած իրենց բոլոր հանցանքներուն մուրհակը:

Եվ թու հրաբորբոք զալստյանդ վերջին օրը արժանացո՛ւր ամենքս լուսեղեն ամպերու վրայեն թռչիլ թու առջևեդ, Տե՛ր, և սուրբերուդ հետ Վերին Սիոնի մեջ հանդիպելով քեզ՝ եռահյուսակ սրբասացությունը երգել քեզ և Հորդ և ամենասուրբ Հոգվուդ՝ անհատնում օրհնությանը. Քեզ՝ որ օրհնյալ, գովյալ, բարեբանյալ և բարեհամբավյալ և առավելապես փառավորյալ ես երկնավորներեն և երկրավորներեն՝ այժմ և միշտ և հավիտյանս հավիտենից. ամեն:

(«Սիոն», 1957 թ., № 6, էջ 144):



ՎԱՀԱՆ ԵՊԻՍԿՈՊՈՍ ՏԵՐՅԱՆ

(Առաջնորդական փոխանորդ Արարատյան թեմի)

ՀԱՅՈՑ ՀԱՅՐԱՊԵՏՆԵՐԻ ԾԻՐԻՄՆԵՐԻ ՄԱՍԻՆ*

87. Գրիգոր Թ Մուսաբեգյանց (1439—1441).—Նրա օրոք հայրապետական Աթոռը Սսից փոխադրվում է ս. Էջմիածին:

Մահացել է 1446/7-ին Սսում¹⁸²:

88. Կիրակոս Ա Վիրապեցի (1441—1443).—1441 թվին Էջմիածնի ազգային-եկեղեցական ժողովում ընտրվում է Ամենայն Հայոց կաթողիկոս: Աղթամարի Աթոռը ազատում է նզովքից: 1443 թվին գահընկեց է լինում. «Պ. Ղ. Բ. (1443) գտեր Կիրակոս կաթողիկոս փոխեցին, վասն նախանցոյ և Մակրեցին նստա ղաբալով և թուրքով»¹⁸³:

Հ. Մ. Չամչյանը և Մ. արքեպ. Օրմանյանը Վիրապեցու ժամանակաշրջանի իրադարձությունները, տալով հանդերձ, չեն նշում նրա մահվան և թաղման պարագաները. «Իսկ Կիրակոս կաթողիկոս կացեալ ի

թաքստի առ ժամանակ մի ի տան միում, յետ այնորիկ առանձնացաւ ի վանս ուրեք մինչև ի մահ իր»¹⁸⁴: «Էջմիածնի շուրջ գրտնրվող վանքերեն միոյն մեջ նորեն յուր նրգնողական կյանքը կանցներ... Կիրակոսի կյանքը Աթոռեն քաշվելէն ետքը վեց տարի ևս տևած է, և մահը տեղի ունեցած է 1448-ին, մերձավորաբար ութսնամյա եղած ատեն, թեպետ ստույգ պատմությունը չունիք»¹⁸⁵:

89. Գրիգոր Ժ Ջալաբեկյան (1443—1465).—Ոչ մատենագիրները և ոչ էլ հետագա հետազոտողները չեն մատնանշում Մակվեցու շիրմատեղը. միայն Բ. Մ. Չամչյանը կողմնակի ակնարկում է, որ նա վախճանվել է ս. Էջմիածնում. «Եւ եղև ի մեկնի Ջաբարեայ յԷջմիածնէ, մեռաւ յետ սակաւուց Գրիգոր Մակրեցի...»¹⁸⁶:

Վախճանվում և թաղվում է ս. Էջմիածնում: Ծիրիմը անհայտ է:

* Շարունակված «Էջմիածին» ամսագրի 1971 թվականի №№ Ա, Գ—Ե-ից:

¹⁸² Բարկեն Ա Աթոռակից կաթողիկոս, «Պատմութիւն կաթողիկոսաց Կիլիկիոյ», Անթիլիաս, 1939, էջ 39:

¹⁸³ Վ. Ա. Հակոբյան, «Մանր ժամանակագրություններ», հատ. 1, Երևան, 1951, էջ 119:

¹⁸⁴ Հ. Մ. Չամչյան, «Պատմություն հայոց», Բ. Գ, էջ 490:

¹⁸⁵ Մ. արք. Օրմանյան, «Ազգապատում», մասն Բ, էջ 2133:

¹⁸⁶ Հ. Մ. Չամչյան, Բ. Գ, էջ 506:

90. **Արիստակես Բ Աթոռակալ** (1465—1468):

Օրմանյանի հաշվումներով վախճանված և թաղված է ս. Էջմիածնում, Շիրիմը անհայտ¹⁸⁷:

91. **Սարգիս Բ Աջատար** (1468—1474): Օրմանյանի սրբազանի հաշվումներով թաղվել է ս. Էջմիածնում: Շիրիմը անհայտ¹⁸⁸:

92. **Հովհաննես Է Աջակիր** (1474—1484): Ըստ Օրմանյանի նահատակվում է Կ. Պոլսում. «Ճատ հարմար կուգա ըսել, թե Հովհաննես Էջմիածնի համար նպաստ հավաքելու նպատակով հայ գաղթականներու շրջանը կատարած առեկ այդպիսի վախճան մը ունեցած ըլլա Կ. Պոլս մեջ»¹⁸⁹:

93. **Սարգիս Գ Մլուսալ** (1484—1515).—Վախճանվել և թաղվել է ս. Էջմիածնում. «Իսկ Սարգիս կաթողիկոս կացեալ ի հայրապետութեան իրում ընդ ամենայնս՝ ամս Ի. Գ. մտաւ»¹⁹⁰: Շիրիմը՝ անհայտ:

94. **Զարարիս Բ Վաղարշապատցի** (1515—1520).—Ըստ Օրմանյանի գործել է ու վախճանվել Մայր Աթոռում և թաղվել այնտեղ: Գերեզմանատեղը անհայտ է:

95. **Սարգիս Գ Վրաստանցի** (1520—1536):—Օրմանյանի սրբազանը նշում է. «Սարգիս կաթողիկոսի մահն ալ այդ միջոցին պիտի հաստատենք 1536-ին... ինչպէս կտեսնվի, այդ միջոցին կաթողիկոսներուն անուններեն գատ բան մը չենք կրնար բերել, և իրենց մասին հավանական ժամանակագրություն միայն կրնանք կազմել, ինչ որ ինքնըստիսրբյան բավական է Աթոռին անկալ վիճակը ցուցնելու համար»¹⁹¹:

96. **Գրիգոր ԺԱ. Բյուզանդացի** (1536—1545):—Գործել է ս. Էջմիածնում. վախճանվել և թաղվել է նույն տեղում: Շիրիմը անհայտ է:

97. **Ստեփաննոս Է Սալմաստեցի** (1545—1567).—Եղել է գրասեր անձնակորություն. «Սա էր այր իմաստուն և գրասեր, և հմուտ բազում գիտութեանց, և գիտակ բարբառոյ այլևայլ ազգաց՝ ևս և լատինականին... Եւ իբրև նստա կաթողիկոս, փոյթ կալաւ ծաղկեցուցանել բազում իրօք զԱթոռն Էջմիածնի... Արար սա համատուտ ինչ մեկնութիւն յաւետարանն Յովհաննոս. ի նախերգանս ի վերայ չորից անտարաբնաց, բովանդակելով ի մի զպատմութիւն գործոցն Քրիստոսի և

զվարս անտարաբնաց. և գրեաց ձեռամբ իրով. գրեաց և այլ ինչ բազում...»¹⁹²:

«Վամենից» գրքում կա տեղեկություն, որ «ի թուին հաջոց ՌԱ յունուարի 14, տէր Ստեփաննոս Էջմիածնի կաթողիկոսն եկն ի Ֆրանգոստանու Խով բաղարն, և անդ վախճանեցաւ»¹⁹³:

Ստեփաննոս Ե կաթողիկոսի տապանաբարը կվով բաղարում 1551 թվականին, կրում է հետևյալ լատիներեն արձանագրությունը.

„HOC SEPULCRVM EST REVERENDISSIMI PATRIS STEPHANI PATRCHA MAJORIS ARMENIAE ROMAE FUIT. ET LEOPOLIM ADVENIENS, ANMAM SUAM DEO TRADIDIT 1557“...

Թարգմանությունը՝ «Այս է տապան սրբազան Հօրն մերոյ Ստեփաննոսի, Հաջոց Մեծաց Պատրիարքի, որ գնաց ի Հռովմ և եկեալ ի Լեոպոլիս փոխեցաւ առ Աստուած յամի Տեառն 1551»¹⁹⁴:

Ըստ Հ. Մ. Չամչյանի, Օրմանյանի և Հակոբ Անապանի (տե՛ս «Էջմիածին», 1956, № Ը—Թ, էջ 93—99): Սալմաստեցու մահվան և թաղման վայրը անհայտ է մնում: Իսկ կվովի տապանաբարի վերոհիշյալ արձանագրությունը՝ կեղծ:

98. **Միքայել Ա Սեբաստացի** (1567—1576).—Հաջորդում է Ստեփաննոս Ե Սալմաստեցուն: Հավանաբար վախճանվում և թաղվում է ս. Էջմիածնում: Շիրիմը անհայտ է:

99. **Գրիգոր ԺԲ Վաղարշապատցի** (1576—1590).—Գործել է ս. Էջմիածնում. հավանաբար վախճանվել և թաղվել է նույն տեղում: Շիրիմը անհայտ է:

100. **Դավիթ Գ Վաղարշապատցի** (1590—1629).—1604-ին Շահ-Աբբասի կողմից գերի է տարվում Սպահան, որտեղ մեռնում է. «ինչպէս անհշակ սպրեցալ, անհշակ ալ մեռալ Դավիթ Ասպահանի ստանձնութեան մեջ, իննսուներ անցուցած տարիքի մեջ»¹⁹⁵:

Դավիթ Գ Վաղարշապատեցու օրոք գործում են չորս աթոռակիցներ, որոնք հայրապետական գավազանագրքի մեջ չեն ան-

¹⁹² Հ. Մ. Չամչյան, և. Գ, էջ 517:

¹⁹³ «Վամենից» Տարեգիրք հաջոց Լեհաստանի և Ռումինիոյ, հրատ. և. Ղ. Ալիշանի, Վենետիկ, 1896, էջ 19:

¹⁹⁴ Նույն տեղում, էջ 135: Տես նաև «Էջմիածին», 1956, VIII—IX, էջ 95: Գրիգոր վրդ. Պատրովիչ, «Ստեփաննոս Ե Սալմաստեցի», Վենետիկ-ս. Ղազար, 1964, էջ 49—106:

¹⁹⁵ Մ. արք. Օրմանյան, «Ազգապատմութեան», մասն Բ, էջ 2426:

¹⁸⁷ Ազգապատմութեան, մասն Բ, էջ 2176—2177:

¹⁸⁸ Նույն տեղում, էջ 2179—2180:

¹⁸⁹ Մ. արք. Օրմանյան, «Ազգապատմութեան», և. Բ, էջ 2194:

¹⁹⁰ Հ. Մ. Չամչյան, «Պատմություն հայոց», և. Գ, էջ 509:

¹⁹¹ «Ազգապատմութեան», մասն Բ, էջ 2227:

ցած, բայց մենք կենք մահվան թվականն ու թաղման վայրը:

Ա. Մելքիսեդեկ Գառնեցի (1593—1626).—Աթոռակից Դավիթ Դ կաթողիկոսին 1593 թվականից: Դժբախտաբար վատ անուն է թողել հայ եկեղեցու պատմության մեջ: Դավրիժեցին գրում է սրա մասին և վկայում, որ մահացել է Լեհաստանում. «Ապա ելեալ անտի գնաց ի քաղաքն Իլով... և եկաց անտէն սակա ժամանակս, և պակասեալ աստի, լաւելաւ առ հարս իր ի մերում թուականիս ՌէՇ ամի. անդէն վախճանեցաւ և անդէն թաղեցաւ»¹⁹⁶:

Հ. Մ. Բժշկյանը ականատեսի վկայությամբ արձանագրում է, որ Մելքիսեդեկ կաթողիկոսը վախճանվել և թաղվել է Կամենից քաղաքի Ավետման եկեղեցու առընթեր. «Այս եկեղեցի կառուցեալ է յարևելեան կողմն սրբոյն Նիկողայոսի և է փոքրիկ, այլ վայելոյւն և քարաշէն. ունի գերիս խորանս և վերնատուն մի: Առ երի աջակողմեան խորանին յորմն փորագրեալ կալ պատկեր Մելքիսեդեկ կաթողիկոսի եպիսկոպոսական զգեստոյր, ուր է և գերեզման նորա»¹⁹⁷: Մի այլ աղբյուր ևս նույնն է վկայում, որ Մելքիսեդեկ կաթողիկոսը վախճանվել է 1627 թ. և թաղվել Ավետման ս. Աստվածածնի (Կամենեց) եկեղեցում. «ՁԱթոռն Էջմիածնի յանձնէ ի Սահակ կաթողիկոսին՝ եղբօրորդոյ իրում. վճարէ զկեանս իր ի մարտի 18. եւ թաղի յորմն եկեղեցոյն Աւետման ս. Աստուածածնի. գոր ինքն էր սրբագործեալ ըստ կոնդակի իրում»¹⁹⁸:

«Իսկ Մելքիսեդեկ... նիվանդացալ աղուհացից օրերուն մեջ, և քիչ օր ետքը մեռալ Կամենից քաղաքը, 1626-ին, ի տուն Հարություն Գազարու, որ է ըսել ապրիլ 1-ին, և այնտեղ թաղվեցալ, ուր կը տեսնվի տակավին յուր գերեզմանը Ավետման եկեղեցվոյն մեջ փորագրյալ պատկերն էլ պատին վրա»¹⁹⁹:

Բ. Ավետիս Աթոռակից կաթողիկոս.—1613 թվին այցելում է Երուսաղեմ, ս. Հա-

կոբի վանքը և Գրիգոր Պարոնտերին եպիսկոպոս է ձեռնադրում²⁰⁰:

Գրիգոր վարդապետ Կամախեցին հաղորդում է, որ նա մահացել է 1620-ին²⁰¹: Օրմանյան սրբազանն Ավետիսի մահը և թաղումը ենթադրում է 1620—1624 թվերին ս. Էջմիածնում²⁰²:

Գ. Գրիգոր ԺԳ (Սրապիոն) Եղեացի կամ Ուռհայեցի (1603—1606).—Աթոռակից Դավիթ Դ Վաղարշապատեցու: Առաջնորդ Տիգրանակերտի: Մայր Աթոռը ազատում է ծանր պարտքերից: Ծախ-Աքքաաը նոր պահանջներ է դնում Գրիգոր ԺԳ-ի (Սրապիոնի) վրա: Ստիպված, բազում տառապանքներից հետո նա հեռանում է Տիգրանակերտ, ուր և մի տարի անց վախճանվում և թաղվում է այնտեղ. «Նա գերծեալ ի նոցունց իբրև զգառն ի բերանոյ գայլոց, հագի ուրեմն ճողոպրեալ ի ձեռաց նոցա ելեալ ի Ջողայոյ գնաց ի Վան քաղաք, թախծեալ ոգով, և տրտմեալ սրտի, անմխիթար ոգով, և դառն հեծեծանքով, և անտի ի քաղաքն Ամիթ: Եւ եկեաց տարի մի, և լերկորդումն տարոջ՝ վախճանի աստի մահումսը՝ և յաւելու ի տէր հանգստեամբ: Եւ եղև վախճան տրա ի մերում թուականիս Ռ. Ծ. Ե. ամի յապրիլի ամսոյ ԻԳ. և հանգուցին զնա ի տապանի անդէն ՅՍՄԻԹ քաղաքի»²⁰³:

«ԹՎին Ռ. Ծ. Ե. ապրիլի ԻԳ վախճանեցաւ ի յԱմիթ քաղաք մեծ վարդապետն Սրապիոն, որ վերջ կաթողիկոս եղև»²⁰⁴: «Վախճանած է Ամիդի մեջ 1606 ապրիլ 23-ին»²⁰⁵: «Սրապիոնը... տարիքը առած էր, և թե փորձանքներն տկարացած էր, որով Տիարպեքի դառնալեն տարի մը ետքը վախճանեցալ 1606 ապրիլ 23-ին, երևման խաչին, ուրբայ» օրը, և նույն տեղ թաղվեցալ հասարակաց գերեզմանատան մեջ, ուր տակավին կտեսնվի յուր համեստ շիրիմը պարզ տապանագիրով»²⁰⁶: Մեծահամբալ բանասեր հանգուցալ Գարեգին եպիսկոպոս Սրվանձտյանը իր ժամանակին այցելում է Տիգրանակերտի հայոց գերեզմանա-

¹⁹⁶ Առաքել վարդապետ Դավրիժեցի, «Պատմություն հայոց», Վաղարշապատ, 1896, էջ 288, 439: (Հևտ այսու Դավրիժեցի):

¹⁹⁷ Հ. Մինաս Բժշկյանց, «Ճանապարհորդություն ի Լեհաստան», Վևնետիկ, ս. Ղազար, 1830, էջ 151—152:

¹⁹⁸ Հ. Ղ. Այվազյան, «Կամենից տարեգիրք Լեհաստանի և Ռումինիոյ...», Վևնետիկ, ս. Ղազար, 1896, էջ 137:

¹⁹⁹ Մ. արք. Օրմանյան, «Ազգապատում», մասն Բ, էջ 2377:

²⁰⁰ Մկրտիչ եպիսկոպոս Աղանունի, «Միաբան եւ այցելութ հայ Երուսաղեմի», Երուսաղեմ, 1929, էջ 41:

²⁰¹ Գրիգոր վոյ. Կամախեցի, «Ժամանակագրություն», էջ 285—286:

²⁰² Մ. արք. Օրմանյան, «Ազգապատում», մասն Բ, էջ 2341:

²⁰³ Դավրիժեցի, էջ 29:

²⁰⁴ Գարեգին վարդապետ Սրվանձտյանց, «Թորոս աղբար», Կ. Պոլիս, 1884, թ. Բ, էջ 419—420:

²⁰⁵ Մկրտիչ եպ. Աղանունի, «Միաբանք և այցելութ հայ Երուսաղեմի», 1929, էջ 492:

²⁰⁶ Մ. արք. Օրմանյան, «Ազգապատում», մասն Բ, էջ 2295:

տունը. «Կարգ մը կար վարդապետաց, որոնց մեջ կային Էջմիածնա նվիրակներ և Սրապիոն եպիսկոպոս Ամթա, որ և կաթողիկոս Էջմիածնի, սույն տապանագրով. «Սա է տապան մարմնոյ տեղի, Աստուածաբան վարդապետի Ռոհայեցոյ Սրապիոնի, կաթողիկոս Գրիգորիսի հայրապետիս վախճան լինի, թվին հայոց Ռ ամի ԾԵ. եակ եւ մի պարզ թուով լինի (ստորեւ եղեալ թվ. Ռ. Ծ. Ե.)»²⁰⁷:

Գ. Սահակ Գ Գառնեցի (1623—1639).— Սա էլ նույնպէս աթոռակիցների մեջ է մըտնում:

Վախճանվում է ս. Էջմիածնում. «Ի գիշերին յայնմիկ հասանէ նմա մահ՝ և աւանդէ գոգին, և վճարէ զկեանս իր, և հանգչի ի տառապանաց ցառոյն ըստ խնդրանաց իրոց՝ և կատարեալ զկարգ թաղմանն ի վերայ նորա՝ տարեալ թաղեցին ի դիրս գերեզմանացն»²⁰⁸:

«Տեսեալ Սահակայ՝ թէ մերձեալ է ի դրունս մահու՝ աղաչեաց բառնալ զհերն և տանել յեկեղեցին՝ ի տեղի իջման Քրիստոսի... և ապա դարձաւ ի սենեակ իր. և ի նմին գիշերի վախճանեցաւ, յամի 1639...»²⁰⁹:

«Սահակ Գ եղբորորդի Մելքիսէթ կաթողիկոսի... վերադառնալ յԷջմիածին. ուրանօր կացեալ բազում ջերմեռանդութեամբ և ապաշխարութեամբ 1639 վախճանեցաւ»²¹⁰:

«Եկեղեցական արարողութեամբ թաղվեցաւ ի դիրս գերեզմանացն, միաբանական գերեզմանատան մեջ... Սահակի մահվամբ կվերջանաւ դժպիսի ժամանակներու վերջին մնացորդը»²¹¹:

101. Մովսէս Գ Տաթևացի (1629—1632).

17-րդ դարի հայ եկեղեցու և Մայր Աթոռի մեծագոյն վերանորոգիչը:

Մովսէս Տաթևացին Մայր Աթոռում ծավալում է ոչ միայն շինարարական գործունեություն, այլև՝ հոգևոր կյանք. «Եւ եկաց սա ի բարձրագամ Աթոռն ի սուրբ Էջմիածին՝ ողիղ վարդապետութեամբ նորոգեաց զաներակս նորոգ շինութեամբ, և պայծառացոյց միաբանօք և վարդապետօք, և յարմար և հաստատուն ժամակարգութեամբ, և փարթամացոյց եկեղեցական անօթով՝ և մարմնական ստացումով»²¹²:

²⁰⁷ Գարեգին վրդ. Սրվանձույեանց, «Թորոս աղբար», Ա. Գոլիս, 1884, էջ 206:

²⁰⁸ Գավրիժեցի, էջ 245:

²⁰⁹ Լ. Մ. Չամչյան, հ. Գ, էջ 608—609:

²¹⁰ Լովն. եպ. Շահխաթունյանց, «Ստորագրություն», հատ. Ա, էջ 216—217:

²¹¹ Մ. արք. Օրմանյան, «Ազգապատում», մասն Բ, էջ 2442—2443:

²¹² Գավրիժեցի, էջ 312:

Մովսէս Գ կաթողիկոսը երեքուկես տարի զահակալելոց հետո վախճանվում է Երևանում՝ 1632 թվին, մայիսի 14-ին: «Եւ պատահեցաւ լինել վախճանի տրա յԵրևան քաղաքի ի վաւս դամբարանի սրբոյ տաւրելոյն Անանիայի, վասն որոյ և տարեալ ի հասարակաց գերեզմանատունն, ի Կոզեռն կոչեցեալ բլուրն. զի վասն գերեզմանի Կոզեռ վարդապետին, որ անդ է, այնպէս կոչէին բլուրն, և յարահուպ գերեզմանի Կոզեռ վարդապետին, և Մելքիսէթ վարդապետին, ի մէջ երկուց այսոցիկ պատրաստեցին դիր հանգատեան սրբոյս այսորիկ, և անդէն ի մէջ երկուց կափուցեալ տապանաց եղին զսրբանեալ նշխարք մարմնոյ նորա, մեծաւ պատուով և փառօք»²¹³:

«Եւ ի ՌԶԱ թոռոյն մերում վախճանի երանելիս յԵրևան և թաղի ի Կոզեռ գերեզմանատանն՝ հուպ Կոզեռ վարդապետին»²¹⁴:

Մովսէս Գ Տաթևացու գերեզմանը ունեցել է հետևյալ տապանագիրը.

«Այս է տապան դամբարանի, Եղեալ շիրմի, ճանապարհի, Տեառն Մովսէսի վարդապետի, Ընտրեալ սուրբ Հայրապետի, Տր է տեղեալ Տաթևացի, Նորոգող սուրբ Էջմիածնի, Բացող եւ շինող գմբէթի, Թորին ՌԶԲ-ին (1633)»:

Երվանդ Շահագրգի վկայությամբ այդ հին գերեզմանները «մինչև այսօր էլ դեռ երևում են կիսաքանդ, անխնամ և ապակառնությամբ մեջ պահված մատուռում: Մովսէս կաթողիկոսի գերեզմանի տապանաքարի վրայի արձանագրությունը դժվարությամբ կարդացվում է»²¹⁵:

Այժմ, ինչպէս Կոզեռն մատուռը, այնպէս էլ Տաթևացի կաթողիկոսի գերեզմանը քանդված է:

102. Փիլիպպոս Ա Աղբակեցի (1633—1655).—Փէ՛ դարի Մայր Աթոռի վերագարթոնքի լուսավոր երկրորդ դեմքը. «Եւ հոչակ համբառոյ արդիւնական գործստեղծան և ստուտածարան վարդապետութեան և ստաքինական ճգնութեան տեսան Փիլիպպոսի կաթողիկոսի, որպէս յամենայն երկիր սփռեալ տարածեցաւ»²¹⁷:

Փիլիպպոս Աղբակեցին, 63 տարեկան հասակում, իր հայրապետության «քսան և

²¹³ Գավրիժեցի, էջ 312—313:

²¹⁴ Սիմեոն կաթող. Երևանցի, «Զամբո», Վաղարշապատ, 1873, էջ 22:

²¹⁵ Երվանդ Շահագրգ, «Հին Երևանը», Երևան, 1931, էջ 188:

²¹⁶ Գավրիժեցի, էջ 338:

²¹⁷ Նույն տեղում, էջ 345:

երկու ամ և երեք ամիս»-ից հետո վախճանվում է 1655 թվի մարտի 25-ին:


Էջմիածնի միաբանությունը ցանկանում է թաղել նրան իր կառուցած Մայր տաճարի զանգակատան տակ: Սակայն Երևանի Մահմեդյան խանը արգելք է հանդիսանում, որով Փիլիպպոս Աղբակեցին թաղվում է ս. Հռիփսիմեի վանքում. «Եւ վասնզի Մահմադդուլի խանն ոչ կարեցաւ ի բիրտ բարուց իւրոց՝ ոչ եթող ի սուրբ Էջմիածինն թաղել զկաթողիկոսն, վասն այսօրիկ բարձեալ ի սուրբ Էջմիածնէ զպատուական նշխարս մարմնոյ նորա, խաչի և անտարանա և մոմեղինօք, և երգովք հոգևորովք, տարան ի տաճար սրբուհոյ կուսին Հռիփսիմեայ, և անդ ի մէջ տաճարին ի հիւսիսային կողման խորանն հանգուցին զնա. և է բարեխօս սո Քրիստոս վասն ամենայն Քրիստոնէից և հոգեձնունդ որդեկացս «Թաղեալ կալ սա ի տաճարին սրբոյն Հռիփսիմեայ ի յաջակողմեան դասուն»²¹⁸:

«Ի մէջ անդ եկեղեցոյս ի հիւսիսային դասու՝ է տապան Փիլիպպոսի կաթողիկոսի Հաղբակեցոյ վերջին նորոգողի տաճարիս՝ որոյ մահարձանն ի ժամանակս պատերազմաց մանրեալ և անհետացեալ գոյով, նորինորոյ ետ կազմել Եփրեմ կաթողիկոս ի թափանցիկ մարմարոնեայ վիմէ՝ որ ունի օրինակ արձանագրութեանն՝ զայս «Հազար հարիւր չորս թուին, մարտի քսան եւ հնգին, վախճանեցաւ հաղբակեցի Փիլիպպոս սքանչելագործ կաթողիկոս Ամենայն Հայոց, եւ եղաւ սուրբ նշխարք նորա յայսմ Ծիրիմի, որոյ յիշատակըն օրհնութեամբ եղիցի»²¹⁹: Հիշատակված շիրիմը, իր տապանագրութեամբ անաղարտ է մնում մինչև այսօր:

(Շարունակելի)

²¹⁹ Ծանխարոնլանց, հ. Ա, էջ 271:

²¹⁸ Ջամբո, էջ 23:



ԳՐԻԳՈՐ ԱՐՇԱԿԻ ՀԱՎՈՐՅԱՆ

(Բանասիրական գիտությունների դոկտոր)

ՇԱՐԱԿՆՈՑՆ ԻԲՐԵՎ ՀՈԳԵՎՈՐ ԵՐԳԵՐԻ ԺՈՂՈՎԱԾՈՒ

Հայկական Շարակնոցը կամ Շարականը ազգային հոգևոր երգերի հարուստ, բովանդակալից մի ժողովածու է: Շարակնոցից դուրս էլ մենք ունենք շատ հոգևոր երգեր՝ ինչպես տաղերը, գանձերը, մեղեդիները, ավետիսները և այլն, բայց հիմնականը այդ հնագույն ժողովածուն է, որը դարեր շարունակ օգտագործվում է հայ եկեղեցում: Շարականը միաժամանակ բազմաթիվ կանոնական հոգևոր երգերի խմբավորում է՝ նրվիրված տերունական, մարտիրոսաց, հայրապետաց, ճգնավորաց, նահատակաց, եկեղեցական նշանավոր հայրերի և ազգային հերոսների տոներին: Վերոհիշյալ տոներից ամեն մեկը Շարակնոցում ունի իր կանոնը՝ բաղկացած տարբեր ձայնի ու տեսակի շարականներից: Այդ կանոնները եկեղեցական Տօնացույցներում և օրացույցներում երբեմն կոչվում են նաև «Մարք», «Պատկեր» և «Կարգ»:

Մեր շարականագիրները հինգերորդ դարից սկսած մինչև տասնհինգերորդ դարը, պատկերավոր և գեղեցիկ արտահայտությամբ ստան, «զժողովան հոգույն արբին, և ընդ ժամանակս ժամանակս երգեցին զեղանակատր երգս շարականաց»:

Նախ սուրբն Իսահակ և սուրբն Մեսրոպ սասացին

զուրն եղանակատր ձայնս, և զերկու ձայն ստեղիս.

1. Այս սուրբն Իսահակ՝ զՂազարուն, և զկարգն Ասազ շարաթուն,

2. Եւ սուրբն Մեսրոպ՝ զկարգն Ապաշխարութան.

3. Սուրբն Մովսէս քերթող զճրագայուցի Ուրախացիրն, զկարգ Ծննդեան, և զԱնթառան, զՏեսալնդառաջին, զՅարութեան զհարցսն, և զտաջին պատկերսն Հոգույ զայստեան, զՎարդավառի, և զՎերափոխման, և զՄեծացուցէքն:

4. Իսկ սուրբ զԱնտոնին, զԹագաւորացն, զԱռաքելոցն, զՅովհաննուն, սրբոյն Գրիգորի, զՄարգարէիցն և զՎարդանանցն, զայս ամենայն ոմանք Անանիայի տան, և ոմանք Խորենացոյն:

5. Ստեփանոս Սիւնեցի ստաջինն՝ որ յաշակերտաց անտի սրբոց թարգմանչաց, զեթն ձայնսն Ասազ օրհնութեանց:

6. Յօհան Մանդակունին՝ զԱնակիզբն Բանն Աստուած զՀամբարձին, զոր ոմանք Օձնեցոյն տան:

7. Տէր-Կոմիտասն զՀովիտիմեանց Անձինքն և զՀարցն.

8. Սուրբն Իսահակ Զորափորոյ, որ զնաց ընդդէմ տանկաց՝ զԹաշըն, զԵկեղեցոյ, զԿենդանագիր անարատն, և զՏէր յերկնից՝ Որ զարդարեաց.

9. Սուրբն Յօհան Օձնեցի Իմաստաւերն գկարգ մեծ տօնիցն.

10. Ստեփանոս Սիւնեցի երկրորդն՝ զԱրքութիւն սրբոց՝ Խաչին, գոր ոմանք Ստեփաննոսի Մոկաց եպիսկոպոսի տան, որ պարանցի ևս կոչի:

11. Պետրոս Գեառդարձն՝ զՀանգստեան շարականն, զՄարտիրոսացն և զքազումս ի Մանկտեաց:

12. Գրիգոր Մագիստրոսն՝ զՁորս ըստ պատկերին, գոր այլք Իսահակայ Ձորափոքեցոյ տան:

13. Յակոբ Վարդապետն Սանահնեցի՝ զՅանսկզբնական ծոցոյ հօրն՝ զողորմեայն հանգստեան:

14. Գրիգոր Վկայաւեր՝ եղբայրն Ընորհալույն, զԽորհուրդ անճառն և զՄեծահրաշն:

15. Յովհաննէս Վարդապետ Սարկաւագ կոչեցեալ՝ զՂևոնդեացն ԴՋ Մանկունք զՊայծառացան այսօրն:

16. Սուրբն Ներսէս Ընորհալի՝ զվառ ձայնն Աւագ օրհնութեան, զԵօթանասնիցն, զՆիւնուացոյն, զԱղուհացից ամենայն կիրակէիցն, զԾաղկազարդի հարցն, զՀոգոյ գալստեան չորս պատկերսն, զՎարդապետի գերկո պատկերսն, և զՓոխման գերկո պատկերսն, զՅօհաննո ԴՋ հարցն, զՄարգարէից ԴՋ հարցն, զՀրեշտակապետացն, զՆորահրաշն Վարդանանց, զՂևոնդեանցն, և զԱյսօր անճառն, զՆորոգողըն, զԱստուած անէղն, զԱրարչականն, զԱրևազայի շարականն, օրհնեմք զքեզն, զՆայեաց սիրովն, և զԻբէն հայեմքն, և ըստ ոմանց գտորք Յակոբայն ևս սորա է ասացեալ:

17. Ներսէս Լամբրոնացի՝ զԱյսօր յարեան, զՆորոգեալ կղզիքն, զՀամբարձմանն և զԹոռանցն.

18. Գրիգոր Սկևռացի՝ զԱրեգականն արդարութեան սրբոյն Յովհաննո Մկրտչին:

19. Խաչատուր վարդապետն Տարօնեցի՝ զԽորհուրդ խորինն:

20. Վարդան վարդապետ մեծն՝ զՈր ևս խիմացն, զԻ յանասման ծովէն, զԹարգմանչաց օրհնութիւնն՝ զՈրք զարդարեցին և գտորք Սարգսի օրհնութիւնն՝ զԱմենասուրբ Երրորդութեանն.

21. Յակոբ Կլայեցի՝ զԵրգեցէք որդիքն,

22. Յոհաննէս Վարդապետն Պլուզ զԱրքայն Ներսէսի Որ գլոյս անճառն, զԱյսօր զուարճացեալն, և զԼերինք ամենայնն սուրբ Լուսատրչին, և զՅատուրս վերջինն.

23. Կիրակոս վարդապետն Երզնկացի՝ զԱրևելք գերարփինն, գոր ոմանք Կիրակո-

սի թարգմանչի տան, որ էր աշակերտ Գրիգորի Վկայաւորին մեծի՝:

Ինչպէս տեսնում ենք, ունենք քսաներեք շարականագիրներ, որոնց մասին հաղորդումներ կան: Կասկածից դուրս է, որ կան և այնպիսի հեղինակներ, որոնց գործերից կան Շարակնոցում, սակայն անունները չըկան, հայտնի չեն: Բայց հիշված հեղինակներից էլ մի քանիսին վերագրվում են այնպիսի շարականներ, որոնք ժամանակի, լեզվի ու ոճի տեսակետից հեղինակի հետ անհարիր են: Սակայն փաստն այն է, որ սկսած հինգերորդ դարից, վերջացրած տասնհինգերորդ դարով, շարականներ են գրվել, մտել ժամակարգության մեջ, երգվել ու տարածվել: Միջնադարյան հայ բանաստեղծության մեջ սրանք ինքնատիպ մի տեսակ են, որոնք ընտրվել և որպէս հոգևոր երգեր օգտագործվել են եկեղեցում:

Աշխարհի տարբեր վայրերում, սկսած 16-րդ դարից, բազմաթիվ անգամ է տպագրվել Շարակնոցը: Ունենք հարյուրավոր ձեռագիր Շարակնոցներ, բայց միայն իբրև ժողովածու: Առանձին ոչ մի շարականագրի գործ չկա: Օրինակ բացի Շարակնոցից չենք կարող ասել, թե այս ինչ հեղինակի ձեռագիր կամ տպագիր շարականը, գտնվում է այսինչ ձեռագրում և պատկանում է ասեմք կամ Մեսրոպ Մաշտոցին կամ Ստեփանոս Սյունեցուն և կամ Ընորհալուն: Շարակնոցի հին ձեռագրեր էլ չկան: Հին ձեռագրերը չեն հասել մեզ: Դրանցից ամենահինը ԺԲ, ԺԳ դարերի գրիչների գրածներն են: Պետք է ասել, որ շատ քիչ են տարբերությունները տպագիր և ձեռագիր շարականների, կամ տարբեր ձեռագրերի միջև: Հավանաբար դրանք բոլորն էլ տարբեր դարերում, մի քանի անգամ անցել են եկեղեցական խմբագրական բովով: Կան հին ու նոր համարված շարականներ: Շարականների և նրանց հեղինակների մասին կարևոր տեղեկություններ հաղորդող, ԺԳ դարում սպորող Սարգիս Երեցը, մինչև Ներսէս Ընորհալին, բոլոր շարականագիրներին համարում է հին, իսկ Ընորհալուն և նրանից հետո բոլորին համարում է նոր: «...ԺԳ-րդ դարու գրիչ Սարգիս երեց իր ի միասին գրած Շարակնի (№ 1588—(այժմ № 2092) ԺԵ) Տօնացոյցի և շարականների հեղինակների ցուցակի մէջ այսպէս է որոշում. Այն շարականները, որոնք յօրինուել են Ե-րդ դարից մինչև ԺԲ-րդ դարը—մինչև Հովհաննէս Սարկաւագ վարդապետը, նա համարում է հին. ուստի և սակալ բացա-

¹ Ձայնբաղ Շարական, Էջմիածին, 1883, էջ 3—4:

նույնամբ գրում է կրճատ գրութեանը, այսինքն բառերը կամ նախադասութիւնները ոչ ամբողջովին, այլ հապառեալ, կիսատ, թերատ, այսպէս².

«Ով երջան. Տր. որ. գր. սրբ. պաշ. և առաջ. հօտ: Ըզբեզ ու. բարե. առ յս մի. և աղ. վս. ոխտաց»³:

Ծարականի նախաբանը և մյուս տվյալները շարականագիրների մասին, ցավոք, ոչ լրիվ են և ոչ էլ ամբողջապէս ճիշտ, թեև դրանք քաղված են հին ձեռագիր շարականներից: Ծարականագիրների գործերի պատկանելության մասին եղած տվյալների մեծ մասը ավանդություն է: Կան և գրավոր կցկտոր տեղեկություններ: Հիշենք այդ գրավորներից ամենահինը՝ «Հին Յայսմատորքը», որտեղ թարգմանչաց մասին խոսելիս գրում են՝ «Արարին երգս շարականաց և կարգեցին եղանակս ամենայն ձայնից. գորս բաժանեաց ի միմիանց սորք հայրապետն Խասակ Պարթև տասն ձայնս» (Յայսմատորք 17 սեպտ.):

Դարձյալ թարգմանիչների կապակցությանը, շարականների որոշ կանոնների մասին ընդհանրապէս Կիրակոս Գանձակեցիին էլ գրում է հետևյալը. «Արարին և երգս շարականաց քաղցր և գեղեցիկ եղանակաւ և մեծ խորհրդով ծննդեանն Քրիստոսի և բանասունօրեայ գալստեանն ի տաճարն, մրկբրտութեանն, եկաորութեանն ի Բեթանիս, յԵրուսաղէմ, Սեծի շարաթո չարչարանացն և յարութեանն, համարձմանն և Հոգոյ գալստեանն, խաչի և եկեղեցոյ, և այլ սունից տերմոնականաց, և սրբոց ամենեցուն ապաշխարութեան և ամենայն ննջեցեղոց, պէսպէս և զանազանս և անթիս, որ մինչև ցայսօր պաշտի յեկեղեցիս Հայաստանեայց»⁴:

² Մահակ վրդ. Անատունի, «Հին և նոր պարակ. կամ անվավեր շարականներ», Վաղարշապատ, 1911, էջ 9:

³ Այս օրհնությունը նվիրված է Գրիգոր Լուսավորչի «Ելանելոյն ի Վիրապէն» տօնին: Կրճատ գրվածը առաջին տունն է, որի լրիվ գրվածը հետևյալն է՝

Ով երջանիկ տէր, սորք Գրիգոր,
Սրբութեանցըն պաշտոնեաց,
Եւ առաջնորդ բանատր հօտի,
Զքեզ ունիմքք բարխօս,
Առ Յիսուս Միածինն,
Եւ աղաչող վստն թո ոխտատրացս:

(Ծարական, էջ 554):

⁴ Կիրակոս Գանձակեցի, Պատմութիւն հայոց, Երևան, 1961, էջ 29—30:

Թեպետ այստեղ Գանձակեցիին գրում է միայն տերմոնական տոների կանոնների մասին առհասարակ, չի ասում, թե ո՞ր հեղինակը ի՞նչ շարական է գրել, սակայն Ներսես Շնորհալու կյանքի և գործերի մասին խոսելիս, մանրամասն թվում է, թե նա ո՞ր շարականներն է գրել: Գծրախոսարար մեր պատմագիրների մոտ այս կարգի որոշակի և մանրամասն հաղորդումները շարականների հեղինակների ու նրանց գործերի մասին բացատրություններ են: Ահա Շնորհալու գրեթե բոլոր շարականների մասին Գանձակեցու հաղորդումները: «Եւ զի էր նա այր բանատր, քազում ինչ կարգեաց նա յեկեղեցիս քաղցր եղանակաւ, խորովայնի ունով շարականս, մեղեդիս, տաղս և ոտանատրս, քանզի նորս է յարութեան օրհնութիւնն՝ երրորդ կողմն, և Աստուածածնի փոխման երկուց աւորցն, և Պետրոսի և Պողոսի օրհնութիւնն, և մանկուներն և համբարձին, որոյ սկիզբն է այս. «Յնձա այսօր եկեղեցի Աստուծոյ, յիշատակաւ սորք առաքելոցն», և Որդոցն Որոտման օրհնութիւն՝ «Որ էն յերթեան որդի միշտ էին», և շարական մի Անտօնի, և երկու Թեղոսի, և մի քառասնիցն, և մի առաքելոցն, և առաջ շարաթին երից աւորց օրհնութիւն, երկուշարթին, երեքշարթին, չորեքշարթին և երկու շարական յարութեան ճաշո, և նինուէացոցն, և հրեշտակապետացն, և սրբոց Վարդանանցն և այլ բազում շարականս»⁵:

Ծարականների և նրանց հեղինակների մասին հաղորդումներ ունեն Սարգիս Երեցը (ԺԳ դար, Ստեփանոս քահանան (ԺԿ դար) և Գրիգոր Տաթևացի: Սարգսի կազմած Ծարականի և Տոնացույցի մասին վերելում հիշվեց, իսկ Տաթևացու և Ստեփանոսի հաղորդումները «Վասն հարցմանց» և «Վասն շարականաց, թէ յումէ առացած» Հիշատակարաններում որոշ, ճիշտ հաղորդումների կողքին, կան նաև անհատական կան բաներ, որտեղ շարականների հեղինակների անունները նույնիսկ շփոթված են: Օրինակ՝ Մովսես Խորենացու անունով կան հիշված բազմաթիվ շարականներ, որոնք նրա գրչին չեն պատկանում: Այստեղ մի շարականը վերագրում են մի քանի հեղինակների: Իհարկե, շարականներից շատերի հեղինակները կարելի է բանասիրական որոնումներով գտնել, սակայն դա այնքան էլ հեշտ ու համոզիչ գործ չէ: Կիրակոս Գանձակեցիին, ինչպէս տեսանք, խաչի շարականները դնում է հինգերորդ դարում, սակայն խաչի տոներն հաստատված են 7-րդ դարում, և այդ շարականների մի մա-

⁵ Կ. Գանձակեցի, նշված աշխատությունը, էջ 110:

սը Ստեփան Սյունեցին է գրել, իսկ մնացածն էլ՝ Սահակ Զորափորեցի կաթողիկոսը: 7-րդ դարից ստաշ խաչի տոն հաստատված չկար, հետևաբար այդ տոնին նշվիրված շարականներ էլ չէին կարող լինել: Հայ հոգևոր երգերն ուսումնասիրելու բնագավառում ամենամեծ դժվարությունը մեր հազարից ավելի շարականների հեղինակներն ու ժամանակը որոշելն է: Ծարականներ կան, որոնց հեղինակն ու ժամանակը հայտնի չեն. շարականներ էլ կան, որ ավանդությունը և գրավոր աղբյուրները վերագրում են մի քանի հեղինակների: Այդ դժվարություններից դուրս գալու համար առայժմ միայն մի միջոց կա, այն է՝ բանասիրական հետազոտություն: Այս եղանակով պետք է պարզել տվյալ անհեղինակ, կամ մի քանի հեղինակի վերագրված շարականի լեզուն, ոճը, պատկերները, արվեստը և ապա նոր որոշել շարականի հեղինակը կամ ժամանակը: Պետք է հաշվի առնել նաև, թե տվյալ անհեղինակ շարականը ո՞ր կանոնում է գտնվում, իսկ այդ կանոնը ո՞ր դարում է մտել ժամակարգության մեջ, որովհետև կան հին և նոր կանոններ: Մինչև ութերորդ դարը, մինչև Ստեփանոս Սյունեցու ձեռքով կանոնը հայոց եկեղեցու ժամակարգության մեջ մտցնելը, գոյություն ունեցող կանոնները հին են համարվում, իսկ 8-րդ դարից հետո ընդունված կանոնները՝ նոր:

Մեր հարուստ ու գեղեցիկ շարականները գնահատվել են նաև քույր եկեղեցիների կողմից: Երբ ԺԲ դարում հայ և հույն եկեղեցիների միջև տեղի էին ունենում բանակցություններ միության հարցի շուրջ, հույների Կիր-Մանվել կայսրը գրում էր իր նամակում Գրիգոր Տղա հայոց կաթողիկոսին: «Ծանիր և գալս, զի զգայթաղությունն որ կայր ի սիրտս մեր լերգս ձեր և ի պաշտամունս որ առ Աստուած, բժշկեցաք քննութեամբ. վասն զի ի մէջ ամաք և ծանեաք գերնելապէս ի նոցանէ, զի ի քազում տեղիս երկու բնութեամբ զմի Քրիստոսն նօքօք փառատրէք, և պարտ է գալս ուղղութիւնս, որ իբրև զթաքուն է, ամենեցուն ասել և ցուցանել. և ահա կայ ի մէջ մեր մեծ պատճառ, քանզի ըստ բարեպաշտ մտածութեանն մի գտաք»⁶:

Իսկ 1370 թվականին գրված մի շարակնոցից ֆրանսերեն թարգմանված հայկական մի քանի շարականների մասին Փարիզի արքունի գրատան «Հայ գրոց թարգման», հայտնի բանագետ Գուլիելմոս Վիլֆոուան գրել է. «Այս քաղումը արգոյ է ոչ միայն զի

բանաստեղծությունն հայկական՝ հույական է ի բառսն, ազնուական լիմաստս, և դժուարին ի կազմութեան, այլև զի այս քերթումը են գործք արանց երևելեաց ի գիտութեան յաստուածապաշտութեան, և ի բնատուր ձիրս բանաստեղծութեան»⁷:

Ամենից ստաշ մեր պատմագիրներն ու եկեղեցական հայրերն են հիացմունքով խոսել հայկական շարականների ոգու, ոճի, բանի, բառի և երաժշտության մասին: Ծարականները մեր ժողովրդի խոհերն ու զգացմունքները, բարեպաշտությունն ու հայրենասիրությունն են ամփոփում իրենց մեջ՝ ամբողջ մի հազարամյակ: Սահակ-Սեպուրպով սկսվում են այդ հոգևոր երգերը, զարգանում են ազգային հողի վրա, հարստանում, հասնում կատարելության, մեծ դեր խաղում նաև ազգային հոգևոր կյանքում և վերջանում են Կիրակոս Երզնկացի տաղանավոր շարականագրով:

Մեր Ծարակնոցը բացվում է Տիրամոր ծնունդով՝ «Երգեցէք որդիք Սիովնի», Հակոբ Կլայեցի կաթողիկոսի գրած երգով և փակվում նույն Տիրամոր մահով՝ «Արևելք գերարփին» Կիրակոս Երզնկացու սքանչելի շարականով:

Ծարականների գործածությունը կապված է եկեղեցական տոների հետ: Ամեն մի տոն, լինի այն տերունական կամ սրբերին նվիրված, ունի շարականների իր կանոնը: Հայ եկեղեցու տոների կարգը, ժամանակը և տոնելու եղանակը ցույց է տալիս Տոնացույցը, որը համատոտումն ու պարզեցումն է եկեղեցական օրացույցի, իսկ օրացույցը նշում է տոներն ու սրանց հետ կապված շարականի կանոնն ու եկեղեցական արարողությունները: Հայ եկեղեցին ունի տերունի տոներ, սրբոց օրեր և պահոց օրեր: Եկեղեցական տոների մեջ առաջինները համարվում են Տերունական կամ տաղավարական տոները, որոնք առանձին շուրջով և հանդիսավորությամբ են տոնվում: Այդ տոներն են՝ Աստվածածնի ծնունդը, Ավետումը, Քրիստոսի ծնունդը, տաճարի ընծայումը, Խաչելությունը, Թաղումը, Հարությունը, Համբարձումը, Հոգեգալուստը, Վարդավառը, Աստվածածնի վերափոխումը, Խաչվերացը: Եկեղեցու հիմնական և մեծ տոները կապված են Հիսուսի կյանքի հետ: Տերունի տոների մեջ են մտնում նաև Խաչի և եկեղեցու տոները: Նշանավոր տոների նախօրյակին, երեկոյան կատարվում է նախատոնակ, երգվում է օրվա տոնի կանոնը: Ծննդի և Ջատկի նախաօրյակները կոչվում են Ծրագալույց, կամ

⁶ Ն. Ընդրեսայի, Թուղթ ընդհանրական, Էջմիածին, 1865, էջ 240—241:

⁷ Հ. Գաբրիել Ավետիսյան, Բացատրություն շարականաց, էջ ԺԴ:

ժողովրդական բացատրությամբ՝ «խթում»։ Երագալույց կոչվում է նրա համար, որ ժամերգությունը կատարվում է երեկոյան, նրագները վառելու ժամանակ։ Եկեղեցում այդ երեկոյան վառում են բազմաթիվ մուներ և բաժանում ժողովրդին։ Տոներն սկսվում են Քրիստոսի Ծննդից։

Մեր Ծարակնոցում կան նաև գեղեցիկ և բովանդակալից շարականներ, նվիրված սրբերի հիշատակին։ Իսկ ապաշխարության կամ պահոց օրերի խորհրդին նվիրված շարականները, որոնք Մեսրոպ Մաշտոցին են վերագրվում, գոհար էջերն են կազմում մեր հոգևոր բանաստեղծության։

Երկուշաբթի օրը հատկացված էր արարչագործության և հրեշտակներին. երեքշաբթին՝ մարգարեներին և, չորեքշաբթին՝ ապաշխարության, հինգշաբթին՝ սուաքյալներին, ուրբաթը՝ ի հիշատակ Քրիստոսի չարչարանքի և շաբաթը՝ մարտիրոսների։ Տարվա բոլոր կիրակիները նվիրված է Քրիստոսին և կոչվում են տերունի։

Այս բաժանման համաձայն՝ Ներսես Ծնորհալին հորինեց իր հայտնի «Արարչական» ընդարձակ երգը, բաժանեց վեց երգի, շաբաթվա ամեն օրվան մի երգ հատկացնելով։

Ծնորհալին Արարչականի առաջին երգը նվիրել է «երկրորդ անուր՝ երկուշաբթի օրում»՝ արարչագործության և վասն երկնային գորացն», այսպես՝

Արարչական բանին հրաման,
Ի յերկրորդումն անուր սկզբան,
Զչորսն ի ջորցն բաժանեաց
Հաստատութեամբ պարունակեաց...
...Բազմաչեալ հոյք Քրոյրէից
Երեսրբեանդ սրովբէից
Այժո անեղ Աստուածութեանն
և Հանագոյ Երրորդութեանն...⁵

(Ծար. 774—775)

Եվ բանի որ երեքշաբթի օրը նվիրված է մարգարեներին, և ըստ Նոր կոնակարանի առաջին և հոր մարգարեն Հովն. Մկրտիչն է, Ծնորհալու երկրորդ երգը միաժամանակ նվիրված է և ստանձնապես այս մարգարեին։

...Ժառանգին Հօր սպասատր,
Եւ արգանդէ երկրպագո՛ր՝
Կարապետ և Մկրտիչ,
Այնմ որ մեղաց մերոց քաիչ...

(Ծար. 775)

Եվ այսպես շաբաթվա մյուս օրերն էլ ունեն իրենց շարականները։

⁵ Բերված քաղվածքները կատարված են 1936 թ. Երուսաղեմում հրատարակված Ծարակնոցից։

Իսկ Քրիստոսի հարությանը և կիրակի օրվան նվիրված է «Նորաստեղծեալ» շարականը, որը գրեթե Արարչականի նախերգանքն է։ Արարչագործության խորհրդի մասին երգելուց հետո, դիմելով Հիսուսին Ծնորհալին երգում է այսպես՝

Մերդ սիրով խոնարհեցար,
Ի փրկութիւն մեր մարմնացար,
Այսօր յարեար աստուածարար,
Ի հրեշտակաց քարոզեցար...

(Ծար. 772)

Բացի շաբաթվա օրերի այս կարգի բաժանումից եկեղեցու արարողությունները բաժանված են նաև ժամերի, այսպես օրինակ՝

ա. Գիշերային ժամ, ուր երգվում են Ներսես Ծնորհալու «Յիշեացուք» և «Զարթիք փառք ին» երգերը, «Առաօտ լուսյն» և այլն։ Սույն ժամերգությունը կատարվում է «Ի դէմս Հօր Աստուծոյ»։

բ. Առաօտեան ժամ, «Լցար սուսօտ», «Օրհնեալ, տէր Աստուած» շարականները՝ «Ի դէմս Որդոյն Աստուծոյ»։

գ. Արևագալի ժամ, ուր երգվում են արևագալի շարականները։

դ. Երրորդ կամ ճաշու ժամ՝ «Ի խորհուրդ նախամօրն ճաշակման և ազատութեան»։

ե. Երեկոյան ժամ—«Ի դէմս Որդոյն Աստուծոյ. երգվում են բազմաթիվ շարականներ. իսկ մեծ պատին հատկապես «Նաչեաց սիրով», «Ի քէն հայցեմ» և «Ծնորհեալ մեզ Տէր» շարականները։

է. Հանգստեան ժամ—«Ի դէմս Հօր Աստուծոյ. ննջեցեղոց երգեր։

Ծարականներից ոմանք տարին միայն մի անգամ են երգվում. այդպիսիներից են Վարդանանց և Ղևոնդյանց շարականները, Հովնանենտ Մկրտիչի «Արեգական արդարութեան», Հակոբ Մծբնա Հայրապետի «Յաղթող և սուրբ»-ը, Ծննդյան, Զատիկի, Ծաղկազարդի, Հոգեգալստյան և այլ տերունական և սրբերի տոներին հատուկ նշանակված շարականները։ Ծարականներ կան, որ մի շրջան են միայն գործածվում, օրինակ Մեծ պահքի կամ Աղոմացից օրինությունները։

Կան և այնպիսի շարականներ, որոնք ամեն շաբաթ երեկոյան երգվում են։ Այդպիսիներից է «Լոյս գուարթ» հայտնի երգը, «Սուրբ ես տէր գորութեանց» Համբարձին և այլն։

Կան այնպիսիները, որ միայն կամ սուսօտյան, կամ երեկոյան և կամ ճաշի ժամերգության ժամանակ են գործածվում։ Միշտ սուսօտներն են երգում «Առաօտ լուսյն», «Աշխարհ ամենալնը», «Յիշեացուք», «Զարթիքը», Մեծ պահքին՝ «Արևագա-

լի շարականները», «Յարևելից մինչև ի մուտս», «Լոյս» և այլն:

Մի քանի շարականներ էլ կան, որ միայն պատարագի ժամանակ են երգում, օրինակ Խաչատուր Տարոնացու «Խորհուրդ խորին» երգը և այլն:

Մեր հոգևոր բանաստեղծության գոհարներն են հանդիսանում մեր շարականներն ու Ծարակնոցը, որոնք իրենց բովանդակությամբ և արվեստով արտահայտում են մեր նախնիների կրոնական և հայրենասիրական զգացմունքների վեհությունն ու մարդկայնությունը:





ԲԱԳՐԱՏ ՈՒՆՈՒԲԱԲՅԱՆ

ԴԱԴԻ ԿԱՄ ԽՈՒԹԱ ՎԱՆՔ

Պատմական Հաբերքից վեր, Թարթաս-Տրտուի ձախ ափին, գետից կես կիլոմետր հեռու, մի բլրակի վրա, փռված է վանքի համալիրը՝ ժամանակից սև-վազան ու մամուկավաճ կիսավեր մատուռներով, հին ու նոր եկեղեցիներով: Ամենանոր եկեղեցին 13-րդ դարի սկզբից է:

Դադի վանք է կոչվում Թադեոս առաքյալի յոթանասուն աշակերտներից մեկի՝ Դադի կամ Դադոյի անունից, նաև Խուրթա վանք, որովհետև կառուցված է Խուրթի (բլրակի) վրա:

Սա Արևելից կողմանց գավառների հնագույն քրիստոնեական շենքերից մեկն է: Ըստ աղանդության՝ վանքի առաջին եկեղեցին պետք է կառուցված լինի մ. թ. առաջին դարի երկրորդ կեսին: «Դադին» մի երթանանիցն, որ գնաց հրամանա Թադէի ի Մեծն Հայք և կողմանս հիսիսայ, և լուեալ զմահն Արգարու, դարձաւ և եմուտ ի Փոքր Սիւնիք, և կրոնաւորեալ անդէն ծածկարար՝ վախճանեցաւ, և տեղին շինեցաւ վանք և յանուն նորա կոչեցաւ Դադիոս»¹:

Վանական շինությունները փռված են բլրակի վրա, իսկ բլրակի թիկունքում, հյուսիսային ու արևմտյան կողմերից, բարձրանում է անտառապատ սարը: Դիմացը, Թարթասի աջ ափին, թանձրախիտ անտառի մեջ, խրոխտորեն բարձրանում է Լաչինաբերդ կոչված վիթխարի ժայռը, որն իր գրանիտյա բարձր կողերի վրա պահում է ընդարձակ մի հարթություն՝ բոլոր կողմերից անմատչելի, և հին դարերում պաշտ-

պանական անտիկ մի կետ է եղել Խաչենի տերերի համար:

Վառնորակ աղբյուրներ կան վանքի ձախակողմյան փոքրիկ ձորակում և անմիջապես վանքապարսպի տակ, որոնք վանականներին հնարավորություն են ընձեռել ստեղծելու պողատու այգիներ: Ներքևում կիրճերի վրա կախված հսկա ծառերի տակ, շտապում է Թարթասը:

Անցյալ դարի կեսերին այս կուսական ձորի այցելու աշխարհափոշակ գիտնական Արիլը հիացմունքի ջերմագին խոսքեր է գրել իր օրագրում՝ Դադի վանքն ու շրջապատը բնութագրելով որպես բնական թովչանքի և մարդու ստեղծած կատարյալի մի այնպիսի համադրություն, որի առաջ խոսքերը դառնում են ավելորդ: «Երբ մեր ուշադրությանն է ներկայանում արտակարգ ինչ-որ բան, այն ժամանակ կորչում է նկարագրելու ցանկությունը, տալիսություններին խեղճացած զգացումն ասես գիտակցում է բառ-արտահայտչի պակասությունը... Այդ պատճառով էլ ստիպված պիտի լինես սահմանափակվել միայն մի քանի դիտողություններով»²:


Դատելով վանական օժանդակ շինությունների քանակից, մատուռներից, բազմաբանակ խուցերից ու ժամատներից, պետք է եզրակացնել, որ այստեղ մեծաթիվ միաբանության ուխտ է եղել և ոչ թե տ-

¹ Միխայել Ասորի, Ժամանակագրություն, Յերուսաղեմ, 1871, հավելված, էջ 33:

² Акад. Г. В. Абих, Геологические наблюдения в нагорной стране между Курой и Араксом. Записки Кавказского отдела императорского русского географического общества, кн. 8, 1873, стр. 63.

վորական մի եպիսկոպոսանիստ: Վանքին սպասարկող աշխարհիկ բնակչության մասին ևս վկայություններ կան: Այս բնակչությունը բավականին մեծ մի գյուղ էր կազմում: Միայն 300 ընտանիքներ տեղափոխվել են Երևանի նահանգը, հիմնել Ենիջա

խկ ազգական Ներսես Փիլիսոփանց սպանում է «ի խորաձորն՝ որ կոչի Դաղոյի վանք»⁴: Ապա Վարազ Տրդատի կինը կենդանի մնացած միակ աղջիկ Սպարամին փախցնում է Խաչենի ամրոցը և ամուսնացնում գավառի տեր Ատրներսեսի՝ Սահլ Սմբատյանի



Դաղի վանքը. ընդհանուր տեսարան

գյուղը, իսկ սրանց մի մասն էլ գաղթել է Ծուլավերի կողմերը⁵:

Վանական շենքերից շատերի վրա կառուցման տարեթվեր չկան: Նրանց խոր հնությունը ենթադրվում է ճարտարապետական ձևերից և աղբյուրագիտական տվյալներից: Դաղի վանքն Արցախի Մեծկողմանք կամ Մեծկվենք գավառի առաջնորդարանն է եղել, իսկ այս առաջնորդարանի հոգևոր եռուն կյանքն անխաթար պահպանվել է քրիստոնեության մուտքից սկսած: Մեծկվենքի եպիսկոպոսները միշտ էլ եռանդուն մասնակցություն են ունեցել Հաղոց Արևիկից կողմանց հոգևոր ու մշակութային կյանքին:

Մեզ հայտնի աղբյուրներում վանքը Դաղիի անունով առաջին անգամ հիշատակվում է իններորդ դարի առաջին կեսի դեպքերի առիթով: Այս հայաշխարհի բնիկ տեր Առանշահիկների ու եկվոր Միհրանյանների տոհմական պայքարն ավարտվում է առաջինների հաղթանակով: Վերջին Միհրանյան Վարազ Տրդատին ու նրա որդի Ստեփանոսին իրենց

որդու հետ: Ուրեմն Դաղի վանքի ու նրա շրջակայքի տերերն Առանշահիկներն էին՝ Ատրներսեսը, նրա հայր Սահլը և ճախորդներն ու հետնորդները:

Վանքն ու նրա միաբանությունը մեծամեծ աղետների են ենթարկվում սելջուկյան արշավանքների պատճառով: Ժամանակի աղբյուրները միահամուռ վկայում են Խաչենի և հատկապես նրա մշակութային կենտրոնների ավերումը Չոլի դաժան գործարքի կողմից: Սամվել Անեցու պատմելով՝ Չոլին խաբույթյամբ իր մոտ է հրավիրում Խաչենի իշխաններին, կալանավորում շատերին, ապա «մաշեաց զերկիրն սովով և սրով և գերութեամբ, ընդ որս քահանայք և սուրբ կտակարանք և կրոնատրք առ ոտս անկան անօրինաց»⁵:

Այս աղետը տեղի է ունեցել 1143 (=ՇՂԲ) թվականին: Երկու-երեք տարի հետո Չոլին վերստին գալիս է Խաչենի վրա, որովհետև երկրի մնացած տե-

⁴ Մ. Կաղանկատուացի, Պատմություն Աղուանից աշխարհի, Թիֆլիս, 1923, էջ 388:


⁵ Սամուել Անեցի, Հաւաքմունք ի գրոց պատմագրաց, Վաղարշապատ, 1893, էջ 132:

³ Մակար եպ. Բարխուդարյանց, Արցախ Բագու, 1895, էջ 203:

ներն ապաստանել էին, թորափել բռնավորի լուծը. «...սակա ինչ մնացալքն յազատաց անտի, որք էին դողեալք յանտառ մայրեաց, առին դարձեալ գրերդ-ամբոցս իրեանց, և դարձեալ ապաստանութեամբ վարէին ընդ Տանկացն»⁶:

Այս անգամ Չոլին գալիս է վերծիմնորոյցան կատարի մոլոցքով և, չկարողանալով տիրել Խաչենի ամբոցներին, ավերում ու հրի է մատնում գավառի անբաշտարան բնակավայրերը, ինչպես և Գաղի վանքը. «Իսկ զամբոցսն ոչ կարաց առնուլ, բայց վանքը. «Իսկ զամբոցսն ոչ կարաց առնուլ, բայց զգաւառն զամենայն ի սպառ աւերէր. այրեաց և զաւարեկաղիբ ուխտ սրբութեան որ կոչի Գաղոի վանք»⁷:

Պետք է կարծել, որ շատ շուտով վերականգնվել է վանքը, վերացվել են ավերածության հետքերը, քա-



Արգոլ-խաթունի եկեղեցին հյուսիս-արևելքից

նի որ 12-րդ դարի երկրորդ կեսին Մխիթար Գոշը, Խաչեն գաղով և հյուրընկալվելով Վերին Խաչենի իշխանաց իշխան Վախտանգի տանը, երկրի աշխարհիկ իշխանությունն ու հոգևոր կյանքը գտավ մի այնպիսի բարգավաճ վիճակում, որպիսին նա չէր

տեսել բովանդակ Հայաստանում, և եթե նրա նկատմամբ մի տեղ գտնում էր, ապա Կիլիկյան հայոց թագավորությունն էր⁸:

Գաղի վանքի շենքերը հիմնականում պահպանվել են, և նրանց ներսև վիճակի հիման վրա դժվար է ներկայացնել բարգավաճ օրերի ընդհանուր պատկերը:

Վանքի ամբողջ համալիրը կարելի է ընդհանուր առմամբ բաժանել երկու մասի. մեծ ու կարևոր մաս, որը գտնվում է պարսպից ներս, և լուսացուցիչ շինությունների մաս, որ պարսպից դուրս է և գտնվում է կիսավեր վիճակում:

Պարսպի ներսի շինությունների մեջ իր հնությանը աչքի է ընկնում **Քազիլիկը**: Դատելով տեղից ու դիրքից, պետք է կարծել, որ սա վանական շենքերից հնագույնն է կամ հնագույններից մեկը: Գտնվում է համալիրի հյուսիս-արևելյան ծայրում, թևքային վրա, հյուսիսային պատով հողի մեջ թաղված (երևի սկզբնապես էլ այդ պատը գետնի մեջ է եղել), և մյուս շենքերը կառուցված են նրանից դեպի արևմուտք, հարավ ու արևելք:

Այժմ կանգուն են միայն քազիլիկի պատերը: Արևելյան ապսիդ է (կիսաբոլորակ)՝ սեղանը տեղավորելու համար, մյուսները՝ հարթ, հիմնականում անտաշ քարերով կառուցված: Հյուսիսային ու հարավային պատերն ունեն խցիկներ հիշեցնող որմնադարաններ, հյուսիսայինը՝ չորս, հարավայինը՝ երկու, որոնք երիզված են սրբատաշ քարերի շքանակներով: Քանի որ արևմտյան դուռը ևս նույն սրբատաշ, քանդակազարդ քարերով է երիզված, կարելի է մտածել, որ սա հետագայի նորոգման արդյունք է, թերևս քազիլիկին կից գավիթ կառուցող Գրիգոր եպիսկոպոսի գործը, որի մասին պիտի խոսենք:

Հարավային ու հյուսիսային պատերն ունեն երկական որմնապուրակներ, որոնց վրա հանգչելիս է եղել թաղակապ տանիքը: Կենտրոնական որմնապուրակները մյուսներից տարբերվում են. նրանք ավելի հաստ են ու բարձր: Հավանաբար եկեղեցին կենտրոնում գրեթե է ունեցել՝ այդ բարձր ու հաստ որմնապուրակների վրա:

Շենքի ներսում, սեղանի տեղ, այժմ էլ կանգնած է մեկուկես մետր բարձրություն ունեցող սրբատաշ մի քար՝ ծածկված մեծ ու փոքր խաչանախշերով: Այդ քարից հարավ բուսած է եղել վիթխարի մի ընկուզենի, կտրել են, բնից նորն է բարձրացել, դարձյալ կտրել են, և հիմա թանձրաստղաքար մի թուփ է դարձել: Ընկուզենու գոյությունն ինքնին վկայում է, որ եկեղեցին վաղուց է գրկվել տանիքից:

Քազիլիկի գավիթը.—Դրսից անտաշ քարերով կառուցված ու ձևփով հարդարված բարձր շինություն է, միայն դուռը՝ քանդակազարդ: Կառուցող Գրիգոր եպիսկոպոսի արձանագրությունը փորված է դրան

⁶ Մ. Գոշ, Կաթողիկոսը և դեպի Աղուանից աշխարհին ի մէջ ժԲ դարու. Լ. Ղ. Ալիշան, Հայապատում, էջ 386:

⁷ Անդ:


⁸ Մխիթար Գոշ, Դատաստանագիրք Հայոց, Վաղարշապատ, 1880, երկրորդ էջագրություն, էջ 71: 79: Լ. Ղ. Ալիշան, Հայապատում, էջ 406—407:

աջ կողմին. «թ. ՌՀԳ (=1224) եւ տր Գրիգորիս ա-
ռաջնորդ սր ուխտիս, որդի նախատակին Վասակայ,
շինեցի զժամատունս յիշատակ հոգոյ իմոյ...»:

Սա կրոնավորած Հասանի որդի և Մխիթար Գոշի
հովանավոր Վախտանգի եղբայր Վասակի որդին է,

բայր թաղ-կտոր: Սյուները քառանկյունի են, նախ-
շազարդ:

Գավթին շուր ու գեղեցկություն են տվել պատերի
մեջ ագուցված մեծ ու փոքր խաչքարերը, որոնք
կարող են համեմատվել 12—13-րդ դարերի լավա-



Արզու-խաթունի կաթուղիկեի հարավային ճակատը. իշխանագույններ Հասանի և Գրիգորի քանդակները

այն Վասակի, որ 1201-ին Սյունիքի Գուշտյանը ետ
նվաճեց թուրքերից ու նախատակվեց:

Գրիգորի ժամատունը կառուցվել է հինավուրց ե-
կեղեցուն կից և, բնականաբար, պետք է հարմար-
վեր նրա ճարտարապետական առանձնահատկու-
թյուններին: Սակայն իրականում այդպես չի եղել:
Ծինարարը կարգավորել է հին անշուք բազիլիկը,
արել հնարավոր բարենորոգումները (որմնադարան-
ներ ու դռների երիզավորում են), ապա նոր միայն
կառուցել գավիթը, որը, դրսից որքան էլ անշուք,
ներքին հարդարանքով կարող է համարվել ժամա-
նակի հայ ճարտարապետության գեղեցիկ նմուշնե-
րից մեկը:

Հետաքրքիր ճարտարապետական տեսք ունի այս
գավթի կտորը: Պատկից չորս պուներն իրենց վրա
պահում են թևաբաց կամարները, սրանց վրա էլ
թաղն է, և թաղի վրա՝ կլոր մի գմբեթ՝ որպես երկ-

գույն օրինակների հետ: Փոքրածավալ խաչքարերի
մի երկար շարք էլ ձգվում է արևելյան պատի կենտ-
րոնով՝ ծայրից ծայր, եկեղեցու մուտքի աջ ու ձախ
կողմերին: Բացառիկ նուրբ քանդակներով ծածկված,
ասես ժանեկազարդ այս խաչքարերից ամեն մեկը
պատմում է ժամանակի որևէ մեծատունի այս կամ
այն նվիրատվության մասին:

Նախշազարդ այս խաչքարերի հետ համադրվում է
փառափեղ շքամուտքը՝ իր ծաղկազարդ քանդակնե-
րով: Մուտքի դռան նախշուն երիզները կրկնում են
Արզու-խաթունի եկեղեցու դուռը, որի մասին պիտի
խոսենք: Կարելի է ենթադրել, թե Գրիգորի եկեղե-
ցին կառուցվել է նրանից միայն տասը տարի ստաջ՝
ավարտված Արզու-խաթունի եկեղեցու շինարարի
ձեռքով: Սակայն ավելի հավանականն այն է, որ
Գրիգորի եկեղեցու վարպետը պարզապես ընդօրի-

նակել է Արզու-խաթունի եկեղեցու դուռը՝ ի վիճակի շինելով կրկնել շենքի մյուս արժանիքները:

Գավիթը Հաթերքի իշխանական տան տապանատունն է եղել: Հատակը ծածկված է գերեզմանաքարերով, որոնց գրերը չնջված են արդեն:

Գրիգորի գավթի շարունակությունն է կազմում (արևմտյան կողմից) մի հին՝ ու անշուք եկեղեցի կառուցված անտաշ քարով: Այն ճարտարապետա-



Արզու-խաթունի եկեղեցու արևելյան պատի մեծ արձանագրությունը

կան լուրջ արժեք չի ներկայացնում, սակայն ներսի և դրսի պատերի վրա ունի եղծված ու մասամբ պահպանված արձանագրություններ, որոնց ընթերցումն անպայման նոր ծայրեր կրացի երկրամասի հին պատմությունից:

Արզու-խաթունի եկեղեցի-կաթողիկեն.—Վանական համալիրի ամենաշքեղ կառույցն է, որն այսօր էլ համարյա անխաթար պահպանված, ներկայանում է որպես հայկական ճարտարապետության 13-րդ դարի ամենափառալուր կոթողներից մեկը: Գտնվում է վանական տարածության արևելյան ծայրին: Այս շինությունից սակի վաղ կառուցված բոլոր եկեղեցիները ձգված են եղել երկու շարքով՝ աջ ու ձախ կողմերի երկարությամբ, և այս կաթողիկեն դրվելով համալիրի երկու շարքերի արանքում (խորքում)՝ դարձել է նրա առանձին մասերն ի մի հավաքող կենտրոնը:

Կաթողիկեի կառուցողը Հաթերքի մեծ իշխան Վախթանգի կին Արզու-խաթունն է եղել, նրա արձանագրությունը պահպանվել է հարավային պատի վրա 19 երկար տողերով և շատ մանրամասներ է պատմում ինչպես կառույցի, այնպես էլ կառուցողի ճակատագրից: Ամա այդ արձանագրությունը. «Ընդհին ամենակարողին Այ և Միսմնի որդոյ նորա Յի Քի և պարզեօք ամենատրք հոգոյն եւ՝ Արզու խաթուն, նուստ աղախին Քի, դուստր մեծի իշխանաց իշխանին Քրդին և ամուսին Վախթանկայ թագաւորագնոյ տն Հաթերքոյ և ամենայն Աբին Խաչենոյ, յուսով մեծաւ շինցի գտորք կաթողիկէս ի տեղոջ հանգստարանի առն իմոյ և գաւակաց ի մոց՝ Հասանայ անդրանիկին իմոյ և Գրիգորի, որ ի Տերն կէսարեայ վախճանելոյ, զի վասն մեղաց իմոց յարատեաց զիս Ած: Իմ Հասան ապանա ի թորքաց պատերազմին վասն քրիստոնէական հաւատոյս և զկնի երից ամոյ զկրտսեր որդին իմ զԳրիգորն ի Տերն կոչեցեալ զպարտ ընտրեանս հատուցանելով վճարեաց ի կենցաղոյս և փոխեցաւ առ Քս, սուգ անմխիթար թողով թշուառացելոյ մարս իրեանց: Այ զի ի կենդանութեամբ իրեանց յոյս ի մտի եղեալ նոցա շինել եկեղեցի յայսմ տեղոջ և ոչ մասնեցին վասն արագանաս լինելոյ ի վերս նոցա մահուն. և ինձ աւանդեցին անդարձի կատարել զփախագ արտից նոցա. և իմ յանձն առեալ մեծ յուսով և շատ աշխատութեամբ շինցի զբաւարանս ի փրկութիւն հոգոց նոցա և իմոյ, դպտերաց և ամենայն զարմից: Արդ աղերսիս հապցեմ, որք երկրպագէք սքոյ խորանիս, յիշել յաղաթս ձեր զվերոյ զրեալս ի սմա: Կատարեցաւ ի թուականութեան Հայոց ՌԿԳ. (=1214). ի փառս Աստուծոյ: Եւ ի նորոգութիւն ար ոխտիս սահմանեցար ժառանգութիւն եկեղեցոյս զիւրս և ազարակս իրեանց սահմանաքն զԱպահէն և զՎճարածանց և զԲչանց և զԲԿանաչատրն որ ի Վայոց ձոր և երկու տունս յԱրփա: Հաստատեցար կամակցութեամբ տղարցս գաւազ խորանի պատարագն յանուն վերոյ զրեղոցս կատարի անխախտ. որ այսմ վճոխ հաստատելոյ խափանումն առնէ յիշխանաց կամ յառաջնորդաց տեղոյս կամ ո որ ևս իցէ, խափանեցի յոյս նորս որ առ Քս և դատապարտեցի յԱյ:»

Ուրեմն, Արզու-խաթունը դուստրն էր Քրդի⁹, կինը Հաթերքի այն Վախտանգ իշխանի, որ 12-րդ դ. վերջին իր մոտ պահեց, հովանավորեց Մխիթար Գոշին, սպա իր հինգ տղարյունների (Վանակ, Սմբատ, Գրիգոր, Գրիգորիս, Խոյրան) բնու միասին՝ մեծ վարդա-

⁹ Սա Կալենի ու Մահկանաբերդի տերն էր և Տփլիսի իշխանը, Մխիթար Գոշի մեծ բարեկամը, հայրը Դավիթ և Սադուն իշխանների: Սադունը խոշոր դեր կատարեց վրաց-հայկական պետական կյանքում, մեծ մասամբ նրա բանակցությունների արդյունքն էր մոնղոլ տիրապետողների բարյացակամությունը վրացիների ու հայերի նկատմամբ (տե՛ս Կիրակոս Գանձակեցի, Պատմություն հայոց, Երևան, 1961, էջ 208—210, 215 և հուգ.):

պետի համար կառուցեց Նոր Գետիկի վանքը: Վախտանգի ու նրա կողակից Արզու-խաթունի երախտիքը քանի՜-քանի՜ անգամ հիշել է Մխիթար Գոշն իր գործերում, սակայն շատ բնորոշ է նրա Դատաստանագրքի ձեռագիր ընծայական ինքնագիրը. «Յս Քս, լորժամ գաս ի նորոգել գերկիր, նորոգես հուգով եւ մարմնով զատուածաւեր իշխանն իշխանաց գլխախտանց եւ զամուսին իր զԱրզու խաթուն ի կեանս անմահս»:

Արզու-խաթունը, ինչպես երևում է սույն արձանագրությունից, կաթողիկեն կառուցել է իր ամուսին Վախտանգի և երկու տղաների գերեզմանների տեղը («ի տեղուց հանգատարանի»):

Կաթողիկեի հատակագիծը մեր խաչածն-գմբեթավոր եկեղեցիների համար ընդհանրական է, հավասար քառանկյունի թևերով: Երևի այս պատճառով էլ կոչվում է «Սուրբ Խաչ», նաև՝ «Սուրբ Նըշան»:

Բեմը՝ ավագ սեղանով, տեղավորված է արևելյան պատի կիսաշրջանի մեջ: Կան նաև ութ փոքր սեղաններ՝ տեղավորված անկյունների եռահարկ չորս խորաններում, սրահի մակարդակից բարձր: Դեպի այդ խորաններն են տանում պատերից դուրս ցցված քարե աստիճանները, որոնց մեծ մասն արդեն կոտրատված է:


Եկեղեցու ներսի սյուները, կիսապուներն ու նրանց վրա բարձրացած խաչվող կամարները սրբատաշ գորշ քարից են, զարդարված նուրբ քանդակներով: Նույն քանդակագործ քարերով գոտևորվում է բարձր թաղը, որի վրա խոյանում է շքեղ գմբեթը:

Ներսի պատերի մնացած մասերը ծեփված են կրաշաղախով, և ծեփված բոլոր պատերն էլ եղել են նկարագարո: Այժմ նկարներից քիչ բան է մնում: Ծեփը տեղ-տեղ քանդված է, ճաքճաքված: Որմնանդակարների մեջ մարդկային կերպարանքները հազիվ են նշմարվում պատերին նստած կեղտի տակից:

Կառուցողն ամեն կերպ աշխատել է կաթողիկեն դրսից դարձնել շրջապատի վանական շինությունների զարդը: Գորշ ու սև որձաքարի, տեղական վարդագույն տուֆի ու սպիտակավուն կրաքարի համադրությունները ստեղծել են պերճախոս մի հորինվածք: Իսկ եթե նկատի առնենք և քանդակագործի նուրբ աշխատանքը, որ երևում է բոլոր պատերի վրա, ապա համարձակ կարող ենք ասել, որ այս շենքը հայկական միջնադարյան ճարտարապետության ամենախմբատիպ ու շքեղ հուշարձաններից մեկն է:

Հյուսիսային պատը զարդարված է բարակ ու նըրբանախշ որմնապուներով, որոնց վրա պացած երեք կամարներից միջինն իր տակ ունի մի փտաճեղ դուռ: Դուռը հայկական եկեղեցիների հյուսիսային պատերի մեջ անսովոր երևույթ է: Ուրիշ պարագայում կարելի էր մտածել, որ ճեղքն այնչափ կարիքների համար: Սակայն տվյալ դեպքում այն կառուցված է եղել շենքի ճեղքի մեջ միաժամանակ, նրա ամբողջ ճարտարապետությանը համապատասխան, և որոշ արժանիքներով էլ կարող է համարվել կա-

թողիկեի ամենագեղեցիկ մասերից մեկը: Դուռերի կիսագանձները, նրանց վրայի խոյակների երկրաչափական նուրբ նախշերը և հատկապես դուռն կամարի ներսի զարդաքանդակները չեն կրկնված շենքի որևէ մասում: Բացառիկ տպավորություն են թողնում հատկապես խոյակների և կամարի ներքո, բարավորի վրայի իրար կցված յոթ սուրամկյուն եռանկյունիների ներսի նախշերը: Դուռն կամարի տակ մի




Արզու-խաթունի կաթողիկեի հյուսիսային դուռը

վարդյակ է բարձրաքանդակված, որի ներսում ևս երկրաչափական գեղեցիկ նախշեր են՝ միանգամայն տարբեր մյուսներից: Իսկ կամարը վերևից շրջանակող երկու ուղիղ անկյունների ներսում քանդակված են տասներկու թևանի վարդյակներ: Եվ ահա այսքանից ճեղք, ավելի շատ՝ այսքանն ընդգրկող եզրանախշերն են, որոնք երկու լայն շարքով կողքերից ու վերևից եզերում են դուռը և իրենց բարդ ու նուրբ հյուսվածքներով կարող են մրցել ոսկերչական ժանկազարդերի հետ:

Արևելյան պատը ևս աչքի է ընկնում իր ճարտարապետական ու քանդակագործական գեղեցիկ լուծումներով: Կենտրոնում, որմնապուների վրա, ծիածանվում է նախազարդ մեծ կամարը, որի մեջ տեղադրված է Արզու-խաթունի ընդարձակ արձանագրությունը եկեղեցու շինարարության մասին: Վերևում վերից վար ձգվող նեղ լուսամուտն է, որից այ

ու ճախ պատվիրատուի երկու որդիների քանդակներն են՝ ամբողջ հասակով, և լուսամուտից բարձր պահում են կաթողիկե եկեղեցու մակետը: Այս կամարից աջ ու ճախ դարձյալ երկուական փոքր կամարներ են հանգչում կիսագլանաձև որմնապուների վրա, որոնցից ներսիներն ունեն վերից վար ձգվող քանդակազարդ որմնախորշեր: Այս բոլորը վերևում պակվում են խաչաձև մի լուսամուտով, որը և ամբողջացնում է պատի ճարտարապետական պատկերը:



Մեծ տաճարի դռան զարդանախշեր

Ճարտարապետը, հավանաբար, շատ է մտածել հարավային պատին ուրույն լուծում տալու մասին: Բանն այն է, որ հնարավոր եղանակները սովորաբար ապավում են արևելյան ու արևմտյան պատերի վրա: Տվյալ դեպքում արևելյան պատն ունի զույգ քանդակներ և նրանց շուրջը հյուսված ճարտարապետական մանրամասներ: Արևմտյան պատն էլ շքադուռն է, որը հուշում է իր համապատասխան լուծումները: Ինչ պետք է արվեր հարավային պատի ձևավորման համար: Ճարտարապետն այստեղ պատն ընդգրկող մեծ կամար է դրել, ներսում լուսամուտ բացել և, արևելյան պատի ձևերը չկրկնելու համար, լուսամուտի երիզ դարձրել եռաստիճան կիսագլանների նախշը: Եվ այսքանն էլ բավարար չը համարելով, լուսամուտից վերև երկու տղամարդու քանդակներ է դրել՝ եկեղեցու մակետի հետ: Սակայն սրանք արդեն արևելյան պատի քանդակների կրկնությունը չեն, այլ դիմաքանդակներ են միայն, որոնց դիմագծերն արտահայտված են առավել ցայտուն:

Արզա-խաթունի կաթողիկեն կառուցվել է առանց զավթի: Այդ պատճառով էլ ճարտարապետն աշխատել է իր տաղանդի բոլոր փազլերը դրսևորել արև-

մջայան պատի վրա, ուր մուտքն է եկեղեցու: Արքատաշ հարթ ու ընդարձակ պատի վրա ծիսաձևվում է մի նախշուն կամար, որն իր տակ է առնում շքադուռը:

Դուռը պահպանվել է իր նախաստեղծ ամբողջ շքեղությամբ: Երիզները ներսից և դրսից գլանաձև ու պարանաձև նախշերի մի համերաշխ համադրություն ունեն: Նրանց արանքներում աջակողմյան ճրտի վրա՝ քառակուսիների մեջ զարմանազան քանդականախշեր կան, որոնք չեն կրկնում իրար: Չա-

խակողմյան երիզի հարթ երեսին քանդակված են երկու խաչեր՝ հյուսկեն նախշերով. մեկը՝ վերևում, մյուսը՝ ներքևում, նրանց արանքում էլ՝ քանդակագործի ինքնագիրը. «Նկարող սուրբ նշանացս զՊողոս յիշեցէք» կերեր տողով. «Ուրողք // նշանացս // զՊողոսըք»¹⁰:

Գմբեթը մեր միջնադարյան եկեղեցիների համար բնորոշ բոլորշի պատկն է ամբողջ շինության վրա՝ իր կամարաձև ու որմնանախշերով, երկպնակի ձրգվող նախշազարդ խորշերով ու մեկընդմեջ էլ՝ քանդակազարդ լուսամուտներով: Այստեղ ընդհանուր ճարտարապետական երևույթի մեջ կառուցողը դարձյալ դրել է ինքնատիպ գեղեցիկ ձևեր, որոնցով

¹⁰ Հնագետ Ս. Բաբխուդարյանը, խոսելով այս խաչերի մասին, սխալմամբ նրանք տեղադրում է մուտքից վեր, սպա ենթադրում, որ «այս վարպետը ևս պիտի մասնակցած լինի վերանորոգման աշխատանքներին XVI—XVII դարերում» (Ս. Բաբխուդարյան, Միջնադարյան հայ ճարտարապետներ և քարգործ վարպետներ, Երևան, 1963, էջ 180, նույնը կրկնված էջ 183-ում): Հետազոտողի ենթադրությունը ոչնչով չի հիմնավորված:

և սույն գմերը շահեկանորեն տարբերվում է հասանալի սովորական կառույցներից: Նշենք, օրինակ, գույների զվարթ խաղը. գմերի ծածկի մաքուր հղկված ու իրար ագուցված սալերը, գորշի մուգ երանգն ունեն, ամբողջ թմբուկի ֆոնը բաց վարդագույն է, նիստերի կամարներն ու սրանց հիմքերը՝ սև, և գոտևորող կարնիզը՝ նորից գորշ: Լուսանցքներից ամեն մեկի պակաս մի ինքնատիպ լուծում ունի և առանձին դիտվում է որպես լուսօրինակ քանդականախշ:

Առաջինը, որ եկեղեցին սկզբնապես գավիթ չի ունեցել: 13-րդ դարի կեսին նրան արևմուտքից ավելացրել են երկար ու անշուք մի շինություն, որը և պետք է գավթի դեր կատարեր¹¹: Այն լրիվ կանգուն է մինչև հիմա. հարավային պատի տեղ կամարակապ, ծանրամիտ պուճաշար է, իսկ հակառակ կողմում, ինչպես նաև արևմտյան երեսից՝ խուլ պատեր են: Ծածկը թաղ է՝ վրայից ծանրացած երկթեք տանիքով: Մի խոսքով՝ եկեղեցիների այն սովորական օժանդակ շինությունը, որ կոչվում է պողոտաձև գավիթ:

Այս շինության հեղինակը, ըստ երևույթին, եղել է նարտարապետությունից հեռու մի արհեստավոր: Նրա համար ոչ մի կարևորություն չի ունեցել այն հիմնական շենքը, որին կցվել է իր ստեղծագործությունը՝ որպես օժանդակ շինություն: Այդ պատճառով էլ իր պողոտաձև գավիթն այնպես է կպցրել եկեղեցու շքամուտքին, որ կիսել է նրա քանդականախշ կամարը, վերջինիս մի մասը թողել գավթի կտուրից վեր:


Երկու անգուգական խաչքար.—Պողոտաձև գավթին արևմտյան կողմից կպած է մի կրկնհարկ զանգակատուն, որի առաջին հարկը խուլ է բոլոր կողմերից, արևմտյան պատն ի վեր սանդուղք է բարձրանում մինչև երկրորդ հարկի մակարդակը: Երկրորդ հարկում կամարակապ որմնախորշի մեջ հայացքով դեպի արևմուտք կանգնեցված են Դադի վանքի երկու հուշակավոր խաչքարերը:

Այս շինության երրորդ հարկը քառապուն մի զբմբեթ է, ուր հնում, հավանաբար, կախված են եղել վանքի զանգերը: Գմերի թառակող ծածկը, կամարները, չորս կլոր պուճերը և սրանց խոյակներն ու հիմքերը սրբատաշ են, գեղեցիկաշեն և ամբողջության մեջ թողնում են հաճելի տպավորություն: Ըստ երևույթին սկզբնապես զանգակատան առաջին ու երկրորդ հարկերը բացվածք են ունեցել, և հետագայում է, որ վիթխարի խաչքարերը կանգնեցրել են երկրորդ հարկի խորքում ու ետևից փակել, որպեսզի ամբողջ շինությունը դառնա մի տեսակ շքանակապահարան այդ փառահեղ խաչարձանների համար:

¹¹ Պողոտաձև գավթի պատի քարերից մեկի վրա գրված է. «ՈՂ թվ.» (= 1241): Եթե սա գավթի շինարարության տարին էլ չլինի, համեմայն դեպք պետք է բնդունել, որ այս թվականին գավիթն արդեն կառուցված է եղել, որպեսզի նշված թվականին արձանագրություն քանդակվին նրա քարի վրա:

*
*
*

Արգու-խաթունի եկեղեցուց հարավ Հասան Մեծի եկեղեցին է՝ աղյուսաշեն գմերով, գմերի պույրն արդեն քանդված:



Մեծ տաճարի լուսանցքների պակներ

Մասնագրական բազմաթիվ տեղեկություններից ու վիճաբանական հավաստի նյութերից հայտնի է, որ Վերին-Խաչենի իշխան Հասանը («տր Հաթերքու և Հանդաբերքու, Խաչենաբերքու և Հալքախաղացին»), որպես Արցախական աշխարհի գահերեց իշխանը, քառասուն տարի (1141—1182) գահավակնուց հետո, իշխանությունը բաժանում է իր զավակների միջև, ինքը կրոնավորելու գնում Դադի վանքը¹²:

¹² Այս Հասանը պատմագիտական ուսումնասիրություններում շատ է շփոթվել Խաչենում նույն ժամանակներից տիրություն անող ուրիշ Հասանների հետ: Մակար եպս. Բարխուդարյանցը, օրինակ, համձին արա՛ճ անաչում է այն Հասանին, որ Գեոաքարից էր, թագավոր գնաց Սյունիքի Կապան, սպա 12-րդի 60-ական թվականներին իր թագավորանիստը թողնեց թշնամիներից պաշարված՝ ու վերադարձավ Խաչեն (Պատմություն Աղվանից, Ա, էջ 139—140): Իսկ Ի. Ա. Օրբելին էլ սրան նույնացնում է Խոխա-

Նրա հետ վանք է գնում նաև կինը՝ Մամա-խաթունը («չուստը Կորիկայ թագաորին»):

Այս փոքրիկ եկեղեցու շինարարության մասին արձանագրությունն չի պահպանվել: Սակայն այստեղ է Հասան մեծի արձանագրությունը: Ներսի



Գաղի վանքի մեծ խաչքարի վերին մասը

ձախակողմյան խորանում, մի գեղեցիկ խաչքարի վրա, գրված է. «թ. ՈԱ. (=1182) եւ՝ Հասան, որդի Վախտանգայ, տեր Հաթերբու և Հանդարերդու, Խաչենաբերդու և Հարախաղացին, կացի յաագութեան անս Խ (40), շատ պատերազմաւ յաղթեցի թշնամեաց իմոց սագնութեամբն Աստուծոյ և եղևն ինն Զ (=6) որդի: Զբերդերս և գաւառս ետու նոցա և ես եկի ի վանս մատ իմ եղբար պարոն տեր Գրիգորէս և եղէ կրանատր և բերի գխաչքարս ի յԱլուսայ, շատ աշխատութեամբ և քազում հնարիչք

նարերդի տեր Հասանի հետ, վերջինիս դարձնում վեց տղաների տեր է: կանքի մեջում էլ կրոնավորության գնացած (И. А. Огъан, Гасан Джелал, князь Хаченский. Иѳраиѳ с тѳуды, Египет, 1963, стр. 116—117): Իրականում, սակայն, ո՛չ մեկը, ո՛չ էլ մյուսն ամուսնացան չունեն խնդրո առարկա Հասանի հետ, կբև նկատի չառնենք, որ նրանք աղբակիցներ են, սերված երկրամասի տեր հին Ասանշանիկ տոհմի սերունդներից:

կանգնեցի գար նշան հոգու իմոյ: Արդ, վասն ներ հոգուցդ, որք ընթևոնոյք, զիս յաղաթս իշեցեք»:

Հասանի վեց արտ զավակները պատմությանը հայտնի հաթերքյան այն իշխանագուններն են, որոնք իրենց մոտ ապաստան տվին Գանձակի մահմեդական իշխանավորներից հալածական Մխիթար Գոշին, հովանավորեցին նրան, հորդորեցին, որ գրի «Կատաստանագիրքը», ապա նրա համար կառուցեցին Նոր Գետիկի հուշակավոր վանքը: Այս վանքի շինարարությանը վերաբերող արձանագրության մեջ հիշվում են Հասան հաթերքցու վեց որդիները:

Ինչքան էլ տարօրինակ լինի, Նոր Գետիկի կամ Գոշավանքի շինարարության այս գլխավոր արձանագրությունը բոլոր ուսումնասիրողների կողմից էլ ընդօրինակվել է սխալներով: Եթե Հովն. եպ. Շահխաթունյանցը, Սակար եպ. Բարխուդարյանցը և Ա. Կոտանյանցը իաչևնցի իշխանագունների անունները գրել են հետևյալ պակասավոր ու աղճատված ընթերցանությամբ՝ «...ձեռնտուութեամբ քարեպաշտ իշխանին Վախտանկայ և նորին զուգակցին Արզու խաթունին և նորին եղբարցն Սմբատայ, Վասակայ, և խորթն Գրիգորոյ»¹³, ապա հետագայում հետազոտող Զանփոլաղյանը, նախորդների «խորդն-խորթն» թյուրփմացությունը, արքեպ. Ս. Զալալյանցի ընդօրինակության հիման վրա, ճշտելով որպես «Խոյդն» անձնանուն, ուշադրություն չի դարձրել հաջորդ անվան վրա («Գրիգորոյ»), որն արձանագրության մեջ ինքնատիպ գրություն ունի: Բանն այն է, որ հիմա արձանագրությունը բավականին քայքայված է, և առաջին տողերը լրիվ ընթերցել անհնար է: Սակայն մեզ հետաքրքրող մասը, քարեխախտարար, պահպանվել է և ընթերցվում է անթերի: Այստեղ գրված է «Խոյ // դա Գրիգորոգրիս...»: «Խոյդն» պարզ է, Վախտանգի Խոյդն կամ Խոյդան եղբայրն է: Կիրակոսի վկայության մեջ ես կա այս անունը. «...շինեաց վարդապետն Մխիթար իր միարամօրն, ձեռնըտութեամբ Վախտանկայ Խաչենեցոյ՝ տևան Հաթերբոյ, և եղբարց իրոց... Խոյդանայ, և Վասակայ, և այլոց իշխանաց քարեպաշտաց...»¹⁴: Ուրեմն, մեջտեղից վերանում է «խորթն-խորդն»-ը, և նրա տեղը բռնում է «Խոյդանը»:

Սակայն ի՞նչ է «Գրիգորոգրիս»-ն, ինչո՞ւ այն ընթերցվել է որպես միայն «Գրիգորիսի»¹⁵: Զէ՛ որ

¹³ Հովն. եպ. Շահխաթունյանց, Ստորագրություն..., Բ, էջ 367. «և խորդն Գրիգորայ», Արցախ, էջ 350. «և խորթն Գրիգորայ», Վիմ. տարեգիր, էջ 50. «և խորթն Գրիգորոյ»:

¹⁴ Կիրակոս, էջ 215:

¹⁵ Զանփոլաղյան, Մ. Գոշը և Նոր Գետիկ վանքը, Հաչկ. ՍՍՀ պատմ. թանգարանի գիտ. աշխ.-եր, Բ. 1, Երևան, 1948, էջ 118: Կարապետ եպիսկոպոսը, նրանից առաջ էլ Մեսրոպ Սմբատյանցը նկատել են «Գրիգորոգրիս» արաստվոր գրությունը, սակայն համաշխարհային փորագրողի սխալը և մասնակ անուշաբուրության (տե՛ս Մ. Սմբատյանց, Տեղագիր Գեղարքունի ծովազարդ գառտի, Վ. պատ, 1895, էջ 173:

այնտեղ առաջին մասը պարզ «Գրիգորո» է: Եթե նկատի առնենք վիմագրական համատարրություններին առանձնահատուկ ձևերը, կտեսնենք, որ «գրիսա»-ն էլ «Գրիգորիսա»-յի հիմնական մասն է, որը լրացնելու համար պետք է սկզբից ընթերցել «Գրիգորո»-յի «Գրի» մասը, և այն ժամանակ կատացվի «Գրիգորիսա»՝ Վախտանգի հոգևորական եղբոր անունը, որը հիշված տեսանք Կիրակոսի մոտ: Եվ անուն այս ճշգրտումի միանգամայն անհասկանալի պիտի մնար, թե ինչպե՞ս է պատահել, որ մի այսպիսի հավատանապատ կարևոր գործին մասնակցել են Հասան Խաչենցու հինգ որդիները՝ Վախտանգը, Սնբատը, Վասակը, Խոյրանը, Գրիգորը, իսկ նրանց վեցերորդ՝ հոգևորական եղբայր Գրիգորիսը դուրս է մնացել:

Հավանական է, որ Հասանն իր եկեղեցին կառուցած լինի կրոնավարելուց առաջ: Իսկ եթե ինքը չի կառուցել, ապա այն կառուցված է եղել մինչև իր կրոնավարելը, այլապես հիշյալ արձանագրությունն ուրիշ բովանդակություն կունենար:

Եկեղեցին իր պատերի վրա հետաքրքիր հիշատակներ է պահում՝ գեղեցիկ խաչքարեր պատվիրատուների արձանագրություններով, արձանագրություններ սովորական քարերի վրա, որոնք հենց այնպես դրվել են պատերի մեջ, անգիր հին-հավասարաթև խաչեր կրող քարեր ու առհասարակ նախած թարեր, նույնիսկ մի ջաղացքար, որը զարդարում է դոնազուլից:


Արցախ-Խաչենում գեղեցիկ սովորություն է եղել՝ վանական շենք կառուցելիս նրա պատերի մեջ դնել հին խաչքարեր ու արձանագրություններ, պատմական հիշատակների հետ կապված իրեր ու առարկաներ, և, այսպիսով, կառուցված շենքը դարձել է յուրատեսակ թանգարան: Նման գեղեցիկ օրինակ է Խաթրավանքը, որի պատերի մեջ երևացող արձանագրություններով ու խաչքարերով կարելի է բացել գավառի նախընթաց պատմության ու մշակույթի շատ ծալքեր, որոնց մասին ուրիշ աղբյուրներ գոյություն չունեն:

Հասանի եկեղեցուց հարավ, շեղակի թեքության վրա է կառուցված մի այլ եկեղեցի, որն իր ճարտարապետական արժանիքներով վանքի ներսում կարող է գիջել միայն Արզու-խաթունի կաթողիկեին: Կառուցողի արձանագրությունը գտնվում է հարավային պատի մեջ դրված մի անկանոն քարի վրա. «թ. ՈԿ (=1211) ես Գրիգոր // Էս որդի Հասան // ա շինեցի գտան // արս յիշատակ // հոգո իմո: Յաղ // ալթս յիշեցէք»:

Այս Գրիգորիսին չի կարելի շփոթել նախորդի հետ, որը ևս Հասանի որդի էր, բայց քվերորդի՝ Չաքարեի ու Խվանեի: Եկեղեցին կառուցողը Հաթերքի տեր և կրոնավորյալ Հասանի որդին է, Վախտանգի եղբայրը, Նոր Գետիկի կառուցող վեց եղբայրներից

մեկը, որը երկար տարիներ առաջնորդ էր Դադի վանքում:

Այս տաճարը քառակուսի հատակագիծ ունի: Մրահի մեջ կանգնած են չորս փաստեղ կլոր պուներ, որոնք դրված են քանդակազարդ մույթերի վրա, ու-



Դադի վանքի մեծ խաչքարի ստորին մասը

նեն շքեղանախշ խոյակներ, և սրանց վրա բարձրանում են գեղեցիկ կամարները՝ իրենցից վեր պահելով թաղակապ կտորը: Կտրի կենտրոնում գմբեթի կլոր թմբուկն է՝ լուսի համար կենտրոնից բացված անցքով: Սյուներն ու պատկից կիսապուները իրար են միանում փոքրիկ կամարներով, որոնք ևս ձևավորված են զարդերով:

Տաճարը մեծ քան ունի, ապառի խորքում մի փաստեղ խաչքար կա պատի վերևում դրված այնպես, որ մտնողն անմիջապես նրա տպավորության տակ է մնում:

Մուտքը հարավից է, երևի այն պատճառով, որ արևմտյան պատը կիսով չստի խրված է եղել հողի մեջ: Սակայն այս կողմից էլ հետազայում կառուցել են մի երկար պողոտանձև գավիթ, որն այժմ կիսավեր վիճակում է, և պատերի մեջ մնում են որմնապուները, որոնք վկայում են, որ շենքը ծածկված է եղել կամարակապ թաղով:

Մեր նկարագրած այս բոլոր վանական շինություններն առնված են մի ցածրադիր, տեղ-տեղ ա-

Կարապետ Կախկոպոս, Դոխյանը և Մևիթ-Շահնազարյանը, Էջմիածին, 1914, էջ 48):

վերվան պարսպի մեջ, որը, հավանաբար, հին ժամանակներում ավելի բարձր է եղել և պաշտպանական գոտի է ծառայել մանր հարձակումների դեմ: Պարսպի կառուցման մասին մատենագրական տեղեկություններ չկան: Երևի կարելի կլինի գտնել վիճագրական նյութեր, որոնք կընդլայնեն մեր տեղեկությունն այդ առթիվ: Սակայն Արզու-խաթունի եկեղեցու թիկունքում, պարսպի մեջ մենք գտանք մի խաչքար, որի 7 տողանոց արձանագրությունը վերաբերում է 1200 թվականին և վկայում է, որ գոնե այդ ժամանակ պարսպը գոյություն է ունեցել («Ա՛ն ողորմի Գրիգորիկա ամ(էն)»):

Պարսպից ներս բազմաթիվ ավերակներ կան, սղրբատաշ ու անտաշ քարերի կուտակումներ: Պարսպից դուրս ևս տասնյակ շենքեր կան՝ կանգուն, կիսավեր ու ավեր վիճակում: Պարզ է, որ դրանք վանքի տընտեսական ու հոգևոր կյանքի օժանդակ կենտրոն են հանդիսացել: Հարկավ, մենք չխոսեցինք այսքան մեծ վանքի հյուրատան, գրատան (մատենադարան), ձիթամանքի և ուրիշ նման շինությունների մասին, որոնք անպայման գոյություն են ունեցել: Օրինակ, մի արձանագրության մեջ Չարաբերդի եպիսկոպոս Ներսեսն այգի է նվիրում վանքի հյուրատանը «...ևս տր Ներսէս եպիսկոպոս Չարաբերդոյ միաբանեցա Դադիվանացն մին այգի հիրատանն... թ. 2Բ» (=1253): Իսկ մենք դեռ չգիտենք, թե եղած ավերակներից ո՞րն է եղել հյուրատունը:

Դադի վանքը, ասացինք, մեծաքանակ հոգևորականության օջախ է եղել և ունեցել է մշակութային լայնահուն ու խոուն կյանք: Այս կյանքն աստիճանաբար մարում է սկսած 17-րդ դարից, երբ Ծամ-Արաս Ա-ի կազմակերպած հաղկական բռնագաղթեցումների խորշակն անցնում է Խաչենի արևմտյան մասով, և այս գաղթաների տասնյակ հազարավոր քնակիչներ սյովվում են իրենց ավանդական հողից, քշվում Պարսկաստանի խորքերը: Հետագայում այս բռնագաղթը շարունակվում է առավել մեծ չափերով, բռնակալ Պարսկաստանը, լեռնային Հայաստանի (Արցախ-Սյունիք) ռազմական ուժերը ջրատելու, այս երկրամասի պաշտպանական միասնությունը մեկընդմիջտ ճեղքելու նպատակով, տեղահանված հայության փոխարեն Պարսկաստանի խորքերից բուրդ մամուռյական հոծ քնակչություն է բերում-քնակեցնում հին հաղկական այս գաղթաներում:

18-րդ դարում, չնայած վերը հիշված բռնագաղթներին ու քնակչության մեջ արմատականորեն ստեղծված օտար տարրին, Դադի վանքի շրջակայքում դեռևս միանույլ հայություն կար, որը և պահում էր հինավուրց մշակութային կենտրոնի հայաշունչ կյանքը: Հիշատակարաններն ու նյութական մշակույթի առարկաները մեզ են ներկայանում որպես այդ կյանքի վկայություններ: 1745 թ. պատրաստված մի արձանի խոշոր, մարգարտաշար խաչի վրա կա Դադի վանքի անունը. «Յիշատակ է կոներեցի»¹⁶ Պաղտասարին ևս կողակցոյն Սիմահն ևս որդոյն Դադիին, ի դուռն Դադեու վանքին, որ է ի Խարան, թիւին ԹՃՂԿին»¹⁷:

Իսկ շուրջ մի դար նուոր Սարգիս արքեպ. Ջալալյանն անբնակ ու խարխուլ գտավ Դադի վանքը: «Այնոթիկ տեղիք դարան են արագակաց և ասպատակաց Արցախ նահանգի», և մահմեդականները հնավանդ սրբարաններում պահում էին «զհօսս խաշանց իւրոց և զշուկա անասնոց»¹⁸, ապա. «Ջատաջեաւ մատանաց և սենեկաց են լայնատարած այգիք արդեն աներակք, միայն միգարեր ծաղ վայրենացալք դեռ ևս աճեն և բազմանան»¹⁹:

Այս է Դադի վանքի՝ Հայոց արևելից կողմանց հոգեվոր ու մշակութային հնագույն և ամենախոշոր կենտրոններից մեկի պատմական ճակատագիրը: Վանքի ճարտարապետական կառույցները և հատկապես Արզու-խաթունի կերտած կարողիկեն ու գանգակատան երկու խաչքարերը հայ բազմադարյան ճարտարապետության ու քարգործ արվեստի ամենաուշագրավ երևույթներից են, արժանի առավել խոր և համակողմանի ուսումնասիրության:


¹⁶ Երևի Գոմեր (դր. բարբառով՝ «Կլումեր») տեղանունն է, որ շատ է պատահում Սյունիքում ու Արցախում:

¹⁷ Հայերեն արձանագրությանը ատարկաներ. Հատկանշական ցուցակ թանգարանային ժողովածուների, պրակ I, Երևան, 1964, էջ 69:

¹⁸ Սարգիս արքեպ. Ջալալյանց, Մանապարհորդութիւն ի մեծն Հայաստան, Բ, Տիփլիս, 1858, էջ 222—224:

¹⁹ Սարգիս արքեպ. Ջալալյանց, Բ, էջ 225:





ՀԱՅԱՍՏԱՆԸ ԵՎ ԻՍԼԱՆԴԻԱՆ

Հայկական սփյուռքին նվիրված ամբողջական մի աշխատանքի մատենագրությունը կազմելիս Արի Գիտուն հոգևորականի «Իսլանդացիների գրքում» (Livre des Islandais) հանդիպեցի չափազանց հետաքրքիր մի դրվագի. ես այն բառացի մեջ եմ բերում՝ «Ահավասիկ, համաձայն Տելտի տեղեկությունների այն օտարերկրացի եպիսկոպոսների անունները, որոնք եկել են Իսլանդիա... Իսլանդիա եկան նաև հինգ ուրիշներ, որոնք իրենց եպիսկոպոսներ էին ներկայացնում Արնոլֆ և Գոդզալկ և երեք հայեր՝ Պետրոս, Աբրահամ և Ստեֆանոս (Ստեփանոս)»¹:

Այս դրվագին կցված էր հրատարակչի հետևյալ ծանոթագրությունները՝ «Այս եպիսկոպոսները ոչ այլ ոք էին, քան քարոզիչներ, որոնց առաջ հատուկ խնդիր էր դրված քարոզել քրիստոնեությունը ու հեթանոսներին դարձի բերել: Նրանցից շատերը, ու մասնավորապես հինգ վերջինները, ունեին արկածախնդրական կողմեր և

յուր ինքնություններ պատճառեցին Իսլանդիա եպիսկոպոսին այն աստիճան, որ Բրեմի Ադալբերտ արքեպիսկոպոսը անհրաժեշտ համարեց հրապարակորեն հրաժարվել նրանցից մի նամակում, որ նա առաքեց Իսլանդիա» (St'u Hungraaka, էջ 3; K. M. urer Die Bekehrung des norvegische Stammes...II, էջ 58 և հետ.)²:

Արդյո՞ք գործ ունենք այստեղ մի առապելի, թե պատմական մի տվյալի հետ: Մի հայագետ, որին ես հայտնեցի այն մասին, ինձ պարզապես ասաց, թե աչք է ծակում պատմվածքի առաապելական բնույթը ու կարիք չկա շարունակել հետազոտությունը:

Իսկ ես, ընդհակառակն, մտածում էի, որ արժեք փորձել՝ կատարել որոշ պրպտումներ և օգտվեցի Կոպենհագենում կատարած իմ այցելությունից (օգոստոս 1922) առաջին մի հետախուզություն կատարելու:

Նշանավոր գիտնական, Կոպենհագենի Արքայական գրադարանի դիրեկտոր Մ. Հ. Լանգեն ինձ ծանոթացրեց նույն գրադարանի աշխատակից, իսլանդական գրականության մասնագետ, իսլանդացի Մ. Սիգֆուգ Բյունդալի հետ: Մե՞ծ հմտությամբ, որի համար ես խորապես շնորհակալ եմ, Մ. Սիգֆուգ Բյունդալը ձգտեց ղեկավարել իսլանդական մատենագրության մեջ ոտք դրած սկսնակի իմ առաջին քայլերը և ահավասիկ

¹ Le Livre des Islandais, du prêtre Ari le savant radu't de l'ancien Islandais, précédé d'une étude sur la vie et les oeuvres d'Ari, et accompagné d'une commentaire par Félix Wagner... (Bruxelles Offices de publicité et Société belge de librairie 7505, in 8°, p. 76—77 (Bibliothèque de la Faculté de philosophie et lettres de l'Université de Liège, fasc IV).

² Cf. Le livre des Islandais... p. 77, note 119.

խնդրո ստարկա հանդիսացող ու մեզ հետաքրքրող հարցի շուրջ մեր ձեռք բերած դրական արդյունքները:

1.—Ֆրոդի գիտնական անվանված Արի Տորգիլսոնը ծնվել է 1067 ու մահացել 1118 թվականին: Նա Իսլանդիայի առաջին պատմիչն էր, և պատմությունը գետեղված է *Íslendinga sök* (Իսլանդացիների գիրք) աշխատության մեջ: Իր պատմության ութերորդ գլխում նա տառացիորեն գրում է. «Եվս հինգ ուրիշներ եկան այստեղ, ասելով, որ իրենք եպիսկոպոսներ են. դրանք են՝ Արնոլֆ և Գոդշակը և երեք հայեր՝ Պետրոս, Աբրահամ և Ստեֆանոս»: Բնագրում նշված է *Էրմսկիր* (*ermscir*), որը իսլանդերեն նշանակում է հայ: Իմանալով XI—XII դարերի իսլանդերենը, ամենևին էլ կասկածի տակ չի կարելի վերցնել Արիի պատմական այս վկայությունը:

II.—Ոչ պակաս կարևոր ու պատմական մի երկրորդ վկայությունն էլ Գրադասի ընձեռածն է (*W. Winsen*-ի հրատ., *Կուպենհագեն*, 1852, հատ. 1-ին, էջ 22): Իսլանդական հանրապետության այս ընդհանուր օրենսգիրքը, որ թվարկվում է XII դարից և ասկայն առավելապես վերաբերվում է XI դարին, պարունակում է կարևոր եկեղեցական-քրիստոնեական օրենքներ: Այնտեղ տառացիորեն հանդիպում ենք հետևյալ տողերի. «Եթե այս երկրամաս գան լատիներեն չիմացող եպիսկոպոսներ, լինեն նրանք հայեր թե հույներ, ցանկացողին թույլատրվում է ներկա լինել նրանց պաշտոնական եկեղեցական արարողություններին: Արգելված է դրվատել նրանց եկեղեցական ձեսերը կամ օգուլել նրանց նվիրագործված ապարներից: Եթե որևէ մեկը օրհնել տա մի եկեղեցի կամ մկրտել տա երեխայի լատիներեն չիմացող մի եպիսկոպոսի, 3 մարկ տուգանք պիտի վճարի իր օրինական եպիսկոպոսին, որը կատանա նաև օծման վճարը: Եթե լատիներեն չիմացող մի եպիսկոպոս օրհնել է մի եկեղեցի կամ մկրտել մի երեխա, եկեղեցին նորից պիտի օրհնվի և երեխան նորից մկրտվի, կարծեք ոչինչ չէր եղել»:

III.—Երրորդ վավերագիրը, որին մնում է դիմել, դա հունգարական է, որի մասին հիշատակվեց վերևում, բացարձակապես հավաստի է ու թվարկվում է մոտավորապես XII դարից³: Իսլեյ⁴ եպիսկոպոսի ժա-

մանակ, ապավ է այնտեղ, օտարերկրացի եպիսկոպոսներ եկան Իսլանդիա: Նրանց ուսումնքը շատ կետերում նվազ խիստ էր, քան Իսլեյի եպիսկոպոսինը: Այդ պատճառով, նրանք դարձան ավելի ժողովրդական վատ վարքի տեր մարդկանց մոտ, այն աստիճան, որ արքեպիսկոպոս Ադալբերտը ստիպված եղավ Իսլանդիա կոնդակներ ուղարկել՝ արգելելով որևէ մեկին որևէ ծառայություն ստանալ այս մարդկանցից, ավելացնելով, որ այս մարդկանցից շատերը եկեղեցուց բաժանված են և Իսլանդիա են եկել առանց իր թույլտվության:

IV.—Որպեսզի մի քիչ ավելի ընդլայնվի մեր ուսումնասիրության տեսադաշտը, դիմեցինք ընդհանուր պատմության ու հայտնաբերեցինք ևս մի անհերքելի ապացույց այն մասին, որ բյուզանդացիներ ու հայեր XI—XII դարերում եկել են Եվրոպայի հյուսիսի երկրները:

Նորվեգացի գիտնական Գուստավ Ծորոմը⁵ մի կարևոր հողված նվիրեց Հարալդ Դաժանի (1011—1066 թթ.) և այն այցելության մասին, որ կատարեց այս թագավորը Կոստանդնուպոլսում, որպես վարանգյանների ու արքայական կորպուսի գվարդիականների առաջնորդ 1031—1041 թվականներին: Ընտրեցի 1881 թվականին Մոսկվայի Սինոդի գրադարանում հայտնաբերված Կեկավմենոսի Ստրատեգիկոնի, Գուստավ Ծորոմը կարողացավ բացահայտել Հարալդի կյանքին վերաբերող նոր ու կարևոր տեղեկություններ:

Կեկավմենոսը, իբր, մեզ հաղորդում է, որ Նորվեգիայի գահին բազմելուց հետո, Հարալդ Դաժանը շարունակեց բարեկամական հարաբերություններ պահպանել Բյուզանդական պալատի հետ: Հարալդը գնալով ավելի ու ավելի փնտրեց Բյուզանդիայի դաշինքը: Նրա եղբորորդին Մագնուս Բարին, որը միաժամանակ իր փոխանորդն ու կոլեգան էր իր իշխանության առաջին տարիներին, առանց այլևայլության ճանաչել էր Բյենի արքեպիսկոպոսին, որպես Հյուսիսի թեմի հովվապետ: Սակայն, երբ Սվենը, Դանիայի թագավորը, և այն ժամանակվա Նորվեգիայի խոյունը, գալով ավելի մոտեցավ Ադալբերտին, Հարալդը հասկացավ, որ իր նորվեգական թագավորության բաժանումը Բյենի հետ դառնում է քաղաքական անհրաժեշտություն:

Իր թագավորության սկզբում, Հարալդը

³ Hungraaka, *Hiskupa Sagur*-ի մեջ I, էջ 62—63 (*Copenhague*, 1858).

⁴ Իսլեյի, Իսլանդիայի առաջին եպիսկոպոսը, ծնվել է 1006 թ., եպիսկոպոս օձվեց 1056 թ. ու մահացավ 1080 թ.:

⁵ Harald Haadttrante og Vatingette Norsk-ի մեջ, *Historisk Tidsskrift*, 2, Racke, Bd. I. 1881, համարակետ 373—374 էջերը և ընդհանրապես, էջ 351—356:

Հոռոմում, հոռոմեական եկեղեցու կողմից, օծված եպիսկոպոսներ պահանջեց: Սակայն այս նոր եպիսկոպոսները, երբ հասան Իրենց թեմերը, արքեպիսկոպոս Ադալբերտի հրամանով ձեռքակալվեցին, բանի որ նա Հոռոմից հրաման ուներ այն մասին, որ Նորվեգիայի եկեղեցին դառնալու է Բրեմի ենթակա: Նման իրադրության առաջ, Հարալդը իր եպիսկոպոսներին օծել տվեց Անգլիայում և Ֆրանսիայում: Ադալբերտի առաքյալներին, որոնք հիշեցնում էին Հարալդին Բրեմի հանդեպ ունեցած իր պարտականությունների մասին, Հարալդը բյուզանդական կայսրերի օրինակով պատասխանեց. «Ես Նորվեգիայում ուրիշ ոչ մի արքեպիսկոպոս չեմ ճանաչում բացի ինձանից՝ Հարալդից»:

Այսպիսով՝ Հարալդը բացահայտորեն կատարում էր անհնազանդության արարք Բրեմի արքեպիսկոպոսության ու հոռոմեական եկեղեցու նկատմամբ:

Այս փաստը հաստատվում է նաև Ալեքսանդր II Պապի (1062 թ.) մի նամակով, որ նա կշտամբում է Հարալդին այն բանում, որ բացի Անգլիայում և Ֆրանսիայում օծված եպիսկոպոսների, նա իր տրամադրության տակ ունի չօծվածներ, այսինքն՝ նրանք, որոնք չեն օծված համաձայն հոռոմեական եկեղեցու օրենքների ու ծիսակատարության:

Եվ անշուշտ, հասկանալի է, որ Պապի նամակին անմիջապես հաջորդում են վերոհիշյալ տողերը, այսինքն՝ երեք հայ եպիսկոպոսներ եկան Իսլանդիա ու ծավալեցին իրենց քարոզչական գործունեությունը:

Հենվելով Պ. Ա. Մանիսի արտահայտած մի կարծիքին (Det. Nerske, Folks Historiae, II, 116), Ա. Գ. Յորգենսենը շտայվելով Արևելքում գտնել եկեղեցական օգնություն և ցանկանալով հարվածել Բրեմին ու Հոռոմի հեղինակությանը, հաղորդակցության մեջ մտավ Հայաստանից եկող այլադավան (hétérodoxe) շարժումների հետ⁶:

Մ. Գ. Շտորմը (նշ. աշխ.) ամենևին այս կարծիքին չէ, նա ենթադրում է, որ խնդրոստարկա հանդիսացող եպիսկոպոսները իրականության մեջ հույներ, այսինքն՝ բյուզանդացիներ էին, և որ Իսլանդիայի կաթոլիկ եկեղեցականները «էրմսկիր» (հայ) բառի տակ ցանկացել են ընդգծել Արևելքից եկած այլադավաններին:

Ըստ ինձ, բանն հնարավոր է: Սակայն չի կարելի զանց առնել Գրագասի վկայության

պատմական արժեքը, որը հիշատակում է հայ և հույն եպիսկոպոսների մասին, որոնք չգիտեին լատիներեն:

Մյուս կողմից մեր տեսադաշտում եղած ժամանակաշրջանում, սկանդինավյան ժողովուրդները վաղուց չէ, որ դեռևս պաշտոնապես քրիստոնյաներ չէին: Միայն յուրջ փորձեր այս ուղղությամբ կատարվեցին IX դարում: Կնուտը 1014—1035 թվականներին ավարտեց դանիացիների դարձը քրիստոնեություն և ենթարկեց իր եկեղեցին Հոռոմի ստաբիլական Աթոռին⁷: Ինչ վերաբերում է Նորվեգիային, ապա նրա եկեղեցին վերջնականապես կազմակերպվեց միայն սուրբ Օլաֆի կողմից, որն սպանվեց հեթանոսների ձեռքով 1033 թվականին⁸: Եվ Նորվեգիայից է, որ քրիստոնեությունը մուտք գործեց Իսլանդիա:

Ամենևին չի կարելի մոռանալ և այն, որ Եվրոպայի հյուսիս-արևմուտքի ժողովուրդներին ներկայացված քրիստոնեությունը Հարալդ Դաժանի ժամանակ իրենից չէր ներկայացնում ինչ-որ կատարելագործված ձույլ մի վարդապետություն: XI—XII դարերում այբիգոյցները տարածված էին Բոսնիայում, Լոմբարդիայում, Գալիայի հարավում: Այբիգոյցիների շարժումը, ինչպես ցույց է տալիս պատմությունը, սերտորեն առնչվում էր Բուլղարիայի Բոգոմիլների և Հայաստանի Պավլիկյանների հետ: Պավլիկյաններն էլ, իրենց հերթին, փոխարինվեցին թողորակեցիներով, որոնց ծաղկման շրջանը ընկնում է XI—XIII դարերում: Սակայն բոլոր Պավլիկյանները չեն, որ ոչնչացվեցին երանելի Թեոդորայի⁹ ջերմեռանդ կատաղությունից: Եթե նրանցից շատերը բյուզանդական ինկվիզիցիայից խուսափելու համար նետվեցին իսլամի գիրկը, ապա ուրիշներ, անշուշտ, անցան Եվրոպա և տարածեցին իրենց ուսմունքը:

Առանց գործը հասցնելու ենթադրության, որ քրիստոնեությունը քարոզելու նպատակով Իսլանդիա եկած երեք հայ եպիսկոպոսները Պավլիկյաններ էին կամ Թողորակեցիներ, բավական էր, որ նրանք հայ դավանանքի պատկանող հոգևորականներ էին, որպեսզի Բրեմի արքեպիսկոպոսի աշ-

⁷ Sten Charles Schmidt, Précis de l'histoire de l'Eglise d'Occident pendant le moyen âge, Paris, 1885, in 8^o, էջ 78—80:

⁸ Charles Schmidt, նշվ. աշխ., էջ 80, խոսքն այստեղ վերաբերում է Նորվեգիայի թագավոր Օլաֆ II-ի մասին, որն հայտնի էր նաև Օլաֆ Մեծ անունով:

⁹ Charles Diehl, Figures byzantines... Paris, 1906, 2^e édition, էջ 116:


⁶ A. O. Jörgensen, Den nordischen Grundlegende, Copenhagen, 1874—1878, II, էջ 690—695:


քին երևային որպես հերետիկոսներ: Այս
 հանգամանքը, սակայն չէր խրոնոցնում
 Նորվեգիայի թագավոր Հարալդ Դաժանին,
 որը Բյուզանդիայի հետ իր բարեկամական
 հարաբերություններով հասկացնել էր տա-
 լիս, թե ինքը չի ենթարկվելու ոչ հոռուս-
 կան եկեղեցուն, ոչ էլ Եվրոպայի հյուսիս-

-արևմուտքում նրա պաշտոնական ներկա-
 յացուցչին:

F. Macler, Arménie et Islande (Revue
 de l'histoire des religions, 1923, LXXLVII,
 pp. 236—241).

**Ֆրանսերենից հայերենի թարգմանեց
 Մ. Զոպալանը:**





ԽԱՉԱՏՈՒՐ ԶՈՒՄՇՈՒԴԻ ԱՄԻՐՉԱՆՅԱՆ

ՀԻՆ ԲԱԲԵԼՈՆԱԿԱՆ ԲԵԼ ԱՍՏԾՈՒ ԿԵՐՊԱՐԸ ՄՈՎՍԵՍ ԽՈՐԵՆԱՑՈՒ «ՀԱՅՈՑ ՊԱՏՄՈՒԹՅԱՆ» ՄԵՋ

Մովսես Խորենացու «Հայոց պատմության» մեջ նրա հիմնական թեմային զուգահեռ արտացոլվել են նաև հարևան երկրների ու ժողովուրդների պատմության առանձին դրվագները. դրանց մեջ հատուկ տեղ են զբաղում այն պատմական իրադարձություններն ու մշակութային առաջադիմության փաստերը, որոնք իրենց արմատներն առնում են Հին Միջագետքի անցյալից և այս կամ այն չափով առնչություն են ունեցել Հայաստանի ու հայերի հետ:

«Պատմության» առաջին գրքում բազմաթիվ հակիրճ հիշատակումներ կան, որ վերաբերվում են Հին Բաբելոնիայի կամ Քաղդեայի պատմության քաղաքական, ռազմական և մշակութային կյանքի մի քանի կողմերին: Այսպես, Խորենացին հիշատակում է Հին Միջագետքի «նախաջրհեղեղյան ժամանակաշրջանի» 10 թագավորների և հատկապես նրանցից վերջինի՝ Բսիսուրիոսի (որը Նոյ է կոչվում հրեական առասպելաբանության մեջ, իսկ այս վերջինս՝ հրեական առասպելաբանությունը, իր արմատներն առնում է Հին Միջագետքի մշակութային հարուստ գանձարանից)¹, Բաբելոնի աշտարակաշինության, Բաբելոնից ժողովուրդների ցրման, Նոր Քաղդեական պետության հզոր թագավոր Նաբուգոդոնոսորի և Բելի (Նեբրովթի) մասին: Խորենացու այս հարցերի վերաբերյալ բոլոր վերոհիշյալ հիշա-

տակումների ամբողջությունը քանի որ իրենով նշանավորում է Հին Արևելքի մասին և հատկապես Հին Միջագետքի մասին հայերի ունեցած գիտելիքների, կամ 5-րդ դարի հայ պատմագիտական մտքի զարգացման մակարդակն ընդհանրապես, ապա բնականաբար առանձին-առանձին ուսումնասիրության իմաստ են ստանում: Բայց քանի որ այդ խնդիրը մի հողվածի շրջանակներում իրագործել հնարավոր չէ, ապա այստեղ քննության առարկա ենք դարձնում միայն, Հին բաբելոնական աստված Բելի հարցը:

Խորենացին Բելի մասին պատմում է Ա գրքի Ե, Է, Ժ, ԺԱ և Բ գրքի ԻԷ գլուխներում: Մատնանշված այս բոլոր տեղերում և ոչ էլ նրան կապում է առասպելաբանության հետ: Բելը նրա մոտ ամենուրեք հանդես է գալիս որպես իրական տիրակալ, հերոս և թագավոր: Նույնիսկ Է գլխի իր բացատրության մեջ նա մեկնաբանում է, որ Բելը Նեբրովթն է. այսինքն նա իր ժամանակի պատմահայեցողության տեսանկյունով ցույց է տալիս, որ միևնույն անձնավորությունը, պատմական գործիչը մատենագրության մեջ կարող է հանդես գալ մի քանի անուններով: «Հայոց պատմության» մեջ Պատմահայրը նման մեկնաբանություններ առնում է մի քանի տեղերում. այսպես, հայտնում է, որ Բյուրասպի Ածրահակ կոչվածի իսկական անունը, որ նա ինքը գտել է քաղդեական մատյանում, Կենտավրոս

¹ Տե՛ս Փ. Делич, Вавилон и Библлия 1907. СПб.

Պյոտիդա է, որ Ասորեստանի վերջին թագավոր Սարգանապալը հանդես է գալիս նաև մի ուրիշ անվամբ՝ Թոննու Կոնկողեռու, մի ուրիշ տեղ պարզապես նշում է, որ հին անունները նոր ձևումների վրա դնում էին ըստ հույսի:

Բեյի նկատմամբ ունեցած վերաբերմունքը, սակայն, Խորենացու մոտ միանգամայն այլ է, քան վերը նշված պատմական գործիչներից յուրաքանչյուրի նկատմամբ հանդես բերած նրա վերաբերմունքը: Եվ խնդիրն այստեղ ոչ միայն պարզապես անընչվում է այն հանգամանքի հետ, որ Խորենացին Մար Աբասի մատյանից վերցրած պատմության հավաստիությունը նշելու համար Աստվածաշնչի գործող անձանցից է մատնացուց անում, որը և այդ հիման վրա պարզություն է մտցնում Բեյի պատմաբանության մեջ, այլ այդ **առնչությունը** դուրս է գալիս նույնիսկ «Հայոց պատմության» շքր-ջանակներից և լայնակալով այսօր մեր առջեւ է դնում միանգամայն այլ բնույթի խընդիր, այն, թե ինչպես է պատահել, որ Հին Միջագետքի ժողովրդի երևակայությամբ ստեղծված Բեյ աստծու կերպարը Խորենացու մոտ ստացել է միանգամայն իրականպատմական արտացոլում: Ընդ որում պետք է նշել, որ Խորենացին ամենադուրս չափով իսկ չի կասկածել, որ ինքը շարադրում է իրական պատմական իրողություն, որ ինքը տվյալ դեպքում գործ ունի ոչ թե ստասպելական հերոսների հետ, որոնք գրական-բանահյուսական կերպարների են վերածված որպես պատմական անցյալ իրականության արձագանքների, այլ, որ ինքը գործ ունի իրական կերպով գոյություն ունեցած պատմական անձնավորությունների ու դեպքերի հետ: Հակի ու Բեյի պատերազմի, ինչպես և հայ հնադարյան բանահյուսության վերաբերյալ բազմաթիվ հարցեր արդեն բավականաչափ խորությամբ հետազոտված ու պարզաբանված են, որքանով որ հետազոտողները, գերազանցապես հայագետները, գործ են ունեցել Խորենացու «Հայոց պատմության» հետ:

Բայց հարցն ունի նաև մի այլ, սվելի լայն ու ընդարձակ կողմ, «Հայոց պատմության» արևելագիտական կողմը: Եվ այս պիտի ավելի մեծ կարևորություն է ստանում ոչ միայն Խորենացու պատմական ընդգրկումի լայնությունը ըմբռնելու տեսակետից, այդ ինքնին հասկանալի է, այլ ընդհանրապես, ինչպես ասացինք, մեր 5-րդ դարի պատմագիտական մտքի ընդհանուր մակարդակն իմանալու տեսակետից, մակարդակ, որի բարձրագույն արտահայտությունը Խորենացու «Հայոց պատմությունն» է: Այլ

կերպ ասած, հերթի է դրված այն հարցի լուծումը, թե հայ մատենագրության մեջ որքանով և ինչ ձևով է արտացոլված համաշխարհային պատմության, հատկապես Հին Արևելքի պատմության այս կամ այն դրվագը:

Արդ, որոնք են Խորենացու պատմության Ա գրքի վերոհիշյալ հատվածների Բեյին վերաբերող մասերը և ինչ հիմնական բովանդակությամբ են նրանք երևան գալիս մեր առջև:

Ե գլխում պատմահայրը հայտնում է, որ ժամանակակիցներից շատերը Նեբրովթին նույնացնում են Բեյի հետ, միաժամանակ հայտնում են, որ Բեյը (Նեբրովթը) Եթովպիայից կամ Եգիպտոսից է եկած: Նա Նեբրովթին (Բեյին) դնում է Քամի որդիների շարքը որպես չորրորդ ժառանգ Մեսոբոսիցից հետո, իսկ վերջինիս անվան տակ, ինչպես հայտնում է, թաքնված է Եգիպտոս երկիրը²: Այսպիսով, ըստ այն ժամանակվա մատենագրության մեջ հաստատված ազգաբանության, Խորենացին հայտարարում է, որ Նեբրովթը իսկապես սերված է Մեսոբոսիցից և դրանով էլ համոզվում է, որ նա պետք է եկած լինի Եգիպտոսից կամ Եթովպիայից: Հենց դրանով էլ նա ժխտում է նույնպես այն ժամանակվա մատենագրության մեջ տարածված մի ուրիշ կարծիք, ըստ որի Ասորեստանի պետության հիմնադիր Նինուր Բեյի որդին է կամ նույն ինքը՝ Բեյը:

Եթե բանը վերաբերվում է միայն Բեյին եթովպացի համարելու հարցին, որի մասին, ինչպես տեսանք, խոսում է Խորենացին, ապա այն իր հիմքում պատմական կրիզի նման ինչ-որ բան ունի, եթե ոչ հավաստիության տեսակետից, ապա գոնե այդ գաղափարի տարածված լինելու իմաստով: Մեզ համար այժմ անհայտ է, թե Խորենացին ո՞ր գրողներից նկատի ունի, որոնք իրենց աշխատություններում միտք են հայտնել Բեյի եթովպացի լինելու վերաբերյալ, բայց, օրինակ, հին գրողներից Ստրաբոնը իր «Աշխարհագրության» մեջ³ այս կապակցությամբ գրում է, թե Բեյի դամբարանը եղել է Բաբելոնում և ունեցել է բուրգի ձև, իսկ, ինչպես հայտնի է, բրգաձև դամբարանները Հին Արևելքում կառուցվում էին միայն Եգիպտոսում: Իսկ եթե բրգաձև դամ-

² Այս հարցը 19-րդ դարում վերջնականապես ապացուցեց եգիպտական Հենրի Բրուգզը: St'ua Г. Бругш. История фараонов, СПб, 1878 г. էջ 78:

³ St'ua Страбон, География, кн. XVI, гл. II էջ 630, М. 1956

բարան Բելի համար կառուցել էին Բաբելոնում, ապա բնական է մտածել, որ այն պետք է կառուցած լինեին իր հայրենիքի՝ Եգիպտոսի սովորությանը: Բայց թե որքանով է հավաստի այս հարցում Ստրաբոնը և թե որքանով է նրա հաղորդումը վերաբերվում Բելին, հին բաբելոնական աստծուն, մենք այսօր չենք կարող ասել: Միայն, եթե Խորենացին դա ասում է հաստատապես, ապա այդ նշանակում է, հայ իրականության մեջ տարածված է եղել այս կարծիքը Բելի մասին:

Վերջապես նույն գլխում քերելով Հաբեթի որդիների ազգաբանական ցուցակը, Հայկին, հայոց նահապետին, սերած է համարում Թորգոմից և ժամանակակից համարում Բելին. ընդ որում նկատելի է, որ եթե Պատմահայրը առաջին հատվածում դատողություն անելիս ոչ մի որոշակի աղբյուր մատնացույց չի անում, այլ ընդհանուր կարգով նշում է, թե «ժամանակագիրներից շատերն են» ասում այդ մասին, ապա երկրորդ հատվածում և՛ Բելի, և՛ Հայկի նախնիների ծննդաբանությունը նշելիս, հայտնում է, որ պատմական այդ կարևոր փաստի մասին, իր, այսպես կոչված, մանր ազգաբանության մեջ նշում է «շատ բաներում վատահելի» Աբյուդենոսը: Ավելին, Խորենացին նշում է, միաժամանակ, որ այդ մանր ազգաբանությունների մասին խոսվել է նաև Կեփաղիոնի Բաբելոնի պատմության վերաբերյալ աշխատության մեջ: Ինչպես տեսնում ենք, Խորենացին իր բոլոր դատողությունները հիմնավորում է վկայակոչելով իրենից առաջ եղած հեղինակավոր պատմագիրների՝ Աբյուդենոսին և Կեփաղիոնին: Հին մատենագրական հուշարձաններից Աբյուդենոսի, որը գրել է Ասորեստանի և Քաղդեայի պատմությունը, և Կեփաղիոնի պատմական աշխատությունների մասին հիշատակություն կա միայն 4-րդ դարի եկեղեցական պատմիչ Եվսեբիոս Կեսարացու «Քրոնիկոնի» Ա մասում: Հենց միայն այս հիման վրա Ստ. Մալխասյանը այն կարծիքն է հայտնել, թե Խորենացին Աբյուդենոսի և Կեփաղիոնի մասին հիշատակությունները վերցրել է Եվսեբիոսից: Միջնդեռ Խորենացու վերջ հիշված հատվածի և Եվսեբիոսի՝ նրանց մասին արած հիշատակությունների համեմատական քննությունը ցույց է տալիս, որ Խորենացին սովյալ դեպքում չի օգտվել Եվսեբիոսից, թեև, անշուշտ, նա ծանոթ է եղել վերջինիս աշխատություններին: Այստեղ հավանական մեկնակերպ այն է, որ Պատմահայրը անմիջականորեն օգտվել է Աբյուդենոսի և Կեփաղիոնի աշխատություններից, որոնք ամենայն հավա-

նականությամբ եղել են նրա ձեռքի տակ: Այս մեկնակերպի համար հիմք է ծառայում առաջին հերթին այն, որ Խորենացու մոտ մատնանշում կա Աբյուդենոսի մանր ազգաբանության մասին, իսկ այդպիսին բացակայում է Եվսեբիոսի մոտ, և ապա Խորենացին հատվածաբար տալիս է Կեփաղիոնի շարադրանքը, իսկ այդպիսի շարադրանք կամ գոնե դրա հիմնական բովանդակություն բացակայում է Եվսեբիոսի մոտ: Այսպիսով հանգում ենք այն եզրակացության, որ նախնիների ծննդաբանության լուսաբանման հատկապես Հայկի և Բելի մասին տեղեկություն Խորենացին անմիջականորեն վերցրել է Հին Քաղդեայի մասին պատմական աշխատություններից և այն լրացրել Աստվածաշնչում եղած համանման տեղեկություններով:

Խորենացին Ա գրքի է գլխում լրացուցիչ բացատրության կարգով նորից է անդրադառնում Բելի անհատականության լուսաբանմանը և գրում է, որ Բելի մասին շատերի մոտ խառնաշփոթ կա: Սակայն ինքը Խորենացին նորից է ասում ու հաստատում, որ Կոռնոս կոչվածը և Բելը Նեբրովյոն է եղել: Այս վերջին հատարությունը նա տրամաբանորեն բխեցնում է եգիպտացիների այն թվարկումից, որ նրանք նմանեցնում են Մովսեսին: Այսպես, քանի որ ըստ Խորենացու եգիպտացիները իրենց նախնիներին դասավորում են այսպես՝ Հեփեստոս, Արեգակ, Կոռնոս, իսկ Մովսեսը նույն անձերին դասավորում է ուրիշ անվան տակ՝ Քամ, Քուշ, Նեբրովյոն, ապա Խորենացին տրամաբանում է, որ Աստվածաշնչում կամ, ինչպես ինքն է ասում, Մովսեսի մոտ նշված Նեբրովյոն համապատասխանում է եգիպտացիների նշած Կոռնոսին և դրանից եզրակացնում է, թե Կոռնոսը և Բելը Նեբրովյոն է, և նորից կողմնակի կերպով ցույց է տալիս, թե Բելը եկած է Եգիպտոսից: Խորենացու այս տրամաբանական հանգման վրա, ի դեպ, ուշադրություն է դարձրել Ֆրանսիացի մեծ պատմաբան Գաստոն Մասպերոն և պատմահորը անվանել քրիստոնեական մեկնիչ⁴, մի բնորոշում, որ համապատասխանում է Խորենացու մեծ անվանը:

«Պատմության» Ա գրքի Ժ գլխում Խորենացին Բելի մասին արդեն պատմում է, որ Բելը Բաբելոնում պատահմամբ կարողանում է գրավել ամբողջ Երկիրը, այսինքն ամբողջ Բաբելոնիան, ու բռնանալ բոլորի վրա: Նա այս մասին գրում է. «...Մոլեգեալ

⁴ Տե՛ս Գ. Մասպերո, Древняя ист. народ. Востока, էջ 458:

այդ իրաքանչիւր, սուր ի կող ընկերի իրոյ ձգելով՝ ջանալին տիրել ի վերայ միմեանց. որ պատահմունք ի դէպ ելանէին Բելլայ բռնանալ ունէլ զամենայն երկիր»:

Ներքովի կողմից Միջագետքի գրավման և մեծ տերութիւն ստեղծելու մասին նշում կան նաև Աստվածաշնչի մեջ⁶: Այնտեղ նշվում է, որ Միջագետքի հյուսիսում ինչ-որ ժամանակ թագավորել է Ներքովքը, որի իշխանության տակ գտնվել են Բաբելոնը, Էրեխը (Ուրուքը), Ակկադը և Հալպեև Աննահարի երկրում: Եթե խոսելիս լինենք այս կապակցությանը Խորենացու աղբյուրի մասին, ապա չի կարելի մատնանշել, որ նրա աղբյուրը եղել է Աստվածաշունչը, որովհետև Խորենացու հաղորդման բուն ոգին հիմնավորապես հարբերվում է այն բովանդակությունից, որ հրեա մատենագիրները դրել են Աստվածաշնչի իրենց համապատասխան շարադրանքի մեջ: Խնդիրը նրանում է, որ Խորենացին մեզ հայտնում է Բելի նախակգրական պայքարի և նոր իշխանության ստեղծման, իսկ Աստվածաշնչում վաղուց ձևավորված թագավորության մասին և այլն: Էլ չենք խոսում այն մասին, որ Խորենացու մոտ Հին բաբելոնական աստվածը կոչված է իր անունով՝ Բել, ինչպես այն գրված է եղել նաև սեպագրերում ու այլ հնագույն արձանագրություններում, որոնցից այդ անունը հենց այդ ձևով վերցրել են նաև հույները, ինչպես օրինակ Ստրաբոնը, իսկ Աստվածաշնչում նշված է միայն Ներքովք անունը և այնտեղ Բել անվամբ երբեք հանդես չի գալիս: Եվ այս նշանակում է, որ այս տեղեկությունները Խորենացին նույնպես պետք է վերցրած լինի բաղդակական այն մատյաններից, որոնք նրա ձեռքի տակ կային հունաց լեզվով, և որոնց մասին ինքը մի քանի անգամ նշում է իր «Պատմության» մեջ:

Խորենացու՝ Բելի մասին արած նշումներից մեկն էլ մտցված է հաջորդ՝ ԺԱ գլխում: Այստեղ Խորենացին Բելին անվանում է Տիտանյան Բել, հայտնում է, որ նրա մասին գրում է ըստ Մար Աբասի մատյանի և գրեթե մանրամասնորեն շարադրում է Հալկի և Բելի միջև սղված պատերազմի պատմությունը: Եվ, վերջապես, Խորենացին Բելի անունը տալիս է «Պատմության» Բ գրքի ԻԷ հատվածում, որտեղ պատմում է Աբգար թագավորի արքունիքի Մծքից Եդեսիա տեղավորվելու և թագավորական ամբողջ դիվանը նոր մայրաքաղաքը փոխադրելու մասին: Այստեղ Խորենացին հայտնում է, որ Աբգարը թագավորական դիվանի հետ

Եդեսիա փոխադրեց նաև Մծքիցն ու գտնվող կոտրերը, որոնց մեջ էր և Բելը:

Այսպիսով, իրար մոտ դնելով Խորենացու՝ Բելի մասին արած բոլոր հիշատակությունները, մենք տեսնում ենք, որ նա այդ կերպարին մոտեցել է հսկայանալորեն փոխափայլական վերհանման մեթոդով: Ակզբից տալիս է նրա ծնունդը, ազգաբանական ճյուղավորության մեջ նշում է նրա տեղը, ցույց է տալիս նրա հայրենիքը, ապա պատմում է, թե ինչպիսի իրադրության մեջ նա Միջագետքում իր ձեռքը վերցրեց իշխանությունը և, վերջապես, շարադրում է այն պայքարի հիմնական փուլերը, որ Բելը մղում էր իր դեմ ապստամբած դյուցազուններից մեկի՝ Հալկի դեմ և իր խոսքն ավարտում է նրա պարտության ու մահվան պատմությամբ: Հետաքրքրական է այստեղ նաև այն, որ նա «Հալոց պատմության» բազմաթիվ մասերում խոսելով առասպելների մասին և նրանց զատելով, իրական-պատմականից, նա առասպելական ոչինչ չի տեսնում ո՛չ Բելի և ո՛չ էլ առավել ևս Հալկի մեջ, թեև տեղ-տեղ Հալկի այս կամ այն գործունեության մասին խոսելու մի քանի անգամ ավելացնում է, որ այն հաստատում են նաև ժողովրդի մեջ պահպանված անգիր գրույցները: Հենց Խորենացու այս խոսքերից էլ կուսում ենք, որ նրա շարադրած պատմական դեպքերի մասին հայ ժողովրդի մեջ գոյություն են ունեցել բազմաթիվ պատմություններ, որոնք իրենց մեջ պահպանել էին հեռավոր անցյալի պատմական դեպքերի արձագանքները: Եվ այսպիսով դուրս է գալիս, որ անցյալը գրական շարադրանքի ձևով վերարտադրելու համար Խորենացին ունեցել է այդ անցյալի մոռացության խափարից փրկված և իրար զուգահեռաբար եկած երկու աղբյուր՝ գրավոր և բանավոր: Ակնհայտ է, որ Խորենացին առաջին հերթին հենվում է իր ձեռքի տակ եղած գրավոր նյութի վրա, որովհետև Խորենացին առավել քան մեկ ուրիշը լավ է հասկացել, որ գրավոր նյութը որքան էլ առասպել ու ավանդություն պարունակի իր մեջ, այնուամենայնիվ ավելի կատն է, ավելի քիչ է ենթակա փոփոխության, քան բանավոր պատմությունը, որը սերնդե-սերունդ աղավաղվում ու վեր է ածվում բազմաթիվ տարբերակների: Բանն այն է, որ ավելի դժվար է հետամուտ լինել բանավոր ստեղծագործության արմատները որոնելուն, քան պարզել այն հարցը, թե այս կամ այն գրավոր աղբյուրը ինչու է այս կամ այն ձևով հասել մեզ: Այսպես, օրինակ, Խորենացին հայտնում է, որ «Պատմության» Ա գրքի հիմնական նյութը, տվյալ դեպքում Հալկին ու Բել-

⁶ Տե՛ս Գրքը ծննդոց, Ժ, 8—10:

լին վերաբերվող բոլոր հատվածները, ինքը վերցրել է: ասորի հայազետ Մար Աբաս Կատինայի մատուանից և ավելացնում, որ Մար Աբասը իր հերթին օգտվել է Նինվեի՝ արքայական հարուստ դիվանից, ասել է, թե ասորական թագավորների հարուստ արխիվից, որի մի մասը ամենայն հավանականությամբ պարթևների տիրապետության սկզբնական շրջանում գտնվում էր նրանց մայրաքաղաքում: Իսկ եթե հետամուտ ենք լինում պարզելու, թե ասորական գրականության մեջ, և ընդհանրապես Ասորեստանում ինչպես է ընկալվել Բելի կերպարը, ապա մեր առաջ էլ պարզվում է հենց այն հարցը, թե ինչու Խորենացու մոտ Հին բաբելոնական Բել աստվածը հանդես է գալիս ոչ թե երևակայական գեղեցկական Էակի՝ աստծու կերպարով, ինչպիսի նշանակություն այն սկզբնապես ունեցել է շումերների և Հին Բաբելոնիայի բնակիչների մոտ, այլ որպես միանգամայն ճշմարտացի կերպով գոյություն ունեցած պատմական անձնավորություն:

Ահա այս հարցը պարզելուն է, որ օգնում են Ասորեստանի պատմությունից մեզ հասած մի քանի փաստերը: Հայտնի է, որ Քաղդեան և Ասորեստանը աշխարհագրական դիրքի, կլիմայական պայմանների և բնակչության ցեղային (էթնիկական) կազմի տեսակետից իրարից քիչ քանով են տարբերվում, իսկ նկատյալ ժամանակներից այնտեղ բնակվող ժողովուրդների ու այդ տարածքի վրա առաջացած պետությունների քաղաքական, տնտեսական պատմությունը այնպես է ներհյուսված իրար մեջ⁷, պատմական դեպքերը այնպես են փոխարինում մեկը մյուսին, որ նրանցում դժվարանում ենք որոշակիորեն իրարից տարբերել Բաբելոնիան և Ասորեստանը: Այսպես, մ. թ. ա. 19—18-րդ դարերում, Համմուրաբիի ժամանակ, Ասորեստանը ամբողջովին մըտնում էր Հին Քաղդեական թագավորության կազմի մեջ և միայն մ. թ. ա. 14-րդ դարից Աշուրուրալիտ թագավորի ժամանակ այն կարողացավ անջատվել և դառնալ ինքնուրույն պետություն: Այսպիսի պայմաններում պարզ է, որ մշակութային նվաճումների ժառանգումը ասորեստանցիների կողմից միանգամայն բնական պետք է լիներ: Եվ ահա նրանք գրական ու գիտական բազմաթիվ փոխառումների թվում բաբելոնացիներից վերցրին նաև կրոնին ու ընդհանրապես գաղափարախոսությանը վերաբերող բազմաթիվ արժեքներ: Դրանց մեջ առաջին

տեղը գրավում էր հին բաբելոնական աստվածների ու պաշտամունքային այլ ձևերի ժառանգումը: Այս ձևով էլ ասորեստանցիները վերցրին Բելի գաղափարը ու պաշտամունքը և արմատավորեցին իրենց մեջ: Եվ այդ արմատավորումը այնքան խորը թափանցեց Ասորեստանի բնակչության, հատկապես վերնախավերի ու թագավորական հարստությունների մեջ, որ Քաղդեայից անջատվելուց հետո բազմաթիվ թագավորներ իրենց անվան բառակազմության մեջ մտցնում էին Բել մասնիկը, ցույց տալու համար, որ նրանց ընդհանուր նախնին Բելն է, իսկ իրենք՝ նրա ժառանգորդներն ու հետնորդները: Այսպես, մ. թ. ա. 18-րդ—16-րդ դարերից հայտնի են մի քանի թագավորներ, որոնց անվան մեջ մտնում է «բել» մասնիկը: Սրանց մասին հիշատակված է նաև սեպագիր արձանագրություններում, թեև նրանցից շատերի քաղաքական-նագմական գործունեությունը մինչև հիմա էլ ամբողջությամբ հայտնի չէ⁸: Սրանցից են, օրինակ, Բելոքոս, որը հիշատակված է նաև Խորենացու, Եվսեթոս Կեսարացու և այլ հեղինակների մոտ, Բելքան, Բելկապկապուն: Ասորեստանյան թագավորներից մի քանիսը, որոնք նույնպես իրենց՝ անվան բառակազմության մեջ մտցրած են եղել «բել» մասնիկը, նույնիսկ ապրել են համեմատաբար ուշ ժամանակներում: Այսպես, Ասուրբելիսիսը մ. թ. ա. 15-րդ դարում (1460 թ. մ. թ. ա.), Բելնիրաբին 14-րդ դարում (1360 թ. մ. թ. ա.), Բելկուրարուսորը 13-րդ դարում (1250 թ. մ. թ. ա.) և այլն: Այսպիսով հենց նույն Բաբելոնիայում և Ասորեստանում Բելը ոչ միշտ է աստվածության նշանակություն ունեցել, նա պարզապես հիշվել է նաև որպես իրական պատմական նախնի և այդ իմաստով էլ մտել է ասորեստանյան գրականության ու պաշտոնական փաստաթղթերի մեջ, փաստաթղթեր ու գրականություն, որոնք հիմք են հանդիսացել ինչպես հունական՝ Արևելքի մասին ստեղծված պատմագրության, այնպես էլ մասնավորապես Մար Աբասի համար, որից անմիջականորեն օգտվել է Խորենացին:

Բայց գուցե Բելի համար այս երեւույթը եզակի է և իր նմանը չունի պատմության մեջ, իսկ այս դեպքում մենք իրավունք չունենք հետևություն անելու, թե Բելը պատմականորեն իսկապես գոյություն չի ունեցել, այլ իրական պատմության մեջ է անցել երևակայական ձևով ստեղծված առասպելաբանության ոլորտից, մի բան, որը

⁷ Sh'u Авдиев В. И., Ист. дров. Востока, Лекции прочит. Высшей парт. школе, 1953 г. էջ 48:

⁸ Sh'u Макутов В. И. ст. дров. Востока, т. II էջ 241:

միանգամայն հնարավոր է: Սակայն պարզվում է, որ դա եզակի երևույթ չէ, այլ իր նմանը ունի մյուս ժողովուրդների պատմության մեջ ևս: Դրա մերձավոր օրինակներն են **ցար** և **կարոլ** բառերը (որ ծագում են Կեսար և Կառլոս Մեծի անունից), որ մտել են եվրոպական ու ռուսական բազմաթիվ թագավորների անվան բառակազմության մեջ: Ինչպես հայտնի է, Կեսարը (Հուլիոս Կեսարը) և Կառլոս Մեծը իրական պատմական անձնավորություններ են եղել: Իհարկե, մենք բերելով այս օրինակները չենք ուզում պնդել, թե Բելն էլ ինչ-որ մի ժամանակ իրական կերպով գոյություն ունեցած պատմական անձնավորություն է եղել, քանի որ այդ ապացուցելու համար առայժմ հիմքեր չկան: Այլ պարզապես պատմության փաստերի հիման վրա հանգում ենք այն եզրակացության, որ բաբելոնական առապելը իրականության տեսք է ստացել Ասորեստանում և այդպես էլ փոխանցվել է մյուս ժողովուրդներին՝ հայերին, պարսիկներին և այլն, որոնց մոտ նույնպես տարածվել է նրա պաշտամունքը:


Ինչ վերաբերում է այն հարցին, թե ինչպես է պատահել, որ հին բաբելոնական առապելը Ասորեստանում իրական պատմության տեսք է ստացել, ապա դրա պատասխանը մենք գտնում ենք այն ժամանակ, երբ դիմում ենք ընդհանրապես Հին Միջագետքի աստվածաբանական մտքի զարգացման աստիճանական փուլերն ուսումնասիրելուն: Ահա այդ զարգացման համատոտ պատկերը:

Հին Միջագետքում աստվածները սկզբնապես չէին խմբավորված ու դասավորված որոշակի նվիրապետական կարգի մեջ: Նրանք մարդկանց գիտակցության մեջ գոյություն ունեին առանց, այսպես ասած, փոխադարձ ենթակայության, և նրանցից մի քանիսը պարզապես պաշտամունքային անավելություն ունեին մյուսների նկատմամբ, յուրաքանչյուրն առանձին քաղաքում և առանձին ժողովուրդների կամ ցեղախմբերի մոտ⁹:

Այսպես, Անուն գերադասվող պաշտամունք էր Ուրուկում, Բելը՝ Նիպուրում, ամբողջ Միջագետքի կրոնական ամենանշանավոր կենտրոնում: Սինը՝ Ուրում, Մարդուկը՝ Բաբելոնում: Կրոնական այս կամ այն գերադասվող կարգը մեծապես կախված էր քաղաքների կամ առանձին ժողո-

վուրդների միջև հաստատված քաղաքական հանգամանքներից: Առավելապես քաղաքականապես ուժեղ քաղաքների աստվածները ունեին պաշտամունքային ավելի մեծ առավելություններ: Բելը, օրինակ, այդպիսի առավելություն ուներ Նիպուրիի քաղաքական վերելքի ժամանակ, Ծամաշը՝ արևի աստվածը, Լարսայի հզորության ժամանակ, իսկ Մարդուկը այդպիսի առավելություն ձեռք բերեց, երբ ամբողջ Միջագետքի քաղաքական ու տնտեսական կենտրոնը դարձավ Բաբելոնը: Բայց Բաբելոնի վերելքի ժամանակ, հատկապես Համմուրաբիի օրոք, քաղաքական իշխանության կենտրոնացումը մի որոշ իմաստով հանգեցրեց կրոնական պաշտամունքի կենտրոնացման, և առանձին աստվածները դարձան բնության այս կամ այն ուժի դրսևորման ձևը մարդկանց գիտակցության մեջ: Այդպիսի պայմաններում Բելը, որի կերպարը Նիպուրիի քրմերի կողմից ավելի հանգամանորեն էր մշակված ու հասցված այնպիսի կատարելության, որ իր բնույթով ավելի քիչ էր տարբերվում իրական թագավորի բնույթից, դարձավ ամբողջ Բաբելոնիայի պատերազմի, ուժի ու հաղթանակի գլխավոր աստվածը և ճանաչվեց որպես միասնական պետության թագավորների նախնի: Բելի կերպարի այդ կատարելագործված լինելն է, որ նա քաղդեացիների մոտ պատկերացվում էր որպես տիեզերքի ստեղծողը, աշխարհի հիմնադիրը, բոլոր երկրների կառավարիչը, բոլոր ոգիների և երկնքի ու երկրի տիրակալը: Համմուրաբին Բելին այդպես էլ բնորոշել է օրենքների իր ժողովածուի առաջաբանում: Հին քաղդեական գրական ու կրոնական հուշարձաններում Բելը պատկերվել է գահին նստած թագավորի տեսքով և ունեցել է կատարյալ մարդկային կերպարանք: Այս ամենի շնորհիվ էլ այն, ենթարկվելով հետագա ձևափոխումների, հանդես է եկել որպես իրական թագավոր ու առաջնորդ: Չարմանայի չէ այդ պատճառով էլ, որ գրական ձևերի մեջ ամփոփված այդ գաղափարները պետք է ունենային իրական-պատմական հիմք, որովհետև իրական պատմությունն դեռ չէր գրվում, քայց կրոնական ավանդական հրաշապատում առապելները պահպանվում էին, և մինչև որ այդ առապելների մեջ մարդիկ կկարողանային տեսնել իրական պատմության գաղափարական դրսևորումները և հենց այդ պատմության նյութական արմատները, որպիսին սկսվեց 19-րդ դարից, անհրաժեշտ էր, որ հազարամյակներ անցնեին:

⁹ St' u Maspero G., Древняя ист. Народов Востока, էջ 137—138:



Օ. Ա. ԵԳԱՆՅԱՆ

ՀՈՎՀԱՆՆԵՍ Ծ. ՎԱՐԴԱՊԵՏ ԳՐԻԳՈՐՅԱՆԻ ՀԱՅԵՐԵՆ ԶԵՌԱԳՐԵՐԻ ՀԱՎԱՔԱԾՈՒՆ

Անցյալի հայ եկեղեցու բարձրաստիճան գործիչներից շատերն են ունեցել ձեռագրերի իրենց անձնական հավաքածուները, որոնք կազմվել են մասամբ «ի հալալ արդեանց», մասամբ՝ հավատացյալ հոտից «ի վայելումն» ստացած նվիրատվություններով և մասամբ էլ ենթակա վիճակի եկեղեցիներում «աստ-անդ թասալեայ» մատյանները ի մի հավաքելով: Այդպիսիներից մեկն է նաև Բուդապեշտի թեմի առաջնորդական տեղապահ Հովհ. ծ. վրդ. Գրիգորյանի (Արծրունի) հավաքածուն, որն այժմ Մաշտոցի անվան Մատենադարանի բազմահազարանոց հավաքածուի բաղկացուցիչ մասերից մեկն է կազմում:

Թե քանի ձեռագիր է բովանդակել հավաքածուն, դժվար է ասել, քանի որ ձեռքի տակ չունենք ոչ միայն որևէ ցանկ կամ ցուցակ, ուր արձանագրված լինեին այդ ձեռագրերը, այլև որևէ հաղորդագրություն ժամանակի մամուլի էջերում, ուր հիշատակված լինեին դրանք: Հավաքածուի ձեռագրերի քանակի վերաբերյալ մեր ունեցած տվյալները այսօր հիմնված են բացառապես գրչագիր մատյաններում պահպանված կնքադրոշմների և մակագրությունների հաշվառման վրա: Առայժմ մեզ հաջողվել է երևան քերել թվով 27 ձեռագրեր, որոնց վրա կան Հովհ վրդ. Գրիգորյանի կնքադրոշմներն ու մակագրությունները՝ կատարված 1867—1882 թթ.:

Ձեռագրերից շատերի վրա մակագրված է. «Ն[ուաստ] Յովհաննէս ծ[ալրագոյն] վարդապետ Գրիգորեան, առաջ[նորդական] տ[եղապահ] Պուլկարիոյ յունուար 27, 1882, Բուսճուկ», իսկ կնքադրոշմներից շատերը հուշում են. «Յ[իսուս]ի Ք[րիստոս]ի ծ[ա]ռ[ա]յ Յովհաննէս վ[ա]րդ[ա]պ[ե]տ Գրիգորեան, 1874»: Կան նաև տարբեր բովանդակությամբ մակագրություններ, որոնցից ամենաարժեքավորը հետևյալն է. «Ես նուաստ Յովհաննէս ծ. վարդապետ Գրիգորեան, ի տոհմէն Արծրունեաց, առի զկարգ վարդապետութեան ի Ներսէս սրբազան արքեպիսկոպոստ Կ. Պոլսոյ, ի թուին փրկչական 1874, յուլիս 14, ի ս. Ստեփաննոս յեկեղեցի ի Խաւքլեօյ և ծայրագոյն գաւազանի իշխանութեան՝ ի գեր. Խորեն սրբազան արքեպիսկոպոստ Նարայէշ, ի Բուսճուք, յեկեղեցին Սուրբ Աստուածածնի, ի թուին Բրիստոսի 1879, հոկտեմբերի 24» (ձեռ. № 2547, թերթ 78բ):

Նշված 27 ձեռագրերը էջմիածին են տեղափոխվել Մակար Թեղուտցու օրոք՝ 1888 թվականին և, բացառությամբ մեկի, մտել «Գևորգյան» կոչվող հավաքածուի մեջ, իսկ այժմ գտնվում են Մաշտոցի անվան Մատենադարանում հետևյալ թվահամարների ներքո (տե՛ս կից տախտակը): «Գևորգյան» հավաքածուի մեջ չմտած ձեռագիրը երկար ժամանակ եղել է Մատենադարանի անհատական արխիվների ֆոնդում (թղթ. 59, վավ. 70), այն ձեռագրատուն է փոխադր-

վել 1950 թվականին և գրանցվել 8071 թվա-
համարի ներքո:

ՀԱՄԵՄԱՏԱԿԱՆ ՏԱԽՏԱԿ
ՀՈՎՀ. Ծ. ՎՐԴ. ԳՐԻԳՈՐՅԱՆԻ ՁԵՌԱ-
ԳՐԵՐԻ ՀԻՆ ԵՎ ՆՈՐ ԹՎԱՀԱՄԱՐՆԵՐԻ

№№ ը/կ	Մատենադարան		№№ ը/կ	Մատենադարան	
	«Գևորգ- յան» հավաքա- ծու	Արդի		«Գևորգ- յան» հավաքա- ծու	Արդի
1	436	2543	15	661	3131
2	528	2547	16	391	3198
3	655	2562	17	392	3199
4	732	2566	18	588	3219
5	484	2715	19	589	3220
6	520	2790	20	698	3237
7	558	2795	21	488	3300
8	625	2796	22	644	3385
9	536	3007	23	512	3510
10	550	3010	24	692	3524
11	551	3011	25	511	3594
12	555	3016	26	679	3595
13	503	3114	27	—	8071
14	504	3115			

ՍԱՐԳԻՍ ՀԱՅԿՈՒՆՈՒ
«ԲԱԳՐԵՎԱՆԻ» ԳՐՔՈՒՄ
ՀԻՇՎԱԾ ՁԵՌԱԳՐԵՐԸ

Սարգիս Հայկունին իր «Բագրևանդ ջրա-
բաշխ գավառ» (մասն Ա, էջմիածին, 1894)
աշխատության մեջ, բացի ս. Հովհաննու
(Ուշ-քիլիսա) վանքապատկան (էջ 277—
283) և Ատրպատականի մի շարք մասնա-
վոր ու եկեղեցապատկան (էջ 369—384)
ձեռագրերից, որոնց կանոնադրականը ա-
ռանձին հոդվածներով, հիշատակում է նաև
7 տարբեր գլուղերում տեսած 12 ձեռա-
գրեր: Այսպես.

Ա. Վաղարշակերտ գյուղ

1 (էջ 66—70). Դավթի տան «Կարմիր
Աւետարան», մագաղաթ, երկաթագիր, ար-
ծաթապատ: Բուն հիշատակարանը չի ընդ-
օրինակված ունի ՋԹՂ(°) և անթվակիր մի
քանի հիշատակագրություններ: Հինգերորդ
թերթի վրա հիշատակվում է «մարծպանս
Մամիկոնէջիս»:

Բ. Զեական գյուղ

2 (էջ 93). Քեշիշ-օղլու տան «Ղարիպ
Աւետարան», ժամանակ՝ Ռ..Ա.(°): ՌՄԻԱ.
(1772)-ին ստացել է տեր Հովհաննեսը:

Գ. Խաչլու գյուղ

3 (էջ 123). «Հարանց վարք...: Հիշատա-
կարանը քանդված տարված»:

4 (էջ 123—124). «Ճաշոց», հետազոյի
ստացող՝ Խօճա Ղամար:

Դ. Ամաս գյուղ

5 (էջ 143—145). «Մանուկ Աւետարան»,
ժամանակ՝ ՌԾ (1601), տեղ՝ Բագու, գրիչ՝
Կարապետ:

6 (էջ 145). «Կարմիր Աւետարան», ժա-
մանակ՝ ՌԾԻԲ (1673), հիշատակարան չու-
նի:

Ե. Խաստուր գյուղ

7 (էջ 185—186). «Տօնապատճառ»,
պատկանել է Խաչատուր Կեչառեցուն, ՊԿԸ
(1419)-ին վերակազմել է Թովմա Մեծոփե-
ցին:

8 (էջ 186). «Աւետարան», ժամանակ՝
ՋԼԸ (1489), գրիչ՝ Կիրակոս:

9 (էջ 187). Հայ կաթողիկոս եկեղեցու
մեջ «Աւետարան», մագաղաթ, ժամանակ՝
ՌԾԹ (1660), գրիչ՝ «ձեռամբ որդոյ Բարսա-
ղամ գրչին»:

Զ. Ղաչարեկ գյուղ

10 (էջ 229—230). «Աւետարան», ժամա-
նակ՝ ՊԾԱ (1402), գրիչ՝ Գրիգոր, նորագեղ
տվող՝ Տիկին Շահմելիք:

Է. Կուլաք գյուղ

11 (էջ 361). «Ոսկեկող Աւետարան», ժա-
մանակ՝ ՌԾԼԲ (1683), ստացող՝ Խօճա
Պարդասար: Ունի ՌԾԶԹ (1740), ՌԾՂԶ
(1747) թվականների հիշատակագրությու-
ններ:

12 (էջ 361—362). «Պապ Աւետարան»,
որ բերված էր Ծիրակի Ադին գյուղից, ժա-
մանակ՝ ՋԻԸ (1479), գրիչ՝ Գրիգոր արդ.
ստացող՝ Առաքել քհ., տեղ՝ Աղթամար:

Արձանագրված վերոհիշյալ 12 ձեռագրե-
րից այսօր որոշակիորեն Մաշտոցի անվան
Մատենադարանում են գտնվում միայն եր-
կուսը, մեկը (Դ/5) Ամաս գյուղից, իսկ մյու-
սը (Ե/9)՝ Խաստուր: Առաջինը (Դ/5) 1668
թվականին Հրազդանի շրջանի Քաղսի գյու-
ղի դպրոցականները հանել են շինարարա-
կան աշխատանքների ժամանակ քացված
մի գերեզմանից և հանձնել Մատենադա-
րանին, իսկ երկրորդը (Ե/9)՝ Մատենադա-
րան է մուտք գործել դեռևս 20-ական թվա-
կաններին, հավանաբար գաղթականների
միջոցով և մտել «Նոր շարք» կոչվող հա-
վաքածուի մեջ (№ 64):

Ստորև բերվող տախտակում հերթական
թվահամարների համարիչը ցույց է տալիս
գյուղը, իսկ հայտարարը ձեռագիրը.

ՀԱՄԵՄԱՏԱԿԱՆ ՏԱԽՏԱԿ
«ԲԱԳՐԵՎԱՆԴ» ԳՐԲՈՒՄ ՀԻԾՎԱԾ
ՉԵՌԱԳՐԵՐԻ ՀԻՆ ԵՎ ՆՈՐ
ԹՎԱՀԱՄԱՐՆԵՐԻ

№№ ը/կ	Գրքի էջը	Մատենադարան	
		Նոր շարք	Արդի
Ա/1	66—70	—	—
Բ/2	93	—	—
Գ/3	123	—	—
Գ/4	123—124	—	—
Դ/5	141—145	—	10404
Դ/6	145	—	—
Ե/7	185—186	—	—
Ե/8	186	—	—
Ե/9	187	64	6518
Զ/10	227—230	—	—
Է/11	361	—	—
Է/12	361	—	—

ՆԱՐԻՄԱՆ ՄԵԼԻՔ-ԶՈՀՐԱԲՅԱՆԻ
ՀԱՅԵՐԵՆ ՉԵՌԱԳՐԵՐԻ
ՀԱՎԱԲԱԾՈՒՆ

Մաշտոցի անվան Մատենադարանի ձեռագրական բազմահարկացի ֆալսաբանի բաղկացուցիչ մասերից մեկն է նաև թավրիզեցի Նարիման Մելիք-Զոհրաբյանի հայերեն ձեռագրերի անձնական ֆալսաբան, որն իր ներկա դրությամբ ամփոփում է ԺԷ—ԺԹ դարերում ընդօրինակված տարբեր բովանդակությամբ 6 գրչագիր մատյան:

Նարիման Մելիք-Զոհրաբյանի ձեռագրերը ժամանակին տեսել ու նկարագրել են Ս. Հայկունին, Հ. Թոփճյանը և Հ. Աճառյանը: Այսպես.

1. Ս. Հայկունի, Բագրևանդ ջրաբաշխ գաւառ, մասն Ա, Էջմիածին, 1894—Ս. Հայկունին իր սույն աշխատության հավելվածային բաժնում (էջ 369—384) խոսելով Ատրպատականի ձեռագրերի մասին, տողատակ ծանոթագրության մեջ գրում է. «Դավրեժ Նարիման Մելիք-Զոհրաբյան ուսումնասեր և հարգելի անձի տանը տեսա բազմաթիվ ձեռագիրներ և առանձին տետրակ, հորում վերջի մի դարու կարևոր անցքերն արձանագրված էր. վերջինը թողի, այլ միայն կարգ մի ձեռագիրներու հիշատակարանները գրի, որոց մի մասն կը ներկայացնեն ընթերցողաց (էջ 369): Ապա, առանց

հերթական թվահամարների, արձանագրում է 8 ձեռագիր (պայմանականորեն №№ Ա—Ը): Այդ 8 ձեռագրերից 4-ը (№№ Բ, Գ, Ե, Է) այսօր որոշակիորեն գտնվում են Մաշտոցի անվան Մատենադարանում, իսկ 1-ը (№ Զ)՝ Մայր Աթոռի գրատանը (տե՛ս տախտակ Ա): Մնացած 3 ձեռագրերի (№№ Ա, Դ, Ը) ուր գտնվելն մեզ առայժմ հայտնի չէ: Բացակայող այդ ձեռագրերն են.

№ Ա. (Թոփճյան, № 72, Աճառյան, № 63)—«Եփրեմի Սսեցույ Մեկնութիւնն Մարգարէութեանն Յովհաննու», ժամանակ՝ 1218 (1768):

№ Դ. (2իք Թոփճյանի և Աճառյանի մոտ)—«Բառարան», ժամանակ՝ ՌԾ (1651): ՌԾԺԲ (1663)-ին գնել է ուն Սարգիս արեղա: Հայկունին նշում է, որ ձեռագիրն այժմ գտնվում է իր մոտ:

№ Ը. (2իք Թոփճյանի և Աճառյանի մոտ)—«Մի այլ գիրք ևս տեսա, որ ուներ մի բառարան մինչև Գ տառը գրած... վերջն՝ Վիճակարան... Մատենատոմար»:

Ս. ՀԱՄԵՄԱՏԱԿԱՆ ՏԱԽՏԱԿ
Ն. ՄԵԼԻՔ-ԶՈՀՐԱԲՅԱՆԻ ՉԵՌԱԳՐԵՐԻ
ՀԻՆ ԵՎ ՆՈՐ ԹՎԱՀԱՄԱՐՆԵՐԻ
(Ըստ Ս. Հայկունու 1894 թ. ցուցակի)

Հայկունի 1894	Թոփճյան 1900	Աճառյան 1910	Մայր Աթոռի գրատուն	Մատենադարան
Ա	72	63	—	—
Բ	—	10	—	10225
Գ	69	5	—	6334
Դ	—	—	—	—
Ե	70	4	—	6623
Զ	67	3	157	—
Է	68	7	—	6634
Ը	—	—	—	—

2. Հ. Թոփճյան, Յուցակ ժողովածուաց Դարեան Խաչիկ վարդապետի, մասն Բ, Վաղարշապատ, 1900—Սույն ցուցակում, «Նարիման Մելիք-Զոհրաբյանի ձեռագրերը» ենթախորագրի տակ (էջ 51), 67—73 հերթական թվահամարների ներքո Հ. Թոփճյանը արձանագրել է թվով 7 ձեռագիր: Այդ 7 ձեռագրերից 5-ը (№№ 68—71, 73) այսօր որոշակիորեն գտնվում են Մաշտոցի անվան Մատենադարանում, իսկ 1-ը (№ 67)՝ Մայր Աթոռի գրատանը (տե՛ս տախտակ Բ): Բացակայող № 72 ձեռագրի ուր գտնվելն առայժմ մեզ հայտնի չէ (տե՛ս Հայկունի, № Ա):

Բ. ՀԱՄԵՄԱՏԱԿԱՆ ՏԱԽՏԱԿ
Ն. ՄԵԼԻԻՔ-ՉՈՂՐԱԲՅԱՆԻ ՉԵՌԱԳՐԵՐԻ
ՀԻՆ ԵՎ ՆՈՐ ԹՎԱՀԱՄԱՐՆԵՐԻ
 (Ըստ Հ. Թովմյանի 1900 թ. ցուցակի)

Թովմյան 1900	Հայկունի 1894	Աճառյան 1910	Մայր Աթոռի գրատուն	Մատենա- դարան
67	զ	3	157	—
68	է	7	—	6634
69	ֆ	5	—	6334
70	ե	4	—	6623
71	—	75	—	6651
72	Ա	63	—	—
73	—	11	—	7030

Յ. Հ. Աճառյան, Ցուցակ հայերեն ձեռագրաց Թարիզի, Վիեննա, 1910—Սույն ցուցակի 2 ենթաբաժնում, որը խորագրված է «Ցուցակ ձեռագրաց մասնատր անձանց» (էջ 77—138), Աճառյանը նկարագրել է 32 տարբեր անձանց պատկանող 75 ձեռագիր (№№ 1—75), այդ թվում 1 ձեռագիր (№ 63) Նարինյան Մելիք-Չոհրաբյանի և 7 ձեռագիր (№№ 3, 4, 5, 7, 10, 11, 75)՝ Տիգրան Մելիք-Չոհրաբյանի անվան տակ, ընդամենը 8 միավոր: Այդ 8 ձեռագրերից 6-ը (№№ 4, 5, 7, 10, 11, 75) այսօր որոշա-

Գ. ՀԱՄԵՄԱՏԱԿԱՆ ՏԱԽՏԱԿ
Ն. ՄԵԼԻԻՔ-ՉՈՂՐԱԲՅԱՆԻ ՉԵՌԱԳՐԵՐԻ
ՀԻՆ ԵՎ ՆՈՐ ԹՎԱՀԱՄԱՐՆԵՐԻ
 (Ըստ Աճառյանի 1910 թ. ցուցակի)

Յճառյան 1910	Հայկունի 1894	Թովմյան 1900	Մայր Աթոռի գրատուն	Մատենա- դարան
3	զ	67	157	—
4	ե	70	—	6623
5	ֆ	69	—	6334
7	է	68	—	6634
10	բ	—	—	10225
11	—	73	—	7030
63	Ա	72	—	—
75	—	71	—	6651

կիրեն գտնվում են Մաշտոցի անվան Մատենադարանում, իսկ 1-ը (№ 3)՝ Մայր Աթոռի գրատանը (տե՛ս տախտակ Գ): Բացակայող № 63 ձեռագրի ուր գտնվելն առայժմ մեզ հայտնի չէ (տե՛ս Հայկունի, № Ա):

Այսպիսով, Ն. Մելիք-Չոհրաբյանի հավաքածուն բաղկացած է եղել 10 ձեռագրերից, որոնցից 6-ը գտնվում են Մաշտոցի անվան Մատենադարանում, 1-ը՝ Մայր Աթոռի գրատանը, իսկ մնացած 3-ի ուր գտնվելն անհայտ է:


Մատենադարանում այսօր առկա 6 ձեռագրերից 5-ը (№№ 6334, 6623, 6634, 6651, 7030) ձեռագրատուն են մուտք գործել 1922 թվականին՝ նույն թվականին Ատրրպատականի Հայոց ստաջնորդարանի միջոցով ստացված ուր տասնյակի չափ ձեռագրերի շարքում (ըստ առաքման ցուցակի №№ 72, 74, 75, 76, 78) և մտել «Խառն ժողովածու» կոչվող հավաքածուի մեջ (№№ 1679, 1716, 1697, 1709, 1737), իսկ 1-ը (№ 10225) նվեր է ստացված 1964 թվականին Վ. Տեր-Մինասյանից (Փարիզ):

Ստորև տալիս ենք այդ ձեռագրերի հին և նոր թվահամարների հավաքարձ-համեմատական տախտակը:

Գ. ՀԱՄԵՄԱՏԱԿԱՆ ՏԱԽՏԱԿ
Ն. ՄԵԼԻԻՔ-ՉՈՂՐԱԲՅԱՆԻ ՉԵՌԱԳՐԵՐԻ
ՆՈՐ ԵՎ ՀԻՆ ԹՎԱՀԱՄԱՐՆԵՐԻ

Արդի	Մատենադարան			Մայր Աթոռի գրատուն	Ն. Մելիք-Չոհրաբյանի		
	հասն հվթծու	1922թ. ցու- ցակ			Հայկունի 1894	Թովմյան 1900	Աճառյան 1910
6334	1679	72	—	ֆ	69	5	
6623	1716	74	—	ե	70	4	
6634	1697	75	—	է	68	7	
6651	1709	76	—	—	71	75	
7030	1737	78	—	—	73	11	
10225	—	—	—	բ	—	10	
—	—	—	157	զ	67	3	
—	—	—	—	Ա	72	63	
—	—	—	—	Գ	—	—	
—	—	—	—	Ը	—	—	





ՅՈՒՑԱԿ ՄԱՅՐ ԱԹՈՌ Ս. ԷՋՄԻԱԾՆԻ ՆՈՐ ՍՏԱՑՎԱԾ ԶԵՆԱԳՐԵՐԻ*

№ 264
ԱՂԹԱՐՔ

Թերթերը՝ 80:—Պրակները՝ 10, անկանոն, բազմաթիվ սրակներ (Ա, Բ, Գ, Է) սակաւում են: Եղած պրակներից էլ բազմաթիվ թերթեր թափվել են: Ներկայիս սրակները ֆետելյալ թերթերն ունեն՝ Ե՝ 1, ԺԴ՝ 4, Ը և ԺԱ՝ 6, Զ՝ 9, Դ, Թ և Ժ՝ 10, ԺԲ և ԺԳ՝ 12 հատ:—Մեծությունը՝ 12.1×7.9×2.6 սմ.:—Նյութը՝ դեղնած բարակ (թ. թ. 1—51) և հաստ (թ. թ. 53—80) թուղթ:—Կազմը՝ կաշեպատ տախտակ, տեղ-տեղ կաշին մաշված է: Կազմի առաջին երեսին սիրուն խաչ, իսկ կոնակին էլ զարդեր են նկարված, կետերով ծակծկելով կաշին:—Պահպանակները՝ ընկել են:—Վիճակը՝ անբավարար, սկզբից և միջից շատ թերի է:—Գրությունը՝ միասլուն:—Դատարկ թղթերը՝ չունի:—Տողերը՝ 12—13:—Գծումները՝ առանց ճշումի: Գիրը՝ բոլորգիր:—Զարդագրությունը՝ ձեռագրի սկզբում շատ թերթեր սակաս լինելուն, ձեռագրի զարդագրության մեծ մասը կորել է: Ձեռագիրը նախկինում ունեցել է շատ գեղեցիկ զարդագրություն, որն երևում է պահպանված փոքր մասից: Ձեռագրում այժմ կան շատ գեղեցիկ 8 հատ լուսանցազարդեր, 8 հատ զարդագրեր և 2 հատ էլ գլխազարդեր: Սրանք բոլորը գտնվում են 1—27 թերթերում: Ձեռագրի վերջին մասում զարդագրություն չկա, չնայած երկուսական այն զարդագրերն ու լու-

սանցազարդերը (թ. թ. 64բ և 72բ) որոնք նույն ոճով չեն նկարված:—Գրիչը՝ Հայրապետ քահանա:—Պատվիրատուն՝ Խեր:—Ծաղկողը՝ անհայտ:—Ժամանակը՝ 1626 թ.:—Վայրը՝ շատ հավանաբար Ջուղա:—Ծանոթություն՝ սույն փոքրիկ ձեռագիրը ստացված է նվեր 1964 թ. օգոստոս ամսին պարսկահայ մի հավատացյալ տուրիստ տիկնոջ կողմից:

ՀԻՇՍԱՏԱԿԱՐԱՆՆԵՐ

Թ. 2ա.—...Բարեխաւտութեամբ սրբոց եղիցի բլրժըշկութիւն ծառայիցս Աստուծոյ Խէրէ, Սալթախաթունիւն, Աստուածատորիւն, ամէն:

Թ. 4բ.—(Նույն անունները կրկնվում են: Հետագայում վրան ուրիշ անուններ են գրվել):

Թ. 7ա.—...Խէխէրն և կողակիցն Սալթախաթունն և որդին Աստուածատորն, ազատես և պահես զտեսս ի դիակական չարէ:

Թ. 9բ.—...ծառայիս Աստուծոյ որոյ վերայ գիրս կենա իւր և իւր զառկացն ամէն:

Թ. 13բ.—(Նույն անունները կրկնվում են):

Թ. 16բ.—Արդ այս ամենայն արձակեալ և հետացեալ եղիցի ի ծառայիցս Աստուծոյ Խէխէրին և կողակցին Սալթախաթունին և որդոյն Աստուածատորին ամէն:

Թ. 18ա.—Բարեխաւտութեամբ Սրբոյն Գրիգորի Նարեկացոյն եղիցի թժկութիւն ծառայիցս Աստուծոյ (նույն անունները կրկնվում են):

Թ. 37ա.—Բարեխաւտութեամբ Սրբոյ Նարե (թ. 37բ) կացոյս թժկութիւն լինի ծառայիցս Խէրէ, Սալթախաթունին, Աստուածատորին:

Թ. 64ա.—Աղօթս այս սրահապան լինի Խէրէ և իւր կողակցին Սալթախաթունին, Աստուածատորին, ամէն:

* Ըստ նկարված «Էջմիածին» ամսագրի 1964 թվականի №№ Ը—Թ-ից, ԺԲ-ից, 1965 թվականի №№ Ը—Ժ-ից, 1968 թվականի № Է-ից, 1970 թվականի №№ Դ—Ե-ից, Ժ-ից, ԺԲ-ից և 1971 թվականի № Ե-ից:

թ. 79ա.—(Գլխավոր ճիշատակարանի սկիզբը բախվել է).

...վարդապետի, ձեռամբ անարժան և ստուսնուն Հայրապետ իրիցուի, որ զանուն ունիս և զգործս ոչ, ի բովանակման հասց ՌՀև՛ (1626) ամին գրեցաւ: Տէր Աստուած ողորմեա զստացող սուրբ տառիս զպարոն Խէրի և կողակ(թ.79բ)իցն Սայթախաթունն և որդին Աստուածատուրն, որ ստացաւ ի հալալ ընչից իրոց, և Աստուած ողորմի ասացէք ով ընթերցողք, և Աստուած ձեզ ողորմեսցի յիւր միս անգամ զաղբստեանն, ամէն, Հայր մեր:

ՀԻՇՏԱՍԱԿԳՐՈՒԹՅՈՒՆՆԵՐ

թ. 1ա.—Յակոբին և իւր Ղատղամին և իւր դստերին Մարիամխանումին և յԱնային և Պէտրոսին և Սըկըրտիչին ամէն:

Khatchik Bab'oyan
Ingénieur Civil (A. I. Br.)

Գնեցի Թեմրանում 4—4—1954 թ.:

թ. 2ա.—Յակոբին և իւր կողակցին և իւր դստերին Մարիամխանումին և յԱնային և իւր աղպէր Պէտրոսին և Սըկըրտիչին ամէն:

թ. 4բ.—Յակոբին և իւր կողակցին Ղատղամին:

թ. 7ա.—(Նույն անունները կրկնվում են):

թ. 7բ.—Պահէն Յակոբէն և իւր յաղպէր Պէտրոսին և Մէկէկիչնէն:

թ. 9ա.—Յակոբին և իւր աղպէրըն Պէտրոսին և Մէկէկիչին և Գալուստին և իւր եղբւտին Մարիամխանումին և յԱնային և իւր մեր Ղատղամին:

թ. 13բ.—Յակոբին ...Մարիամխանումի և Անայ: Եւ ձայն որ ամբ' այն է իմ որդի, իմ սիրելի ընդ որ յայնցսա, թէ գորք ճոմուցն:

թ. 16բ.—(Հակոբ, Պէտրոս, Ղատղամ, Մարիամխանում և Աննա անունները կրկնվում են):

թ. 29բ.—(Գրչափորձ) հատ թ. թ. 31բ-ում և 47ա-ում:

թ. 54բ.—(Մի փոքր կնիք 1.4×1.2 չափերով):
Քրիստոսիճասալ Տէր Բղա...:

թ. 63բ.—Khatchik Babloyan
Ingénieur Civil (A. I. Br.)

(Նույնը թ. 79ա-ում):

թ. 64ա.—Յակոբին և իւր աղպէր Պէտրոսին և Մէկէկիչին Ղատղամին, որդին Մարիամին Խանումին և յԱնային ամէն:

թ. 65բ.—(Անբնթոնակի մի կլոր կնիք 2.2 սմ. տրամագծով) նույնը և թ. թ. 66բ, 73բ, 77բ և 78բ-ում:

թ. 68բ.—1714 թ. մայիս 12-ին: Հիշատակ 1714 Նշան (թ. 6Ըա) Ա. Գալուստիեան:

թ. 79բ.—...որ յերկին ստեղ. սուրբ եղիցի այնպիսի բո եղիցի կամբ բո:

թ. 80ա.—Աղա մալս էլ արա սավեալ դոմաշ:

թ. 80բ.—Չանքամ բասիբան ցոշ Տէր:
Էս ճիթուլիդ:

Թերթերը՝ 167:—Պրակները՝ 23, յորաքանչորսը 8-ական թերթից: Ա. պրակը պակասում է, ԻԳ՝ 3, Բ, Ե և Չ պրակները 6-ական թերթից են:—**Մեծույունը՝ 10.8×8.5×4.3 սմ.:**—**Նյութը՝** դեղնած և կեղ-տոտած հաստ թուղբ:—**Կազմը՝** կաշեպատ տախտակ: Ա. երեսի կաշին պատուել է և տախտակը ընկել: Անցյալում երկու բռնիչներ են եղել, որոնք մետաղալուծ ընկել են: Կաշվի վրա ճնշումով երկու երեսներին զարդեր են նկարված:—**Պահպանակները՝** ընկել են:—**Վիճակը՝** անբավարար: Սկզբից և վերջից թերթի, միջից էլ երեք պրակներից 2-ական թերթ է պակասում:—**Գրությունը՝** միասուն:—**Գատարկ թղթերը՝** չկան:—**Տողերը՝ 13:—Գծումները՝** ճնշումով:—**Գիրը՝** բոլորգիր:—**Զարդագրություն՝** ձևագիրն ունի շատ հասարակ 6 հատ գլխազարդեր, 2 հատ լուսանցազարդեր և 8 հատ էլ զարդագրեր:—**Գրիչը՝** ներսես:—**Պատկիրատուն՝** անհայտ:—**Մաղկողը՝** անհայտ:—**Ժամանակը՝** ԺԸ դար:—**Վայրը՝** անհայտ:—**Մանրություն՝** սույն ձևագիրը ստացված է նվեր, 1864 թ. օգոստոս ամսին, պարսկահայ մի հավատացյալ սուրխատ տիկնոջ կողմից:

ԲՈՎԱՆՊԱԿՈՒԹՅՈՒՆՆԵՐ

Ժամագիրը ամբողջությամբ գրված է հայկական խազերով:

ՀԻՇՏԱՍԱԿՐՈՒՆՆԵՐ

թ. 19բ.—Զմեղուցեալ գրչակս յիշեա ի Տէր:

թ. 73բ.—Ով դասք լուսերամից, յերեսս անկեալ աղաչեմ յիշել յերկնաթոխ տղօսս ձեր. գ՛նքս(Էս) յոգնամեղ գրչակս և Աստուած ձեզ ողորմեսցի. ամէն:

ՀԻՇՏԱՍԱԿԳՐՈՒԹՅՈՒՆՆԵՐ

թ. 3ա.—Յակոբ:

թ. 7ա.—Khatchik Babloyan, Ingénieur Civil (A. I. Br.)

(Նույնը և թ. թ. 76ա, 132բ և 167բ-ում):

թ. 48բ.—Թագատր, Թա(գ)ունի, թագեր, թան:

թ. 49ա.—Ընտրաս, ըրանիկ, ընուկ, ընէց, ընցեց:

թ. 49բ.—Էւաջ, Էնիմոթ, Էթեթ, Էից, Էայ:

թ. 50ա.—Զագարայ, Զախե, Զանոթ, զանծին:

թ. 50բ.—Եւաջ, Եայ, Եխալն, Եղիայ, Եղութ:

թ. 51ա.—Դարաչի, դանեակ, դմակ, դիրակ, դաւս:

թ. 51բ.—Գանայ, Գալեստան, Գալուց, Գավեր, գառներ:

թ. 52ա.—Բերան, Բարսեղ, բարի, բարոս, բիրար, բաներ, բախեր:

թ. 52բ.—Աղազար, ալազ, ալկ, Ամիրջան:

թ. 53ա.—Աքրամ, անպի, աշկերտ, Ավեա:

թ. 61ա.—Իմ դասն է:

թ. 73բ.—Գլուխն մէջ Միսմնի սուրբ...:

թ. 89բ.—Չարչարեցին գտորք...:

թ. 107բ.—Չարչարեցին գտորք Գրիգորէն յրեցեր:

Թ. 125ա.—Սուրբ Գեվորգից, Սուրբ Գրիգոր Լուսավորից:

Թ. 155բ.—Անեքցին ա Ներսէս տեսայ ասա արն կրթակ մեր տուն:

Թ. 161բ.—Ես Սկրտումս գրեցի: Այն եկեղեցի:

№ 266

Ա Ի Ե Ս Ա Մ Ա Ն

Թերթերը՝ 291:—**Պրակները՝ 25** (22+3 արակ սկզբում Ա.—1, Ա.—2 և Ա.—3), յուրաքանչյուրը 12-ական թերթից, ի բաց առլայ հետևյալ պրակները՝ Ա.—1 և Ա.—2՝ 8-ական թերթ և ԻԲ՝ 11 թերթ:—**Մեծությունը՝ 10.4×8.6×5.1** սմ.:—**Նյութը՝** երբեմն հաստ և երբեմն էլ բարակ, մաքուր սպիտակ մագաղաթ:—**Կազմը՝** կաշեպատ սովորաբար, որի առջև կում և կոնակում կա մեկական արծաթյա խաչ, յուրաքանչյուրը 7-ական զամերով ամրացված կազմին: Ձեռագիրն ունի երկու սիրուն արծաթյա բռնիչներ, որոնք ամրացված են կազմին, ոչուրաքանչյուրը 4-ական զամերով:—**Պահպանակները՝** ձեռագրի սկզբում և վերջում կան մեկական հասարակ սպիտակ և մեկական գունավոր թուղթ:—**Վիճակը՝** շատ լավ, միայն կազմը անջատվել է ձեռագրից:—**Գրությունը՝** երկայուն:—**Դատարկ թղթերը՝** ձեռագրում կան բազմաթիվ դատարկ էջեր:—**Տողերը՝ 23:**—**Գծումները՝** ճշումով:—**Գիրը՝** բոլորգիր:—**Ջարդագրություն՝** ձեռագիրն ունի շատ սիրուն զարդանկարչություն: Ձեռագրի սկզբում (թ. թ. 1—16-ում) կան Հիսուսի կյանքից 16 հատ փոքրիկ սիրուն նկարներ, ապա (թ. 17—26-ում) կան 10 հատ սիրուն խորաններ և համարաբարտներ: Ձեռագրում կան չորս Ավետարանիչների գեղեցիկ նկարները (թ. թ. 30բ, 104բ, 154բ և 232բ) և շատ սիրուն չորս հատ խորաններ (թ. թ. 31ա, 105ա, 155ա և 233ա): Ձեռագիրն ունի մեկական մեծ շատ սիրուն հրեշտակագիր (թ. 31ա) և թղչագիր (թ. 233ա) և երկու հատ գազանագիր (թ. թ. 105ա և 1 55ա): Այս բոլորից բացի ձեռագրում կան բազմաթիվ զարդագրեր, ձկնագրեր և թղչագրեր, լուսանցազարդեր, գմբեթներ և խաչեր, սրբեր, մարդիկ, կենդանիներ, թռչուններ և կապիկներ, ծառեր և ծաղիկներ:—**Գրիչը՝** անհայտ:—**Պատվիրատուն՝** Մահտեսի Խոջա Բարսեղ:—**Մաղկողը՝** անհայտ:—**Ժամանակը՝** 1653 թ.:—**Վայրը՝** Կոստանդնուպոլիս:—**Մանրություն՝** սույն արժեքավոր ձեռագիրը նվեր է ստացված Մաղրասի (Հնդկաստան) Հայ Եկեղեցուց, Կալկաթայի Հայկական Ընկերության վարչության միջոցով: Հնդկաստանից ս. էջ-միսին է բերված ուսանող Ռոմիկ Մարտինի ձեռամբ 1964 թ. սեպտեմբերի 27-ին:

Հ Ի Ծ Ա Ս Ա Վ Ա Մ Ա Ն

Թ. 290ա.—Փառք ամենատրք Երրորդութեան Հօր և Որդու և Հոգույն սրբոյ այժմ և միշտ և յաիտեանս յաիտեանց ամեն: Որոյ յնամօք և ողորմութեամբ աւարտեցաւ աստուածաբաժնու Սուրբ Աւետարանս ի գե(թ. 290բ)րանոչակ մայրաքաղաքն Կոստանդնուպոլիս, որ այժմ սահ Ստամբուլ, ձեռամբ

(անվան տեղը բայ է թողնված 12 մ. մ.) գրչի, որ և ստացաւ զսա մահդասի Խօճայ Բարսեղն յիշատակ ինքեան և ծնողացն իւրոց հօրն Հախմազարին, և մօրն Մուրվաթին, և ի:ր որդոցն պարոն Սինասին, Գրիգորին, Վաթանին, և դստերացն Մատիոռին, Աննային և այլ աննայն արեան մերձաւորացն, որ և բազում թախանձանօք հայցեմ հանդիպողացոյ այսմ տառի յիշել զվերոյգրեալ Մահտեսի Բարսեղն, և զկողակիցն իւր զՄարիամն, և զորդին զպարոն Սինասն, և զկողակիցն զՂամպարն հանդերձ ամենայն ընտանեօքն իւրովք և որք յիշեն յիշեալ յիցին ի Բերիտոսէ ի միւս անգամ զալըստեան նորս, Ամեն: Եղև այս ի ԹճնԲ (1653 թ.) թուին Յունիսի ԺԳ:

Կարձեալ յիշեցէք զԳրիգորն և զկողակիցն Բաղիշդէն և զորդիսն իւր զՆազարն և Սաֆարն, և զղըստերքն իւր Ուրուֆէն, Նազուխանն և Մարամտատիկն յիշեցէք և Աստուած ողորմի (ասացէք):

Հ Ի Ծ Ա Ս Ա Վ Ա Գ Ր Ո Ւ Յ Յ Ո Ւ Ն Ն Ե Ր

(Ձեռագրի սկզբում գտնվող պահպանակի վրա). ԹճնԲ—1653 (Մ(Եսրոպ) եպիսկոպոս, 10-2-1928 Մատրյաս:

Թ. 291ա.—(Սեծատառ երկաթագրով և կարմիր թանաքով գրված է).

Սուրբ Աւետարանս լէր հրաշալի իմ գրի գրեալ է թ Տէր Աւետի, և ընծայեալ ի քաղ(աք)ի որ և Մաղրաս անոն կոչի ի դումն Սուրբ Աստուածածնի, եկեղեցուն Սուրբ հրաշալի, ի յիշատակ անքակտելի ճնողացս իմ միշտ յիշելի, հայր իմ և եղբարք և սիրելի, որք հանդիպէք հաստ աղեկն զիմօվ սրտի և տուք ողորմի, Տէր մեզ և ձեզ ողորմեացի յաւուրս մեծի հրատրիկի, (թ. 291բ) ի թվին հազար յօթն հարուր ինսուն և հինկ յակի (1795) բրդի այլ և Ազարեային տօնարիւ ճՁ թվին շմայ գրեցի աղարարս սերից տասնի, ծառայ Սիմոն Թաթէլու:

(Վերջում կա մի անջատ թուղթ, որի վրա շրագիր գրված է հետևյալը).

Նվեր Մաղրասի Հայոց եկեղեցու կողմից: Եսայի Նարտինի միջոցով, որը ս. էջմիածին բերեց Ռոմիկ Մարտինի: 27-9-1964 թ.:

№ 267

Կ Ո Ւ Ն Ն Ա Ն

Թերթերը՝ 2:—**Պրակները՝ 1** հատ:—**Մեծությունը՝** 34.1×24.7 սմ.:—**Նյութը՝** դեղնած հաստ թուղթ:—**Կազմ՝** չունի:—**Պահպանակներ՝** չունի:—**Վիճակը՝** լավ:—**Գրությունը՝** միասուն:—**Դատարկ թղթերը՝** 2ա և 2բ:—**Տողերը՝** թ. 1ա՝ տպագիր—4 տող և ձեռագիր—24 տող, իսկ թ. 1բ՝ ձեռագիր—11 տող:—**Գրծումները՝** գրված է աչքի չափով:—**Գիրը՝** ճոտրգիր:—**Ջարդագրություն՝** չունի: Կոնդակի գլխում կա միայն Կաթողիկոսական կարմիր կնիքը 2.8×2.6 սմ. չափերով և հետևյալ գրությամբ.—«Գեղորգ Եպիսկոպոսական և Կաթողիկոս Ամենայն Հայոց—ՌՅԺԵ—1868»: Կնիքի վերևի մասում ճտազայթ արծակող կես արեգակի մեջ նկարված է մի դրոշակ բրնձ գտնուով:—**Գրիչը՝** անհայտ:—**Պատվիրատուն՝** Դեորգ

ի կաթողիկոս Ամենայն Հայոց:—**Ժամանակը՝** 1869 թ.:—**Վայրը՝** և Էջմիածնի վանք:—**Ծանոթություն՝** սույն կոնդակը ստացված է նվեր Հայրենիքում քննարկող մի բարեպաշտ անձից 1863 թ.:

ԲՈՎԱՆՆԻ ԱՎՈՒԹՅՈՒՆ

Թ. 1ա.—(Տպագիր—կարմիր գույնով)
 Կէրոզ Ծառայ Բրիտանի և անհասանելի կանօրն Աստուծոյ Եպիսկոպոսական և կաթողիկոս Ամենայն Հայոց ծայրագոյն Պատրիարք համազգայն նախասեծար Աթոռոյ Արարատեան Առաքելական Մայր եկեղեցոյ սրբոյ Կաթողիկէ Էջմիածնի. (ձեռագիր—սև գույնով) Մեծապատիւ և հայրենասէր ազայ Մկրտչի Տէր Մկրտչեանց՝ հարազատ որդոյ Հայաստանեաց Առաքելական սուրբ եկեղեցոյ՝ նուիրեմք ողջոյն Յիսուսանոց Աստուածայի՛ր բազմապատիկ օրհնութեամբ:

Ընդ Աստուածային օրհնութեանս մերոյ և սիրոյ ողջունի ծանուցանեմք Ձերում Աստուածասիրութեան, զի քրիստոնեակել առաքինական գործովք Ձերովք յօգուտ ազգի մերոյ և եկեղեցոյ՝ յընթացս կենաց Ձերոց ի բարեպաշտութեան և ի բարօրութեան վիճակի ոչ խնայելով Ձեր զգան և զկարողութիւն, յամենայն դէպս ձեռնտու հանդիսացեալ էք միշտ բարեաց ազգի մերոյ և պայծառութեան Սրբոյ Եկեղեցոյ իբրև հարազատ որդի հաւատոյ Սրբոյ հօրն մերոյ Գրիգորի Լուսաւորչին հոգւոց մերոց ըստ նախանկի օրինակի երջանիկ նախնեացն Ձերոց, և հաղորդելով զբազումս կարօտատրաց Ձերում Աստուածապարզև բարեբարութեանց, արժանացեալ էք շնորհաց և օրհնութեանց նախնեացն մերոց արժանայշատակ հայրապետաց, և վայելել գալք հոգևոր հայրութեան հոգին յիշխանականոց Ձեր արժանապատուութեան ի ցոյց ջերմուանդութեան ոգոյ Ձեր առ Հայրապետական Աթոռս մեր Սուրբ Էջմիածին, և ի հոչակ ճշմարիտ ազգասիրութեան Ձերոյ:

Լուսեալ մեր զայս օրհնակ հաւատիս բարեգործութեանց Ձերոց և քրիստոնէական առաքինութեան բարեպաշտութեան ոգոյ, սեպուն պարտաւորութիւն համարիմք մեզ յարգել միշտ զսուրբ աւանդ նախորդացն մերոց, որոց զանակալութիւն ի Տեանէլ աւանդեցաւ մեզ, և մերովս Հայրապետական օրհնութեան կոնդակս յայտնելով զորսխոթիւն սրտի մերոյ և հայրականս սէր առ Ձեզ, իրախոսեմք և ևս զԱստուածասէր և զհարազատ որդիդ մեր ի տէր ի շաւիղ առաքինական գործոց բարութեան, ի նշան ջերմուանդութեան առ Սուրբ Եկեղեցիս ի տուրս բարեպաշտութեան և ի նոյն սեպնական Ձեզ ազգասիրութիւն իբրև ի պարտս բարեպաշտութեանդ:

Եւ ըստ որում մեր ըստ մերում պարտաւորութիւն յօրէ անբաւանալոյ ի գանակալութիւն Սուրբ Լուսաւորչին մերոյ՝ զանձն մեր եղեալ ենք յաշխատանս և ի (թ. 1բ) փոյթ շինութեան եկեղեցեաց և դպրոցոց ի լուսաորութիւն մանկանց եկեղեցոյ: և յարմ կ սրբիկի և մասնակից է մեզ ազգ մեր տրովք բարեպաշտութեան ի բազում տեղեաց: Աղաչեմք զբարեգործիւնն Աստուծոյ ստանկացուցանել յազգ մեր

անձինս բարեպաշտ, և ի յաջողութեան և ի բարօրութեան կենաց պահել զՁեզ հանդերձ ամենայն տարբք և զառաջօր յօգուտ եկեղեցոյ և ի ձեռնաորոյս ազգիս և ի յառնակ մարիաբարութիւն մեզ:

Եւ յամենակով զՁեզ և զԱստուածամաստատ գերդաստոնն Ձեր շնորհաց և պահպանութեանն Աստուծոյ:

Մնամ միշտ վասն Ձեր աղօթարար,
 Կէրոզ Գ.

Կաթողիկոս Ամենայն Հայոց:

Ի 27 Յունիսի յամի Տեան 1869

և Ազգային ՌՅԺԸ,

ի սուրբ Էջմիածին:

ՀԻՇԱՏԱԿԱԿՐՈՒԹՅՈՒՆՆԵՐ

Թ. 1ա.—Համար 201:

Թ. 1բ.—Վ. Ա. Բ. Գ.:

№ 268

Պ Ա Տ Ա Ռ Ի Կ Ն Ե Ր

Ա. ԱՆԵՏԱՐԱՆ

Թերթերը՝ 1:—**Մեծությունը՝** 25.8×19.5 սմ.:—**Նյութը՝** դեղնած և կեղտոտած հաստ թուղք:—**Կազմ՝** չունի:—**Պահպանակներ՝** չունի:—**Վիճակը՝** բավարար:—**Գրութունը՝** երկպուն:—**Տողերը՝** Ա. պունակը՝ 33, իսկ Բ. պունակը՝ 32 տող:—**Գծումները՝** ճշումով:—**Գիրը՝** բոլորգիր:—**Ձարդագրություն՝** թերթի առաջին երեսը ներկայացնում է Քրիստոսի Հարությունը, 24.5×14.5 սմ. չափերով: Նկարի աջակողմյան ցույց է տրված բաց դագաղը, որի մեջ երևում է միայն պատանքը: Յուղաթերից երես կանայք խունկ են ծխում: Նկարի վերևում երևում են երեք հրեշտակներ: Նկարի վրա գրված է «Յարութիւն» բառը: Բավականի սիրուն մի նկար է առ Սույն նկարից բացի կան նաև 4 հատ սիրուն լուսանցազարդեր, որոնք պատկանում են մի ուրիշ անասարի, որտեղից կտրվել և սույն թերթի լուսանցներին կպցվել են: Սրանցից երկուսը ծաղիկներ են, մեկը՝ խաչ, իսկ 4-րդն էլ՝ մի թռչուն մարդկային գլխով:—**Գրիչը՝** անհայտ:—**Պատվիրատուն՝** անհայտ:—**Ժամանակը՝** ԺԶ-ԺԷ դարեր:—**Վայրը՝** անհայտ:—**Ծանոթություն՝** Վեհափառ Հայրապետի միջոցով 1961 թ. ստացված է նվեր Ստամբուլից:

Բ. ԱՆԵՏԱՐԱՆ

Թերթերը՝ 6:—**Պրակները՝** 1 հատ:—**Մեծությունը՝** 23×16.5 սմ.:—**Նյութը՝** դեղնած և կեղտոտ մագաղաք:—**Կազմ՝** չունի:—**Պահպանակներ՝** չունի:—**Վիճակը՝** լավ:—**Գրությունը՝** երկպուն:—**Պատարկ թղթերը՝** 1բ և 2ա:—**Տողերը՝** 21:—**Գծումները՝** ճշումով:—**Գիրը՝** բոլորգիր:—**Ձարդագրություն՝** պատանիկն ունի Մարկոս Ավետարանիչի մի սիրուն նկար, ինչպես նաև գեղեցիկ մի խորան, մի գազանագիր, բազմաթիվ թռչնազարդ, լուսանցազարդեր և սրբեր:—**Գրիչը՝** անհայտ:—**Պատվիրատուն՝** անհայտ:—**Ժամանակը՝** ԺԵ-ԺԶ դարեր:—**Վայրը՝** ան-

հայտ:—Մանրություն՝ վեհափառ Հայրապետի միջոցով 1961 թ. ստացված է նվեր Ստամբուլից:

Գ. ԺԱՄԱԳԻՐԸ

Թերթերը՝ 2:—Պրակները՝ 1 հատ:—Մեծությունը՝ 22.5×17.4 սմ.:—Նյութը՝ դեղնած և կեղտոտած հաստ թուղթ:—Կազմ՝ չունի:—Պահպանակներ՝ չունի:—Վիճակը՝ բավարար:—Գրությունը՝ երկպուն:—Պատարկ թղթեր՝ չունի:—Տողերը՝ 15:—Գծումները՝ ճշումով:—Գիրը՝ բոլորգիր:—Զարդագրություն՝ չունի, սակայն ամբողջական ձեռագրում եղել է:—Գրիչը և ծաղկողը՝ Հակոբ ծաղկարար վարդապետ:—Պատվիրատուն՝ Եվդոկիացի Պողոս վարդապետ:—Ժամանակը՝ 1777—78 թթ.:—Վայրը՝ Սեբաստիոն Սուրբ Նշան վանք:—Մանրություն՝ վեհափառ Հայրապետի միջոցով 1961 թ. ստացված է նվեր Ստամբուլից:

ՀԻՇԱՏԱԿԱՐԱՆ (գրված նոտագրով)

Թ. 2բ.—Յիշատակարան:

Փառք անկիզբն անելէիմ, և անմահին, և անսանձան էացուցիմ, ի բոլոր էիցս հանցութիւնս և փառք քեզ արարիչ էհօլալիմ:

Արդ աղաչեմ գանձեանանդ աղերսագին պաղատանօք զլոյս երանիցր՝ գաղափարօղ և պատարագօղ սրբոյ մատենիս, աստուածատունկ հոգիարդոյոջ բուրաստանս, երկնահրաւէր գանձարանս, ոսկիաձող աշտանակս, հոգիակեցուցիչ գանձս, յիշեցէք սրտի մտօք զեղոկիացի Պողոս վարդապետն, որ մեծալուսով, և ինքնալօծար կանօք, և ջերմաջեր սիրով ցանկացաւ գրել ետոր զայ Աստուածային մարգարիտս, զոր Տէր Աստուած բարեաւ վայելել տացէ ընդ երկայն ատրքք ընդ երջանիկ ատրբելոց և երանակ հայրապետացն դաստօրնացէ ամեն:

Ի թուահաշուութան արկչին մերոյ, ՌԱՀԷՄՆ (1777 թ.), և մերում Հայոց թիւն ՌՄՆԷԻ (1778 թ.), ի ժամանակն առաջնորդութեանն, Սեբաստիոյ արեգակնափայլ Սուրբ Նշանի վանքն, Տաւան Յակոբ արքեպիսկոպոսի գերարական վարդապետի: Ծրեւը սպ ձեռամբ մեղսամած և անպիտան չընչին Յակոբ ծաղկարար վարդապետի:

Եւ դարձեալ երես անկեալ աղաչեմ և աղերսեմ, ով դաւը սրբազանից, յիշեցէք յերկնագնաց յաղօթս ձեր զվերոյմարդրեալ քաջ վարդապետքն և զգծօղ սորին միով Հայր մեղայի, զոր Տէր Յիսուս զձեր յիշողացոյ, և մեր յիշեցելոցս ողորմեսցի իւր միւս անգամ զալստեանն, ամէն:

Դ. ԱՆԵՏԱՐԱՆ

Թերթերը՝ 2:—Մեծությունը՝ 20.8×14.6 սմ.:—Նյութը՝ դեղնած և կեղտոտած, միջակ հաստությամբ թուղթ:—Կազմը՝ չունի:—Պահպանակներ՝ չունի:—Վիճակը՝ վատ:—Գրությունը՝ երկպուն:—Պատարկ թղթեր՝ չունի:—Տողերը՝ 20:—Գծումները՝ ճշումով:—Գիրը՝ բոլորգիր:—Զարդագրություն՝ սույն երկու թերթերում կան երկուսական հատ սիրուն թռչնագրեր և լուսանցազարդեր:—Գրիչը՝ անհայտ:—Պատ-

վիրատուն՝ անհայտ:—Ծաղկողը՝ անհայտ:—Ժամանակը՝ ժ.Ձ դար:—Վայրը՝ անհայտ:—Մանրություն՝ սույն երկու թերթ պատառիկները դուրս եմ եկած վանքի N: 49 ձեռագրի միջից, որ 17-րդ դարի Մարիամ գրչուհու կողմից գրված Գրիգոր Տաթևացու մի քարոզգիրք է:

ՀԻՇԱՏԱԿԱՐՈՒԹՅՈՒՆՆԵՐ

Թ. 1ա.—N: 49 ձեռագրից:
ԺՁ (դար) Մ(երրորդ) եպիսկոպոս:
Ե. ԱՆԵՏԱՐԱՆ

Թերթերը՝ 2:—Մեծությունը՝ 18.5×15.5 սմ.:—Նյութը՝ դեղնած և կեղտոտած հասարակ թուղթ:—Կազմ՝ չունի:—Պահպանակներ՝ չունի:—Վիճակը՝ բավարար:—Գրությունը՝ երկպուն:—Պատարկ թղթերը՝ չունի:—Տողերը՝ 19:—Գծումները՝ ճշումով:—Գիրը՝ բոլորգիր:—Զարդագրություն՝ սույն երկու թերթ պատառիկները, հանդիսանալով նույն ձեռագրի երկու Ավետարանների առաջին թերթերը, ունեն երկու խրատներ, երկու սիրուն զազանագրեր, մի հատ մարդագիր և բազմաթիվ զարդագրեր ու թռչնագրեր: Կան նաև երկու լուսանցազարդեր և չորս հատ թռչուններ:—Գրիչը՝ անհայտ:—Պատվիրատուն՝ անհայտ:—Ծաղկողը՝ անհայտ:—Ժամանակը՝ ժ.Ձ—ժ.Է դարեր:—Վայրը՝ անհայտ:—Մանրություն՝ վեհափառ Հայրապետի միջոցով 1961 թ. նվեր է ստացված Վտամբուլից:

Զ. ԱՆԵՏԱՐԱՆ

Թերթերը՝ 2:—Մեծությունը՝ 16.3×11.8 սմ.:—Նյութը՝ դեղնած և կեղտոտած հաստ թուղթ:—Կազմ՝ չունի:—Պահպանակներ՝ չունի:—Վիճակը՝ լավ:—Գրությունը՝ երկպուն:—Պատարկ թղթեր՝ չունի:—Տողերը՝ 19:—Գծումները՝ ճշումով:—Գիրը՝ բոլորգիր:—Զարդագրություն՝ սույն երկու թերթ պատառիկները, հանդիսանալով նույն ձեռագրի երկու Ավետարանների սկզբի թերթերը, ունեն Ս. Մարկոս և Ս. Գուկաս երկու ավետարանիչների շատ սիրուն նկարները, թերթի ամբողջական մեծությամբ չափանրով: Յուրաքանչյուր թերթի վրա գրված է ավետարանիչի անունը այսպես.—«Սբ. Մարկոս» և «Սբ. Գուկաս»:—Գրիչը՝ Գրիգոր կրոնավոր:—Պատվիրատուն՝ անհայտ:—Ծաղկողը՝ անհայտ:—Ժամանակը՝ ժ.Ե—ժ.Ձ դարեր:—Վայրը՝ անհայտ:—Մանրություն՝ վեհափառ Հայրապետի միջոցով 1961 թ. ստացված է նվեր Ստամբուլից:

ՀԻՇԱՏԱԿԱՐԱՆ

Թ. 1բ.—Ով սրբազան ընթերցալու քառանկիւն հոգիարուիս վտակքս ի յարբուցումն ծարսի և պաւքեալ ոգոց մարդկան: Աղաչեմ զձեզ յիշել ի Տէր սրտի մտաք զգծողս Գրիգոր ստուանուն կրանաւոր և զձնաղոսն իմ:

ՀԻՇԱՏԱԿԱՐՈՒԹՅՈՒՆ

Թ. 2բ.—Յիշատակ է Սուրբ Աւետարանս Տէր Յակոբին և ձեռագրն Տօլվաթիեայրին, և ձեռք մօրն Փա-

շահանքին, և եղբարցն Արքամին և Յեղդկան, և կոհակցին Թամամին, և միս Թամամին, և էրիցկնչն Թուրվանտէ, և Գրիգորին, և Սարգսին, և Մարտիրոսին, և Ղազարին, և Պարոնին, և տանն ընտանեացն ամենեցուն, և էտ իր հալալ վաստակոցն: Ով որ զայս Սուրբ Աւետարանս ծախէ և յշատակութենէ հանէ, զմասն Յուդային սոցէ, զպատիժն Կայնի սոցէ, ամէն օվ ընթերցող յիշեշիք ի մարտալիսլ լաղթս ձեր յիշեալ յիշիք ի Քրիստոսէ ամէն:

Գրեցաւ յիշատակարանս թիին ՌՃԽԶ-ին (1697 թ.), ամէն:

Է. ԱՆԵՏԱՐԱՆ

Թերթերը՝ 1 հատ:—Մեծությունը՝ 17.2×12.2 սմ.:—Նյութը՝ դեղնած և կեղտոտած հաստ մագաղաթ:—Կազմ՝ չունի:—Պահպանակներ՝ չունի:—Վիճակը՝ բավարար:—Գրությունը՝ երկայուն:—Դատարկ թղթեր՝ չունի:—Տողերը՝ 23:—Գծումները՝ ճնշումով:—Գիրը՝ բոլորգիր:—Զարդագրություն՝ պատտիկն ունի մեկական հատ սիրուն զարդագիր և լուսանցագարդ:—Գրիչը՝ անհայտ:—Պատվիրատուն՝ անհայտ:—Մաղկողը՝ անհայտ:—Ժամանակը՝ ԺԵ—ԺԶ դարեր:—Վայրը՝ անհայտ:—Մանրություն՝ ստացված է նվեր արտասանմանից:

ՀԻՇՍԱՍԿԱԳՐՈՒԹՅՈՒՆ

Թ. 1ա.—Մալկարացիների նվերից:

Ը. ՏՕՆԱՑՈՅՑ

Թերթերը՝ 12:—Պրակները՝ 1 հատ:—Մեծությունը՝ 17.3×11.5×0.1 սմ.:—Նյութը՝ դեղնած և կեղտոտած բարակ թուղթ:—Կազմ՝ չունի:—Պահպանակներ՝ չունի:—Վիճակը՝ բավարար:—Գրությունը՝ միապուն:—Դատարկ թղթերը՝ չունի:—Տողերը՝ 21:—Գծումները՝ ստանց ճնշումի, աչքի չափով:—Գիրը՝ նոտրգիր:—Զարդագրություն՝ չունի:—Գրիչը՝ անհայտ:—Պատվիրատուն՝ անհայտ:—Ժամանակը՝ ԺԷ—ԺԸ դարեր:—Վայրը՝ անհայտ:—Մանրություն՝ սույն պատտիկն ստացված է նվեր՝ Հայրենիքում բնակվող մի հավատացյալի կողմից:

ՀԻՇՍԱՍԿԱԳՐՈՒԹՅՈՒՆ

Թ. 1ա.—Ես անարժան գոլով էլ կարդացի այս Ա. Աւետարանս Ա. Ան., Թ. Տ. Ա. 98 ամի 17 նոյեմբ. օր չորեքշաբ.:

Թ. ԳՆԲԱԿԱՆՈՒԹԻՒՆ

Թերթերը՝ 8:—Պրակները՝ 1 հատ:—Մեծությունը՝ 16.4×10.1×0.1 սմ.:—Նյութը՝ դեղնած և կեղտոտած դիմացկուն թուղթ:—Կազմ՝ չունի:—Պահպանակներ՝ չունի:—Վիճակը՝ բավարար:—Գրությունը՝ միապուն:—Դատարկ թղթերը՝ 1ա և 1բ:—Տողերը՝ 18:—Գրծումները՝ ստանց ճնշումի, աչքի չափով:—Գիրը՝ նոտրգիր:—Զարդագրություն՝ կս միայն մի հատ հասարակ թռչնագիր (թ. 2ա):—Գրիչը՝ անհայտ:—Պատվիրատուն՝ անհայտ:—Մաղկողը՝ անհայտ:—Ժամանակը՝ ԺԸ—ԺԹ դարեր:—Վայրը՝ անհայտ:—

Մանրություն՝ սույն պատտիկը նվեր է ստացված ԱՄՆ-ից Տիկին Երվանդունի Ասատրյանի (Կոնյու, ԱՄՆ) կողմից, №№ 166, 167 և 168 ձեռագրերի հետ:

ՀԻՇՍԱՍԿԱԳՐՈՒԹՅՈՒՆ

Թ. 1ա.—Ստացված է նվեր Տիկին Երվանդունի Ասատրյանից №№ 166, 167, 168 ձեռագրերի հետ:

Ժ. ԱՆԵՏԱՐԱՆ

Թերթերը՝ 1 հատ:—Մեծությունը՝ 10×15.4 սմ.:—Նյութը՝ դեղնած և կեղտոտած հասարակ թուղթ:—Կազմ՝ չունի:—Պահպանակներ՝ չունի:—Վիճակը՝ անբավարար:—Գրությունը՝ միապուն:—Դատարկ թղթեր՝ չունի:—Տողերը՝ ձեռագրիցը հայտնի չէ, իսկ միշատակարանը 7 տող է:—Գծումները՝ աչքի չափով:—Գիրը՝ նոտրգիր:—Զարդագրություն՝ անհայտ:—Գրիչը՝ Կարապետ սարկավազ:—Պատվիրատուն՝ անհայտ:—Ժամանակը՝ 1804 թ.:—Վայրը՝ Ա. Երուսաղեմի հայոց վանք:—Մանրություն՝ Վեհափառ Հայրապետի միջոցով 1963 թ. նոյեմբեր ամսին ստացված է նվեր կամիրեարանակ Արտաշես Գարտաշյանի կողմից:

ՀԻՇՍԱՍԿԱՐԱՆ

Թ. 1ա.—Յիշատակ է Սուրբ Աւետարանս այս ի բաղաքն Սրբոյն Երուսաղեմի, Սրբոյն Յակօբայ, Սրբոյն Աստուածամեզ և Սրբոյն Յարութեան, պահի Կարապետ սարկավազը յիշկին է:

Յիշեալի ր մեզ սուայի անմահ գաղտն Աստուծոյ: Գրեցաւ յամի Տեանն 1804 (սպա զնջված է այս թիվը և գրված արարական թվերով) Վ.Բ հայոց ՌՄԾԳ յուլիս 1-ին:

Թ. 1ա.—Ստացված է № 158 ձեռագրի հետ: (Կանաչ թանաքով տպված է նվիրատուի անունը). Հաւարածոյ Արտաշէս Գարտաշեանի—Գամիրի:

Թ. 1բ.—(Թերթի կոնակում նույն անունը և ազգանունը տպված են երկու անգամ):

№ 269

ԱՆԵՏԱՐԱՆ

Թերթերը՝ 280:—Պրակները՝ 24, յուրաքանչյուրը 12-ական թերթից, ի բաց սույալ հետևյալ պրակները Ա՝ 11 և ԻԳ՝ 5 թերթից են:—Մեծությունը՝ 20.2×14.9×5.7 սմ.:—Նյութը՝ դեղնած դիմացկուն թուղթ:—Կազմը՝ կանաչ թավապատ սովորաթուղթ: Կազմի առջևում կցված է Հիսուսի խաչելության մետաղյա քանդակը, իսկ չորս անկյուններում մեկական փոքրիկ զարդեր, իսկ կազմի կոնակում էլ մեջտեղը կարմիր քարով մի խաչ 7×6.2 սմ. չափսերով:—Պահպանակները՝ ձեռագրի վերջում կան երեք թերթ թուղթ:—Վիճակը՝ լավ:—Գրությունը՝ երկայուն:—Դատարկ թղթերը՝ 71բ, 123ա, 123բ, 212բ, 277բ—280բ:—Տողերը՝ 23:—Գծումները՝ ճնշումով:—Գիրը՝ բոլորգիր:—Զարդագրություն՝ ձեռագրին ունի հասարակ զարդանկարչություն: Կան չորս հատ խորաններ (թ. թ. 1ա, 72ա, 124ա և 213ա), ինչպես նաև

բազմաթիվ լուսանցագրողներ և գմբեթներ, թոչնագրեր և զարդագրեր, թոչուններ, ծառեր և ծաղիկներ: Ձեռագրում կան երկուական հատ միացյալ թոչնագիր և մարդագիր (թ. թ. 78բ և 79ա) ու միացյալ թոչնագիր և ձկնագիր (թ. թ. 108բ և 228բ):—**Գրիչը՝** անհայտ:—**Պատվիրատուն՝** անհայտ:—**Մաղկողը՝** անհայտ:—**Ժամանակը՝** 1643—1654 թթ.:—**Վայրը՝** անհայտ:—**Մանրությունը՝** սույն ձեռագիրը 1964 թ. նոյեմբերի 5-ին ստացված է Գվեր Բուլղարիո Թուրուխին քաղաքի հայոց Եկեղեցական Վարչությունից, Բուլղարահայոց թեմական խորհրդի միջոցով: Ձեռագիրը Հայաստան է բերված պր. Ժիրայր Սիմոնյանի միջոցով:

ՀԻՇԱՍԱԿԱՐԱՆՆԵՐ

- Թ. 71ա.—Գրեցա ՌՂԲ (1643) թվին:
- Թ. 276ա.—Կատարեցա թվն. ՌՃԳ-ին (1654):

ՀԻՇԱՍԱԿԱԳՐՈՒԹՅՈՒՆՆԵՐ

(Կազմի առաջին երեսի կոնակում)
1654-ին գրուած:
№ 177.

Թ. 127բ.—Եւ դարձա ի տուն իր:
Թ. 276բ.—Յիշատակ է Սուրբ Աւետարանս ի դուռն Կուտուց Սուրբ անսպատու Սրբոյ տաճարին Յօհաննու Կարապետին, որ ետ Պօթիչանցի Տէր Պետրոս սրբակրօն աւագ քահանայն վասն հոգոց հանգուցեալ նախնեացն, և իր յանցանցն թողութեան, ձեռամբ համեստակեցեցաղ և ճգնագլեաց Մարտիրոս վարդապետի, 1621 թուոչ...-ին ՌՄՀ, թըլում հայոց յունվարի մէկն, ի Փօթիչան:

Թ. 277ա.—Ստորագրողս Հմայեակ քահանայ Ջարդարեան, Սեբաստիոյ նահանգէն, Տիվրիկ գիւղաքաղաքէն ևմ ծնած 1886 ապրիլ 27-ին: Ասպարէզս ուսուցչութիւն էր: Աւարտած ևմ Սեբաստիոյ Ամերիկեան ուսուցչանոցը (Normal School) 1907-ին: Պաշտօնավարած ևմ ճեղքավայրիս մէջ 2 տարի, 1 տարի Շապին Գարաբիսարի մէջ, 8 տարի Կ. Պոլսոյ Պալատի, Պէշիքթաշի և Կէտիկ փաշայի մէջ: 1922-ին գաղթական եկայ Վառնա, պարսպեցայ սիկարի առուտուրով և 2 տարի ալ ուսուցչութեամբ, իբր տնօրէն: Հրապարակեցալ ռումէններու օրով հազարճըզի (Տօպրիչի) հայոց Թաղական խորհուրդէն տեղւոյս ազգային Մամիկոնեան վարժարանին իբր տնօրէնուսուցիչ, 1933-ին: Տեղւոյս քահանան Ներսէս աւագ քահանայ Ղօճչէկիւլեանը վախճանելով, ժողովուրդը քրտարկութեամբ գիս ընտրեց քահանայացու: Ձեռնադրուեցայ 1937 փետրուար 18-ին, Պուրթէի Ա. Հրեշտակապետ Եկեղեցւոյն մէջ ձեռամբ Տ. Տ. Յուսիկ արքեպիսկոպոս Ջօհրապետանի կողմէ հազարճըզի հայոց Սուրբ Յովնաննէս Աւետարանիչ Եկեղեցւոյն վրայ: Հինգ տարի քահանայագործեցի առանց թոշակի, որովհետև Երիցուհիին հետ ես ալ ուսուցչական պաշտօն վարելով, բարարար ամսական մը կ'առանայիմք:

Եկեղեցւոյն բոլոր զգեստները, գրքերը նորոգել տուի, ելէքտրականութիւն զետեղուցես և Աստուծոյ

տունը արժանի կերպարանք առաւ: Երբ 1940-ին, ռումէններու իշխանութիւնը վերցաւ, անոնց հետ և մեկնեցան 55 հայ ընտանիքներ Ռումանիա: Այժմ քաղաքը ունի 9700 տուն, 32.000 բնակչութեամբ, հազեր 120 տուն կը հաշուեն 450 հոգիով:

Հմայակ քահանայ Ջարդարեան
15 Յուլիս 1943, Տօպրիչ:

№ 270

ԱԻՇԱՍԱՐԱՆ

Թերթերը՝ 305 (304+Թ. 87ա):—**Պրակները՝** 27 հատ, յուրաքանչյուրը 12-ական թերթից, ի բաց առլալ հետևյալ պրակները՝ Ա՛ 5, ԻՉ (համարակազմած Զ)՝ 8 և ԻԷ (Համարակազմած Պ)՝ 2 թերթից են:—**Մեծությունը՝** 21.8×15×6.5 սմ.:—**Նյութը՝** դեղնած և կեղտոտած հաստ թուղթ:—**Կազմը՝** կաշեպատ տախտակ, որի վրա ճնշումով զարդեր են նկարված երկու երեսներին: Ժամանակին գամերով կազմին են ամրացված բազմաթիվ խաչեր, որոնք հետագայում պոկվել ու հանվել են:—**Պահպանակները՝** վերջում կան երկու թերթ դեղնած և կեղտոտած հաստ մագաղաթ:—**Վիճակը՝** բավարար:—**Գրությունը՝** երկպուն:—**Դատարկ թղթերը՝** 1ա-բ, 2ա-բ, 3ա-բ, 140ա, 281ա, 301ա, 303ա-բ, 304ա-բ:—**Տողերը՝** 21:—**Գծումները՝** ճնշումով:—**Գիրը՝** բոլորգիր:—**Ջարդագրություն՝** ձեռագիրն ունի հասարակ զարդագրություն: Կան չորս ավետարանիչների նկարները ամբողջական էջի ծավալով (թ. թ. 6բ, 84բ, 140բ և 231բ) և չորս խորաններ (թ. թ. 7ա, 85ա, 141ա և 232ա): Ձեռագրում կան բազմաթիվ հասարակ լուսանցագրողներ և մարդագլուխ թոչուններ, ծառեր և ծաղիկներ, խաչեր և զարդեր, թոչուններ և մի հատ էլ օձ: Կան բազմաթիվ հասարակ մարդագրեր, զարդագրեր և թոչնագրեր:—**Գրիչը՝** Պետրոս դպիր:—**Պատվիրատուն՝** անհայտ:—**Մաղկողը՝** անհայտ:—**Ժամանակը՝** 1659 թ.:—**Վայրը՝** Ջիլա գյուղաքաղաքի ս. Հակոբ վանք:—**Մանրությունը՝** սույն ձեռագիրը 1964 թ. նոյեմբերի 5-ին ստացված է Գվեր Բուլղարիո Թուրուխին քաղաքի հայոց Եկեղեցական վարչությունից, բուլղարահայոց թեմական խորհրդի միջոցով: Ձեռագիրը Հայաստան է բերված պրն. Ժիրայր Սիմոնյանի միջոցով:

ՀԻՇԱՍԱԿԱՐԱՆ

Թ. 297ա.—Փառք անեղ բանին Աստուծոյ երից միում կատարեալ առանձնաուրութեամբ և միաուրութեամբ ըստ աստուածութեան ետահրաշ անբաժանելի միասնական Սուրբ Երրորդութեան կրկնեալ փառք ի գոյից բնաից յիմանակելեաց և իս գալեաց ամէն գրեցա Սուրբ Աւետարանըս թվին ՌՃ և ութին ի գիւղաքաղաքն Ջիլայ, ի դուռն Սուրբ Յակոբայ: Արդ աղաչեմ սուրբ հանդիպողքդ տեսութեամբ կարդալով կամ արիճակելով յիշեցէք ի մաքրափայլ յաղաթս ձեր զանպիտան մեղաբ լցեալ Պետրոս անուն դպիրս որ անուամբս եմ կոչեցեալ և գործովս եմ հեռացեալ: Դարձեալ յիշեցէք ի յաղաթս ձեր զճնալոս իմ զՏէր Խաչատուր քահանայն և զմայրն իմ զԳե-

դեցիկն երեցկին, և զեղբայրն իմ զՄարտիրոսն և հարեղբայրն իմ զՄանուէլի վարդերեսն որ առ Աստուած փոխեալ է ձեր յիշողացս ողորմեացի և մեզ հայր մեր որ:

ՀԻՇԱՏԱԿԱԳՐՈՒԹՅՈՒՆՆԵՐ

(Ձեռագրի կազմի Ա. երեսի կոնակում)
1859-ին գրված:
Իջարու ճին Եկեղեցական վարչութիւն.
(Կա Եկեղեցական վարչության անընթեռնելի կտր կնիքը):

Թ. 1ա.—№ 178 և նախորդ էջի կտր կնիքը:
Թ. ք. 83ր.—84ա.—Այստեղ կա նախորդ ձեռագրի ք. ք. 277ա-ում նշված հիշատակագրությունը, գրված Հմայակ բահանա Չարդարյանի ձեռամբ, միայն հետևելիալ երկու ավելացումներով:

Թ. 85ր.—...1922-ին գաղթական եկալ վառնա, պարապեցայ սիկարի առևտուրով և 2 տարի ալ ուսուցչութեամբ, իբր տնօրէն (ավելացվել են հետևյալ վեց բառերը) վառնայի «Միսակեան» ազգային երկսեռ վարժարանի մէջ:

Թ. 84ա.—(Ստորագրությունից առաջ գրված է) Հոգևոր հովի Տօպրիչի հայոց:

Թ. 297ր.—(Հիշատակարանի շարունակությանը գրված է)

Այլ և արհմեացեզ զձեզ Տէր Աստուած մեր որպէս արհմեաց զվատոր արարածքն երկինք երկնայնոր և զերկիրս երկրայնօր զծովն ծովայնօր յօրն յօրայնօր զհրեշտակ և զմարդիկ արհմեաց նոյն արհմնութիւն աստուածային եկեացէ և հանգիցէ ի վերայ ձեզ իբր զցաղս գարնանահն և զճառագայթս արեգական ըստ մարգարէին զգանուկ և զանագան ի նտուկ ի տան, ի գնալ ի ճանապարհի, ի ննջել, և ի յառնել, ի առ և ի տուր, ի գնել և ի վաճառել, ի յել և ի մուտ, և ամենայն ինչ որ ձեռամբն է ընդ Քրիստոսի արհմնութեամբն եղիցի ամէն:

Հոգին Աստուած անեղն էութեամբ շրջեացի ի վերայ ձեզ և բաշխեացէ զպարգևս իր անսարկան և է և եղիցի ամէն: Կեցողանի և կենդանաբարն կենդանութեամբ պահեացէ զձեզ հանդերձ ննջեցեալք ձերովք ի յաշակողման դատուն և քրտուսցէ ի յօրն վերջին ամէն:

Թ. 298ա.—Աստուած ողորմի կնկահար Յակոբին Աստուած լուսաւորէ իր ճնողացն հոգոյն և սքանտ եղաւ այս Աւետարանիս, սքանտ եղաւ առնելոյ ամէնք սաւք տվալ Գ. դոշ. Աստուած ողորմի ամէն: Աստուած ողորմի թշեցի Մանուկին ճնողացն հոգոյն տվէր է յԱւետարանի յիշատակ Բ. դոտուշ Աստուած ողորմի:

Աստուած ողորմի Ազատի որդի Ասաքին ճնողացն հոգոյն, տվէր յԱւետարանին Ա. դոշ:

Աստուած ողորմի զիլեցի խոճայ Անդրեասին ճնողացն հոգոյն, տվէր է Աւետարանի Ա. դոտիւշ:

Աստուած ողորմի զիլեցի Մանուկին ճնողացն հոգոյն, տվէր է Աւետարանի յիշատակ Ա. դոշ:

Աստուած ողորմի ճիզմէճի Պետրոսի հօգն հոգոյն, տվէր յիշատակ Ա. դոշ:

Աստուած ողորմի Սազիս հարն հոգոյն, տվէր է յիշատակ Աւետարանին Ա. դոշ:

Աստուած ողորմի յեսայինն ճնողացն հոգոյն, տվէր Աւետարանին յիշատակ Ա. դոտուշ Աստուած ողորմի:

Աստուած ողորմի Կարապետին որդին Կիրակոսին իր ճնողացն տվէր է յիշատակ Ա. դոշ:

Աստուած ողորմի փութուղլու Սարգիսի հօր հոգոյն, տվէր է յԱւետարանին յիշատակ Ա. դոտուշ:

Թ. 298բ.—Աստուած ողորմի ամասիացի խոճայ Միրաքին հարն և իր ճնողաց հոգոյն, տվէր է Սուրբ Աւետարանին յիշատակ Ա. դոտուշ:

Աստուած ողորմի հալեացի խոճայ Տօպուէսին հարն և իր ճնողաց հոգոյն տվէր է Սուրբ Աւետարանին Ա. դոտուշ յիշատակ:

Աստուած ողորմի վահրվացի խոճայ Մշարոբին ճնողացն հոգոյն տվէր է Սուրբ յԱւետարանին Ա. գոլորայ յիշատակ Աստուած ողորմի:

Աստուած ողորմի ակէրկէցի Մարտիրոս տիրացոսին ճնողացն հոգոյն տվէր է յԱւետարանին կէս դոտուշ:

Աստուած ողորմի ակէրկէցի Ղազարին հարն հոգոյն տվէր է Սուրբ յԱւետարանին, յիշատակ կէս դոշ:

Աստուած ողորմի խոճայ Չարարին ճնողացն հոգոյն տվէր է Սուրբ յԱւետարանի յիշատակ կէս դոտուշ:

Աստուած ողորմի անէմ խոճայ Հարապետին հօրն ճնողացն հոգոյն տվէր է Աւետարանին կէս դոտուշ:

Աստուած ողորմի ամասացի խոճայ Եղիային ճնողացն հոգոյն տվէր է յԱւետարան յիշատակ կէս դոտուշ:

Թ. 299ա.—Աստուած ողորմի ամասացի Յարութինն ճնողացն հոգոյն տվէր է Սուրբ յԱւետարանին յիշատակ Գ. թիմին:

Աստուած ողորմի դաշտեցի խոճայ Մշարոբին ճնողացն հոգոյն տվէր է Սուրբ յԱւետարանին յիշատակ կէս դոտուշ:

Աստուած ողորմի Էթարին ճնողացն հօրն և մարն հոգոյն տվէր է Սուրբ յԱւետարանին յիշատակ Գ. Լոուպ:

Աստուած ողորմի գաւառնացի Մարթային հօրն և ճնողացն հոգոյն տվէր է Սուրբ յԱւետարանին յիշատակ կէս դոտուշ:

Աստուած ողորմի յԱխիճանի դստերն Վարդիաթունինն ճնողացն հոգոյն տվէր է Սուրբ յԱւետարանին յիշատակ կէս դոտուշ:

Աստուած ողորմի գաւառնացի Աննայինն ճնողացն հոգոյն տվէր է Սուրբ յԱւետարանին յիշատակ Բ. թիմին:

Աստուած ողորմի վահրալացի Պետրոսին ճնողացն հոգոյն տվէր է Սուրբ յԱւետարանին յիշատակ կէս դոտուշ:

Աստուած ողորմի մեղրեցի Յովակէսին ճնողացն հոգոյն տվէր է Սուրբ յԱւետարանին Ա. Լոուպ:

Աստուած ողորմի վահրալացի Ղազարին ճնողացն

հոգոյն տվէր Սուրբ յԱւետարանին յիշատակ Բ. թիմին:

Աստուած ողորմի կարճիվանցի Հախվէրտին ծնողացն հոգոյն տվէր է Սուրբ յԱւետարանին յիշատակ Ա. էռուպ:

Աստուած ողորմի կարճիվանցի Յոհաննին ծնողացն հոգոյն տվէր է սուրբ յԱւետարանին յիշատակ Ա. էռուպ:

Աստուած ողորմի գեռնեցի Յունանին ծնողացն հոգոյն տվէր է Սուրբ յԱւետարանին Բ. թիմին:

Թ. 299թ.—Աստուած ողորմի զիւլեցի մեղտէսի վարդէրեսին իւր հոգոյն և իւր ծնողացն տվէր է Սուրբ Աւետարանին Բ. դոռոշ յիշատակ:

Աստուած ողորմի զիւլեցի Գիրիգորին ծնողացն հոգոյն տվէր է Սուրբ յԱւետարանին յիշատակ Ա. էռուպ:

Աստուած ողորմի զիւլեցի Ղազար տիրացուն ծնողացն հոգոյն տվէր է յիշատակ Սուրբ յԱւետարանին Ա. էռուպ:

Աստուած ողորմի մարսէվանցի Պետրոսին ծնողացն հոգոյն տվէր է Սուրբ յԱւետարանին յիշատակ Ա. էռուպ:

Աստուած ողորմի մեղրեցի Սարգիսի որդի Յոհաննին ծնողացն հոգոյն տվէր է յԱւետարանին յիշատակ Ա. էռուպ:

Աստուած ողորմի մեղրեցի Յովանէսին ծնողացն հոգոյն տվէր է Սուրբ յԱւետարանին յիշատակ կէս դոբշ:

Աստուած ողորմի քորուոյլու Սարգիսին հարն Հիւրմուզին հոգոյն Սուրբ Աւետարանին վրայ յիշատակ դրէր Սուրբ Խաչն Աստուած արհնէ յիշատակ:

Աստուած ողորմի կորսեցի Կիրակոսն տվէր իւր տղին հոգուն մէկ պասամյ շապիկ:

Աստուած ողորմի կեռննասեցի Պետրոսի որդի Աղայճանին տվաւ Սուրբ յԱւետարանին մէկ թուլթ:

Թ. 300ա.—Աստուած ողորմի Տէր Ովանէսի յիրիճկընն տվաւ յիշատակ մէկ յսկի դարախ մի:

Աստուած ողորմի վահրահվացի Մինասին և իւր ծնողացն մահտէսի Մատուրին տվէր է Սուրբ յԱւետարանին յիշատակ մէկ դազան, մէկ վարագոր, մէկ յաղի տիպէկ, Աստուած ողորմի:

(Գրվել սակայն հետագայում ջնջվել է.—

Աստուած ողորմի բարեցի Տէվրանի յորդի Մէսէպն տվէր է յիշատակ մէկ լէկէն, մէկ յիպրուղ, Աստուած ողորմի):

Աստուած ողորմի դարախճի Սարգիսին ծնողացն տվէր է յիշատակ Սուրբ յԱւետարանին մէկ խորհրորդատ տէտր մի Աստուած ողորմի:

Աստուած ողորմի Փիրիճան հորն հոգուն տվէր է յիշատակ մէկ էպր յուղ, կէս յԱւետարան, Աստուած ողորմի:

(Այս տողերը առնված են շրջանակի մեջ.—

Աստուած ողորմի Տէր Սարգիսի յորդի Զազարն տվէր է յիշատակ կէս յԱւետարան հորու հոգուն):

Աստուած ողորմի մեղրեցի Նուպարի որդի Փիլիպոսին ծնողացն տվէր է յիշատակ մէկ լէկէն, մէկ յիպրիս:

Աստուած ողորմի Տվլէդին հորն տվէր է մէկ շապիք:

Աստուած ողորմի վարճվառացի պարոն Ոնանին հորն է մորն հոգուն տվաւ Սուրբ յԱւետարան յիշատակ մէկ ճաշոց քիթք:

Թ. 300թ.—Աստուած ողորմի Տէվլէ հորն և մորն հոգուն տվէր է յիշատակ մէկ շապիք, մէկ շաղիս, Աստուած ողորմի:

Աստուած ողորմի Սիհամիրի հոգուն տվէր է մէկ խաշ:

Աստուած ողորմի յազին Ղազարին ծնողացն տվէր է յիշատակ մէկ շարական մէկ ժամայքիթք:

Աստուած ողորմի դաշտնէցի Յարութիւնին հոգուն տվէր է յիշատակ մէկ ժամայքիթք Տէրին:

Աստուած յողորմի վահրաւլեցի Յովանիսին պարոն Հարօնին ծնողացնն տվաւ հաճի օլլու Պազարճոք յիշատակ մէկ յայսմաւորք Աստուած ողորմի:

Աստուած յողորմի Սողմոնի հորն և մորն հոգուն տվէր է յիշատակ մէկ շապիք Սուրբ յԱւետարանին:

Աստուած ողորմի կորսաեցի Ղազարին կամ Նազարին, իւր որդոցն ձնողացն հոգուն դուաւ յիշատակ Սուրբ Աստուածածին Աւետարանին Ա. լաւատեցի, Աստուած ողորմի:

Աստուած ողորմի Գիրգորի որդի Թորոսին մօրն...

Աստուած ողորմի վառնացի Գասպարին հորն...

Թ. 301թ.—Պատճառ գրոյս այս է թվին ՌՄԻԳ (1774) որ Մուքովն մեզ երեք Խամախ եւ պազարճուլցի քուրք վարդանէսի որդի Ապրահամըս այս Սուրբ Կարմիր յԱւետարանս Մուքովի ձերբեն առի վասն իմոյ անձին յիշատակ և ծնողաց իմոց որ յիշատակ լից այս են, անուվանքն որ ըն(թ. 302ա)-դերձողքն յիշեն այս հոգիք են նախ զհայրն իմ վարդանիս, մայրս Մանուշակ, Նահապետն, Յովաննէան, չալըք ողլու Ապրահամ, Խաչատուրն, Գիրգորն, մահտէսի Գասպարն և համայն կենդեղանիքն իմ և հանգուցեալքն յիշողքն յիշեալ լիցի ի Քրիստոս, Ամեն:

Թ. 302թ.—ՌԸՀին եւ Տէր Կարապետ անարժան և մեղօք զառածեալ ծառայս Քրիստոսի եկա յայս հըք օղլու Բազարճըլս զիւղիս քահանայագործութեան և տեսի տգիտութիւն և անկարգութիւն տղայոց յանձն առի կամա փոքր ի շատեն ըստ կարեացս աշխատիլ և յառաջ բերել մայրենական լեզուս մեր ձրիարար և մատակարարիչն Հոգին Սուրբ ոչ ի թերեւս եհան զաշխատութիւնս մեր, ի լրման երկու տարուսս առ հասարակ մանկուցք սկսան հայերեն խոսակցութեան և տղեկանալ Աստուածային Սուրբ Գրոց. խնդրեմ ձեզմէ ով բարեւիրտ ընդերցողք պաղատելով խնդրեցեք ի Տեսնէ թողութիւն անսւկի մեղացն իմ, և յիշեցեք զիս և զննչեցեալ հայրն իմ վարդանէան և մայրն իմ Նազուն և երեցկիցն իմ Եղիսարէթն, և քոյրն իմ Աննան, և դուստրն իմ Սըրբուհին, և համայն ննչեցեալքս զի և դուք յիշեալք լիջի: ի բարեբար Փրկչէն մերմն Յիսուսէ Քրիստոսէ Ամէն:

(Շարունակելի)

ԱՄԵՆԱՅՆ ՀԱՅՈՑ ՎԵՂՓԱՌ ՀԱՅՐԱՊԵՏԻ ցավակցական ֆուտբոլը ՍԱՀՄ Մի- նիստրների սովետի նախագահ Ա. Ն. Կոսիգինին՝ սովետական երեք տիեզերա- գնացների զոհվելու տխուր առիթով	3
ԱՄԵՆԱՅՆ ՀԱՅՈՑ ՎԵՂՓԱՌ ՀԱՅՐԱՊԵՏԻ կոնդակը Կալկաթայի հայոց Մարդա- սիրական ճեմարանի 150-ամյակի առիթով	4
ԱՄԵՆԱՅՆ ՀԱՅՈՑ ՎԵՂՓԱՌ ՀԱՅՐԱՊԵՏԻ կոնդակը Ամերիկայի Միացյալ Նա- հանգաց Թբոյ քաղաքի հայոց ս. Պետրոս եկեղեցու օժանդակ առիթով	7
ԱՄԵՆԱՅՆ ՀԱՅՈՑ ՎԵՂՓԱՌ ՀԱՅՐԱՊԵՏԻ կոնդակը Ամերիկայի Միացյալ Նա- հանգաց հայոց եկեղեցու երիտասարդաց կազմակերպության 25-ամյակի առիթով	9
Մոսկվայի և համայն Ռուսաստանի Ն. Ս. Ս. Պիմեն նորընտիր Պատրիարքի ընտրու- թյան և գամակալության հանդիսությունները	12
Հոգևորականաց համագումար Միացյալ Նահանգների հայոց արևելյան թևի	17
Հեղինակահատ Մայր տաճարում տաղանդավոր բանաստեղծ Պարույր Սևակի ողբեր- գական մանվան տխուր առիթով	19
ԳԻՐՈՒՅՐ ՍԵՎԱԿ	
Հայաստան	24
Մոր ձեռքերը	24
Անլուսի Զանգակատուն (հատվածներ)	25
Ամավերջի հանդիսություն հոգևոր ճեմարանում	28
ՄԱՅՐ ԱԹՈՒՌՈՒՄ	32
ԿԱՄՄԱՐ ԱՎԵՏԻՍՅԱՆ—Ուխտագնացություն դեպի Տարև	35
Աղոթք Ներսես Շնորհալի Հայրապետի խաղողի օրհնության համար	43
Աղոթք ս. Եղիշե վարդապետի Քրիստոսի պալկերպության (Վարդապետի) տունին առիթով	45
ՎԱՀԱՆ ԵՊԻՍԿՈՊՈՍ ՏԵՐՅԱՆ—Հայոց Հայրապետների շիրիմների մասին	51
ԳՐԻԳՈՐ ԱՐՇԱԿԻ ՀԱԿՈՒՅՅԱՆ—Շարակնոցն իբրև հոգևոր երգերի ժողովածու	56
ԲԱԳՐԱՏ ՈՒՎՈՒԲԱԲՅԱՆ—Գաղի կամ Խոյսա վանք	62
ՅՐԵՂԵՐԻԿ ՄԱԿԼԵՐ—Հայաստանը և Իսլանդիան	73
ԽԱԶՍՏՈՒՐ ԶՈՒՄԵՇՈՒԳԻ ԱՄԻՐՋԱՆՅԱՆ—Հին բարերանական Բևա աստծու կեր- պարը Մովսես Խորենացու «Հայոց պատմության» մեջ	77
Օ. Ա. ԵԳԱՆՅԱՆ	
Հովհաննես ծ. վարդապետ Գրիգորյանի հայերեն ձեռագրերի հավաքածուն	83
Սարգիս Հայկունու «Բագրևանդ» գրքում հիշված ձեռագրերը	84
Նարինան Մելիք-Զոհրաբյանի հայերեն ձեռագրերի հավաքածուն	85
Յուզակ Մայր Աթոռ ս. Էջմիածնի նոր ստացված ձեռագրերի	87

**ԽՄԲԱԳՐՈՒԹՅԱՆ ՀԱՍՑԵՆ
ՀԱՅԿԱԿԱՆ ՍՍՀ, ԷՋՄԻԱՄԻՆ
«ԷՋՄԻԱՄԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ**

Армянская ССР, Эчмиадзин, Редакция журнала «Эчмиадзин»,
Rédaction de la revue «Etchmiadzine», Etchmiadzine, Arménie, URSS

Հանձնված է արտադրության 27/V 1971 թ.: Ստորագրված է տպագրության 9/VIII 1971 թ.:
Տպագրական 6 մամուլ, թուղթ 60x84¹/₈, պատվեր 392

Մայր Աթոռ ս. Էջմիածնի տպարան, 1971 թ.